





Ex Bibliotheca
majori Coll. Rom.
Societ. Jesu

48¹⁵ 5 21


14-14/a, 4

48
C
43

~~48
48
40
41~~











Microcosmus



Immobilis

Vitream factura ruinam



Non fabro sed verbo





**MICROCOSMVS
IMMOBILIS,**

Sen

COMPENDIVM

Vniuersæ Philosophiæ,

EMINENTISSIMO

PRINCIPI

D. PETRO

OTTHOBONO

S.R.E. Cardinali, & Episc.

Brixia, ac Princ.

Dicante

BERNARDINO BARTOLO

Brixienſi Sacer.



Mantua, Apud Oſanas, Typ. Duc. 1746

SVPERIORVM PERMISSV


Auth. Gortardo Bellhomo S.I.







EMINENTISSIMO,
A C
REVERENDISSIMO PRINCIPI
D. PETRO OTTHOBONO
S. R. E. Cardinali
Episcopo Brixiae, ac Princ.
F.



VI Magnam Vniuersi
orbis constructionem
suo ipse opere maior
fabricatus est Deus,
non illam alij; sed vni sibi dicauit,
Em: Princeps, illud, si libeat in-
terpretari, professus vnum se pre-
stare posse opificio suo lucem si-
mul, & umbram. Et verò ser-
uant

uant etiamnum inoffensi caracte-
res inscriptum latè operi supre-
mi nomen Opificis : Natiuaquè
decoris tanti harmonia vno qui-
dem; sed multa iam secula con-
tinenti spiritu , qui intus alit,
eò personat modulatio , quò
gratiosius quod sit , quod vi-
geat suo modulatur auctori . Sed
quam diuerso fato emergit in
lucem non suam meus hic orbis,
Princeps Em. Vt vt enim per-
exiguus , maior tamen authore
suo. (quando homo homini Deus
est) numen quærit , & quoniam
eris ipse mihi semper Deus , non
alio , quam tuo postulat Nomi-
ne insigniri , eaque lucis aura vi-
nere ac muniri , qua tantum vt
frueretur , fuit ipsi nasci iucun-
dum . Me quoque Magnificen-
tissima illa Maiestas , qua pri-
mùm Optimus ipse , ac summus
honorum omnium studia , bo-
nasque artes foues ac tegis , me
fecit illa supplicem tuum ; quo
laborem hunc meum , ea obtester,
excipias , quam summam præte-
fers ,

fers, animi benignitate, clementissimè parcens; si tenuis grandia conatus culpa ingenij detriui id ipsum, quod, dum tuis aris aduoluitur, adhuc vsquè, & vsquè præ magna tui ipsius præsentia decrescit. Quod si Alexandro Macedoni Stasicles destinarat ex Atho omnium Thraciæ Montium altissimo simulacrum effingere, quod sinistra urbem amplexum dextra flumen effunderet (exiguum certè iam totius orbis victori, ac domino Monumentum) quid ni orbem ipse non urbem tibi consecrem, Em. Princeps, cui iam nobilissimam orbis partem Brixiensem Dioccesim clementissimo imperio temperanti orbis vniuersus triplex coronamentum molitur olim adoraturus & pedes, vt nunc suspicit caput.

Ita est Mentitus Atlantem, vt paruitati meæ consulerem, Mundum exhibeo Em. Princeps: puduit enim me tibi sistere, si quid minus orbe toto deferrem.

Neque verò vitreus iste est aut
armillaris quales fecere sphæras
Archimedes, & Aratus: & alte-
ram quidem vitrea perituram
ruina, alteram malè explican-
tem factò, quod Verbo condi-
tum fuit. Sed literarius est Mun-
dus ad illam ipsam primam di-
uini opificis, quantum præ mor-
talis ingenij tenuitate licuit, con-
formatus Ideam, vnde primùm
factus orbis emerfit. Et istum
quidem materiatum orbem suo-
pte ingenio mobilem, & vario
interitu hinc illinc pronum ab-
sumi nunquam cessans tempestas
sus deque sic agitat, vt frustra
ad ipsum dimouendum nescio
quis optarit consistere: At or-
bis iste meus iam tuus (verbo
absit inuidia) immobilis esto:
quod eò nequaquam certè dixe-
rim, quasi iactabundus nihil hìc
censeam dignum loco moueri:
Sed præterquam quod ipsa di-
gnitas scientiarum per se se im-
mota est semper, ac stabilis, tu
Em: Princeps (vt decet benefi-
cium

cium Principis esse mansurum)
beneficio tuo iam figis ; & sicuti , quod es , quod sapis , immortale quiddam est , ac diuinum ; ita quicquid incipit esse tuum , iam in cognatam transfers ideam optimi , & donas æternitate . His ego animis triplex Philosophiæ stadium emensus ita vnâ hanc metam studiorum meorum constitui Nomen tuum , vt vel sapientia ipsa desipuisset , nisi , quod sperauerim tibi posse me sapere , sapuisset . Tu verò , Princeps Em: , clementissimæ Augustæ Mentis facilitate , dum totus in obsequium tuum effundor , tuo patrociniop excipe fortunatum ; vt fortiter beneficio tuo sustineam , quæ periucundè tibi tuæque gloriæ studia confeci gradum factura grauioribus disciplinis , si te senserint non improbauisse minores . Vale .

Emin. Tuæ Reuerendiss.

Deuotissimus seruus

Bernardinus Bartolus.



Optimo Lectori.



PA R C E , optime lector, inculto, & festinato libello, quem imprudentior sanè Lucina non sponte nascentem excepit, sed abortivum vi extraxit, dum ad meliorem organizationem vterus lentior ille quidem, sed studiosè tamen, ac timidè festinabat. Habes alia prolixius, alia digesta brevius, pro vt communioribus, aut minus communibus plus, minusve censuimus immorandum; nempe vt consuleremus claritati potius, quàm moli non magnopere in paruo metuendæ. Ordinem aut doctrinæ, aut naturæ rerum in vniuersum ne require; cum enim tenere commodius visum est, quem idonea in pauca partitio, consiliumque scribendi suasere: quando hic non docemus, sed exponimus, quod didicimus; vt ita quem animo composuimus mundum, utinam non muliebrem, magno illi, ac diuino Mundo, partibusque illius opportunius correct.

respondere videatur . Illud ex animo
profitemur , nos hîc vno veritatis duci
studio , quam tam sanctè , tamque syn-
cera , & quieta speculatione secuti sumus ,
vt , si multa (quod quidem credimus , &
dolemus) incautius exciderint , at certè
nihil affectata rerum nouarum ambitio
intulerit , nihil iacta alea sententiæ obsti-
natoris extorserit . Vale .



a s



IN-



INDEX

CAPITVM.

Partis Primæ.

- Cap. 1  *Vid sit Scientia.*
pag. 2
- 2  *De Scientia partiali, & totali
actuali habituali, vbi & de
habitibus.* 10
- 3 *Diuisio scientiæ in primam,
& secundam speculati-
uam, & practicam.* 19
- 4 *Diuisio scientiæ in Metaph.,
Physic., & Mathem. vbi
& de Sacra Theologia.* 37
- 5 *De Logica, & Obiecto eius.*
54
- 6 *De tribus intellectus opera-
tionibus.* 66

Partis

Partis Secundæ .

Cap. 1	D E principijs corp. naturalis .	92
2	De Natura .	110
3	De Causis .	115
4	De Natura Actionis,	128
5	De Quantitate, Infinito, Loco, & Vacuo .	153
6	De Motu .	166
7	De Generatione, & Corruptione, & Alteratione .	174

Partis Tertiæ .


Cap. 1	D E Natura Mundi, & Celi in vniuersum.	188
2	De mundi, ac rerum duratione, inceptione, desitione .	197
3	De Anima, & animato in communi .	216
4	De Anima vegetatiua .	228
5	De Anima sensitiva .	236
6	De Anima rationali .	246

Partis Quartæ .

- Cap. 1 **D**E Natura Entis , vbi
de possibili , & nega-
tuo . 262
- 2 De Ente rationis , & per ac-
cidents . 288
- 3 De proprietatibus Entis . 304
- 4 De distinctione Entis . 322
- 5 De Ente vel à se , vel ab alio .
342
- 6 De substantia , & accidente ,
qualitate , relatione , situ ,
& habere . 348



In-



Index rerum ,

Quæ in hoc libello vberius
explicantur .

A

Actio non est entitas modalis .
pag. 128. nu. 63. nec forma-
litas. 134. 72. quid sit. 135. 73.

Actio in distans. 148. 92.

Actiuitatis sphaera . 149. 93.

Actiuitas nec ab actione, nec ab agen-
te distinguitur plusquam ratione ,
135. 73.

Accidens quid sit . 321. 86, & 355,
138.

Aeternitas quid sit . 211. 43.

Ab Aeterno nihil fieri potuit. 214. 47

Auum . 203. 30. & 207, 36. &
213. 46.

Anima quid sit. 216. 52. eius diuio.
54. informatio ibi.

Animæ in singulis homog. 219. 57.
Vni-

Vnica in singulis. 219. 58., &
246. 112.

Anima rationalis sola indivisibilis.
217. 54. est immortalis euidenter.
248. 113.

Animal successu viuendi manet idem,
quod primò genitum est. 228. 74.

Antiperistasis. 151. 97.

Appetitus. 245. 109. contrarij etiam
precisè à corpore. 247. 112.

Apprehensio, intellectus quid. 66. 91.
& 237. 92. Non est obiectum lo-
gicæ. 57. 76.

*Aristoteles benè sentit de futuro con-
ting.* 79. 114.

Ars quid. 31. 39., & 113. 36.

Arte quæ fieri possint. 114. 37.

Astronomiæ difficultas insuperabilis.
190. 7.

Astrologiæ iudiciariæ vanitas.
192. 13.

Axiomata quæ. 23. 29. & 28. 35.

B

Bonitas Entis. 316. 77.

C

Celi, & Mundi sistema. 190. 8.
Cele-

Celestium influxus . 192. 12.

Causa quid , & quotupl. 115. 39.

*Causa obedientialis, partialis, princip.
instrum. 121. 49.*

Causa efficiens prima, secunda. 116.

*40. Non potest esse imperfectior
effectu quomodo & cur. 126. 60.*

plures totales vt ad eundem effectum . 122. 51. & 147. 90.

Cerebrum primum Membror. 224. 67.

*Cognitio vera non transit in falsam .
83. 120.*

*Cognitio potest comprehendere non viso
eius obiecto . 298. 52.*

*Cognoscendi principia . 19. 25. , &
25. 31.*

Cognoscendi ordo ibid. & 252. 121.

Primum cognitum . 25. 31.

Color . 240. 100.

*Conclusio non attingit obiectum pre-
missarum . 86. 125.*

Condensatio . & raref. 231. 80.

Contradictoriae propositiones. 77. 110.

Contraria. 359. 146.

Cor an primum membrorum. 224. 67.

Creare vt Dei proprium . 117. 41.

De-

D

- Decretum Dei non est ipsa actio creaturæ . 141. 81.*
- Definitio quotupl. 61. 83. est vel demonstratio vel axioma . ibid. quomodo à diuisione distinguatur . 63. 85.*
- Demonstratio triplex à priori , à posteriori, à simul. 37. 46. & 48. 63.*
- Densatio, & rarefactio . 231. 80.*
- Dependentia à priori , à poster. à concomitanti. 102. 19.*
- Dependentia effectus necessaria , contingens . 136. 75. , & 130. 67.*
- Desitio , & inceptio rerum. 208. 38.*
- Deus quomodo prima causa. 117. 41. 130. 67.*
- Dei cognitio erga possibilia . 273. 17. erga negationes . 284. 34. erga ens rationis . 293. 46.*
- Differentia specifica non consistit in eo quod sit notabilis . 340. 116.*
- Distinctio formalls . 324. 90. . & 134. 72.*
- Distinctio modalis , 333. 105.*
- Distinctio rationis . 330. 101.*
- Discursus . 85. 123. eius vis ibid. , &*

¶ 87. 126.

Diuisio u. Definitio.

Diuisio totius vniuersalis ibi, ¶
342. 117.

Duratio quid. 197. 20. identificatur
rei duranti. 21. triplex. 201. 26.
permanentium successiua, ¶ di-
uisibilis. 203. 30. Dei tota simul.
211. 43.

E

Effectus cur, ¶ quatenus non perfe-
ctior sua causa. 126. 60.

Elementa. 178. 147. manent in mixto.
181. 155.

Enunciatio quid, ¶ quotupl. 75. 107.
enunciations contradict. quæ ibid.
110. *de futuro conting. 79. 114.*
enunciatio non transit de vera in
falsam. 83. 120. non est obiectum
logicæ. 58. 87.

Ens quid. 265. 6. est ratio simplicis-
sima notissima, ¶ prim. cognitum.
26. 33. ¶ 262. 2. *entis nomē ibid.*
proprietates. 304. 58. vniuocatio
¶ analogia. 312. 71. ¶ seq.

Ens per accidens. 303. 57.

Ens rationis. 288. 39. dicit essentia-
liter

*liter term. complexum . ibid. 40.
non fit à Deo. 293. 46. nec à poten-
tijs sensitivis . 389. 41. nec ab ap-
petitivis . 291. 43. nec à cognitio-
ne vera . 292. 45. ens rationis se-
cundùm quid non datur . 291. 44.*

F

*Falsitas cognitionis. 82. 119. duplex.
ibid.*

Falsitas transcendent. 313. 73.

Fides , opinio , & scientia . 5. 7.

*Formido, & obscuritas non sunt de es-
sentia opinionis nec proprietates ip-
sius . 7. 9.*

*Finis , & finalis causa . 124. 56. an
moueat . ibid. 57.*

Futuri conting. propositiones. 79. 114.

*Forma substantialis. 103. 20. perficit
materiam . ibi. vt causat composi-
tum . 122. 52.*

*Formæ partiales admittendæ. 220. 59.
ijs sublatis tollitur plurimum di-
uersitas temperamentis , iuuentutis,
senectutis , ægritudinum, &c. ibid.*

Formatitates . 324. 90.

G

- Generatio, & corruptio.* 174. 141.
Genita ex putri, &c. 174. 142.
Generationis terminus. 177. 145.
Graduū metaphys. distinctio. 324. 90.
similitudo. 327. 97.

H

- Habitus quid.* 11. 13. *acquisiti non distinguuntur à speciebus intensio-ribus.* 13. 15. & 14. 18. *Dantur tantum in potentijs cognoscitivis internis.* 12. 14.
Habituū intensio. 17. 22. & 356. 141.
Hæcitas non est proprietas. 308. 65.
Homo ut manet successu vivendi idem qui primò genitus est. 228. 74.

I

- Idea non sunt obiecta artium.* 64. 88.
Idea non est quinta causa. 125. 59.
Inceptio, & desitio rerum. 208. 38.
Infinītū categorem. syncateg. 156. 106
Instantia. 208. 38. & 211. 42.
Intellectus agens an detur. 252. 121.
Intelligēdi ordo. ibi. & 19. 25. *et seq.*
Intensio. 356. 140.

Li-

L

- Libertas* . 256. 127.
Locus , *ubicatio* . 153. 110.
Locatum pluries . 161. 117.
Logica naturalis , *artif.* 54. 72.
 logica obiectum . 55. 74.
Logica ex æquo practica , & *speculat.*
 63. 86. , *docens* , *utens* . 64. 87.
Lumen . 238. 95. *ut propagetur* . *ibi* .

M

- Materia prima euid.* 95. 8.
Mater. & *for.* *erga cõpositũ.* 123. 53.
Mathem. scientiæ natura , *diuisio* .
 46. 60.
Maxim. & *minimum phys.* 155. 104.
Memoria . 255. 126.
Mensura . 202. 28.
Metaphysica scientia . 40. 50.
Mixtio , 181. 155.
Mixtorum temperam. 184. 160.
Motus . 166. 126.
Motus locatis non instant. 167. 130.
Motu locali duplex qualitas , *seu impetus* *producitur.* 169. 132.
Motus local. *an. causa calor.* 173. 140
 cur in fine velocior. 173. 139.
 Mun-

Mundi sistema difficile . 190. 8.
Mundus an ab eterno. 214. 47.
Mutatio . 106. 26.

N

Nominū significatio notabilis. 263. 3.
Natura quid sit . 110. 30. Indemon-
strabilis. 32. quæ sint natura ibi. 33
Negatio, ens negatiuum . 279. 27.
Negat. proposit. vt vera. 284. 34.
Nunc quid sit . 211. 42.

O

Oculus an transmittat species vt vi-
deat . 241. 101.
Opinio cum scientia, & fide . 5. 72.

P

Passio quid . 152. 99.
Phyfica scientia . 43. 54.
Possibile ens . 268. 11.
Præcognita , præcognitiones. 88. 129.
Principium quid & quotup. 92. 2.
Principia cognoscendi . 25. 31.
Principia mutationis tria ratione, duo
tantum realiter. 94. 6. & 106. 25.
Privatio quid . 106. 25. principiat
quando vltimò est . 108. 28.
Pre-

Processus in infinitum . 343. 119.
Propositio identica vt per se nota , &
perutilis . 22. 28.
Propositio per se nota, non per se nota.
23. 29. & 87. 126.

Q
Qualitas . 355. 139. sola intensibilis.
ibi. 140.
Quantitas . 153. 100.

R
Rarefactio , & condens. 231. 80.
Reactio . 152. 98,
Regressus demonstrat. 89. 131.
Relatio transcend. comprehendi potest
non viso eius termino . 298. 53.
Relatio predicament. dicit duo in re-
cto , non est tamen merus conceptus
dualitatis . 361. 149.

S
Scientia quid, & quotup. 2. 2. datur
in nobis de nouo ibi.
Scientiæ aliæ diuisiones . cap. 2. 3. 4.
primæ partis .
Scientia , opinio , fides . 5. 7.
Scientiar. subalternatio , permixtio ,
50. 65. Sen-

Sensatio . 236. 91.

Sensus . an attingere possit spiritualia.

237. 94. laeditur excessu sensibilis.

243. 105.

Signum quid . 68. 93.

Signum ut quod naturale an detur .

69. 95.

Similitudo graduum Metaphysicor.

328. 97.

Sonus . 241. 102.

Spatia imaginaria . 165. 125.

Substantia , & *subsistentia* . 348. 128.

Syllogismus . 85. 123. eius vis ibi.

T

Temperamenta Mixtorum . 184. 160.

Tempus . 201. 26. & 28. est improprie duratio . 29.

Terminorum diuisio . 67. 92.

Theologia . 49. 64.

V

Vacuum . 164. 123.

Verbum mentis , eiusque dictio .

255. 125.

Veritas formalis . 80. 115. quotupl.

116. primæ apprehensionis , & iudicij . ibi. ad veritatem cognitionis

non

non requiritur esse actuale obiecti .
ibi. & 276. 22.
Vera cognitio non transit in falsam .
83. 120.
Veritas transcendent . 313. 74.
Vita . 216. 52. vniuocè dicitur . ibi.
Viuens successu viuēdi manet idē, etc.
228. 74.
Vnio compositi . 123. 54.
Vnitas entis . 305. 60. Vniuocatio .
312. 71.
Vnitas vniuersalis. 311. 69.
Voluntas . 256. 127.
Voluntatis imperium . 258. 131.

FINIS.

EMI-



PARS PRIMA

O R I E N S ,

ſeu

DE SCIENTIA.



I.



QUOD Deus in opificij ſui molimine prima ſtatim die per omne theatrum ſecuturæ creationis diffuderit lumen, hæc loco nobis imi-

tandum eſſe arbitrati ſumus, vt primùm omnium naturam ſcientiæ exequamur, quæ nimirum ad inſtar luminis tum ſui manifeſtatiua, tum alterius & Orientem hunc ritè impleat, &, quæ ceteris in partibus huius Microcoſmi ſtatuenda ſunt, ità opportunè colluſtret, vt, quantum

A

fieri

fieri potest, nihil vlla iam occurrat in parte, quod scientia vel super se ipsam reflexa, vel per ceteras obiectorum dispersa facies proportionata non actuet claritate, & quasi oculis intuendum exponat.

C A P V T I.

Quid sit Scientia.

2. **E**ST ergo scientia (proprie quidem; sed latius tamen usurpato vocabulo) intellectio quælibet certa, & euidens, quam certum est dari primum in Deo intuitiue comprehensiuam respectu omnis scibilis, deinde in Angelis, partim intuitiuam, tantum, partim comprehensiuam etiam, imò & abstractiuam, tum non discursiuam, tum discursiuam; variè pro varia aut naturæ ipsorum præstantia, aut obiectorum scibilitate: tertio in humanis (& quidem præter infusam paucis concessam) de nouo naturaliter acquisitam vñu, & exercitatione cognoscendi. Vt enim habemus ad ipsam natiuum instinctum, ac vires, neque per se, neque per accidens naturaliter in vniuersum impedibiles; sic id assequimur, vt sciamus; & de facto non parua metaphysicè, physicè,

ficè , mathematicè certò intelligimus , quæ pueri ignorabamus : nempe sua est inter intellectum nostrum , intelligibilia-que proportio , qualis prope est inter visibile , & visuum ; vnde , sicut datur in nobis visio , vbi per præsentiam visuam pro libito feramur in visibile ; ita datur in nobis scientia , vbi rite feramur in scibile .

3. Est etiam illud certissimum argumentum dari scientias in nobis , quod passim in scripturis habentur principia scientifica , & discursus tum forma , tum materia eiusdem rationis cum ijs , quæ nos naturaliter adhibemus in scientijs ; cuiusmodi sunt illa : Non potest arbor bona malos fructus facere , nec arbor mala , &c. & : Si vos , cum sitis mali , nostis bona data dare filiis vestris , quanto magis , &c. & : reddite ergo quæ sunt Cæsaris Cæsari , & quæ sunt Dei , Deo . Ex his enim conficitur , vera ergo a nobis intelligi , & bonas methodos ad intelligendum , & discurrendum usurpari .

4. Neque verò aut error est Creatoris , quòd rationalem animam creet nihil scientem : an enim error est produci animata mole minora iustis staturis suis , cum perfectà primò fiant hoc ipso , quod habent vim comparandi pro corpore , aut spiritu , quæ desint ? aut dicendi sumus

solummodò reminisci, cum nec sit obseruare vllum rationabile indicium, aut in memoria, aut in totis nobis scientiæ vllius præhabitæ, nec quomodo in obliuionem venerimus, & frustra creasset Deus omnes, vel multas scientias in anima post corporeis formis breui ita delendas, vt ne sciremus quidem, quod præfuerint.

5. Quod si quandoque pueri interrogati circa quæstiones scientificas rite responderunt, fuit illud non ex reminiscencia, sed vel quia interrogati fuerunt de clarissimis, primisque principijs, vel ordinatè de proximis ad prima principia. Obiectorum autem corruptibilitas non impedit scientiam nobis, sicut non impedit Deo; quia, vt vt corruptibilia sint; habent tamen prædicata essentialia ipsis verè, vel conditionaliter, vel absolutè conuenientia, vt de possibilium cognitione a numero 17. dicitur: respectu quorum habet scientia esse fixa, & immobilis: non item illam impediunt errores sensuum, qui aut non errant, aut corriguntur tum multifariam, tum maxime se se euehente intellectu supra res non sensatas. Quod si Angelus argueret contra intellectum humanum rite scientem, licet ipsum fortasse irretiret argumentis, vt soluere prorsus nesciret; non tamen
hic

hic ideo de scientiæ suæ euidencia, & certitudine deturbaretur .

6. Habet scientia totius regionis suæ limites, finitimamque gentem, a qua diuiditur, non omnino tamen interdicto commercio. Etenim per hoc, quod euidens sit, contradistinguitur tum a fide humana, & diuina, tum ab opinione, & dubio, suspicione, consultatione, solertia, coniectatione, & multò magis ab ignorantia: etenim hæ omnes cognitiones obscuræ sunt: per hoc verò, quod certa est, distinguitur ab omnibus supradictis cognitionibus naturalibus, quæ hoc ipso quod ineuidentes sunt, sunt etiam incertæ; a fide verò diuina non distinguitur, cum & ipsa certissima sit, nisi dicamus hoc sensu ab ipsa etiam distingui, quatenus scientia est certa certitudine visionis, quia sc. euidens est; fides verò certitudine piæ affectionis.

7. Quibus tamen non obstantibus bene potest scientia stare simul cum opinione, & fide diuina tum de eodem, tum de diuerso obiecto: hoc est propositione obiectiua, absque eo quod claritas, & certitudo vnius opponatur obscuritati, & incertitudini alterius. Sicut enim albedo de se non dulcis, tamen simul potest esse cum dulcedine in lacte, ita potest fides, licet de se non clara, & opinio, licet de

se nec clara , nec certa , esse in intellectu cum claritate , & certitudine alterius ; quia scilicet non repellunt claritatem , vel certitudinem a consortio , & subiecto suo , esto secum illas non ferant ; sicut albedo non repellit dulcedinem a suo subiecto , quam tamen nec secum affert , nec per se confert subiecto .

8. Imò sicuti vita vegetatiua , & sensitiua de se irrationalis tamen potest realiter identificari rationalitati , vt contingit in homine , ita scientia , fides , & opinio coalescere possunt in vnicum actum sibi identificantem perfectiones scientiæ , fidei , & opinionis , & meliorem , quam sint ipsæ singulæ , atque adeo carentem oppositis limitationibus , & imperfectionibus singularum . Et ratio horum est , tum quia non est vlla contradictio ex parte horum actuum , tum quia noster intellectus potest non solum plura pluribus cognitionibus ; sed etiam plura non pluribus cognitionibus simul attingere , pluribusque motiuis , & perfectionibus affirmare : vt passim conceditur posse voluntatem plura pluribus , & plura non pluribus amoribus adamare : quin etiam admittendum est de alijs quoque entitatibus specie diuersis , quòd , etsi duo semel diuersa identificari ad inuicem amplius non possunt nisi inero figmento rationis ;

tionis; tamen benè potest dari tertium coalescens ex his, seu dicens formaliter identificatas específicas perfectiones eorum, puta tertium quid ex auro, & vitro, aut ex argento, & aere. De facto enim identificantur in Deo omnes formalitates simpliciter simplices dispersæ per creaturas, & probabilissimè multa ideo sunt perfectiora alijs, quia. Quæ diuisa beatos efficiunt, collecta tenent, & identificata sibi.

9. Neque verò hinc sequitur futurum ergo eundem intellectum, vel etiam actum absolutè clarum, & obscurum; certum; & formidolosum; certè enim fides, & opinio sunt essentialiter obscuræ, sed non ita vt obscuritas sit quid identificatum ipsis: nihil enim est obscurum hoc pacto, quia scilicet identificet sibi obscuritatem, & priuationem luminis, quæ vt potè formaliter negationes non possunt esse de essentia rei positiuæ; sed tantum ita potius dicendæ sunt obscuræ de se, quatenus non ferunt lumen euidentiæ, vt aer est obscurus de se, quia de se non habet lumen, vnde benè tamen stare simul possunt, & componere cum luminoso, & euidenti, vt frigus de se non dulce, aut luminorum, tamen stare potest in eodem subiecto cum dulcedine, & lumine; imò & iisdem identificari.

Quo eodem titulo non esset idem intellectus, aut actus certus, & formidans, propterea quod formido non est essentialē quiddam opinioni, nec proprietas in vero rigore metaphysico ab opinione sequens; cum nulla ratio sit in iudicio opinatiuo, vnde sequatur formido, quæ tantum negatiuè sequitur, quatenus opinio de se non affert positiuam certitudinem in intellectu, vel actu. ergo nil mirum, si stet opinio sine hoc, quod est formidare, vt stat vita vegetatiua hominis sine hoc, quod est esse irrationalem.

10. Erit ergo dictus intellectus, vel actus simpliciter certus, & euident, esto consideratus inadæquatè, vt dicit tantum fidem, vel opinionem in ordine ad earum præcisā motiua sit obscurus, & formidolosus radicaliter impropria tamen radicalitate. Porro vbi contingat dari aliquam simplicem intellectionem iudicatiuam, realiter quidem vnā, sed ad multa obiecta tum materialia, tum formalia contingere potest, quòd eadem sit cognitio vera, & falsa; certa formaliter, & formidans; clara, & obscura respectu diuersorum; sicut fere contingit, vbi quis vnico intuitu videt multa, puta exercitum, in quo casu alij milites clarè cognoscuntur, de alijs dubitatur, alij reputantur etiam aliter, ac sint. Neque in
hoc

hoc est maior difficultas , quam quòd idem sit similis , & dissimilis diuersis rebus . quod sine distinctione reali, vel formali contingere dicemus in metaphysicis numero 96. & seq.

11. Quæ de opinione , & fide diuina dicta sunt , eodem proportionaliter modo intelligenda sunt de reliquis supra memoratis cognitionibus , nisi sit peculiaris ratio , vt est in actu erroris , seu ignorantiae prauæ dispositionis , quæ non potest in eodem intellectu simul esse cum scientia , cum sit ira affectus intellectus noster , vt non possit simul affirmare duo euidenter contradictoria , vnde nec posse easdem identificari . Non enim dari potest eiusmodi accidens , cuius non potest dari subiectum proportionatum , etsi non potest idem vitaliter affirmare , & negare simul idem de eodem , nec poterit eadem cognitio esse formalis affirmatio eiusdem de eodem , vt nequit esse idem ens , & non ens . Visio intuitiua , & scientia abstractiua tum infusa , tum acquisita , vt de facto fuerunt in Christo Domino , possunt stare simul in eodem intellectu , & de eodem obiecto , imò & istas posse vnicum esse actum tum inter se ; tum cum fide diuina iisdem , quibus supra titulis dicendum est : non enim repugnat , quod eadem imago spiritualis vt quo re-

A 5

præ-

præsentet idem pluribus modis, vt potest eadem repræsentare plura diuersa. Cum quo stat verum esse quod in patria non est fides, nempe non est ibi actus fidei seorsim acceptus, & absolutè obscurus, esto dari tamen posse tum erga visa, tum erga non visa asserendum sit.

CAPVT II.

De Scientia partiali, & totali, actuali, habituali, vbi & de habitibus.

12. **D**ATA natura scientiæ quoad an sit, & quid sit nunc magis explicanda est diuisione singularum partium, & specierum eius. Primòque occurrit totalis, & partialis: & scientia quidem totalis est aggregatum multarum scientiarum partialium dicens vnitatem quandam extrinsecam secundum vnum peculiare genus viæ, seu principiorum, per quæ in omnibus eius aggregati scientijs partialibus procedi solet. Scientia verò partialis est vel quilibet singularis actus, habitusque scientificus, vel potius quælibet classis plurium huiusmodi actuum, vel habituum diuersa obiecto materiali, vel formali quod, sed iisdem principijs, eademque via cum alijs compartibus sub
ali-

aliqua scientia totali procedens, cuiusmodi scientiæ partiales, Mathematicæ quidem sunt Geometria, & Arithmetica, Physicæ, quæ tractat de Cælo, & quæ de generatione; Metaphysicæ, quæ de ente, vel de Deo.

13. Actualis scientia est ipsa operatio euidenter intelligens, seu ipsa intellectio in actu secundo rem aliquam certo, & euidenter cognoscens. Scientia habitualis, vt rite explicetur, ad altiorem nos vocat indaginem, nempe vt naturam ipsam habituum explicemus, vnde habitualis dicitur: idque eo vel maximè in scientia præstandum est, cum potissima pars humanæ scientiæ, quæ de facto habetur, habitualis sit. Porro habitus naturales, de quibus hîc nobis sermo, vis quædam, & virtus sunt nata facilitare, & meliorare potentiam aliquam ad aliquas ipsius operationes, acquisita usu, & exercitatione earundem operationum, ad quas facilitare nata est; Quam rationem habitus dati manifestum est: canendo enim, & scribendo, & temperatè, vel vitiosè operando, quod ab initio difficulter præstamus, acquirimus habitum, hoc est vim, vt facilius, & perfectius illa ipsa operemur. In quo benè hi habitus distinguuntur tum ab habitibus supernaturalibus, qui dant non posse facilius, sed

simpliciter posse, tum a bona habitudine, seu valetudine, quæ generaliter est virtus potens tam ad actus, per quos acquisita est, quam ad reliquos omnes potentiae sanitatem habentis.

14. Licet autem multæ sint in vnoquoque vivente potentiae operatiuæ, non tamen habent omnes acquirere sibi habitus. Primò enim eos non acquirunt potentiae ad vegetatiuam pertinentes, nec sensitiuæ externæ, quas, experientia patet, si sanæ sint, & cum debitis-requisitis, operari facillimè, nec usu acquirere, vt facilius operentur, nisi vires, & valetudinem meliorem acquirant. Secundò ne potentiae quidem loco motiuæ, vel appetitiuæ acquirunt proprie habitum in se ipsis; esto contingat, quod manus scribendo, lingua canendo, & voluntas virtuosè operando inde habeant facilius operari. Et ratio huius rei est, quia ex vna parte inexplicabile est, quomodo hæ potentiae generent in se virtutem hanc ipsas facilitantem, cum quicquid operantur potentiæ quidem loco motiuæ sit tantum motus localis, & potentiae appetitiuæ sit tantum appetitio, qui sunt actus, nec perseverantes in potentia post ipsius operationem, nec habentes virtutem consimilia generandi; ex alia saluari potest istam maiorem facilitatem venire
illis

illis a superiore potentia nempe cognoscitiua, quæ usu, & exercitatione cognoscendi, & dirigendi potentias sibi subiectas eas facilius moueat, dirigatque. Est hæc opinio pauciorum: Sed Card. Lugo. pro multis. tom. de Incar. disp. 16. sec. 7. ostendit se eam tenuisse in philosophicis.

15. Vnde illud reliquum est, vt in potentijs ergo tantum cognoscitiuis admittendus sit habitus, nempe quas & usu cognoscendi vsque, & vsque facilius cognoscere manifestum est, & constat producere, & retinere in semet, & in sui memoria sensitiua, vel intellectiua species impressas, quæ sunt virtus actiua, concurrens ad cognoscendum, ac proinde potentius concurrens, & adiuuans, quo potentiores ipsæ, & actuosiores sunt: nec potest harum potentiarum facilitas refundi in aliam, a qua trahantur ipsæ ad faciliorem operationem, cum ipsæ sint primæ viuendum potentiæ & natæ facilitare cæteras, ac mouere, quò facilius, efficaciusque cognoscunt, aut dirigunt; sicuti ex rite facili, velocioreque cursu primæ rotæ in horologio, reliquæ non impeditæ facilius, velociusque mouentur.

16. Quare in tantum manus alioqui sana acquirit exercitatione, vt facilius sonet,

net, in quantum vſu ſonandi intellectus melius, ac melius & cognoscit quomodo ſonandum eſt, & aſueſcit dirigere manum ſonantem; & ſimiliter in tantum voluntas acquirit vſu virtuoſè operādi, vt facilius operetur, in quantum eodem vſu habetur melius intelligere ipſius virtutis bonitatem, quæ inde proponatur efficacius voluntati; vnde per conſequens facilius ipſa ſe moueat, licet non neceſſariò ad bonum melius propoſitum.

17. Neque vetò ideo negamus his habitus canendi, ſcribendi, cæterarumq; artium, aut virtutum, vitiorumque, quæ magna ex parte exercentur potentijs loco motiuis, & appetitiuis; ſed eos reuocamus ad propriam ſedem, in qua recipiantur eſto ordinati nō tantum ad actus cognoscitiuos; ſed inde etiam ad alios, & multò magis actus ipſos vitijs, vel virtutis volumus eſſe voluntatis, & in voluntate, vt etiam actus potentiarum loco motiuarum.

18. Sed non quæcumque ſpecies impreſſæ rationem habitus tenent, eſto habeant rationem diſpoſitionis ad habitum: illud enim præterea requiritur, vt intenſiores, perfectioresque ſint; vel hoc tandem contingat pluralitate, & vſu frequentatorum actuum, vel vno aliquo actu heroico, quo potentiæ cum maiore

VII-

virtutis operatiuæ efficacia intensius operentur: vnde fit, quod habitus sit non solum efficacius comprincipium intellectui ad intelligendum; sed etiam, quod sit immobilis, & promptius, & animo frequentius occurrant ea, quorum habitus acquisiuius.

19. Non requiritur ergo ad habitum potentia libera, non enim habitus habet rationem determinantis; sed facilitantis ad actum potentiæ, in qua est, vel etiam aliarum inde pendentium. Rursum falsò statuitur habitus consistere in alia qualitate speciebus superaddita, quia, sicut nec voluntas aliam qualitatem producit, quam volitionem, & aliæ potentiæ, vel appetitiuæ, vel loco motiuæ aliud non producant, quam appetitionem, & motum; ita intellectus, & potentiæ sensitiuæ non habemus, quòd producant quicquid aliud, quàm species sensitiuas, vel intellectiuas impressas, aut expressas. Dicendum ergo esse has, vt meliorari possunt, sic posse magis, & magis conferre ad actus cognoscendi, ad quos habent esse melior, & melior virtus actiua.

20. Quod si potest aliquis habere simul perfectissimos habitus, speciesq; cognoscitiuas rerum vel insulas, vel acquisitas, atq; adeo bonorum vel insensilium, vel sensilium tum eiusdem generis, tum dif-

disparati, & contrarij; tamen non ideo habet habitus contrarios, puta scientiæ, & erroris, vitij, & virtutis, nisi in remisso. Difficultant enim contrariæ species contrarias, si propriè non remittant: Vnde non tam expedite poterit quis ad actus alterius ferri se excitantibus habitus contrarij speciebus, & in oppositum, quantum de se, mouentibus magis, minusue pro vt hic, aut alter habitus perfectior est.

21. Quapropter is non dicendus est habere huius, vel alterius vitij habitum, qui licet cognoscat bona sensibilia eo pertinentiâ, tamen vel æque, vel melius cognoscit opposita, ad eaque facilius inclinatur. Quæ est ratio cur Christus Dominus cognoscens omnem rerum bonitatem tum sensibilem, tum rationalem nullum habitum vitiosum habuerit, cum præsumma rerum cognitione, hoc ipso ad optima tantum se se haberet mouere. Quod si quis haberet species intensissimas infusas boni tantum sensibilis, & vitiosi vel per possibile, vel per impossibile, hic utiq; haberet habitus vitiorum, & si nullum fecisset actum, vt haberet habitum scribendi, & velocissimè scriberet, qui nullo antecedenter facto actu scribendi haberet infusas perfectas species directiuas manus sanæ ad scripturam.

nera. Quòd autem, qui scribit, aut sonat ex habitu, dicatur operari non aduertens, non ideo probat dari habitum in manu, verè enim aduertit, scribitque, ac sonat, dirigente intellectu, esto aduertat minus, quàm possit aduertere, cum sit impossibile legere, vel scribere etiam ex habitu, intellectiua potentia non operante.

22. Est ergo iam scientia habitualis nihil aliud, quam species impressæ intellectui intensiores factæ usu, & exercitatione sciendi, hoc ipso natæ facilitare intellectum ad consimiles actus, per quos ipsæ generatæ sunt, & impressæ; quas, qui habeat, hic enimverò scientiatus est, cum actum primum proximum actualis scientiæ teneat: & intenduntur species huiusmodi vel initio suæ productionis, hoc ipso quòd efficaciore virtute producantur, vel usu, & exercitatione, additioneque gradus ad gradum, seu speciei ad speciem; vel fiat hæc additio, quia intellectus non solum cum primò, sed quotiescumque intelligit, producit nouam speciem impressam rei intelligendæ addendam præexistenti, & remansuram in memoria, vel quia species expressa producta ipsa remaneat, & titulum ipsa quoque speciei impressæ sortiatur.

23. Et verò habet intendi habitus
hu-

huiusmodi dupliciter, quod & de reliquis habitibus dicendum est; primò novis, ac novis aliarum rerum cognitionibus habitudinem aliquam dicentibus ad præexistentem scientiam: ferè enim nunquam rite quis aliquem scientiæ actum repetet, quin nova observatione aliqua imbuatur (est hoc perfici habitus satis impropriè, quo modo perficeretur sapor alicuius cibi, non additione consimilis saporis, sed admixtione novorum.)

Secundò intenditur habitus intensiōis propriè dicta per additionem planè consimilium graduum: posse enim circa idem obiectum reale, ac formale haberi cognitionem vel abstractivam, vel intuitivam, vel etiam comprehensivam, aliam alia perfectiorem admittendum est: sicut dicendum est eundem Angelum inferiorem melius comprehendere, vel supercomprehendere a Deo, quam ab Angelo superiore: & idem obiectum ex eodem loco, vel ex viciniore melius illuminatum, melius etiam videri pro ut melior est species visibilis, & tandem sicut perfectius ingenium cognoscit melius aliquod axioma, quàm cognoscatur ab hebetiore, unde habet etiam plura inde deducere.

24. Nec absurdum est dari duas mensuras adæquatas eiusdem se inuicem ex-

cedentes intensiue, non extensiue: nec est intelligibile, quod sit differentia in cognitione non petita ex obiecto: posse enim esse ex alio, & alio modo non secundum speciem; sed secundum perfectionem homogeneam tendendi in idem. Porro, vt scientia habitualis, cæterique habitus producuntur, & perficiuntur usu, & exercitatione ipsorum, ita remittuntur, & destruuntur, vel cessatione, eo quod succedat obliuio totalis, vel partialis nouis aliquo modo trudentibus vetera magis, minusue in hoc, vel illo cognoscente, pro vt diuersum est temperamentum memoriæ: vel exercitatione contrarij habitus, qua positiue impediuntur, quæ opposita sunt. Plura tamen de intensione vide infra part. 4. num. 140. & sequ.

CAPVT III.

Diuisio scientiæ in primam, & secundam; speculatiuam, & practicam.

25. **P**Ræcedenti capite scientiam diuisimus secundum suas quasi partes magnitudinis: restat, vt hic diuidamus præterea secundum gene-

genera, & species: quod est secundum varietatem obiecti considerati; cum non alia notabilis via differant ab inuicem. hæ nostræ scientiæ, quam per ordinem ad diuersitatem obiecti. Et quoniam in hoc nati sumus, ut, quam habemus scientiam, eam acquisuisse debeamus, & non illam quidem subito, aut simultaneè; sed alia ex alijs discentes: rite hic ponimus primò diuisionem secundum ordinem sciendi, ut liqueat, quæ prima, quæ secunda sit, & quod primò cognitum nobis, quod secundò. Licet enim, quæ natura sua essentialiter priora sunt, sint etiam natura notiora; Cognosci enim sequitur ad inesse, ut quodammodò etiam notiora sunt, seu magis noscibilia, ait S. Thomas, quæ perfectiora sunt; tamen respectu nostri alius est cognoscendi ordo, qui, ut non scimus, nisi euidenter sciamus, utique ab euidentissimis nobis auspicandus est, ut possit nobis opratum scientiæ lumen de tenebris nostris splendescere.

26. Ut autem datur & principium absolute primum, ut Deus, & Principium absolute secundum, sed tamen in aliquo ordine Primum, ut Adam in ordine hominum, & Lucifer in ordine peccatorum, sic tria possunt statui nobis notiora, seu primò cognita. Primò primum cognitum absolute primum omnium

nium cognitorum : secundò primum cognitum in ordinè scientiarum , tertio primum in ordine alicuius scientiæ totalis , secundùm quæ tria prima cognita erit proportionaliter ponere tria genera primarum cognitionum : primarum absolutè , primarum in ordine ad scientias , primarum in ordine ad hanc , aut illam scientiam .

27. Et loquendo de primo cognito absolutè , utique est corporeum singulare , sensibile , quia hoc obijcitur primò sensui percipienti res sensibiles , ut a parte rei sunt . Sunt autem omnes corporeæ , & singulares , ergo hoc idem obijcitur intellectui , qui immediatè cognoscit primò eadem mensura , quod sensus ceperunt . Ut enim uniuersalia sunt post singularia , sic etiam necessariò abstrahit intellectus a prius cognitis singularibus . Dixi verò corporeæ , non corpus , tum quia potest primum omnium cognosci sonus , vel odor , qui facile accidentia sunt ; tum quia etiam si primò cognoscatur per tactum , vel per visum , vel per gustum , tamen non necessariò cognoscitur , quòd sit corpus , ne in confusò quidem , ut non cognoscimus intuentes sacram Eucharistiam ; quam enim speciem sui transmittit corpus ad sensum , ut formaliter vel in confusò cognoscatur ? Porro huiusmodi

singulare non solum habet cognosci primò apprehensione intellectus ; sed etiam cognitione iudicativa non quidem formali , sed identica , quæ est prima omnium cognitionum , & evidens , & quodammodò similis cognitioni intuitivæ , qua sine distinctione prædicati a subiecto cognoscitur obiectum esse illud ipsum , quod est .

28. Esto enim propositio identica rite dicatur inutilis , quatenus per eam nunquam benè respondemus quærenti ; nam , si quærat , quid sit Petrus , frustra dicimus Petrum esse Petrum , propterea quod nemo illud quærit , aut dubitat ; est tamen vtilissima , & absolutè necessaria , vt sciatur , quid sit ipsum obiectum , quod cognoscitur ; alioquin potius esset mera obiecti apprehensio incerta , quàm certa cognitio quid sit . Non enim ideo cognosco , quid sit Petrus , quia cognoscam esse animal rationale , hoc enim tantum cognosco Petrum distinctius , sed Petrum scio quid sit , quia iudico , seu eum repræsentō tali operatione , qua sciam esse quod est (vt de secunda operatione intellectus ex S. Th. dicemus) quod stat sine distinctione subiecti a prædicato , quod idem proportionaliter est dicere de Maximo omnium axioma : *Quod est necesse est esse* : ly enim : *necesse* :

cessè : abundat , dicitque tantùm ipsam exercitam propositionis exercitæ euidentiā .

29. Post quas propositiones identicas singulares, de quid sit , habent sequi alia multæ propositiones item singulares de quid non sit , hoc est distinguentes alterum singulare ab altero ; sed istæ propositionēs , vel singulæ per se , vel simul omnes , (Quo pacto sunt scientiæ experimentales) esto sint omnium cognitivum tum scientificarum , tum non scientificarum primæ , atque adeo absolutè primæ , & circa primum cognitum absolutè , vnde benè dici possunt scientiarum initium , & rudimentum ; tamen , nec scientiæ absolutè sunt , nec prima earum principia , tum quia nimis confusæ sunt , & nos quod distinctè non cognoscimus , quasi ignoramus , tum quia non sunt ratio virtualis , cur ignotiora cognoscantur ; sed potius turbant diuersa singularia cognoscentem , suaque multitudine confundunt : Quæ est ratio , cur intellectus noster avidissimus claritatis maximè sit propensus ad abstrahendum , & distinguendum : ita vt non nisi per abstracta , & rite distincta procedat .

30. Primum ergo in ordine scientiarum principium , seu scientia prima , cognitioque scientifica ea est , quæ habetur

de

de obiecto non quidem immediatè, vt transmissio a sensibus ad intellectum, sed ipsius intellectus, præuijsque comparationibus, ac varia negotiatione intellectus abstracto a singularibus; cuiusmodi obiectum duplex esse potest, alterum ita clarum facileque, & apparens intellectui secundum suum esse, hoc est ita proportionatum nostræ intellectivæ potentiae, vt ubi ritè sit propositum, nullo indigeat præterea requisito ad hoc, vt euidenter, & directè cognoscatur quid sit : & hoc huiusmodi obiectum dicitur per se notum, estque primum cognitum in ordine scientiarum, primumque earum obiectuum principium, vt cognitio certa, & euidens eiusdem est primum principium formale . Alterum obiectum similiter vniuersale, & a singularibus abstractum, ignotius est, & ita improporionatum intellectui, vt licet ipsi rite propositum, tamè non ideo cognoscatur, quomodo obiecta colorata de se sunt improporionata visui, vnde videri non possunt, nisi lumine proportionentur: cum e contrario lumen se se ipso primò, & per se visui proportionatū sit, & primum visibile : Et eiusmodi obiectū abstractum (quod dicemus secundò cognitum) ex primò notis cognoscendum est, oriente cognitione scientifica secunda ex ea, quæ primò habita est .

31. Quæ

31. Quæ tam certa sunt, quàm certum est diuidi omnem propositionem scientificam in per se notam; vt: quod est necesse est esse, totum est maius sua parte; & non per se notam, vt dari materiam primam, basim maiorem subendere maiorem angulum, & si quæ huiusmodi, quas cognoscere, & iudicare impossibile est, nisi ex ante cognitis iudicentur. Sed vt secundæ scientiæ complexæ omnes sunt tum ipsæ, tum formalia earum obiecta; sic contra prima principia, vel formalia, vel obiectiua sint, alia sunt complexa, alia incomplexa. Principium obiectiuum incomplexum est ratio aliqua obiectiua per se primò clara, & cognoscibilis, vnde alia cognosci queant, cuiusmodi sunt v. g. totum, pars, ens, corpus &c. & principium formale incomplexum erit cognitio eiusmodi obiecti iudicatiuè cognoscitiua, absq; eo quod tamen vlla de ipso alia ratio formalis prædicetur, quod est esse cognitionem identicam. Principium autem obiectiuum complexum sunt duæ rationes per se primò notæ connexæ, vt ens bonū, verum, seu vnum, vel totum maius sua parte, sicut principium formale complexum sunt propositiones de his, vt ens est bonum, aut verum, aut totum est maius sua parte.

32. Porro eadem proportionaliter ratione primum cognitum vniuscuiusque scientiæ est ratio aliqua obiectiua eiusdè primò, & per se nota, seu certè notior cæteris inde sequentibus, & prima principia formalia sunt axiomata, & propositiones præ cæteris clarissimæ de huiusmodi ratione per se nota formaliter, quæ propositiones per consequens semper, vel æquè, vel magis vniuersales sunt præ cæteris in eadem scientia factibilibus, vnde verissimum est, quòd in scientijs procedendum est ab vniuersalioribus ad minus vniuersalia. Quod si Arist. 2. post. t. 22., & alibi docet a singularibus procedendum esse ad vniuersalia, id eo sensu notat, quo diximus primò cognosci singularia, a quibus inductione collectis, nec sufficientibus tamè ad esse primum principium in scientijs abstrahenda est ratio vniuersalis, quæ verè habeat cæterorum noscibilem esse primum noscibile, ac lumen.

33. Prima ergo tandem, & notissima ratio, omniumque scibilium inter humanas scientias radix euidentissima dicenda est ratio entis secundùm id, quod est ipsa, hoc est secundùm totum eius esse actuale; secundùm quod simplicissima ratio est, atque adeo facillima cognitu, & vnde primò possit ordiri naturalis po-
ten-

tentia ab imperfectioribus tendens ad perfectiora; & esse notissimam hanc rationem patet, tum experientia; nemo enim nescit, quid sit ens, & si hoc nescit, nescit & cætera; tum quia principia communiter admissa tanquam præ cæteris euidencia: Quod est, necesse est esse; Impossibile est idem simul esse, & non esse; aliaue huiusmodi, ea ideo sunt tam certa, & euidencia, quia de ipso ente sunt.

34. Quare, cum quæstio de primo cognito absolutè fiat in ordine ad scientias, non verò ad sciendum ordinem, quasi historicum nascentium cognitionum nostrarum, vel certè soleat fieri in primo Physico, ad inuestigandum, quæ via sit procedendum in physicis, ne simul scientia, & modus sciendi quæratatur; malè statuitur pro primo cognito vel singulare sensibile, vel ratio entis tantum, cum & alia sint prima cognita, & per se nota in alijs scientijs; vel ratio aliquarum specierum infimarum quæ eo difficilius cæteris paribus noscibiles sunt, quo sunt perfectiores; unde & difficilius abstrahibiles sunt, nec ullius scientiæ totalis possunt esse principium. Quærere autem, quamnam operationem faciat intellectus post cognitionem, distinctionemque singularium, & quasnam prius rationes ad

inui cem comparet, abstrahatque, quanam prius confusè, vel distinctè attingat, an rationem corporis, an viuentis, est in summa contingentia quærere historiam non minus inutilem scientijs, quam inobseruabilem: idque pro eo vt quæramus verum, & per se connexion ordinem certarum cognitionum, secundum quem aliæ ab alijs scientifica progressionē dependent: quod quærere id demum vtile est, atque ad rationem scientiæ, pro vt contingit in nobis, cognoscendam apprimè necessarium.

35. Quo stante rite ergo diuiditur scientia in primam, & secundam; hoc est in per se euidentem, & discursiuam, seu euidentem ex alia, primaque scientia actualis dicitur axioma, seu dignitas, primumque principium, vt habitualis dicitur intellectus, hoc est habitus primorum principiorum: secunda scientia dicitur demonstratio, seu etiam scientia retento nomine communi, eaq; vel actualis, vel habitualis sumatur. In quo tamē illud est obseruare, quod distinguuntur ab inuicem actus, vel habitus principiorum ab actibus habitibusque scientiarum, vt inclusum ab includente: scientia enim discursiua hoc ipso inuoluit prima principia, & conclusionem præterea, aliasque dicit inde, & inde ex primis prin-

principijs demonstrationes , at prima
principia habent stare per se, & sine villo
discursu, vlliusue cognitionibus deductis.

36. Secunda scientiæ diuisio fit in
speculatiuam, & practicam, pro vt om-
nium scibilium alia sunt considerabilia
speculatiuè, hoc est merè sistendo in
contemplatione obiecti, perque princi-
pia prius nota de eius esse, alia sunt con-
siderabilia practicè, hoc est cum inten-
tione ad operandum obiectum, perque
principia primò nota de eius operabili-
tate, seu bonitate in ordine ad operatio-
nem: tota enim scientiæ speculatiuæ ra-
tio circa obiectum suum versatur, vt sciat
quid sit, quæque eius proprietates, &
habitudines illas vestigans, explorans,
definiens, nihilque aliud præterea præ-
stans: & tota scientia practica versatur
circa suum obiectum, non vt sciat, quid
sit; sed vestigans, concludensque quo-
modo faciendum, vel factibile sit, atque
adeo mouens, dirigensque ad ipsum effi-
ciendum. Et principia speculatiuæ scien-
tiæ, vt profundè notat S. Th. p. 2. q. 95.
art. 2. sunt de vero, de esse, & de non
esse; principia verò practicæ sunt de bo-
no, vt factibili, & obtinendo: puta bo-
num esse faciendum, vitandum malum,
temperandam ritè harmoniam, fugien-
dam dissonantiam, vnde progressionibus

discursiuis deriuantur in singulis scientijs practicis propositiones practicae particulares, de proprijs earum obiectis faciendis.

37. Et in hoc consistit cognitionem, ac scientiam practicam regulatiuam esse, ac directiuam, seu regulam, ac praeceptum esse operationis faciendae: quod illa non cognoscit merè quid sit, aut quomodo fiat obiectum suum sicut Angeli v. g. cognoscunt quid sit, & quomodo fiat chorea, huiusmodi enim cognitio hucusque versatur circa essentiam, ac proprietatem rei; sed praeterea cognoscit hoc, aut illo pacto faciendam esse hic, & nunc in ordine ad praeventum finem; vnde fit, quod voluntas iam in bonum illud mota, quod est huiusmodi scientiae practicae principium primum, habeat se mouere etiam ad eliciendam, aut imperandam eiusmodi operationem practice cognitam, atque adeo cognitione regulante faciendam.

38. Sed tria sunt obiectorum regulabilium genera, quae cadant sub scientia practica. Primò operationes voluntatis, quas cognitio praevia hic, & nunc, ut bonas, utilesque, & hoc, aut illo modo faciendas proponit; Secundò operationes aliarum potentiarum, quae voluntati subduntur, nempe quamplurimae intellectus,

lectus, aliæque loco motiæ, & ipsæ benè, & malè factibiles; tertio cadunt sub scientiam practicam, & si non omnem opera ipsa artium, quæ remanent post operationes, quæ item factibilia sunt, secundum quod cognitio practica docet esse bona, & vtilia ad finem præintendum. Quæ est ratio, cur in scientijs practicis obiectum earum nō distingatur a fine immediato, & intrinseco, cum tractet de illo, quod intendit fieri, ex principijs bonitatis eius vniuersalissimè per prius notæ, & posterius discursiuo, practicoq; progressu notæ particulariùs, & distinctiùs, secundum quod hic, & nunc particularis quælibet bonitas in ordine ad vltimam, & primò notam bonitatem facienda est.

39. Secundum quam diuisionē obiecti, scientiæ practicæ diuiduntur in varias scientias practicas, seu artes, pro vt bonum illud vniuersalissimum, quod scientia practica, vt sic spectat, nempe felicitas naturalis hominum, (hic enim sermo est de scientia practica naturali) habet diuidi saltem ex parte in bona diuersa magis particularia ad illud vltimū ordinata: vnde alia scientia practica est prudentia regulatiua humanorum actuum, alia logica regulatiua discursuum, alia architectura regulatiua fabricæ, & sic

de cæteris ; quarum magna pars dici possunt merè artes, quatenus ab artificibus maximè mechanicis addiscuntur, nescientibus scientificam probationē rectè operandi : esto absolutè omnes sint scientiæ practicæ natura sua, cum & habeant probare conclusiones suas, & praxes dicantur operationes ipsæ, quas regulant.

40. Licet autem obiectum scientiæ practicæ sit vel opus factibile, & praxis simul in ijs, quæ relinquunt opus post se, vel praxis tantum in ijs, quæ non relinquunt ; tamen non ita hoc intelligendum est, quasi omnes praxes, omneque opus factibile sint tantum obiectum scientiæ practicæ : sunt enim etiam speculatiuæ. Quia, quicquid rerum est, esto non possit considerari practicè (dantur enim obiecta non factibilia) tamen potest considerari speculatiuè, & præscindendo ab eius operabilitate, ut planum est, cum possit quodlibet considerari præscindendo ab hac, vel illa ipsius proprietate, aut gradu essendi . Vnde possunt omnes scientiæ communiter appellatæ simpliciter practicæ ex æquo partiri in practicas, & speculatiuas, puta rhetoricam, medicinam speculatiuas, & practicas ; nisi si, qua parte speculatiuè agant, ad aliquam ex infra dicendis scientijs totalibus pertinere potius dicendum

dum sit: quæ res non parum dubitabilis est.

41. Neque verò ideo omnis cognitio boni aut sensitiva, aut intellectiva practica est, quia scilicet hoc ipso se habeat appetitus inouere ad eiusmodi bonum. Etenim cognitio practica non est, quæ videt quodlibet bonum, sed quæ cognoscit operationem benè regulabilem, & in ordine ad aliud bonum factibilem, quæ operatio propriè tunc tantùm habet rationem praxis, in quantum eius potentia benè, & malè operari potest. Vnde est quod ipsa cognitio practica dicatur norma, & regula, quia eiusmodi operationem cognoscens præscribit qualiter facienda sit, vt dicitur præceptum, quatenus repræsentans bonitatem utilem, eius, illam quodammodo intimat faciendam.

42. Multò minus hinc sequitur eandem ergo formaliter propositionem, puta: syllogismum debere constare tribus terminis; futuram, quantum ad sui intrinsecam, speculatiuam simul, & practicam: Speculatiuam, quia attingit vel essentiam, vel proprietatem syllogismi, practicam verò, quia imperatiua est, & proinde attingens bonitatem illius. Hoc enim tantùm probat idem esse obiectum materiale practicæ, & speculatiuæ: Sed

different primis principijs , & via procedendi , hoc est obiecto formali , cum altera habeatur per principia boni , altera per principia veri , speculatiua quatenus cognoscit proprietates , bonitatem , naturam syllogismi , vt fluentem a notioribus essendi rationibus , practica , vt cognoscit hæc eadem per notiores rationes bonitatis , in ordine ad quas faciendus est Syllogismus : vnde hæc dicit ordinem ad voluntatem , a quo cognitio speculatiua præscindit : quæ est ratio , cur in practicis propositionibus vel insit , vel subintelligendum sit ly : debet ; in speculatiuis vero non sit , vel abundet .

43. Porro omnis scientia practica habet primò obiectum seu subiectum materiale in quo : ipsam scilicet praxim , puta scripturam , imò etiam ipsum opus factibile , puta scripturam , aut frænum , in quæ inducat rectitudinem intentam , seu quæ fiant cum intenta rectitudine : istaq; subiecta considerat tantùm secundùm eam naturam , & proprietates , secundùm quas spectant ad intentam rectitudinem , vt naturam ferri secundùm quòd est ductile in frænum , naturam vocis secundùm quòd est grauis , acuta , & sic de cæteris . Secundò habet obiectum formale quod , & est ipsa rectitudo inducibilis , quam considerat scientia practica

utilem ad finem intentum . Tertiò habet obiectum materiale de quo prædicationis, & est ipsum opus, vel operatio in actu primo recta : de fræno enim, & de domo, & de descriptione, & de discursu prædicat, & præcipit ars; & huiusmodi obiectum distinguitur in duo correspondentia duobus præcedentibus, alterum nempe subiectum prædicationis, alterum quod prædicatur . Quartum obiectum scientiæ practicæ est obiectum formale sub quo, & est illa ipsa rectitudo secundum notissimas suas rationes, seu illud primum, per seque notum bonum huius rectitudinis, ex quo cognoscitur, ac ordinatur cætera bonitas, & rectitudo ad intentum finem : sic in musicis notum est harmoniam esse opportunam ad animi leuamen, & esse concordiam vocum, omnesque, vel quamplurimas voces, ut ut varias, habere aptitudinem, ut compositione coalescant in harmoniam . Ex quibus quatuor obiectis integratur obiectum attributionis scientiæ practicæ, quod est operatio, vel opus dirigibile, ut dirigibile ad præ intentum finem .

44. Sed hæc obiecta, ut etiam contingit proportionaliter in scientijs speculatiuis (quibus tantum danda sunt tria obiecta, materiale de quo, formale quod, & formale sub quo, quia non inducunt

illæ formam in vllum subiectum , sed considerant naturam) vt plurimum non sunt distincta realiter , sed ratione tantum : cantus enim, vt acceptus secundum quod factibilis est benè vel malè præcisim a rectitudine inducta , vel inducibili , secundum se est obiectum in quo ; vt ipsa rectitudo inducibilis est obiectum formale quod , & idem acceptus in confuso est obiectum materiale de quo ; vt rectitudo prædicatum , & obiectum formale quod . Non enim est absurdum , quod eadem sint & obiectum formale quod inducitur , & obiectum formale quod prædicatur , vt idem cantus est subiectum , quod dirigitur , & quod in prædicatione subiicitur . Vt autem ista non necessario ab inuicem distinguuntur , sic neque distinguuntur ab his illæ rationes formales cantus notiores cæteris , & ideo obseruabiliores primò , vnde cæteræ obseruentur , inueniantur , ac dirigantur , quod est obiecta materialia , & formalia , vt quod non distingui realiter ab obiecto formali quo , seu sub quo .

45. Cognitio autem practica ista considerans duo genera operationum dirigit : primò operationes voluntatis immediate , imò illas solùm , vbi scientia practica fit de operationibus voluntatis , cuiusmodi prudentia est , vbi autem scientia practica

ctica

Etica habet pro obiecto operationes aliarum potentiarum, puta intellectus, vocum, manus, &c. tum secundò dirigit mediatè cæteras operationes, quatenus de ipsis præcipit, quomodo faciendæ sint, vt implicite primariò præcipit voluntati, quomodò sint imperandæ: cognoscere enim opus, vel operationem factibilem, vt bonam ad præintendum finem est ipsam formaliter dirigere vel mediatè, vel immediatè tandem: loquendo autem de scientia habituali, illa est huiusmodi scientia practica, quæ est habitus elicitivus actuum dirigentium, & proindè habet rationem mediatè directivi.

CAPVT IV.

*Divisio scientiæ in Metaphysicam,
Physicam, Mathematicam;
vbi & de sacra Theologia*

46. **D**ividitur tertio scientia speculativa divisione celebri in Metaphysicam, Physicam, & Mathematicam; quæ divisio non est arbitraria, nec pinguis, vt aliquibus videtur, Mineruæ; sed petitur ex naturæ rerum iuxta triplicem viam, seu iuxta tri-

triplicis generis principia, obiectaque formalia, sub quibus habemus omne scibile speculari. Etenim quicquid speculabile est, vel est speculabile a priori, hoc est per principia prima, vniuersalissimaque, qualia sunt ens, & principia entis, & hæc est via Metaphysica; vel est speculabile a posteriori, hoc est per effectus, motusque, & mutationes per se notas, & hæc est via Physica; vel tandem est speculabile, vt ita dicam, a concomitanti, & a simul, per habitudinem scilicet, & commensurationem vnus ad alterum, & hæc est via Mathematica.

47. Triplicem abstractionem non ponimus in diuisione scientiarum, quia esto verè Physica abstrahat a materia singulari, Mathematica etiam a sensibili, Metaphysica etiam ab intelligibili; tamen sicuti scientiæ partiales, & particulares meliùs diuiduntur in ordine ad medium terminum, ita scientiæ totales distinguuntur opportuniùs per obiecta formalia, viamque procedendi, eo vel maximè, quòd adhuc eodem modo differrent, etiam si non abstraherent dicto modo a materia; si tamen diuersa via procederent: & contra non differrent nisi admodum materialiter, si abstraherent quidem diuersimodè a materia; sed tamen eadem via procederent: vt scientia ani-
mæ

mæ rationalis vt sic est Physica, & tamen abstrahit a materia tum in conclusionibus, tum in primis principijs a posteriori, qui sunt eiusdem effectus, vt rationalis est. Quod si composita Physica non distinguimus subiecto, nec forma subordinata, sed absolutè forma vltima, sic consentaneum certè est, quod non diuidamus scientias ad inuicem nec subiecto, nec prædicato, nec vlla alia circumstantia; sed ipso medio termino, quæ est prima, & vltima ratio, secundùm quam in hac, aut illa scientia obiecta considerantur.

48. Neque verò statui possunt pauciores scientiæ: licet enim vnica Metaphysica per se sola consideret ens, vt ens, & omnes species eius, proprietates, & habitudines, vnde se habet extendere etiam ad obiecta materialia aliarum scientiarum, sed vna semper, & eadem sibi propria procedendi via; tamen hoc non tollit, quod non sint aliæ duæ distinctæ procedendi viæ habentes sua principia prima, ex quibus alius ordo, modusque sciendi instituitur, aliaque non per se inuenibilia a sola Metaphysica cognoscuntur, vnde per consequens sint aliæ duæ scientiæ totales. Sed neque plures statui possunt scientiæ totales; quæcumque enim assignabitur, necesse est, quod

quod ad aliquam ex tribus explicatis viam reducat.

49. Has verò scientias ad inuicem esse contradistinctas patet; quantumvis enim in aliquibus materialibus obiectis, vel etiam formalibus subordinatis conueniant, nunquam tamen conueniunt obrecto formali, ac primo eoque sufficienti ad illam diuisionem, quæ scientiarum sit propria.

50. Porro scientia Metaphysica, quæ & prima Philosophia, & Theologia naturalis rite dicitur, euentissima, & vniuersalissima scientiarum est, vt pote quæ per necessariam absolutè connexionem medijs termini notissimi cum extremis natura sua procedens in vniuersalissimum scibile extenditur. Veram habet sapientiæ rationem, cum & omnium scientiarum sit abstractissima a sensu, & a materia, & ab vniuersalissimis procedens habeat probare tum sua, suarumque scientiarum partialium, tum quæ sunt alterius etiam scientiæ totalis, idque per altissimas, & vniuersalissimas causas. Tamque dubitari potest, an ista scientia detur, quam liceat dubitare, an sint, quæ euentissima sunt.

51. Obiectum adæquatum attributionis Metaphysicæ, quod, vt cætera scientiarum obiecta, integratur ex adæquæ-

quato subiecto, & prædicato hoc est ex omnibus subiectis, & prædicatis secundum aliquam vnitatem conuenientibus, vt similiter vno medio termino cognoscibilibus, est ens, vt ens, hoc est omnia entia, omnesque species, & proprietates eorum, vt a nobis scibilia per principia entis, cuiusmodi sunt : quæ sunt necesse est esse : Quodlibet est, vel non est : Quod est, vel est a se; vel ab alio : Totum est maius sua parte : si ab æqualibus æqualia demas, quæ remanent, sunt æqualia, aliaque huiusmodi : de duobus enim vltimis bene notat Fonsæca, quod sunt per prius Metaphysica, quam Mathematica.

§ 2. Proinde malè restringitur obiectum Metaphysicæ, quod sit, vel solus Deus, vel alia quidem genera rerum, sed tantum vniuersalissima, puta substantiã, aut accidens vt sic, relationem, qualitatem vt sic, & si quæ alia huiusmodi, quia licet hæc vel realiter, vel ratione abstracta sint a materia, non tamen habent quo ad nos peculiarem viam considerationis (cum materialia quoque, & sensibilia possint immaterialiter, & insensibili via contemplari) vnde non possunt esse obiectum adæquatum vllius scientiæ totalis; atque licet Deus sit primum principium essendi, non tamen est vniuersalissi-

lissimum, aut notissimum primum principium obiectuum cognoscendi, cuiusmodi est ratio entis vt sic. Multò minus excludendus est Deus ab obiecto Metaphysicæ, quia non habeat principia sui secundum esse; cum & dentur principia cognoscendi, ex quibus & ipse cognoscatur, & per nostrum intelligendi modum aliæ rationes, perfectionesque diuinæ sint origo nobis cognoscendi alias, vnde quin imò Deus est obiectum principale Metaphysicæ, cetera entia minus sunt principalia.

53. Neque verò, quod Metaphysica descendat vsque ad speculandas inferiores, imò & infimas entis species, hoc ideo tollit, quod vniuersalissima scientiarum sit, tum propter latitudinem obiecti materialis, tum quia ex vniuersalissimis speculatur. Illud verum est non esse de obiecto Metaphysicæ negationes, seu priuationes vt tales, nec entia rationis; cum ista non habeant vllam veram naturam entis, & scibilitatis; esto considerentur tanquam fines, & quodammodo rationes oppositæ ipsi enti vero, vt melius ipsum ex oppositione illorum cognoscatur: Sed neque ens per accidens obiectum est Metaphysicæ, aut vllius scientiæ, quia, vt tale, non est per vllum genus necessariæ connexionis vllò euidenti prin-

principio demonstrabile.

54. Scientia Physica, quæ & Philosophia naturalis dicitur, inevidentior Metaphysica, & Mathematica, non tamen decedit a ratione scientiæ, ut quæ sunt certa tantum moraliter: Idque, non quia sit tantummodo certior, magis enim, vel minus non variant speciem, sed quia secundum naturæ ordinem, & connexionem certa est, & evidens; quod non obtinent, quæ moraliter certò scimus, cum determinatam connexionem natura sua non habeant: & certè malè diceretur non sufficere ad scientiam huiusmodi Physica certitudo; cui enim satis non sit tanta sciendi certitudo, quanta est ipsius naturæ certa connexio?

55. Prima origo huius scientiæ sunt cognitiones sensitivæ, tum intellectivæ experimentales, tertio axiomata experimentalia, puta dari alterationem, & motum, & corpus, & generationes non abstrahendo more Metaphysicæ, vel Mathematicæ ab eo, quod existant, sed probando existere; ut axiomata eius non sunt de possibilitate, vel natura ut sic motus, aut generationis, sed quod dantur de facto.

56. Obiectum Physicæ est corpus naturale ut naturale, hoc est non corpus Mathematicum, quod nihil est aliud,

aliud , quam abstracta ratio essendi longum , latum , & profundum ; Sed corpus substantiale habens naturam , seu tale , quod sit natura , & principium motus ; certum enim est quod hoc obiectum aliqua vna ratio obiecti est , tum quo ad materiale , vt patet ; ratio enim corporis naturalis vt sic est vnum quid , ac scibile ; tum quo ad formale quod , cum hoc ipsum , quod est corpus naturale , omnesq; eius rationes sint de ipso prædicabiles : & certum item est inesse corpori naturali rationem mediij termini , seu primi principij , quo procedatur ad ipsummet corpus naturale cognoscendum , & hoc est ipsa per se primò euidens mutabilitas , ac generabilitas , seu mobilitas eius , ex quibus cætera in Physica cognoscuntur . Cum ergo sic assignatum obiectum habeat vnitatem , & viam propriam procedendi ; nihil illi deest ad hoc , vt sit obiectum vnius scientiæ totalis , quam esse Physicam nomen ipsum ostendit .

57. Deus non est de obiecto Physicæ ; quia esto sit a posteriori attingibilis quod est ; tamen non est principium motus in se ipso , nec nisi Metaphysicè cognosci potest quid sit : Substantiæ separatae non sunt de obiecto Physicæ ; quia non est vlla physica ratio ad probandum eas dari , & quotquot effectus videmus superare

rare vim agentium sensibilium , refundi possunt vel in Deum , vel in animas separatas : male item dicitur obiectum Physicæ esse substantia mobilis , vel naturalis , quia in assignatione obiecti alicuius scientiæ , vt bene probat Zabarella , debet tam latè patere subiectum , quàm prædicatum ; alioquin alterutrum non consideraretur totum , & strictè nimis assignatum esset . Benè tamen anima rationalis , etiam vt talis , est de obiecto Physicæ , quia , etiam si non esset cognoscibilis eius rationalitas per sensibiles mutationes , tamen verè est cognoscibilis a posteriori .

§ 8. Et hæc est sententia Aristotelis tum de sublunaribus , tum de Cœlis , tum de animatis omnibus vestigans per motum ; neque enim aut ens , aut substantia est immediatum , & conuertibile subiectum motus , vt vt Philosophus definierit , motum esse actum entis , quia nondum stabilierat , quod omne corpus esset mobile . Et esto astronomica vsu iam introducto , qua spectant etiam ad Physicam , tractentur a Mathematicis , tamen non ideo sunt extra aleam obiecti physici : quod autem aliqui confundant Physicam , & Metaphysicam in vnam scientiam , male sentiunt ; cum si non obiecto materiali , certe obiecto formali , & via procedendi diuersæ sint .

§ 9. Non

59. Non item recte diceretur *Physica* esse *Metaphysica*, saltem eatenus, quatenus habet ex multis a posteriori collectis probare alia iam a priori; dupliciter enim contingit, quod habita a posteriori natura aliqua, probemus inde ex ipsa, atque adeo a priori eius proprietates: Primò vt pendentes a posteriori, & de de facto; & hæc est probatio adhuc *physica*, & resolubilis in primæ principia *physica*: Secundò probamus abstrahendo ab eo quod de facto, & accepta vt sic natura, tanquam specie entis, ac proinde secundum abstractionem *metaphysicam*; & hæc erit verè probatio *metaphysica*, & post *physicam* quidem, sed tamen non morè *physico* deriuata.

60. *Mathematica* etiamsi nec a priori, nec a posteriori demonstret, atque adeo nec cognoscat, definiatque suum obiectum, nec cognoscat quid sint proprietates eius; sed tantum habeat de illo quidem cognoscere; de his verò demonstrare quod sint (abstractiue tamen ab actuali existentia) atque adeo multum decedat a ratione optimæ scientiæ; tamen verè scientia est certa, & euident per causam cognoscendi, nempe per connexionem necessariam vnius mensuræ notioris cum alia ignotiore: dantur enim & hæc multa principia, & axiomata *math-*
the-

thematica inuoluentia certas proportion-
nes, & mensuras, ex quibus sua peculiari
via, a concomitanti scilicet, habent ad
ea, quæ sunt ignota procedere.

61. Et licet in plures diuidatur scien-
tias partiales : primò in Mathematicas
puras, quæ scilicet solam quantitatem
considerant, vt sunt Geometria, quæ
quantitatem Molis, sub qua sunt Altime-
tria, Planimetria, Stereometria specula-
tiuæ, & practicæ lineas, & superficies,
& corpora metientes, & Arithmetica
considerans quantitatem discretam : Se-
cundò in mixtas, quæ scilicet considerant
quantitatem sensibilem, cuiusmodi sunt
Cosmographia, Gnomonica, Geodesia,
Mechanica, Musica, Nautica, & Op-
tica, omnes speculatiuæ item, & prac-
ticæ.

62. Cosmographia enim versatur cir-
ca quantitatem mundialem ; diuiditur-
que in Astronomiam, quæ Cœli, ac
syderum quantitatem, ac motus, & dis-
tantias metitur ; & Geographiam, quæ
metitur quantitatem terrarum, & regio-
num, earumque cum cælestibus propo-
sitionem : Gnomonica verò motus præ-
cipuè Solis considerat per vmbra Gno-
nonis, & horologia : Geodesia mensu-
rat altitudinem puta Montium, & Tur-
rium in quacunque distantia, tum mul-
titu-

itudinem quarumcumque rerum positatum , vel ponibilium in dato loco .
Mechanica metitur grauitatem & leuitatem , motumque grauium , & leuium , ac practicè viam mouendi considerat .
Musica tonos, & voces: Nautica rectū in mari cursū ex Astronomia , & Geographia, altitudinesque marium speculatur :
Optica supposito transmitti radios visuales , eorum quantitatem considerat , Vndeque hic & nunc magna appareat ex alio , & alio loco varietas, pro vt per alia, & alia media directè , vel reflexe , vel secundum refractionem , fiat visio : Licet inquam sic rite diuidātur Mathematicæ , tamen semper , quod speculantur , est quantitas , vel molis , vel discreta , vel ponderis , vel motus secundum quod mensurabilis mensuris notis , & primis ; vnde principia illius sunt (vltra definitiones quantitatiuas secundum mensuram) totum esse maius sua parte ; si ab æqualibus , &c. & pari modo secundum eiusmodi principia mathematicæ practicæ operantur circa quantitates vel molis , vel discretas , vel ponderis , vel motus .

63. Eo autem magis confirmatur Mathematicam esse scientiam ; quia, cum sit certa , & euidens , per consequens est conformis diuinæ scientiæ , quam Deus ipse habet de quantitatibus , & mensurabili-

bilitate ~~causa~~; ergo licet differat, defi- ~~ciat~~
 ciatque secundum perfectionem cogno-
 scendi a scientia diuina, tamen absolute
 est scientia, cum non deficiat in essentia-
 libus, certitudine scilicet, & euidencia;
 ut ut principia, quibus concludit, sint
 quidem necessario connexa ipsi subiecto
 materiali, & formali quod mathemati-
 cæ, sed tamen nō raro extrinseca. Quod si
 Aristoteles diuisit omnē demonstrationē
 in a priori, & a posteriori, id fecit tra-
 diturus artem demonstrandi in Phisicis,
 & Metaphisicis, ut in quibus illo ipso
 tempore grauissimè peccabatur, quæq;
 eius consilio futuræ erant vsui; at mathe-
 maticas non tractauit; cum nec mathe-
 matica traditurus esset; & iam illæ rite
 procederent, ipso teste Arl., qui non
 paucis in locis laudat mathematicas de-
 monstrationes.

64. Iuat hîc superaddere sacram
 Theologiam, propterea quod, & si su-
 pernaturalis est scientia, tamen iam Deus
 ipse dignatus inhabitare luteas demos,
 quas fecit, reddidit illam nobis adme-
 dum familiarem. Est hæc scientia secun-
 dum quid, nempe cognitio discursiua,
 certa, non euidens: eius principia prima,
 & indemonstrabilia sunt omnes proposi-
 tiones formaliter reuelatæ, vel reuela-
 biles, aliaque principia naturalia, ut cum

¶ his reuelatis habent coniungi ad conclusiones inferendas; vnde obiectum materiale, & formale quod Theologiæ sunt res omnes deducibiles philosophice ex reuelatis, aut reuelabilibus. Deficit hæc a ratione scientiæ simpliciter sic dictæ, quia obscura est; quæ enim credimus, bene ait S. Aug., nescimus: vnde, quæ deducimus ex creditis, per consequens deducimus ex nescitis.

65. Non sunt autem ita distinctæ supradictæ scientiæ ab inuicem, vt nihil prorsus habeant affinitatis, atque commercij: etenim primo cōmunicant obiecto materiali de quo, & formali quod; cum eadem propositio demonstrari possit physicè, & metaphysicè: puta materiam esse puram potentiam, & subiectum commune, & motum esse actum entis in potentia: & metaphysicè probari potest perpendicularem incidentem rectæ, facere duos angulos rectos, vel duobus rectis æquales. Imo scientia physica ad plurimas suas demonstrationes indiget principijs metaphysicis per se notis & rationibus etiam ignotioribus ex illis deductis, puta nihil ex nihilo fieri, naturam nihil facere frustra, causam efficientem esse saltem æquè perfectam, ac effectum, & similia.

66. Quæ tamen non probant Physicam

cam ita permixtam esse Metaphysicæ, vt vnâ scientiam constituant; satis enim differunt procedendi modo: & licet aliqua principia, propositionesque metaphysicas usurpet Physica, ea tamen usurpat tanquam subordinata principiis suis, vnde non ideo variat suum procedendi modum a posteriori, & de de facto, & eodem modo materialiter permixtam metaphysicam, & mathematicam diuersæ semper viæ distinguunt. Vnde, qui dicunt, Mathematicam differre ab alijs scientijs, propterea quod peculiaribus adhibet instrumenta, regulas, circinos, astrolabia, nunquid intelligunt, quod aiunt?

67. Maior cadit mixtio inter scientias, vbi subalternatio intercedat, quæ nihil est aliud, quam vnius scientiæ respectu alterius quasi subiectio. Scientia enim subalternans superior est, & prior, & independens in demonstrationibus suis: in quibus contra scientia subalternata pendet a principiis subalternantis, quæ tiam minus vniuersalis est. Perro si subordinantur tum practicæ practicis, tum practicæ speculatiuis, tum etiam speculatiuæ speculatiuis.

68. Practicæ subalternatæ practicis sunt illæ, quarum finis intrinsecus medium est respectu finis intrinseci alterius

Vnde est, quod Frænifactoria subordinatur equestri, & Lanificium Textoriæ: accipiunt enim ab ijs præcepta saltem prima. Subordinantur verò practicæ speculatiuis, quatenus accipiunt cognitum subiectum, in quo rectitudo practica inducatur: naturam enim ferri, & lanæ ductilis, & operationum intellectus, quantum necesse est cognoscere, vt practicus sciat, quomodo materiam subiectam tractare debeat a scientijs speculatiuis acceptam habere debet. Sic scientia practica medica subordinatur scientiæ physicæ, vnde virtutem lapidum, & herbarum cognoscit: sic orator accipit aliunde naturam affectuum, & animorum: vnde multam prorsus habent scientiæ practicæ pro diuersitate subiecti, quod tractant, indigentiam principiorum ex Physica, Mathematica, & Metaphysica desumptorum.

69. Speculatiuæ subalternatæ speculatiuis ideo dicuntur subalternatæ, quia obiectum earum contractum est, & sub genere subalternantium: contractum quidem non differentia essentiali, siquidē potius essent scientiæ partiales, quā subalternatæ; sed differentia accidentalī, quo modo Optica, quæ tractat lineas sensibiles, & visuales, subalternatur Geometriæ, quæ speculatur insensibilem quantitatem.

titatem. Vnde vera est communis illa diuisio subalternationis ratione obiecti, ratione finis, & ratione principiorum: ratione enim obiecti subalternantur speculatiuæ speculatiuis, quæ, cum habeant eundem finem, eademque principia, differunt tamen obiecto accidentaliter contracto; ratione autem finis subalternantur practicæ practicis, cum finis subalternatæ sit medium ad finem subalternantis; ratione autem principiorum subalternantur practicæ speculatiuis, quatenus ab ipsis mutuuntur principia de suo saltem materiali subiecto.

70. In quo illud obseruandum est, quod non ideo tamen dicetur scientia Physica, vel Mathematica subalternari Metaphysicæ. Esto enim Physica indigeat quidem principijs metaphysicis ad complementum suarum probationum, tamen ita illa assumit, vt de sua procedendi via nihil recedat, tenorem seruans natium; imò ita probans, vt demonstrationes suas habeat vltimò resolvere in experientias sensibiles satis per se primo certas. Et ex duabus præmissis altera physica, & de de facto, altera (vbi contingat) metaphysica, abstrahente sequitur conclusio physica, & de de facto. At vero scientiæ subalternatæ ita indigent principijs subalternantium, vt pro-

cedant non propria via ; sed eadem , qua subalternantes , quæ est ratio , cur rite dicantur non aliæ prorsus scientiæ , sed alteræ , & sub altera , atque adeo subalternatæ .

CAPUT V.

De Logica , & Obiecto eius .

71. **N**ON est hic locus tradendi prolixiorē doctrinam de Scientijs practicis diuidendo eas secundum sua genera , & species ; neque enim , qua scientiæ practicæ sunt , continent procedendi modum peculiarem , scituque dignam eruditionem supra eam , quam in vna scientia logica exequenda afferemus , quæ præ cæteris hoc loco ponenda est , quia tum ipsa , tum obiectum eius , aut est scientia , aut magnam habet cum scientijs affinitatem , quas quodammodo scire docet , & , si Logicam tollas , necesse est vel nullas esse , vel certè esse imperfectas .

72. Illud certum est duplicem dari Logicam , naturalem alteram , & ingentitam ; alteram artificialem , & vñu acquisibilem . Logica naturalis est ipsa virtus intellectus nostri , qua rectè habet ratiocinari , & circa proposita obiecta
rite

ritè operans, certusque operationum suarum non declinare ad dexteram, nec ad sinistram: quam Logicam is tantum neget, qui non habeat, cuique prauo aliquo temperamento valde sit hebetata: & clamat experientia, quod, licet multis erratum sit ante inuentam Logicam artificialem; tamen & multis rectè ratiocinatum est, cum ne comparari quidem potuisset artificialis, si nulla præextitisset Logica naturalis.

73. Non minus certum est dari Logicam artificialem, quæ est habitus acquisitus vnde instruimur ad rite ratiocinandum regulis nunquam fallentibus. Ex vna enim parte docet experientia, quod præcisè ab his regulis non pauci contingunt passim errores, vbi ad discurrendum accedimus, & ex alia omnis operationis humanæ, maximè ad conuersionem necessariæ, quæ sit benè, & malè factibilis, debet dari ars, qua instruamur ad rectè operandum (alioquin nimis malè consultum nobis esset in re magni momenti) eò vel maxime, vbi non sint necessaria valde peregrina, eminentia præcepta, quæ aciem humanæ inuentionis effugiant.

74. Obiectum Logicæ alij statuunt esse ens rationis; sed perperam, si sermo sit de impossibili, & ficto ente in qua-

cumque tandem materia fingatur, quia huiusmodi ens nec est factibile bene, aut male, nec est cognoscibile, nisi ab errore, nulla autem scientia est error. Alijs placet, quod obiectum Logicæ sint res omnes, ut substantiæ nostris intentionibus, aut ipsæ secundæ intentiones subiecti, prædicati, generis, speciei, & similium: sed esto Logica consideret secundas intentiones, & terminos obiectiuos, & sic quodammodo res omnes, secundum quod habent esse termini obiectiui, & facere ad cognitionem operationum intellectus, atque inde ad directionem earum, unde sint ut sic obiectum considerationis; attamen patet hæc non esse obiectum attributionis Logicæ, cum nec sint finis ipsius, nec sint illud, quod fit, quodque ipsa regulat, dirigitque, certe enim a Logica non regulantur res omnes.

75. Male item ponitur obiectum Logicæ esse voces, vel per se sumptas, & ut tales, cum nec ullum sit de ipsis cognoscere præceptum, ut ritè fiant, nec stet in illis ea directio, qua opus ad ratiocinandum habemus: vel sumantur, ut sunt signa conceptum, quo in casu tantum considerari debent, ut perspecta vi earum sic significatiua discursus ratiocinatio recta intellectus rectè verbis explicetur, quod

quod item nihil est amplius, quam esse obiectum considerationis.

76. Sed nequè bene dicitur obiectum Logicæ esse tres operationes intellectus: prima enim non est regulabilis, ut nunquam errat secundum formam, esto erret quandoque secundum materiam apprehendendo res aliter, ac sunt. Et de facto non est afferre ullam primam apprehensionem, quæ non sit in forma, nec est inter præcepta Logicæ afferre, quæ spectant ad dirigendam hanc operationem: esto habeat considerari a Logica, ut sciantur, quæ sunt partes quodammodò componentes Enunciationem, & ratiocinationem, hoc est, ut sciatur intellectualis acceptio eorum, quæ prædicantur, vel subiiciuntur in secunda, & tertia operatione, cum ibi prædicentur, ac subiiciantur secundum quod per prius apprehensa sunt. Et falsum est, quod omnes scientiæ, omnisque Logica eò tendant, ut ritè apprehendamus: esto enim certè apprehendat melius obiecta scientiatus, quam rudis; tamen hic utique non est finis, sed potius sequela scientiæ, quæ alioquin malè ordinaretur ad operationem imperfectiorem, qua scilicet tam ruditer cognoscimus, ut nesciamus, quod cognouimus, & præterea valet, quod dicebamus eam rectitudinem apprehen-

C S

sionis

sionis non se tenere ex parte formæ, ac proinde non cadere sub regulam scientiæ practicæ.

77. Ne secunda quidem operatio est obiectum Logicæ, propterea quod neq; ipsa est regulabilis, & de facto nullum video in Logicis præceptum de forma secundæ operationis, nec auditur unquâ, aut legitur aliquam Enuntiationem peccare forma. Cuius rei ratio est, quia omnis secunda operatio intellectus, quantum de se, & si itemus in eius sincera classe, est primum principium evidens Physicè, vel Mathematicè, vel Metaphysicè, vel moraliter, vel certum de fide, sed in eiusmodi primis principiis, hoc ipso quod ritè apprehendantur termini, & potentia disposita sit, impossibile est errare tum secundum materiam (exceptis principiis morali, & physico quibus tamen forma non peccatur,) tum secundum formam, cum potentia cognoscitiva erga proportionatum, ac per se primò notum, opportunequè propositum obiectum non habeat errare, maxime errore Logicè corrigibili: & habemus experientiam, quod nunquam studeamus circa formam iudicii, ut rectè iudicemus.

78. Omnem autem secundam operationem iuxta suam propriam lineam, & clas-

classẽm esse primum principium, ex eo manifestum est, quòd omne iudicium vel est de per se primò notis, & est axioma, vel est de notis ex alio, & est discursus, ergo, si secunda operatio non est discursus, neque erit cognitio de notis ex alio, sed erit de notis tantum per se, ac proinde primum principium: quod patebit magis conanti iudicare primò, & non ex alio propositionem obiectiuam, non per se notam: puta maiorem basim subtendere maiorem angulum; quod experietur esse impossibile iudicare, nisi ex alijs deducat.

79. Illud tamen verum est hanc quoque operationem considerari a Logico magna ex parte tum speculatiuè, vt sciat naturam eius, quæ vniversalis, quæ particularis, quæ affirmatiua, quæ negatiua, quæ æquipollens alteri, quæ secus, & sic de reliquis: tum practicè quomodo poni possit in syllogismo, & viurpari ad ratiocinandum; sed tamen, vt ex his pater secundam hanc operationem statui posse obiectum partiale Logicæ speculatiuæ; non tamen sequitur pari passu esse obiectum etiam practicæ; cum nulla sit eius practica consideratio ad ipsam ritè formandam, sed tantum ad componendum, & formandum ex ipsa syllogismum, in quo huius, vel illius generis,

& qualitatis propositio hic , & nunc collocari debet .

80. Etenim Enuntiatio componit syllogismum , quo modo plures v. g. flores, ac folia coronam , quæ artificiale quiddam est , esto flores omnes sint naturales : & ars regulatiua coronæ floræ requirit , quod eligatur pro hic , aut ibi hic , aut ille flos , & folium , at non regulat tamen ipsum fieri foliorum , aut florum ; sed accipit (tantum artificiose eligens , & collocans) secundum quod naturaliter facta sunt : sic Logicus artificialis ad faciendum syllogismum , utitur regula hanc , illamue propositionum eligens , reiiciens , collocans , iubens faciendam , sed nullam ipse regulat , dirigitque .

81. Quare illud reliquum est ; vt sola tertia operatio intellectus , hoc est discursus , omnesque species eius sint obiectum Logicæ practicæ , & de facto hac vna operatione tam multa habemus errare secundum formam , sicut plus nimio docet experientia . Et hæc certa sunt ex ipsis præceptis logicis descriptis passim in libris , & disputatis in Scholis ad omnem nedium eruditionem , sed etiam satieta-tem ingenij : tum certa sunt auctoritate omnium sapientum , vnde benè S. Aug. 2. de ordine cap. 12. & 13. : hæc , ait , idest
Lo-

Logica, docet docere, hæc docet discere: in hac se ipsa ratio intellectus nostri demonstrat, atque aperit, quid sit, quid velit, quid valeat: sola scit scire, sola scientes facere non solum vult; sed etiam potest. Et verò ipsi discursui conueniunt omnes rationes obiecti Logicæ, & est ipse finis intentus, vnde, qui bene syllogizat, Logicè agere dicitur.

82. Porro ipse discursus est obiectum in quo Logica inducit rectitudinem formæ, & ipse idem simul acceptus cum forma rectitudinis inductæ est obiectum, de quo attributionis, quatenus vtile est ad bonum scientiæ, sub hac enim bonitate, & vt vtile, ac factibile propter scientias, tanquam sub primis suis principijs (vt dicebamus supra in genere de scientijs practicis) practicè consideratur. Post syllogismum vt sic sunt obiectum Logicæ eius species: demonstratio, tum definitio, & diuisio demonstratiuæ: Syllogismum enim probabilem, vt talem, non considerat Logica, quæ tota est propter scientias, & licet iucundissimum sit cognoscere maxime de nobilissimis rebus etiam probabiliter, tamen eiusmodi vt sic tractantur ab aliquo sciente, non a scientia.

83. Nec absurdum videri debet, quod ponamus definitionem in numero demonstration-

monstrationum : dico enim , quod triplex potest statui definitio : Prima , ut sit terminus complexus , puta : Animal rationale : & hæc , ut est mera prima apprehensio , sic potius rudimentum est definitionis , quàm definitio , non enim definit obiectum , qui illud nescit , nescit autem , qui merè apprehendit , vel per se , vel ab alio audiens . Secunda definitio est propositio per se nota , cuiusmodi sunt plures Mathematicæ-definitiones , & aliquæ Physicæ , vel Metaphysicæ , puta : Punctum est , cuius nulla pars ; Angulus est duarum linearum inclinatio ; mutatio est transitus ; quantum est diuisibile in ea , quæ insunt ; quæ ut pote euidenter , sic non indigent , ut probentur : & sufficienter bonæ sunt , etiamsi non sint nisi cum implicito genere , & differentia ; imò aliquid etiam abundet . Tertia definitio est cognitio explicans quidem naturam rei , sed nota ex alio , vel quo ad substantiam , vel quo ad modum definiendi rigorosiorē secundum proprium , rigidumque genus , ac differentiam : & hæc necessariò , vel secundum se absolutè , vel secundum modum est demonstratio definitiua .

84. Et simili modo diuisio Logica , quæ non est nec quanti secundum partes magnitudinis , nec totius actualis secundum

dùm integrales , nec perfecti secundùm gradus perfectionis vt sic ; sed vel totius vniuersalis in sua inferiora , vel graduum essendi in primos , & posteriores , secundùm quos habeat fieri demonstratio vel ab essentia ad proprietates , vel a proprietatibus ad essentiam , similiter inquam diuisio triplex est , & obiectum propriè Logicæ est , quæ simul sit demonstratio diuisiua .

85. Malè autem aliqui dicunt idem esse diuisionem alicuius totius , & definitionem eiusdem , cum vtraque sit , aiunt , cognitio partium . Nam definitio de se explicat essentiam quo ad quid est ; at diuisio notat partes eius quoad quod est , nec explorat quid sint . Quæ autem sit demonstratio in communi , & quæ partes eius , ac virtutes dicemus capite sequenti , quo patebit etiam vberius tota latitudo obiecti Logicæ , & quæ sit optima demonstratio .

86. Porro hæc Logicæ obiecta esse considerabilia tum practicè , tum speculatiuè satis ex dictis supra manifestum est , sicut etiam certum est Logicam practicam subalternari speculatiuæ , vt cumque tandem pars speculatiua appellanda sit speciali nomine Logica , quæ nempe considerat per principia veritatis formalis per se nota , modique sciendi vt talis ;
an

an potius appellanda sit pars Physicæ, aut Metaphysicæ.

87. Celebris est diuisio Logicæ in Docentem, & Vttem: & docens nihil est aliud, quàm ipsæ cognitiones præceptiue, & directiue demonstrationum, vel actu secundò dirigant, vel potentia tantum. Logica Vtens, seu vsa, & exercita sunt ipsæ demonstrationes regulatæ a Docente, vel in propria, vel in aliena materia. Illud verum est, quod Logica Vtens in propria materia non distinguitur realiter a Docente, sed ratione tantum, cum eadem numero demonstratio sit Vtens, vt ab alia dirigitur, & docens vt aliam dirigit: Et dantur aliquæ regulæ Logicæ ita per se claræ, & certæ, & primæ, vt illæ regulent non regulentur; & per consequens erunt merè Logica Docens. Quibus sic stantibus erit per consequens diuidere & actus, & habitus ipsius Logicæ in materia logica, in directos, & erunt Logica vtens, & directiuos, & erunt Logica docens.

88. Vnde non placet, quod aliqui ponant regulatiuum in practicis nihil aliud esse quam Ideam, & minus quod dicant Ideas esse ipsum obiectum, ac finem Logicæ practicæ: Primò enim prudentia, aliæque scientiæ, vel artes directiue maximè operationum, esto doceant,
quo-

quomodo amandum, sperandum, ac ritè operandum sit; attamen non faciunt huiusmodi Ideam, ut potest unusquisque in semetipso experiri, tum quòd non habet, & fortasse nescit Ideam rerum huiusmodi amoris spei, & sic de cæteris, tum quòd esto bene operaturus in præticipis, præcognoscat, quomodo operandum sit, tamen non respicit ad ullam Ideam, quam imitetur in operando, quæ potius frustratoriè adhiberetur, cum satis ea simplici operationis præcognitione dirigamur ad operandum: quod non contingit in quibusdam mechanicis operibus, ad quæ elaboranda ultra præcepta requiritur Idæa plurium contingentium, tum ad determinationem operis, tum ad adiumentum imaginatiuæ. Nec vltimum est in Logicis præceptum de Idæa faciendâ, & quæ dicuntur de Syllogismo Demonstratione, &c. ea dicuntur de veris syllogismis, non de Ideis eorum.

89. Sic explicatam Logicam manifestum est esse necessariam ad scientias, si non simpliciter, saltem facile, & cum perfectione acquirendas, ut patet tum a priori, scilicet ex natura intellectus nostri admodum proni ad errorem, nisi arte corrigatur, tum a posteriori ex erroribus admissis passim a nescientibus Logicam. Vnde, licet finis Logicæ intrinsecus sit ipse

ipse modus sciendi , tamen finis extrinsecus est ipsa veritas , seu ipse rectus modus sciendi contractus secundum omnem materiam scientiarum .

CAPVT VI.

De tribus intellectus Operationibus .

90. **Q**uoniam tota Logica , scilicet tum ipsi actus , habitusque , tum obiectum ipsius scientiæ sunt , hinc est , quòd ad plenam huius partis de scientia translationem necesse est , afferamus , quid præterea sit prima , quid secunda , quid tertia operatio intellectus , in quibus omne tandem consistit rudimentum , negotiatio , & complementum scientiæ actualis , vnde omnis generatur habitualis scientiæ propago .

91. Est ergo prima operatio intellectus apprehensio simplex obiecti vel vnius , vel plurium simul nihil comparans apprehensa adinuicem , nec componens , imò nec cognoscens , qualiter se habeant , sed merè illa repræsentans simul , ac nesciens . Dicitur benè terminus formalis , vt obiectum eius terminus obiectiuus , &

VOX ,

vox, aut scriptura ipsa significans terminus vocalis, vel scriptus, quia ista se se ad inuicem terminant, ac mensurant, vel quia sunt pars, vel extrema, vel media, in quæ ultimò diuiditur propositio mentalis, vel vocalis, vel scripta, vel obiectiva.

92. Vnde consurgunt diuisiones terminorum vocalium, atque inde scriptorum, tanquam per prius noscibiles, & aptæ ad explicandas diuisiones secundum varias rationes, & characteres ipsarum apprehensionum, & rerum. Porro diuisiones huiusmodi terminorum sunt: primò ratione modi actiue significandi in uniuocos, analogos, denominatiuos; æquiuocos, synonymos, proprios, & improprios; secundò in ordine ad res significatas, secundum quod sunt prædicabiles, vel subijcibiles in terminos singulares, uniuersales, atque adeo genericos, differentiales, específicos, proprios secundum esse, & accidentales; tertio in ordine ad certas rerum significatarum classes in substantiam, quantitatem, qualitatem, & reliqua prædicamenta, cæteramque in ipsis prædicamentis rerum omnium seriem, nec non & alios transcendentales; quartò secundum certam comparisonem huiusmodi rerum significatarum in superiores, inferiores, reci-

pro-

procos, pertinentes, impertinentes, repugnantes, contrarios, priuatiuos, contradictorios, relatiuos; quintò secundum modum, quo res significantur in categorematicis, syncategorematicis, complexos, incomplexos, abstractos, concretos, connotatiuos, absolutos, collectiuios, distributiuios, finitos, & infinitos; sextò demum diuiduntur secundum leges, quibus habent in oratione, aut propositione copulari in subiectum, prædicatum, & medium terminum, nomen, verbum, &c.

93. Sed ad plenam huius primæ operationis, explicationem quantum Logicis vsibus cognoscere necesse est, vberius exponendi sunt termini vocales explicando vim significatiuam eorum: quam vt altius repetamus, dicendum est duplex esse signum. Formale, & Instrumentale: formale quidem, quod incognitum ipsum repræsentat alterum cognoscenti, cuiusmodi sũt species impressæ sensuum, vel intellectus: Signum instrumentale, ex S. August. est illud, quod se ipsum sensui, & aliquid aliud manifestat intellectui: non quasi dari non possint signa insensilia, possunt enim dari inter Angelos vt patet, imò & potest aliquis ex spiritualibus effectibus, vel affectibus, quos experiatur in se, puta ex eo, quod hanc, illam.

illamue rem sæpius animo repetat venire in cognitionem quid amet , quid sibi salubre , vel proficuum sit , & contra quid noxium vel inimicum : sed sic traditur definitio ad explicandam rationem signi communis , & primi inter homines , quod necessario debet esse sensibile , vel ducat in cognitionem rei sensibilis , vel insensibilis .

94. Communiter dividitur huiusmodi signum instrumentale in naturale , & ad placitum , & etiam ex consuetudine , seu observatione . Naturale dicitur esse , quod habet natura sua ducere in cognitionem alterius , vt fumus ignis : ad placitum , quod ex libero instituto : signum ex consuetudine , quod notata connexionne , vel naturali , vel ex accidente vnus cum altero iam ex vno ducit in cognitionem alterius , vt signum horæ est etiam signum prandij , & delphines signum sunt tempestatis .

95. Sed , vt benè , saltem ex parte , notat Toletus pri. Perili. quæst. prima , non benè admittuntur propriè signa naturalia , cum natura non instituerit ad huiusmodi munus res suas , puta vt fumus significet ignem , vel causa effectum : imò , si ritè loquendum sit , cum nullæ res naturales habeant natiuam per se virtutem , vt cognitæ ipsæ nullo alio addito
alte-

alteram manifestent, dicendum est, quod ,
& si verè dantur signa naturalia forma-
lia, & vt quod, tamen nullum datur signum
naturale instrumentale, & vt quod.

96. Etenim, si quæ res naturaliter
significant, vel hoc est ideo, quia habeant
natura sua esse primum principium obie-
ctuum, & medius terminus, vt ducant
in cognitionem alterius, & hoc malè di-
citur, tum quia ratio signi vt sic non in-
uoluit rationem discursus, vt mani-
festum est, tum quia non minus ignis esset
signum fumi, quod nemo dicit, quàm
fumus ignis, & sic de cæteris naturaliter
connexis, cum æque possit ex altero per
prius noto hic & nunc veniri in cogniti-
onem alterius. Vel ideo res naturaliter
significant, quia cognitæ habeant vim
producendi speciem alterius, vel habeant
ipsæ, vt cognitæ, esse species alterius, &
hoc item dici non potest, quia nulla res
creata, vel certè non illæ omnes, quæ
sunt signum, habent huiusmodi vires.

97. Vt multò minus quæcumque
res creatæ sunt signum naturale, quia se
ipsis natura sua, & ex intrinsecis suis prin-
cipijs habeant vim, vt, hoc ipso quòd
cognoscentur, ducant in cognitionem al-
terius: nam, si quis nunquam viderit
ignem, imò si nesciat connexionem na-
turalem eius cum fumo, nunquam viso
fumo

fumo veniet in cognitionem ignis, vt visis delphinibus nunquam veniet in cognitionem tempestatis, nec sentito pulsu in cognitionem febris, si nunquam antea ignē tempestatem, aut febrim viderit, & preterea connexionem earum cum fumo delphinibus, & pulsu.

98. Quod etiam eò vltcrius probatur, quia tota ratio signi, visque realis, & physica significandi in eo tandem consistit, quòd, hoc ipso quòd cognoscimus res, quæ sunt signum, excitentur species impressæ in memoria alterius rei, neque enim alium modum signi proprium ducendi in cognitionem alterius poterimus inuenire. tunc autem in tantum habet res aliqua cognita vim hanc, in quantum species eius est in memoria connexa cum specie rei cognoscendæ, quam connexionem, vt certum est posse contingere ex deputatione obseruatione, ac consuetudine vnum ex altero cognoscendi, ita certum est, omne signum instrumentale esse vel ad placitum, vel ex obseruatione, & consuetudine.

99. Quod si his non obstantibus placet, tum fumum, pulsum, aliaque huiusmodi appellare signa naturalia, quia esto non habeant virtutem naturalem significandi, tamen habent cum re significata naturalem connexionem, duo sunt ab-

surda; primum quòd æquè ignis erit ergo signum fumi, & valetudo signum pulsus, & tempestates signa signorum suorum : alterum ; quod esset dicere esse quidem signa naturalia, sed materialiter tantum, non verò naturalia formalitèr, & in ratione signi . Quis autem appellet horologium corpus naturale, seu naturale horologium, propterea quòd res, quibus constat, naturales sint ?

100. Neque contra ista dici potest, ignem, pulsum, tempestates ideo non esse signa naturalia signorum suorum, quia proprium signi est, ut sit quid notius : etenim hic & nunc notior est valetudo, ignis, & tempestas secuta, quam fumus, vel pulsus, vel signum tempestatis : Non item contra est, quod signum debeat habere rationem effectus, & posterioris, unde demonstratio a posteriori dicatur demonstratio a signo, multa enim signa tempestatis nec sunt posteriora, nec effectus tempestatis : Non item obest, quod aliqua sint incerta & fallibilia ; hoc enim probat tantum dari diuersa signa, fallibilia scilicet, & infallibilia : cuiusmodi etiam est pulsus respectus febrium .

101. Ne verò nos turbent gemitus naturales tum hominum, tum brutorum, & quòd plures belluæ ex rebus sensatis dicantur percipere alias non sensatas; ergo,
cuna

cum non discurrant , gemitus , aliaque huiusmodi naturaliter in belluis significare : Namque gemitus , & huiusmodi effectus sunt quidem res , effectusque naturales , ex quibus via discursiva , & observatione , atque inde per consuetudinem venimus in cognitionem internarum passionum ; sed non contingit hoc tanquam ex signo . Belluæ autem tum ad dicta , tum ad alia obiecta moventur hoc , aut illo pacto , non quia percipiant ex sensatis non sensata ; sed quia secundum hanc , vel illam æstimationem cognoscunt ipsa sensata , tanquam bona , & proportionata sibi , vel vice versa , unde aufugiunt , vel prosequuntur ; ut vberius ex de Anima sensitiua erit cognoscere .

102. Quare signum , ut inter homines , dicit tum rem sensibilem , tum institutionem , vel observationem , & consuetudinem , quibus res sensibilis cognita deputatur , & ordinatur , atque adeo connectitur cum re significata connexionem secundum ordinem cognoscendi , unde consurgit illa connexio speciei impressæ signi cum specie impressa significati , in qua connexionem tota vis significatiua consistit : proindeque dicitur benè ratio signi formalis esse ipsa institutio , observatio , vel consuetudo , aut ordo , quo res sensibilis percepta sensu excitat cognitionem

D

nem

nem alterius sensibilis, vel insensibilis.

103. Deo nullum potest statui signū, quia immediatè nouit omnia, vnde licet intelligat nos loquentes, tamen non intelligit, quasi voces, & conceptus nostri sint ipsi signa rerum: sed quatenus scit immediatè, & res, & verba, & signa, & proportionēs, habitudinesque eorum adiuvicem. Possunt tamen statui signa spiritualia inter homines, & Angelos; & homini ipsi pro se ipso vt hic, vel ille impetus animi sit signum huius, vel alterius rei faciendæ: vnde ratio signi vniuersalissimè sic dicti non requirit rationem, sensibilis, sed sufficit, quòd immediatè sit proponibile potentia cognoscitiuæ, & inde excitatiuum alterius.

104. Esto signum ad placitum per se non significet rem perfectius audienti, quam a loquente cognoscatur, imo nec imperfectius, nec secundum eandem mensuram; tamen benè dici potest, quòd hic & nunc significet perfectius, vel imperfectius per accidens, pro vt excitat meliores, vel imperfectiores species pre-existentes in audiente; esto, quod ait Molina, loquens ferè cogitet rem concipi ab audientibus, pro vt planè ipsemet illam cognoscit; sed & dici potest, & quidem melius signum huiusmodi per se significare eodem modo his, aut illis audien-

cientibus, cum de se eodem modo exci-
tet in audientibus præexistentes species.

105. Neque verum est, quòd termini
logici primò significant conceptus, inde
res, aut vice versa; sed absolutè secun-
dum quòd sunt signa ad placitum, signi-
ficant res, ad quas significandas instituta
sunt: conceptus vero significant ex ob-
servatione, vel consuetudine, cum ex na-
turali connexionè terminorum cum no-
stris conceptibus verè habeamus etiam in-
cognitionem ipsorum conceptuū venire,
ad quos proinde ut conceptus, non ut res,
consignificandos, frustra erat instituere
terminos, cum satis ex naturali conne-
xione, & observatione, absque institu-
tione vlla significantur.

106. Sæpe vis significatiua, seu, quòd
in idem recidit, suppositio terminorum
varia est, unde magnæ consurgunt æqui-
uocandi occasiones: aliquando .n. idem
terminus supponet ampliatiuè, aliquan-
do restrictiue, hic collectiue, hic distri-
butiue, absolutè, personaliter, & si quæ
alia huiusmodi, pro ut vel nominum pe-
nuria, vel rerum significandarum affini-
tas, & vicinia in plura abire vetuit, aut
inopportunum existimauit.

107. Secunda operatio intellectus, quæ
iudicium, & compositio, ac diuisio di-
citur, &, si verbo exprimat, dicitur

Enunciatio, & axioma, si per se nota sit, ut propositio maior, vel minor, pro ut dicit ordinem, vel collocationem in syllogismo pro conclusione inferenda, est cognitio non merè exprimens more apprehensionis obiectum, sed ita illud proficiat, attentiusque cognoscens, comparansque alias cum alijs rationes, vel res, ut sic se habere illas, ut exprimit, cognoscat, atque definiat, & quasi de terminis apprehensis sententiam ferat.

108. Quæ est ratio, cur magis propriè, & per se primò huic operationi contingat esse vera, vel falsa, unde Enunciatio huic operationi respondens ritè definitur esse oratio verum, vel falsum significans. nam sicuti ipsa essentia primi iudicij intellectualis consistit in operatione expressiua definitivè erga obiectum, quod sic est, vel quòd non, quæ sunt differentiae, quasi specificæ iudiciorum, vel definiat verò, vel falsò, quæ sunt ipsorum proprietates, ita essentia Enunciationis consistit in significare ista, & benè definitur per proprietates notiores, & logicas, quæ sunt significare verum, vel falsum.

109. Porro Enunciatio, & per consequens secunda operatio intellectus proportionaliter rectè diuiditur: primò in simplicem, seu absolutam, & categoricam,

ricam, & in compositam, eamque vel absolutam, & categoricam vel modalem, & hypotheticam, secundò diuiditur in affirmatiuam, & negatiuam, veram, vel falsam, tertio in vniuersalem, & singularem, particularem, indefinitam, quartò in necessariam, impossibilem, & contingentem, quintò in directam, indirectam, identicam, & formalem, de secundo, & tertio adiacente.

110. Diuiditur sextò Enunciatio, pro vt variè adinuicem comparantur ipsæ enunciationes, tum in æquipollentes, & non æquipollentes, conuersas, & conuertentes, quarum vsus in syllogismis opportunus est; tum in contrarias, subcontrarias, subalternas contradictorias. Illud obseruandum est de propositionibus contradictorijs, quòd cum omnis contradictio, vel cognitionum, vel propositionum verbalium in tantum sit contradictio, in quantum sunt contradictoria obiecta earum, vt manifestum est, per hoc enim quod homines verè sunt rationales, nec est aliquis homo, qui non sit rationalis, verè contradictoriæ sunt istæ propositiones: Omnes homines sunt rationales, aliquis homo non est rationalis; per consequens benè diuiduntur enunciationes contradictoriæ in contradicto-

gias absolute, hoc est secundum rem;
& verba, & in contradictorias secundum quid, nempe secundum verba tantum.

III. Enunciationes contradictoriae absolute sunt illae, quarum obiecta secundum rem opponuntur, ut alterum sit, alterum non, ita ut ly Non tollat totum id, quod ponit ly Sit, ut Petrus est, Petrus non est; aliquis homo currit, nullus homo currit, quae se mutuo irremediabiliter, & metaphysicè tollunt, habentque omnes proprietates contradictoriae, ut una sit necessariò vera, altera falsa: enunciationes contradictoriae secundum quid sunt illae, quae in significando quidem, & exprimendo significant obiecta per modum essentis, & non essentis, sed verè a parte rei neutrum eorum est, & per consequens non est in ipsis obiectis contradictio, nec alterum ab altero tollitur, cum neutrum sit: huiusmodi sunt haec propositiones: Omnis Chimera est impossibilis, aliqua chimera non est impossibilis, quarum obiecta formalia, & ut verba sonant repraesentata, verè a parte rei non opponuntur, cum a parte rei nihil prorsus de se utraque sint.

III. Vel enim haec obiecta sunt a parte rei, secundum quod dicunt Chimerae.

meram, aut impossibilitatem, & hoc non; cum sint tantum obiectiue in intellectu: vel sunt a parte rei, secundum quod dicunt negationem essendi, vel impossibilitatis, & hoc item dici non potest, cum nulla negatio, ut dicemus in Metaphysicis, habeat veram rationem essendi: vel tandem habent ullam essendi rationem secundum quod dicunt ipsam unitatem impossibilem, & hoc neque dici potest, cum eiusmodi unitas sit maximum ens rationis.

113. Hoc tamen non tollit, quo minus eiusmodi propositiones contradictoriae secundum quid possint etiam dici contradictoriae absolute, ubi explicetur altera non in ordine ad obiecta ficta, sed in ordine ad realia, ut hæc: impossibile est hircoceruus, si explicetur ita ut sensus sit, repugnat quod hircus, & ceruus sint unum realiter ens, hæc enim erit verè a parte rei contradictoriè opposita alteri hircoceruus est possibilis, seu non repugnat hircum, & ceruum esse unum, & idem ens, qui de facto debet esse sensus huiusmodi propositionum, in cuius inquisitionem varijs nos ambagibus, & erroribus desudamus.

114. De futuro contingenti altera contradictoria est determinatè vera, altera falsa: Neque hoc tollit libertatem

contingentiæ ; sed tantum dicit infallibilitatem futuri a Deo prævisi , vel præordinati , salva tamen tum ipsius , tum creaturæ libertate . Neque Aristot. contra hæc sentit illud tantum volens ; quod , ut est necesse alteram contingentium propositionem esse veram , alteram falsam ; non tamen necesse sit diuidentem hanc quidem esse veram , illam falsam ; propterea quod non possint esse scientificæ , aut logicæ huiusmodi propositiones singillatim , & determinatè : cum nec sint per se notæ , nec ex per se notis necessariò deducibiles , & certè longè aliud est dicere , quod propositiones de futuro contingenti non sint altera determinatè necessariò vera : & hoc Arist. dixit , & verum est ; aliud est dicere , quod altera sit determinatè vera , & hoc verum est , nec Arist. negavit .

115. Porro veritas cognitionis bene dicitur esse positiua conformitas eius in repræsentando cum obiecto in essendo a parte rei : neque enim requiritur , quod aut sit propria similitudo inter cognitionem , & obiectum ; cum plerumque sint diuersissimæ speciei , neque sufficit , quod obiectum sit conforme cognitioni , secundum quod repræsentatur ; tunc enim omnis cognitio prorsus esset vera : Neque sufficit , quod cognitio sit conformis suo obiecto

obiecto negativè, quatenus nulli obiecto sit difformis, sicut non sufficit ad esse hominem, quod quis sit rationalis negativè.

116. Duplex est veritas cognitionis; adæquata, qualis est comprehensivæ cognitionis, inadæquata, qualis est præcisiivæ cognitionis, quæ hoc ipso benè dicitur non esse cognitio falsa, quia non est difformis, nec affingit obiecto quidpiam, quod non habeat, aut tollit, quod habeat: quæ est ratio, cur præscindentium non sit mendacium: inadæquata rursus est duplex, scilicet simplex, qualis est veritas sensuum, aut primæ apprehensionis, & composita, seu iudicativa, qualis est secundæ, vel tertiæ operationis intellectus.

117. Veritas simplex est mera conformitas cognitionis, & quasi mortua, qua nempe, licet talis sit in repræsentando, quale obiectum est in essendo, tamen adhuc ipsum obiectum nescitur: vel hæc sit tenuitas, aut remissio cognoscendi, quæ oriatur ex debili aduertentia potentiæ, aut ex improporcionata obiecti propositione, aut a certa ipsius animæ tenui virtute. Veritas verò composita, & iudicativa absolutè sic dicta est tam vivax, fixaque cognitionis conformitas, ut exercitè sciat, seu censeat

se verum dicere, & rem sic se habere, secundum quod cognoscit: diciturque composita, quia esto formaliter ipsa cognitio sit intransitiue, ac realiter incomposita, tamen obiectiue in nobis formaliter composita est constans subiecto, copula, & prædicato, vel certè semper distinguibilis est in subiectum, copulam, & prædicatum distinctione ratiocinata, vel saltem ratiocinante.

118. Hæc autem conformitas cognitionis relatio prædicamentalis est, qualis, quæ mensuræ, & mensurati; proindeque nec stat in solo obiecto, nec in sola cognitione; sed dicit vtriusque formam alteram alteri correspondentem. Cum quo tamen stat benè dici veritatem cognitionis in sola cognitione, & certæ eius quasi forma, expressioneque repræsentante consistere, quatenus ipsa veritas cognitionis, quantum spectat ad ipsam, perfectio eiusdem solius est, & dicit eam esse talis formæ in repræsentando, secundum quam habeat vel actu, vel potentia conformari ad obiectum, pro vt ipsum actu, vel potentia tantum existat.

119. Veritati cognitionis opposita est falsitas, quæ in apprehensione simplici reperiri non potest, sed bene reperitur tum in apprehensione complexa, tum
in

in iudicio discursiuo, vel non discursiuo. Est autem duplex falsitas, alia quæ positiuam dicit difformitatem ab obiecto, quæ scilicet repræsentat obiectum verum; sed aliter ac est, vt quæ repræsentat Petrum currere, dum tamen stat; alia quæ repræsentat obiectum a parte rei non habens, nec potens habere vllum verum esse, qualis est cognitio repræsentans chimæram esse possibilem, hæc enim est planè cognitio falsa; sed non habet positiuam relationem difformitatis, sed tantum negatiuè difformis est, quatenus non habet obiectum, cui conformetur, esto nec habeat propriè, cui difformetur, cum in essendo a parte rei chimæra nulla forma sit.

120. Eadem autem numero cognitio, vel primæ, vel secundæ, vel tertiæ operationis intellectus non potest transire de vera in falsam, aut vice versa, vel enim est ad obiectum necessarium, & manifesta res est, vel est ad obiectum contingens, & huiusmodi, si sit apprehensio incomplexa, vtique semper est vera. Si autem est complexa, vel abstrahit ab hic & nunc, & in eo casu semper est vera, cum Petrus currens vt sic, & non vt hic & nunc, sit obiectum verum, esto non existat actu hic & nunc, sicut neq; existere repræsentatur: si verò

apprehensio sit complexa non abstra-
hens ab hic & nunc, illud de ea dicen-
dum est, quod de Enunciatione, & dis-
cursu.

121. Scilicet ista non posse transire
de vero in falsum, nec vice versa, tum
quia veritas, vel falsitas non est ratio
adueniens, & recedens cognitioni, sed
proprietas necessario fluens ab essentia,
tum quia cognitio verè repræsentans, Pe-
trum currere nunc, hora scilicet vigesima
quarta, qua currit, vera est etiamsi alte-
ra, vel altera inde hora non currat, cum
ea cognitio æternùm repræsentet tantùm
currentem vigesima quarta hora, ad alias
verò horas non se extendat: cognitio
autem vera est, vel falsa tantùm in ordi-
ne ad obiectum, quod repræsentat, non
verò in ordine ad aliud.

122. Admittere autem propositionē,
quod Petrus currat, aliasue huiusmodi
contingentes, non connexam alicui tem-
pori est admittere impossibile; non enim
potest fieri propositio, quæ non sit per
se primò certa, vel probabilis, vel de-
ducta ex his, aut credita. Si dicatur esse
per se primò certa: cum non possit sic
esse, nisi duce sensu, qui videat hic &
nunc, vel cui appareat hic & nunc, Pe-
trum currere, per consequens non potest
cognoscere nisi, Petrum currere hic &
nunc:

nunc : currere enim ampliatiuè Petrum , & in omni tempore , quo ponatur , falsum manifestè est : nec potest vnquam , aut verè cognosci , aut vlllo pacto affirmari : Similiter nec potest eiusmodi propositio propter eandem rationem deduci : minus credi fide diuina , imò nec fide humana neque enim potest credi , quod tam manifestè falsum est ; & si credatur , fiet quidem propositio falsa , sed quæ nunquam possit esse vera : quod si propositio erit abstrahens ab omni tempore , non quasi currat omni tempore , quo ponatur , sed quasi nullo repugnet currere , erit absolutè semper vera , etiam si hic , & nunc Petrus non currat .

123. Tertia operatio intellectus est aggregatum plurium , saltem duorum iudiciorum , quorum alterum pendet , seu fit ex altero : sicut syllogismus est oratio , in qua quibusdam positis , &c. vnde cognitio intuitiua , & comprehensiuua nihil de obiecto ratione diuidens , nec abstrahens , ac formaliter vnum ex alio cognoscens est discursiua tantum eminenter , non formaliter . Et licet in conclusione formaliter , vt conclusio est , videatur esse magna vis discursus , vt est terminus vltimus progressionis intellectualis , tamen absolutè ipsa non est tota quidditas syllogismi .

124. Neque verò hæc propositio : Petrus est homo , quia est rationalis , est formaliter syllogismus , esto sit virtualiter , & eminenter , non enim quæcumque cognitio plurium formalitatum aliarum ab alijs pendentium est syllogismus formalis , esto sit obiectiuus : cum syllogismus formalis non consistat in cognoscere vnum , quasi ex alio obiectiuè ; sed in cognoscere vnum ex alio progressionem reali cognoscendi , quæ tamen non tollit , quod possit fieri syllogismus in instanti : cum hæc non sit progressio localis , sed virtutis , quam fieri posse in instanti , manifestum est .

125. Conclusio non attingit nec ut quò , nec ut quò obiectum præmissarum : neque enim medius terminus ingreditur conclusionem : nec ad eam inferendam requiritur cognitio signata de bonitate illationis (quæ est ipsa exercita dependentia conclusionis a præmissis .) Illud verum est , quod , quo instanti elicio conclusionem , habeo in mente etiam præmissas , vel in eodem instanti , vel antecederet elicitas , sed perseverantes ; quod fortasse voluerunt , qui dixerunt attingi a conclusione obiectum præmissarum , scilicet attingi a concludente , quod verissimum est , cum intelligens in tantum habeat vim concludendi , in
quan-

quantum habet præ oculis præmissas obiectivas, hoc est connexionem mediæ termini cum extremis.

126. In quo autem consistat ista vis præmissarum erga conclusionem, arcanum satis videtur; non enim propriè habet rationem causæ, vel concausæ physicæ erga ipsam; sed potius mirabilis conditionis, sine qua non. Censemus enim totum negotium præmissarum consistere in perficiendo intellectum ita, ut reddant illum actuosorem, & illuminatiorem, atque adeo absolutè proportionatum ad eliciendam, seu iudicandam conclusionem, ad quam sine illis proportionatus antecederet non erat: sicut enim oculus immediatè est proportionatus ad videndum lumen, mediante verò lumine ad videndos colores, sic intellectus immediatè quidem est proportionatus ad iudicanda axiomata; at ad alias propositiones per axiomata proportionandus est.

127. Hinc est quòd intellectus positus præmissis necessitatur vel absolutè, vel secundum quid, pro ut sunt evidentes, aut probabiles ad conclusionem inferendam necessitate, quo ad speciem, non enim iudicare potest conclusionem, nisi secundum quod illuminatus est a præmissis: non tamen necessitatur quo ad
exc.

Exercitium ; potest enim suspendi, & maximè, ubi erui possunt variae conclusiones ex iisdem principijs : hinc etiam est quod conclusio sequatur debiliorem partem in ratione cognoscendi, non essendi, pro ut enim debilior, vel fortior est principiorum illuminatio eò etiam debilius, vel fortius sequi iudicium, necesse est.

128. Diuiditur Syllogismus ratione formæ in plures syllogizandi modos, ut tradit Arist., etiam non repugnat, quod alij quoque inueniantur, quibus ite concludatur. Quarta figura tamen Galeni benè rejicitur, cum non differat a tribus iam inuentis. Subijcit enim & ipsa medium terminum in minori, & prædicat in maiori: Cum illa sit maior, in qua est maius extremum conclusionis, & illa sit minor, in qua sit minus extremum: quod non est aliud, quàm ipsum subiectum conclusionis naturalis, & directæ.

129. Ratione autem materiæ, circa quam, diuiditur Syllogismus in probabilem, & demonstratiuum, Syllogismus probabilis est vel ex præmissis probabilibus, vel ex eulentibus quidem; sed probabiliter tantum connexis cum conclusionem, quem non est n. bis amplius diuidere, cum relictum Dialecticæ ilum

per

per se scientiæ non vsurpent . Illud est commune tum syllogismo probabili, tum demonstratiuo , quod præcognoscenda sunt tria Subiectum , Prædicatum , & Medius terminus ; & vt possunt haberi de his præcognitiones quinque : de quid nominis , An sit , Quid sit , Quale , vel quotuplex sit , & propter quid sit , ita semper necessariò requiruntur duæ : de quid nominis , si ad alterum sit syllogismus , & de an sit : præcognoscenda enim sunt ipsa præcognita in confuso esse illam naturam , quæ sunt , quod sit saltem propositione identica æquiualentè illi principio : quod est necesse est esse : qua propositione cognoscimus præcognitum secundùm esse , secundùm quod esse proponitur .

130. Syllogismus demonstratiuus, qui & demonstratio dicitur , est , quo ex principijs per se euidentibus elicitur euidenter conclusio : hic est Syllogismus scientialis non tam faciens scire , quàm scientia ipsa actualis , vnde tam multipliciter diuiditur , quàm multipliciter habet diuidi scientia discursiua . Porto præmissæ demonstrationis debent esse necessariae , & veræ ; & perfectissimæ demonstrationis propriæ , primæ , & immediatæ .

131. Præterea debent præmissæ tum
de-

demonstrationis, tum syllogismi probabilis esse notiores nobis conclusione; cum quo tamen stat, quòd etiamsi vitiosus sit regressus demonstratiuus, aut syllogisticus, vbi sit vniformis; tamen laudabilis est regressus diuersiformis; quo scilicet per multam negotiationem, & comparationem ad alia, melius exploratà conclusione, eadè vtimur ad melius cognoscendas ipsas præmissas, vel alteram illarum; vnde imò illud opportunissimè fiet, vt scientiæ sint eo magis fixæ, & æternæ, quo magis virtuoso hoc circulo, ac symbolo æternitatis redeunte
in
se ipsam, & nunquam finienda claritate
fulgebunt.



PARS



PARS SECVNDA OCCIDENS,

seu

DE PHYSICO AUDITU,



I. **N**ATURAM occiden-
tem, semperque de-
fectibilem corporis
naturalis in commu-
ni statuimus in hac
Microcosmi secun-

da parte, materia, ac lumine cæteris qui-
dem minorem; scitu tamen dignam, &
ordine doctrinæ non vltimam, cum præ-
cedat tum alijs tractationibus physicis
particularium corporis specierum, tum
ali-

aliquibus metaphysicis, ad quas non nisi per physica gradus faciendus est. Primò agemus de principijs tum in communi, tum in particulari corporis naturalis, natura, & causis eius, vltimò eiusdem proprietates expediemus.

C A P V T I.

De principijs corp: naturalis.

1. **D**E finit benè Philosophus 5. met. cap. 1. Principium esse id, vnde aliquid est, aut fit, aut cognoscitur, & S. Th. p. p. q. 35. ar. p. Id, vnde aliquid est quocumque modo. Sed potest colligi definitio strictius non descendendo ad principiorum species: esse id, vnde aliquid est: totque esse differentias principiandi, quot modis potest vnum esse id, vnde aliquid fit. Verum tamen est, quòd principium viæ, vel dici, cæteraque secundùm merum ordinem, quanti principia potius dicuntur initia, quam principia, cum nec in illis detur absolute, & intrinsecè ratio primi, nec tam sint vnum ab alio, quàm vnum ordinate post aliud.

3. Etenim duo requiruntur ad rationem principij, alterum est prioritas, alterum connexio, secundùm quas vnum fit

fit ratio, cur aliud sit: non enim quæcumque connexio facit principium, ut in relatiuis videre est, nec importat principium sola prioritas; cum heri natus non sit principium eius, qui hodie nascitur.

4. Hæc tamen prioritas, & posterioritas attendenda est secundum ipsum esse rerum, quæ sunt principia, vel a principio; nam secundum correlationem principij, & principij utique simul sunt, non posteriora, aut priora. Licet verò aliqua principia dependentiam importent, aliqua non importent, aliqua intrinseca sint, aliqua extrinseca, & rursum mediata, immediata, instrumentalia, principalia, & secundum plures alias differentias; tamen ratio principij ut sic uniuoca est, saluata in dicta prioritate, & connexione: quæ neque semper important propriam relationem, Elementa enim, & partes compositi non referuntur ad compositum: neque verò prioritas omnis dicit necessariò relationem realem: ut patet in prioritate temporaria.

5. Iam verò loquendo in particulari de principijs corporis naturalis, & quidem secundum esse (principia enim cognoscendi dedimus alio loco pti. part. num. 32. & seq., & num. 55. & sequ.) primum veniunt vestiganda principia intrinseca, seu, quod idem est, elementa;
his

his enim ignoratis ipsum certè corpus naturale sciri non potest : Definiuntur autem tum hæc, tum elementa cuiuscunque tandem compositi esse, quæ neque ex alijs, neque ex alterutris sed ex his omnia; in qua definitione particula ex ubiq; sumitur secundùm maximè genuinam, & propriam eius significationem, quatenus dicit habitudinem partis componentis, quo pacto omnis tollitur vocis eiusdem æquiuvocatio in definitione prorsus vitanda: &, si brevior placeat definitio elementi, dici potest: esse quid incompositum componens cætera.

6. Porro elementa corporis naturalis iam antiquatis, quæ valde absurdæ fuerunt, opinionibus antiquorum, quibus innumera, vel infinita, & plus, minusve iusto erant principia, dicendum est eas esse tantum duo: materiam scilicet ac formam substantialem, quibus corpora naturalia, & mutabilia secundùm suum esse constant: esto secundùm quòd mutantur, seu mutatio eorum inuoluat tria principia secundùm dici.

7. Materiam primam dignitate posteriori forma, existentia tamen priori Aristoteles primus ex antiquorum inuolucris, obscurisque appellationum ambagibus eduxit in lucem; communemq; in corporibus docuit esse subiectum, dum

alijs

alii præ magna illius imperfectione non ens, & sæcem & turpe appellabant; & vt tradit Picolomineus, Lunæ specie significarunt Aegyptij, quia vt hæc non proprio, sed mutuato Solis lumine fulget, ita materia informis, ac rudis de se formæ venustate perficitur.

8. Positis in natura mutationibus accidentalibus, quæ evidentes sunt, & inde nouis destructionibus, & productionibus substantialibus, quæ item sunt evidentes, cum fiant & destruantur prima; vnde accidentales essentiae, ac motus sequuntur: cum rursus evidens sit per se, quod omne agens naturale productiuum, ac destructiuum alterius totius agit in subiectum a se distinctum, evidens item est dari materiam primam; quæ sit commune subiectum huiusmodi actionum, & motuum, ex qua producantur, quæ producantur, & in quam abeant, quæ destruantur.

9. Illud enim, in quod agens agit, recipit actionem, & dispositiones agentis in se destructiuas dispositiuè prioris totius, & productiuas noui. Iam verò vtique istæ dispositiones non destruunt totum vetus omnino, quia destruerent subiectum, & causam suam materiale, cui evidens est, quod non opponitur: nullus enim effectus opponitur causæ suæ

cuius virtute causatur, & quidem quatenus causatur, secundum quandam vniuocationem, vel quasi vniuocationem virtutis : nec vllum accidens opponitur subiecto suo inhæſionis, vt vel ex logicis patet, cum adſit, & abſit præter ſubiecti corruptionem : ergo eius, quod recipit actionem agentis, aliquid, & per conſequens ſubſtantiale remanet, nec deſtruitur totum, quod præerat, & rurſum componit cum eo, quod de nouo fit ; & hoc eſt materia ; & aliquid deſtruitur item ſubſtantiale, cum ſit primum principium nouę combinationis accidentium differens a præcedente, & hoc eſt forma ſubſtantialis.

10. Confirmatur hoc idem, quia, omnis ſubiecti præſentia, ſi nihil ex ipſo remaneat, omniſque præuiſa alteratio, & diſpoſitio eiſdē fruſtranea eſſent. Quorſum enim hæc ? non vt merè deſtruant ſubiectum, tum quia nihil merè deſtructionem intendit ; tum quia conſequenter ſe ipſas deſtruerent ; neque enim tranſire poſſent de ſubiecto in ſubiectum ; primò, quia omnis forma ſubſtantialis vim habet producendi ſibi ſuas qualitates ; ſecundò, quia hoc peſſito ſequeretur qualitates illas per inſtans aliquid remanere ſine ſubiecto : dum enim primò fit forma ſubſtantialis (puta ignis,) calor, & ſicci-

calor, & siccitas non potest subiectari v.g. in ligno, quod non est, neque in forma ignis, cum sint causæ instrumentales actiue, & dispositiue concurrentes ad productionem illius, alioquin sequeretur ipsas priores esse, & posteriores forma ignis producti; essent enim in eodem instanti, & causæ, & effectus illius.

11. Duplicem tradit Arist. materiæ primæ definitionem, alteram negatiuam, positiuā alteram. Prima habetur 7. met. c. 8. vbi postquam dixisset materiam esse substantiam, subdit: dico autem materiam, quæ per se ipsam neque quid, neque quale, neque quantū, neque aliquid aliud quidpiam eorum, quibus ens determinatur; sed est id, de quo singula horum prædicantur: quem definiendi modum, vt licet usurpare (quod notat S. Dionysius) ad explicandam primi Actus perfectionem summam, ita non malè usurpamus summam primæ potentiae materialis imperfectionem explicaturi.

12. Altera definitio magis propria, & physica habetur primo physico his verbis: Dico autem materiam primam subiectum cuiuscumque, ex quo fit aliquid, cum insit per se, & non secundum accidens, & si corrumpitur aliquid, in hoc abit vltimum; quæ definitio ex motu deducta materiæ naturam, ac proprie-

ates magis aperit : Ex hoc enim , quòd sit commune subiectum mutationis , patet ipsam non esse meram non repugnantiam , sed passiuam , substantialemque compositi partem , eiusdem rationis specificæ in sublunaribus , inter quæ omnia videtur dari vel immediata, vel mediata mutatio : patet secundo materiam hanc ingenerabilem esse , & incorruptibilem ; cum enim naturaliter dari non possit annihilatio , assignari debet ultimum aliquod , in quod cætera post sui corruptionem abeant , quod utique ingenerabile erit , & incorruptibile , ne detur aliquid posterius ultimò : tertio patet materiam habere potentiam , seu esse potentiam ad omnes formas , quibus actuari potest , & perfici .

13. Hæc verò potentia materiæ non modò non est distincta realiter a materia ipsa , ne detur alia potentia ipsius receptiva , & sic deinceps ; sed est primum , ac essenziale ipsius materiæ constitutum , ut formæ est essenziale esse actum : neq; enim est assignare aliam rationem differentialem in materia priorem hac .

14. Per hanc potentiam materia refertur transcendentaliter ad omnes formas tam substantiales quàm accidentales , licet ad illas primariò , ad has verò secundariò . Quamvis enim potentia
activa

actiua diuersa fit in ordine ad effectus diuersos, non sic tamen diuersificatur passiuā: Et ratio disparitatis est, quia quò plures sunt effectus perfectiores, & perfectiores, eò perfectior arguitur virtus actiua causæ potentis illos producere, cum eos saltem æque perfectè contineat; At vice versa potentia passiuā non idè perfectior est, quia perfectioribus perfici possit, cum per eandem capacitatem, seu potentiam omnes recipiat eo (quo ad aliquid) modo, quo idem annuli sinus a diuersis potest gemmis expleri.

15. Hæc perfectibilitas materiæ dicit appetitum naturalem, & innatum ad formas tam corruptas, quàm nondum habitas; licet enim impossibile sit, quo ad modum, illas restitui, quatenus scilicet hunc tenorem rerum statuit Deus, ut a priuatione ad habitum non detur naturalis regressio; tamen possibles sunt, quo ad substantiam, cum & contineantur in vi intrinseca naturalis agentis, & tam ipsa distent a non esse, quam cæteræ nondum productæ.

16. Licet autem materia prima tam sit appetens formarum, nullam sibi tamen habet coequam; est enim pura potentia, & nulla forma potest ipsi tribuere rationem tantum genericam corporeitatis maximè inaufertibilem. Sed ex hoc,

quod materia careat omni actu, seu forma physica, non sequitur ipsam carere quoque actu entitativo, seu existentia; cum, ut in metaphysicis probabimus, essentia nullo pacto distinguatur ab existentia: quin imò, etiam si distingueretur, non posset tamen materia capere existentiam a forma; cum ipsa, ut potè sustentatiua actu formæ existentis, sit etiam prior ipsa forma eidemque naturæ saltem præexistens. Adde quòd per auctores huius opinionis existentia est terminus actionis positivæ, cum per ipsos essentia sint æternæ, existentia temporaria: Sed materia terminat actionem distinctam saltem, si non diuersam ab actione, quam terminat forma, cum hæc generetur, illa verò creetur; ergo per distinctam saltem, si non diuersam existentiam habent forma, & materia terminare actiones sui productiuas: ne dicamus actiones distinctas per se ad eundem terminum terminari: non ergo potest materia capere suam existentiam a forma.

17. Neque cum his pugnant, quæ passim congeruntur: ex duobus entibus in actu non posse fieri vnum per se, vnicam esse compositi essentiam, ergo & existentiam: materiam esse quid imperfectum, & indeterminatum, vnde ipsi
non

non competere perfectissimum actum existentiae, tandem non repugnare, quod aliquid capiat existentiam suam ab alio, cum & humanitas Christi Domini existat existentia verbi, & accidentia Eucharistica existant per supernaturalem existentiam. Primum enim intelligendum est de entibus in actu completo, & non de subordinatis ad inuicem; Vnde si ex duabus incompletis essentijs materiae, & formae vna potest fieri compositi essentia, quidni, & ex duabus incompletis existijs vna componatur, & adaequata existentia, nec tantae perfectionis est actus existendi, vt cuilibet imperfectissimo enti conuenire non possit. Quod verò dicitur de existentia humanitatis in Christo Domino, falsum planè est eam formaliter esse existentiam Verbi; sed ad summum in hoc tantum sensu dici posse eam humanitatem existere per existentiam Verbi, quatenus peculiari quadam existit cum dependentia a virtute sustentatiua, & terminatiua ipsius Verbi existentis per se: Vt etiam accidentia Eucharistica propria existunt ipsa quoque sui ipsorum existentia; supernaturali tamen Dei concursu supplente defectum causae sustentatiuae, in genere tamen causae efficientis.

18. Posito quòd materia propriam

E 3

ha-

habeat existentiam videtur manifestè sequi, posse ergo per diuinam potentiam separari a formis, eo vel maximè, quod ipsa non dependet ab vllò physico influxu formarum, quæ tamen possunt supernaturaliter existere sine materia, a cuius causalitate dependent: & in eo casu sic separata nullum requireret Dei conseruantis influxum extraordinarium, cum nullius causæ in se influentis defectus supplendus esset.

19. Confirmantur ista ex eo, quòd duplex afferri potest in rebus dependentia, altera metaphysica, & essentialis, qua & omnes creaturæ pendent a Deo, & nullæ, vt in metaphysicis probabimus, pendent ab inuicem: Altera physica, & naturalis, quæ triplex est: a priori, qualis est effectus dependentis a causa, a posteriori, qualis est causæ ab effectu, & a concomitanti, qualis est veritatis cognoscitiuæ ab obiecto; Vt autem sola dependentia a priori propriè est dependentia verum importans influxum respectu rei, quæ dicitur dependere, duæ verò posteriores potius sunt connexiones quædam vnius rei cum altera nullum importantes influxum alterius in aliam, secundum quam connexionem tamen exigunt naturaliter conseruari; sic cum materiæ dependentia sit non a priori, sed a posteriori,

riori, atque adeò impropiè dependeat a forma, ergo & sine illa potest existere, & sicut nullum existendo solitariè amisit concutsum antiquum, sic nullum exigit extraordinarium, aut novum.

20. Secundum rerum naturalium principium est forma ordine productionis posterior materia, sed perfectione longè præstantior, vnde & exemplar divinæ imaginis, & forma, & pulcrum, & optimum, & actus, & ratio, & tota essentia nuncupatur. Multiplex autem est forma naturalis, substantialis, & accidentalis, intrinseca, & informans, extrinseca, & assistens; imò tot sunt formarum species, quot corporum; quemadmodum enim differentia Logica diuidit, ac determinat genus logicum, sic forma, quæ est differentia physica, diuidit, & determinat quodammodò materiam primam, eamque constituit in determinata specie physica, dum cum ipsa constituit substantiale compositum, tamquam ipsius actus, & perfectio..

21. Et licet non minus materia communicetur formæ, quam forma materiæ; non tamen se ad inuicem æquè perficiunt; cum planum sit accidentia perficere substantiam, a qua tamen propriè non perficiuntur, & cæsariem perficere caput, seu orpare, a quo tamen ipsa nec ornatur,

nec perficitur ; ad hoc enim , vt duo se ad inuicem perficiant , non satis est , si communicentur ad inuicem , sed præterea requiritur , vt sit inter ipsa ratio quædam , & proportio perfectibilis , & perfectiui , qualis est inter materiam , & formam , non autem vice versa , cum forma sit essentialiter actus , & perfectio , materia autem essentialiter potentia , & perfectibilis .

22. Dari formas substantiales euidentis æquè est , ac dari materiam primam propter easdem rationes suprâ allatas : posito enim vno correlatiuo potentiæ , aliud quoque correlatiuum eius , actus scilicet , ponendum est . Neque saluari potest determinatio materiæ ad hanc , illamue speciem , operationesque diuersas per diuersam combinationem accidentium : primò quia videmus hanc , aut illam corporum speciem si alteretur qualitatibus reparare sibi qualitates suas , expellereque contrarias ; quæ reparatio , & expulsio neque fieri potest a materia prima , quæ ad omnes est indifferens , neque ab ipsa combinatione qualitatum , seu accidentium ; neque enim viuentia sunt , vt habeant vim augendi sui , si quid ipsorum destituatur ; & verò quis eam hic , & nunc exigat combinationem accidentium , aut quomodo illa sic exigant combinari , cum

non.

non minus materiæ accidant, quàm sint accidentia inter se; ergo dandum est aliquod primum antecedens ipsa accidentia, & hoc est ipsa forma substantialis quam dicimus. Deinde illud est de fide, quod Anima rationalis est forma substantialis corporis organici, ergo datur ratio formæ substantialis in homine; & non est, unde negetur in cæteris corporibus, quæ saltem videmus esse ab inuicem transmutabilia.

23. Porro formæ dupliciter se habent erga materiam, aliæ enim tantummodo recipiuntur, cuiusmodi sunt animæ rationales, quæ propterea creantur, non generantur ex ipsa, aliæ & recipiuntur, & sustentantur a materia, cuiusmodi sunt formæ omnes materiales, quæ fiunt ipsa materia influente, & sic dicuntur de potentia eiusdem educi, non quasi præexistent in illa, vel secundum se totas, (iam enim nihil de nouo fieret, & haberet materia infinitas actu formas,) vel secundum aliquid sui: cum enim indiuisibiles sint vel totum, vel nihil ipsarum præexistit: sed eatenus dicuntur educi de potentia materiæ, quatenus producuntur ab agente versante circa materiam concurrentem materialiter ad productionem ipsarum, ita ut si ipsa non esset, nec agens huiusmodi (prout non exercet, aut non

habet, vim creandi) posset eas producere.

24. Quemadmodum igitur formæ dicuntur contineri in virtute efficientis ex eo præcisè, quod in eo sit effectiva ipsarum virtus, pari ratione dicuntur in materia contineri, quatenus habent fieri dependenter ab ipsa, quo sensu verum etiam est formas materiales, & si fiant ex nihilo sui; cum antequam sint, nihil esse ipsarum intransituè actu existat; tamen non fieri ex nihilo subiecti, cum in potentia ipsius contineantur, seu esse quodammodo potentiale habeant.

25. Superest explicanda priuatio tertium principium rerum naturalium in fieri, quæ communiter dicitur carentia formæ in subiecto apto. Verum, cum nec priuationes, nec negationes, vt in metaphysicis tradimus, habeant vllum verum esse, ne diminutum quidem; sequitur priuationem realiter, & rigorosè acceptam, esse ipsam meram capacitatem materiæ solitariè sumptæ, cum quo tamen stat benè dici tria esse principia rerum naturalium in fieri, estò inter priuationem, & materiam non nisi distinctio rationis intercedat.

26. Mutatio enim omnis, qua fiunt, quæ naturaliter fiunt, adæquatè sumpta quæ dicit aliquo tandè modo instàtia sibi
in-

intrinsicca : Primum, quo materia ultimò est merè capax formæ nondum genitæ, sicque refertur proximè quidem ad formam, sed tamen adhuc absentem : alterum, qua formam primò iam habet. Hæc ergo capacitas, seu potentia materiæ, quæ in secundo mutationis instanti realiter principiū est subiectivum, & materiale, in primo instanti, prout solitariè sumitur, rationem habet privationis, ac principiat tanquam terminus a quo mutationem; atque de illa, prout stat sub tali conceptu, verificantur omnia quæ ritè de privatione dicuntur, quod nimirum opponatur formæ; nec possit simul esse cum illa: unde recedat, forma adueniente; impossibile enim est materiam habere simul meram capacitatem, & formam.

27. Neque verò his obest, quod, si privatio nihil est aliud realiter, nisi dicta materiæ capacitas, aut potentia, ergo ne ratione quidem distinguuntur privatio, & materia, quæ nempe nihil aliud est, quam potentia; dicendum enim est capacitatem materiæ, ut privatio est, distingui ab ipsa potentia, & materia prima absolutè sic dicta, ut inclusum ab includente, seu ut partem a toto. Potentia enim, seu capacitas materiæ, ut privatio est dicit meram potentiam ad formam absentem, & capacitatem habendi illam habitione

naturali, & componente; præscindendo ab eo, quod sustentet, concurrat, perficiatur, & si quæ alia huiusmodi; at verò materia ipsa, & potentia eius absolute dicit quid quid reale materia est, nempe rationem substantiæ, primi subiecti sustentantis, causantis, concurrentis, componentis, & si quæ alia huiusmodi compleat realiter totam materiæ quidditatem.

28. Mutationem autem de se importare duo instantia; proindeq; priuationem principiare, quando ultimo est, non verò quando primo non est, ideo asserimus: primo, quia mutari de se, & intrinsecè dicit habere se duobus modis oppositis, donec enim me habeo vno tantum modo, certè nulla mihi verè mutatio contingit; secundo, quia priuatio ponitur in definitione mutationis, & non vt terminus connotatus, cum nullà detur ratio in forma primo producta, per quam referatur pro eo instanti ad priuationem, ipsamue connotet, & non pro sequentibus; tertio, quia forma primo in subiecto posita eodem modo se habet, ac si noneducta per mutationem, sed creata fuisset; sed si creata fuisset nullam diceret connotationem priuationis, ergo nec dicit connotationem, liceteducta sit; & verò quid est eiusmodi connotatio formæ connotantis pri-

priuationem ? non entitas modalis , nec realis , vt quid enim detur , & a quo fiat ? non formalitas , quæ enim in rebus necessitas , vt quæ nunc sunt connotent , quæ præcesserunt ? certè non est huiusmodi consuetudo in rebus .

29. Neque dici potest mutationem in hoc consistere , quod priuatio sit intrinseca conceptui ipsius mutationis , quatenus transitus quidam est inuoluens tria essentialiter , subiectum transiens , terminum ad quem , & terminum a quo , qui præfuerit ; proindeque licet mutatio sit , quando primum est forma , tamen tunc etiam esse non quidem priuationem , sed fuisse priuationis ; manet enim hoc manifestius , quod vnico instanti , quo primum est forma , nec mutor , nec me habeo duobus modis , & fuisse terminum a quo , illud probat , quod fuerit elementum , ac principium mutationis , quodque tunc composuerit ipsam mutationem , quando extitit ; non verò quando iam transijt ; Quod si communiter dicitur , & benè mutatio fieri in instanti , intelligendum hoc est de mutatione inadèquatè sumpta , & ratione formæ , quæ fiat non pars post partem , vt contingit in motu .

CAPVT II.

De Natura.

30. **L**icet ordine doctrinæ tractatio Physica exordienda fuisset ab explicatione naturæ, quæ tanquam vniuersalissima ratio totum ipsius subiectum latè peruatit, ipsumque in se continet totius physicæ tractationis obiectum formale, quod est ipsa naturalitas corporis cognoscendi; tamen attento, quod inde docere incipiendum est, vnde quis discat facilius, vt habet Aristoteles 5. met., tex. 1. opportunè post principia explicata ad ipsam naturam exequendam venimus, vt hoc ipso, quod habemus perspecta subiecta, & causas, & elementa, inter quæ naturalitas omnis colligitur, eo facilius ipsam rationem naturæ cognoscamus, quo eam non prorsus abstractam, sed cum suis elementis quodammodò concretam iam possumus speculari.

31. Definitur ergo natura esse principium motus, & quietis in eo, in quo est primum per se, & non secundum accidens; quæ definitio importat intrinsecam, & essentialem causam motus, & quietis simul simultate potentæ, non actus:

Et

Et motus quidem cuiuscumque tam substantialis, quam accidentalis, vel alterius saltem ex his; quietis autem non merè dicentis priuationem motus, & negatiuæ, sed positiuæ, quæ dicit permanentiam, seu principium exigitium permanendi sub forma; per quæ excluduntur a ratione naturæ tum priuatio vt sic, quæ non dicit rationem causæ, tum causa efficiens extrinseca, quæ operatur in alio, tum accidentia, quæ, licet possint esse comprimperia intrinseca operanti, non tamen sunt prima, neque per se.

32. Dari naturam est aded manifestū, vt nullatenus probari possit a notiori, & per se primò. Non enim a priori, Deo scilicet auctore, vt palam est, cum Deus sit causa libera, vndè ex eo, quod sit, non est necessariò arguere vllam existentiam effectus ipsius (neque verò in rerum natura quid aliud datur ipsa natura prius) sed neq; probari potest a posteriori, cum nullus existat effectus natura notior: motus enim vt sic ineptus est ad huiusmodi probationem, cum includat violentum, & naturalem, motus autem naturalis cognosci nullatenus potest, nisi vel per prius, vel simul cognoscatur, quod sit natura, per quam ipsum distinguas a motibus, qui naturales non sunt: & motus violentus vt sic minus ostendit de natura.

33. Tàm

33. Tam materia, quam forma naturalia physica sunt; sunt enim intrinsecè principium, & causæ motus, & quietis per se; & materia quidem, licet de se sit indifferens ad omnes motus, vnde respectu illius nullus absolutè violentus est; determinatur tamen ad hanc, illamue vniformem motuum rationem a forma, a qua, vt p̄p̄te parte potiore, motus omnis violentus, vel naturalis compositi denominatur; & hæc est ratio, cur forma dicatur a Philosopho magis natura, quàm materia; vnde motus erit naturalis mobili, ex eo quod sit principium vel actiuum, vel passiuum eius in se ipso; quæ duo principia in suo genere prima sunt, esto actiuū per prius aliquo modo supponat passiuū; sed ex vtrisque partialibus, & inadæquatis naturis existit natura adæquata, nempe compositum, quod, vt accipitur in concreto, non tam est natura, quam habens naturam.

34. Formæ elementorum natura sunt nihil obstante, quod dicitur ab Arist. elementa non moueri a se ipsis, sed a generante, vel remouente prohibens, per hoc enim nihil aliud intendit Philosophus, quam distinctionem viuentium a non-viuentibus; illa sc. & si proprio in loco sita, vim habent mouēdi se ipsa, hæc verò, cuiusmodi sunt elementa, si in suo naturali

rali loco constituentur, non à se ipsis, sed a sola causa extrinseca violenter moueri possunt; vt, si sint extrà proprium locum, mouentur, vel quia remouetur prohibens, vel quodammodo, quia sic extrà propriū locum genta sunt. Anima rationalis vt talis, imò & intelligentiæ ipsæ natura sūt, mouentur enim huiusmodi ab intrinseco motu locali, & alterationis per nouas saltem intellectiōnes, & volitiones.

35. Cælum etiam naturam esse dicendum est, cum localiter moueatur, vt ex motu syderum manifestò cognosci potest, idque licet non moueatur a forma intrinseca, quæ sit ipsius anima, vt sine sufficienti indicio plurimis antiquis visum est; sed à forma extrinseca, & assistente, quæ cælestium orbium motus regulari temperamento ducit. Et ratio, cur cæli natura sint, ea est, quia, esto nec sint principium actiuum, nec passiuum exigens sui motus (quo enim se se ipsi sine moueant, aut moueri petant?) tamen sunt principium passiuum indifferens, quo admissio ritè saluatur, quod & quiescent naturaliter post diem iudicij, vt fert melior Doctorum, & Patrum opinio, & non mouentur nunc violenter, vt videtur magis ex re philosophica dici oportere.

36. Ars naturæ æmulatrix, & ibi incipiens, vbi natura desinit, res ita naturales

rales ingreditur, ut tamen numquam, secundum quod est ars, ipsa sit principium effectuum in motus, aut quietis: merus enim habitus directivus est, & contenta operationes immediatè dirigere, atque per ipsas operibus etiam inducere rectitudinem non efficiendo, sed dirigendo. ita est ratio; cur existant opera, vel operationes artis, ut tamen formas ipsa non faciat, quæ secundum ipsum esse reale, quod habent, illud habent à causa naturali: neque enim distinguitur forma artis a forma naturali, nisi secundum extrinsecam relationem, & ordinem ipsius artis regulantis, & in opera, operationesque tendentis.

37. Illud tamen verum est, quod applicante arte physica activa passivis, benecontingit fieri multa entia hic & nunc naturalia substantiahter, artificialia secundum denominationem principij, a quo sunt, tum qualia certus, & ordinatus ordo naturæ non habet efficere, ut non habent naturaliter coniungi physicæ virtutes ad operandum quosdam succos peregrinos diligentibus, & accuratis distillationibus plurimorum ingredientium, fabricatos: tum etiam qualia possunt, & solent fieri cursu ordinatio a virtutibus, & causis naturalibus, cuiusmodi sunt apes, aliaque insecta, aurum, aut
alia

alia eiusmodi metalla , aut lapides .

38. Cum enim , vt notat S. Aug. 3. de Trinit. cap. 9. , & 10. varia sit in rebus actiuitas , variaque semina naturalium effectuum ; nihil mirum , si ex varia , arbitrariaque artificis combinatione causarum , varij etiam habeant prodire effectus . Cum quo stat non posse tamen naturalibus humani ingenij viribus institui simpliciter sic dicta ars , qua verum , & secundum substantiam naturale aurum , aliaue huiusmodi res naturalis fiant ; nisi si quæ sit adeo facilis factibilitatis , & perspectæ cognoscibilitatis , vt etiam spectato imperfecto nostro modo cognoscendi species infimas corporum , tamen sciri possit , quod sit id quod ab arte quæritur , & a cæteris contradistingui .

CAPVT III.

De Causis .

39. **I**llud est commune omnibus verè causis , quod sint ratio immediata , cur sit ens aliud defectibile , quod non esset , si ipsæ non essent ; est hæc bona definitio causæ incommuni , & per ly , immediata , ac esse defectibile , quod non esset differt a ratione principij , quod nec requirit in eo ,
cuius

cuius est principium, esse defectibile, nec quod immediate det esse, neq; quod ita det, vt si ipsum non esset, neque principium esset; namque principium exigens est ratio, cur aliquid sit, sed nec immediata, nec ita vt non esset principiatum, si ipsum non esset.

40. Multa sunt genera causarum, efficiens, finalis, materialis, formalis, principalis, instrumentalis, prima, secunda, idealis, quibus vniocè ratio causæ non conuenit. Nobilissima omnium causarum est efficiens, quæ scilicet nec vllam de se imperfectionem inuoluit, & sola per se continet effectum suum vel formaliter, vel eminenter, hoc est, vel æquè, vel melius; & rectè definitur esse principium primum vnde aliud; hoc est, prima ratio immediata, vnde sit aliud; quod si definiatur efficiens non in omni sua vniuersalitate, sed quale in creatis agnoscimus, optima est definitio Arist. quod sit principium primum vnde motus; primum scilicet respectu aliarum causarum, non quidem tempore causandi, nec influxu in cæteras causas, vt causent; sed primum excellentia causandi, eo quod continet effectum, primumque determinet materiam, ac intendens, eligensue finem, quasi cæteras vocet, & ducat causas in actum.

41. Pri-

41. Prima omnium causa efficiens est Deus, tum præ vniuersalitate causandi, cum nullus effectus sit in rerum natura, nec esse possit, quem ipse non causet solus, aut cum creatura immediatè concurrans; tum præ excellentia causandi, cum solus ipse sapientia, & summa libertate, & independentiâ, summaque omnipotentia absolutè sit primus, & solus auctor rerum omnium factibilium, quo fit, vt sit Deus prima Causa etiam respectu eorum effectuum, quos efficit simul cum creaturis suis; adeo vt, etiam si sic attemperante Deo suum concursum illæ maiore actiuitate hic & nunc concurrerent, tamen adhuc haberent rationem causæ secundæ, & dependentes essent.

42. Imò dato etiam, & non concesso, quod possent vel naturaliter, vel per elevationem causæ secundæ creare aliquem effectum, & producere nullo concurrente subiecto; hoc tamen non tollit, quominus eiusdem effectus esset melior, & immediata causa Deus, quippe qui solus esset, vt solus esse potest primus inuentor, primusque auctor omnium factibilium, & proinde staret adhuc vera Sanctorum Patrum, & scripturarū sententia, quod solus Deus sit creator, & auctor, nec possit eiusmodi sapiētissima, & prima ratio creādi, aut efficiendi vllis creaturis comunicari.

43. Licet autem aliqua naturaliter petant fieri dependenter a subiecto; aliqua, cuiusmodi sunt substantiæ simplices, & materia prima, petant produci ex non subiecto, tamen quæcumque esse possunt, ea possunt etiam produci ex nihilo, & per diuinam potentiam creari. Conseruationem productarum rerum plurimum soli Deo debemus, vt enim aliquæ naturales causæ, puta luminosa, & productiua specierum sensibilium, vel intelligibilium, & si quæ alia huiusmodi nata sunt conseruare effectus suos; tamen maxima pars, vbi per momentum aliquod quasi primò produxit, fractis prope viribus ab opere cessat, succeditq; conseruans Deus non minori gradu causalitatis, quàm quo res est primò producta; neque enim stare posset ens defectibile, si vel non conseruaretur, vel conseruaretur minore causalitate, quàm qua primò genitum est.

44. Negare vim causatiuum causis secundis est gratuita, & absurda philosophari; qui enim virtuosè, vel vitiosè operatur, causat, & cum possibilis illa sit, videamusque constanti cursu posito vno poni & aliud, & nasci herbas ex terra, fructus ex arbore, habemus quàm maxima possimus naturaliter in hac re habere indicia. Ita tamen efficiunt causæ creatæ, vt requirant semper consortium vnà

vnà concurrentis Dei , qui simul cum creatura sua det idem , ac totum esse effectui ita attemperato concursu , vt totum effectum faciat causa secunda , & totum Deus (alioquin aliquid eius fieret ignoranter) sed nec illa , nec Deus totaliter absolute , quasi relicto loco ipsi creaturæ , vt possit illa quoque causare .

45. Et dependet quidem causa secunda a prima tum in esse , cum ab ipso fiat , vel conseruetur , tum in operari ; non quasi expectet sibi , alioqui nihil potenti , imprimi determinatum aliquod , quo fiat potens , & trahatur ad effectus suos , ad quos ipsa secundum naturam suam satis determinata non sit , vel non se possit cum Dei concursu determinare ; sed quatenus nec potest non concurrente , & coëfficiente Deo causare , & causat Deus longe excellentiore , & perfectiore modo , vt etiam priore , & perfectiore virtute .

46. Quo fit , vt etiam causæ necessariæ benè necessariò operentur , & operentur liberè causæ liberæ : vt enim illis præstat Deus concursum in actu etiam primo determinatum ad vnum , sic liberis præstat in actu primo concursum indifferentem , quo posito habet creatura libera operari pro libito tum quo ad exercitium , tum quo ad specificationem .

47. Sed

47. Sed tamen cum his adhuc benè stat illud valdè commune Deum esse causam vniuersalem, creaturas particulares: non solum quatenus omnis effectus a Deo est, a creaturis aliqui tantùm; sed etiam quatenus creatura determinat sibi speciem effectus, quam non determinat Deus; quod explicandum est in hoc sensu, non quasi a creatura sit species effectus, a Deo sint rationes vniuersaliores, hoc enim falsum est, cum eandem formalitatem effectus faciat Deus, quam facit creatura: sed quatenus respectu nostri non est afferre rationem, cur hic & nunc fiat hæc, vel illa species effectus ex parte Dei, cum ipse possit omnia, quam benè est afferre ex parte creaturæ, quæ hic & nunc aut per se est determinata, aut se determinat ad vnā speciem.

48. Vt vice versa de indiuiduatione effectuum philosophandum est, quam in tantùm benè dicimus non determinari a causis secundis, inquantùm non est in ipsis ratio, cur hic, & nunc producant hunc potius numero effectum, quàm illum; cum possint hoc ipso, quod possunt ad vnum, ad omnes eiusdem speciei effectus; Vnde per consequens reliquum est, vt a Deo determinari indiuiduationem dicamus, ne quidpiam casu fieri admittamus.

49. Da-

49. Datur potentia obedientialis in creaturis, vt enim notat S. Aug. 9. de Gen. ad lit. c. 17. super hunc motum, cursumque rerum naturalium potestas creatoris habet apud se posse de his omnibus facere aliud, quàm eorum seminales rationes habent: hæc potentia nihil aliud est, quàm ipsa virtus actiua causæ, vt dicit ordinem ad maiorem sibi debito concursu, & ad supparem cum tali concursu effectum: Et duplici ratione potest Deus eleuare potentiam obedientialem suæ creaturæ, vel extraordinario suo concursu cum ipsa concurrente, vel imprimendo eidem virtutem, & comprincipium superius; Vt autem hinc non sequitur omnes, & singulas creaturas habere potentiam obedientialem ad omnia, ita nobis non est determinabile ad quoniam particulariter effectus potentiam obedientialem suam referant, cum proportio secundum esse non sufficiat ad habere proportionem secundum agere.

50. Potentia obedientialis hoc ipso nō est principalis; sed instrumentalis, cum non sit absolutè primum principium vnde motus, sed sit principium secundum, & subordinatum primo; in quo consistit ratio causæ instrumentalis distinctiua a ratione principalis causæ etiam partialis; licet enim tam partialis, quam instrumē-

alis causa se habeat ad effectum partialiter ; tamen causa partialis principalis se habet ad ipsum , tamquam a se primò intentum secundum primum esse naturæ suæ , at verò instrumentales per se primò non dicunt ordinem ad effectum suum ; sed ad aliud , cuius vel sunt ens , vel expectant concursum sibi naturaliter non debitum , vel debitum in gratiam causæ principalis .

51. Præter plures causas partiales , & instrumentales concurrentes naturaliter ad eundem numero effectum , possunt quoque plures causæ totales in eodem genere supernaturaliter idem simul , eundemque effectum , quasi multipliciùs , reproducere : in quo non est maior difficultas , quàm quòd possit idem replicari pluribus in locis , aut pluribus adæquatis cognitionibus comprehendi . Idem etiam potest supernaturaliter producere se ipsum secundò ; vnde non est de essentia causæ , quod referatur ad effectum suum : sicut , etiam si cognitio alterius est essentialiter relatio ad obiectum , tamen cognitio sui , sibi que identificata utique non refertur .

52. Materia, & forma sunt causæ compositi , non quatenus causant unionem , vel aliam tertiam entitatem , quæ sit forma ipsa , aut ratio compositi (nam ut sic essent

essent potius causæ materiales, aut efficientes, quàm constitutiivæ) sed in tantum sunt causæ compositi, in quantum altera quidem vt potentia, altera vt actus, habent huiusmodi proportionem, vt ritè vniantur ad inuicem, & componendo constituent vnum per se subsistens principium certarum operationum.

§3. Et quidem acceptæ materia, & forma antequam componant, & in actu primo, distinguuntur inadæquatè a composito, acceptæ autem in actu secundo, esto singillatim item inadæquatè distinguuntur, tamen vnitim non distinguuntur vlla vera distinctione, neque enim compositum aliud est præter partes: Imò ne distinguuntur quidem ratione, & idem formalissimè sunt materia, & forma vnitæ, ac compositum ipsum ex materia, & forma; Proindeque hæ rationes causandi neque iuportant relationem ad effectum suum; nec ad causandum compositum indigent alio realiter Dei concursu, quàm quo indigent ad essendum.

§4. Vt composita artificialia satis sunt vnita se ipsis, hoc ipso quòd habeant proportionem sui generis, & opportunam præsentiam contiguitatis; sic partes compositi naturalis satis ritè componunt, & satis vnitæ sunt, hoc ipso quòd posita de-

bita proportionē inter ipsas habeant esse intīmē præsentes : quam præsentiā , ac vnionem tolli , & aduenire absque productione nouæ entitatis patebit ex dicendis infra de actione , & loco : est enim hæc indifferentia quædam actiua , vel obiectiua , quam non est necesse tollere nouitate formarum .

55. Causa finalis rectè dicitur esse id , cuius gratia aliquid fit , & ritè distinguitur in finem cuius , & cui ; quæ sunt potius duæ rationes integrantes causam finalem , quàm duæ causæ finales adæquatè distinctæ : esto enim aliquorum effectuum solus finis cui sit causa , tamen aliorum effectuum causa finalis est simul finis cui , & cuius ; neque verò hic decedit a ratione finis , quia & ipsum sit propter finem cui , satis enim est , quod & non sit propter alium finem cuius , & ipso habito cesset actio .

56. Agunt agentia propter finem vel cognitum , & electum appetitu elicitō , quo pacto agunt sola agentia intellectiua , vel intentum appetitu innato , & naturali , quo agunt cætera agentia extrinsecè ordinata ad finem ab eorum primo efficiente . Et loquendo de ijs , quæ intendunt finem appetitu elicitō necessariò illum præcognoscunt , esto ipsa cognitio non sit causalitas finis , sed prærequisitum necessarium .

57. Cum

57. Cum & Deus verè agat propter finem, & intendat optimum finem, eum scilicet semper, propter quem creavit omnia, & redemit, nec tamen propriè moueatur a fine; sic videtur potius dicendum, quod agentia propter finem ipsa velint finem, & ad ipsum se habeant, & tendant, quàm moueantur ab ipso, ut videtur illis verbis significari, ubi est thesaurus tuus, ibi est & cor tuum, & quod ibi animamus ubi amamus, tendente scilicet liberè in obiectum eo, qui liberè ipsum eligit, ut malè quis diceretur liberè trahi ab obiecto, in quo, ut obiectum est, non est libertas trahendi.

58. Causalitas finis est sola bonitas vera, vel apparens: malum enim, ut malum, finalizare non potest, & nemo intendens malum operatur. Cum quo tamen stat miris quidem, sed veris modis id, quod nimis multa experientia docet, amari multa mala, & odio haberi multa bona, non quidem ut talia, sed præcognita tamen esse talia, imò & amari longè magis mala, quàm bona.

59. Idea non est causa, sed complementum causæ efficientis præcognoscentis effectum faciendum, & efficientis illum secundum normam, & exemplar sibi propositum: non enim ipsa cognitio,

neque ipsum obiectum faciendum propriè est idea, sed idea est aliquod obiectum mente conceptum, cuius ad similitudinem effectus formandus est; respici enim ideam in gratiam effectus, non autem respicere dicitur obiectum suum. Ratio, cur ipsa non sit causa, finis autem sit causa, ea est, quod finis est in vno genere primum mouens, seu prima ratio, idea autem non est primum, sed quid alterius.

60. Causæ totales secundæ sunt vel æquè perfectæ, vel perfectiores effectui, alioquin ex perfectione effectuum nõ esset arguere perfectionem causarum creatarum, intellige efficientium: materialis enim causa, vel formalis non est perfectior effectui suo, nec æquè perfectæ, ut neque finalis hic & nunc: esto iustus, & absolutè vltimus finis rerum, qui est Deus, perfectissimus, suprâ omnes effectus sit. Cur autem causæ totales secundæ sint necessariò saltem æquè perfectæ, ac effectus, non est facile explicare; illud enim (quia nemo dat, quod non habet) probat quidem omne aggregatum causarum concurrentium ad vnum effectum debere esse æquè perfectum; in quo tamen aggregato est etiam Deus, vnde non probat omne aggregatum causarum secundarum, vel singulas causas totales secundæ.

secundas debere esse æque perfectas, cū & si essent imperfectiores de se, tamen, vt concurrentes cum Deo, si nihil aliud obftet, satis essent æquè perfectæ.

61. Quare dicendum est rationem horum esse, quia, esto Deus concurrat cum causis suis ad earum effectus; tamē, vt pro sua benignitate concurrat cum causis suis, quantum ipsæ exigunt, & inter-
dunt, per consequens prima, & determinata ratio cur hic, aut ille maior, aut minor effectus sit, petenda est ex ipsa natura causæ sic intendentis, & determinatæ, & quasi determinantis concursum Dei ad effectum suum, iam verò non potest causa intendere, vel se determinare ad effectum meliorem se, cum omnis intentio, ac determinatio, & exigentia sit ipsa entitas causæ, nec maior per consequens quam ipsa sit.

62. Non possunt duæ causæ in eodem genere esse sibi inuicem causæ, primò, imò neque efficientes materiales, & formales, ita vt verè dent esse ei simul a quo accipiunt. Casu, & fortuitò multa fieri palam est, si hominum prouidentiam spectemus; at nihil fortuitum, vel casuale est respectu prouidentiae diuinæ. Imò fato omnia contingunt, si nomine fati accipimus, vt accipienda est, inhaerentem rebus mobilibus dispositionem, per quā
F 4 diui-

diuina prouidentia suis quæque necit ordinibus ; Vnde monstra si spectemus vnam, aut alteram causam sunt effectus casuales , & fortuiti per excessum, vel defectum insigniter aberrantes ab eius intentione , sed si omnem aduertamus causarum complexum ordinati effectus sunt, & per se intenti.

CAPVT IV.

De natura Actionis.

63. **A**Ntequam dicamus, quid sit actio placet asserre prius, quid illa non sit, & primò quòd (sicuti alio loco probabimus admittendum non esse eiusmodi genus entis, quod dicitur modalis entitas) ita etiam si modi admitterentur, attamen actio entitas modalis esse non potest : si enim actio distinguitur tum ab efficiente, tum ab effectu, & de nouo est, hoc ipso quod de nouo fit effectus, vt ante ipsum non erat, & ipso destructo non erit ; ergo & ipsa ab alio existit de nouo, cum æterna non sit (quicquid deinde sit an propriè fiat an non ; vt vt enim negari possit ipsam propriè fieri , certè negari non potest ipsam verè existere, & esse entitatem aliquam nunc primò v. g. ,
alio-

alioquin , qui hoc negent , iam negant illud ipsum , quod dicunt .

64. Quod si verè actio est entitas modalis non æterna , sed existens de nouo , vt multa passim de nouo fiunt , cum nec item a se ipsa de nouo sit , & emergat in esse , ergo verè ab alio est , seù virtute alterius de nouo , si non efficientis , cettè dantis esse eiusmodi entitati modali ; quod dans esse necessariò vel est ipsum agens , vel effectus : nihil enim aliud in proposito afferri potest . Effectus autem , qui est posterior actione , & ab actione , seù vi actionis , vtique actioni dare esse non poterit , ergo reliquum est , quòd ipsum agens ipsi suæ actioni det esse .

65. Quod enim hic responderi solet entitatem modalem propriè non fieri , quia cum ipsa sit essentialiter actio , hoc est ratio cur aliud fiat , ipsa fieri ab alio non debet ; cum forma non constituatur in esse formæ per aliam formam , nec albedo in esse albedinis per aliam albedinem , est intolerabilis æquiucatio : esto enim formæ non possint constitui formaliter in esse eiusmodi formæ per aliam formam , benè tamen possunt , ac debent constitui efficienter in esse talis formæ ab alia forma , vel agente , quod planum est in omni prorsus entitate existente de nouo , quod se ipsa formaliter

quidem sit, at non se ipsa sit efficienter; ergo etiam actio, & si non potest constitui ab alio formaliter in esse actionis; bene tamen debet in esse actionis ab alio constitui efficienter: ita ut non sit ab alio se ipsa; sed virtute alterius actu dantis esse.

66. Iam verò, si agens dat esse actioni suæ: vel dat esse per aliam actionem nouam (antiqua enim non est vsui) vel non per aliam actionem, si per aliam actionem; abitur in infinitum; si non per aliam, ergo potest aliqua entitas de nouo esse ab agente antecedenter indifferente, absque eo quod detur modus distinctus ab eo, quod de nouo est: ac proinde satis intelligitur aliquod ens dare esse, cum ante non daret, tum sine mutatione sui (sine qua de nouo est ratio, cur aliud, nempe hæc entitas modalis, actu existat, cum antecedenter non esset huiusmodi ratio cur) tum satis intelligitur dare esse hoc ipso quod intelligatur ens immediate ab ipso aliquo tandem modo existere.

67. Imò, cum quicquid ab alio verè existit, puta a sole, sit ab actione eius, nempe solis, seu certè ideò sit de nouo, quia tunc de nouo sol v.g. est ratio actualis, cur sit: Illud per consequens manifestè dicendum est, & entitatem modalem actionis si sit a sole de nouo esse ab alia

alia actione Solis, & eam actionem solis non esse a sole ipso distinctam. Præterea actio per modalitas idem est, ac dependentia effectus, seu ipsum fieri effectus: iam. verò (& sermo sit de actione efficientis Dei, hinc enim erit bonum gradum facere ad alia): dependentia effectus, vel fieri, vel conseruari eiusdem est identificata, & inaufertibilis ipsi effectui, qui intransitiuè spectatus dicit. semper actualem defectibilitatem pro sequenti tempore, & propterea, quo tempore est, essentialem item. intransitiuè dependentiam, quam si intransitiuè non dicit, ergo iam effectus non est intransitiuè, & essentialiter a Deo dependens: quod videtur manifestum absurdum; & si concedatur effectum intransitiuè dependere a Deo, ergo cum dependentia effectus, & actio idem sint, iam actio non est. entitas modalis a suo effectu distincta.

68. Neque verò potest saluari ratio effectus, vel creaturæ per hoc, quod dicat essentialem dependentiam; solum, tamen aptitudinalem a Deo, vel solam dependentiam vt quod, non verò vt quo. Cum inintelligibile sit, quòd aliquod creatum existat actu, & solum aptitudine a Deo dependeat, vel quod dependeat tantum vt quod per aliam rationem vt quo a se distinctam: quod enim hoc.

modo dependet, essentialiter, & intransi-
tiuè non dependet, vt paries qui est albus
per albedinem a se distinctam, non est
albus essentialiter, sed ex accidente.

Neque res creata potest constitui in esse
dependentis per hoc, quod dicat ordinem
essentialem ad huiusmodi modum de-
pendentiæ, sine quo, vel consimili ab-
solutè esse non posset, neque enim paries
est albus per ordinem ad albedinem: &
in metaphysicis probabimus posse Deum
quamlibet entitatem conseruare sine
quacunque alia a se verè distincta: vnde
non datur huiusmodi ordo essentialis re-
quirens actualem existentiam alterius rei
creatæ.

69. His adde quod Deus, vel agat se
solo, vel cum suis creaturis concurrat,
non solum est primum actiuum, sed etiã
est primum agens, & actu secundo (vtiq;
non nisi ipsa actione) præscribens, men-
surans, ac limitans ipsum esse effectui,
quem producit: idque signatè, & arbi-
trariè attemperando per intellectum, &
decretum; exercitè attemperando ipso
actu agendi, seu actione excessum om-
nipotentia suæ, ita vt hoc, aut illud tan-
tum esse, pro vt intendit, fiat, & non
amplius: sed nulla res a Deo distincta
poteat esse prima actu ratio agendi, nec
prima actu secundo mensura effectus,
ergo

ergo non potest vlla entitas distincta a Deo, & per consequens creata esse ipsa actio Dei : Maior huius argumenti est certa, nisi enim actu secundo Deus faciat, determinet, ac mensuret effectum, vtique nullus erit factus, determinatus, ac mensuratus : Minor etiam patet, scilicet nullam rem a Deo distinctam posse esse actualem primam mensuram effectus; quod enim a Deo distinctum est, ipsum quoque mensuratum est, certosque habet limites essendi, ergo alia mensura mensuratum est : quod tandem idem est, ac dicere primam rationem actu agendi, nempe actionem Dei non posse esse a Deo distinctam : esset enim & ipsa ab alia priore iam acta.

70. Et malè hic recurritur ad illud vt quo, & vt quod ; Deus enim debet esse non solum prima ratio agendi, primaque mensura vt quod ; sed etiam prima vt quo : non enim potest esse primum agens, & mensurans vt quod, nisi per primam rationem agendi, & mensuram vt quo : sed prima actio, & mensura vt quo non potest esse res vlla distincta a Deo, cum omne ens a Deo distinctum sit absolutè secundum ens, & mensuratum, ac factum aliqua per consequens priore mensura, & actione ; ergo a primo ad vltimum non potest a Deo distingui illa in
actio,

actio vt quò , qua Deus constituitur in
esse agens .

71. Quæ certè videtur esse sententia
S. Th. p. p. q. 45. art. 3. ad primum ; vbi
dicit creationem actiue sumptam signi-
ficare actionem diuinam , quæ est eius
essentia cum relatione rationis ad crea-
turas ; & prius q. 25. art. p. ad secundum
dixerat actionem Dei non esse aliud ab
eius potentia , sed vtrumque esse essen-
tiam Diuinam . Imò est hoc valde con-
forme doctrinæ , quam certam habemus
in processibus diuinis , in quibus gene-
ratio actiua identificatur Patri , passiuæ
Filio , vt Spiratio actiua identificatur Pa-
tri , & Filio , & passiuæ Spiritui Sancto :
stare ergo & potest , quod actio actiue
sumpta soli identificetur agenti , vt passi-
ue sumpta soli effectui .

72. Neque tamen admittendum est
actionem huiusmodi esse formalitatem
aduenientem , vel recedentem ab agente ,
seu , vt aiunt , resultantem ; tum quia im-
portaret veram mutationem etiam in
Deo ; & gratis dicitur , quòd aliquid verè
modò habeat intrinsecè aliquam ratio-
nem , modò non habeat , & tamen non
se habeat aliter ac ante , seu non se habeat
aliter , & aliter ; atque sine fundamento
ad mutationem requiritur plusquam hoc ;
& Patres , qui concedunt aliqua de nouo
verè

verè dici, vel negari de Deo sine eius mutatione, non tamen id aiunt, vt velint ipsi aduenire aliquid verè de nouo: tum quia huiusmodi formalitas accepta formaliter, vel est perfectio melior ipsa, quàm non ipsa, vel non: si est, ergo semper inest Deo formaliter; si non, ergo nunquam inest: tum tertio, quia est intelligibile aduenire, & recedere, & tamen identificari realiter, vel distingui tantum formaliter, dicunt enim oppositionem realem: tum quarto, quia ratio agentis importat quidem, quòd aliud ab agente sit; non verò, quòd aliud sit in agente: ergo nihil aduenit agenti hoc ipso, quod de nouo agit. Sed faciunt præterea contra hanc sententiam tum quæ contra modos, tum quæ mox dicemus pro vera sententia, tum quæ infra in Metaphysicis de distinctione formali.

73. Cum ergo actio nihil aliud sit verè, ac realiter nisi ratio actualis ex parte agentis, cur effectus actu secundo sit, per consequens actio non distinguitur vlla vera distinctione nec ab agente, nec a virtute illius actiua. Non enim potest aliud, quàm ipsum agens ipsaque virtus eius actiua esse ratio actualis cur effectus actu secundo sit; nam si virtus actiua, & agens non essent ipsa ratio actualis, cur effectus actu esset, iam actu non agerent,
sed

sed tantum agere possent, inò iam neq;
agere possent: illud enim agere non po-
test, si effectus, (hoc ipso quod fit) ne-
cessariò erit ipso nihil agente; neque di-
catur agens, & virtutem actiuam agere
actu vt quod per actionem ipsam, quia
cum & hæc sit ab agente, iam antece-
denter est agens erga ipsam, & sine
ipsa.

74. Illud verum est, quòd vulgari
quodam conceptu nomine actionis intel-
ligitur motio quædam virtutis, quæ ab
agente quodammodò deriuetur in effe-
ctum, vt concipiuntur influxus stellarum
è cælo descendere, iuxta quem sensum
videntur dicta illa: Sentio virtutem de
me exisse; sed certè non ita res agitur, in
tantum enim aliquid ab alio de nouo fie-
ri, & esse dicimus, quo ad rem præsen-
tem, in quantum ita existit de nouo, vt
non existeret, si illud hic, & nunc non
esset, vt contra non fieri, vel causari, in
quantum ita existit, vt existeret etiam,
si illud aliud non esset.

75. Quod autem attinet ad depen-
dentiam effectus, non est illa similiter
egressio quædam, & parturitio eius a
causa; sed est ita esse, vt non esset, si
causa ipsius non esset: & duplex est de-
pendentia, altera contingens, & extrin-
seca, altera necessaria, & essentialis.

De-

Dependentia necessaria, & essentialis est, qua pendent creaturæ a Deo secundum peculiarem modum, quo habent effici ab ipso, & quo non habent esse ab vlllo alio: & hæc constituit effectus in esse creaturæ inauferribiliter: Dependentia verò contingens est denominatio extrinseca ab actione agentis secundum quam effectus ideò est, quia causa est ad ipsum, vt sit. Vt enim omnis effectus habet aptitudinalem dependētiā essentialē respectu cuiusque causæ, a qua possit vel partialiter, vel totaliter fieri; sic dependentiam actualem contingentem non habet, nisi ab ea causa, a qua contingit, & secundum quod contingit quòd actu sit: quam esse denominationem extrinsecam effectui, ex eo manifestum est, quod nihil contingens est intrinsecum, vel essentialē alicui.

76. Contra hanc doctrinam magnæ dicuntur esse obiectiones: præcipuæ autem sunt primò: quòd, si actio non distinguitur ab agente, ergo vt illi semper inest actio, sic semper agit. Sed respondetur primò per instantiam: agens vt habet rationem actu secundo dantis esse entitati modali, vel formali actionis, non distinguitur nec realiter, nec formaliter ab agente, vt modalistæ, & formalistæ debent dicere, ergo eiusmodi agens dat sem-

semper esse eiusmodi actioni, & proinde effectui, & sic semper agit. Respondetur secundò concedo antecedens, distinguo cons. Semper agit, hoc est se habet semper eodem modo, quo ad se, vel agat, vel non agat, concedo consequentiam, semper agit, hoc est, se habet semper eodem modo erga effectum, quoad ipsum, ita ut ille ab ipso sit, nego consequentiam: & ratio huius est ex parte causali, quia vel agens est natura sua completum, vel est incompletum; si est completum cuiusmodi est solus Deus, & liberum, hoc ipso se habet ad effectum, pro libito, modò ità ut sit effectus, modò ut tantum esse possit; non diuersitate se habendi ex parte agentis respectu eius, sed diuersitate se habendi eius respectu effectus: si verò agens est incompletum, ut omne agens creatum etiam liberum, se habet ad effectum, hoc vel illo modo, pro ut habet ad se tum præparatos necessarios concursus causæ primæ, & secundarum, tum decretum diuinum determinatiuum vel permissiuum.

77. Secunda obiectio celebris est, quòd omne indifferens, cuiusmodi est agens in actu primo, distinguitur a suo determinatiuo, hoc est ab actu secundo agere; alioquin transfiretur de contradictorio in contradictorium sine vlla vera, & reali

reali mutatione, quod videtur absurdum. Huic respondetur primò per instantiam: agens antequam agat est indifferens ad esse ratio actualis, cur ab ipso sit, vel non sit entitas modalis actionis; mox determinatur, ità vt iam de facto ab ipso sit eiusmodi entitas, ergo etiam sic per modalitas nō distinguetur indifferens a determinatiuo, & transitur a contradictorio in contradictorium sine mutatione ea, saltem, quæ intenditur, cum agens se ipso intransitiuè modò det esse actioni, modò non det.

78. Respondetur secundò triplicem ex Scoto esse potentiam, seu indifferentiam actiuam, passiuam, obiectiuam; indifferentiamq; passiuam distingui quidem a suo determinatiuo, at non distingui actiuam, vel obiectiuam: rursus non posse transiri de contradictorio in contradictorium sine mutatione vera, loquendo de transitu indifferentiæ passiuæ; at loquendo de transitu indifferentiæ actiuæ, vel obiectiuæ, satis benè transigitur cum mutatione æquiualentē, & sine mutatione propriè sic dicta.

79. Porro mutationem æquiualentē, quo ad præsens negotium esse illam, quæ v. g. aliquid fit: vel fiat extra subiectum, vel in subiecto, vel de nouo, vel non de nouo: quotiescunque enim hoc pacto ali-

aliquid fiat, manifestum est benè haberi nouas, & contradictorias denominationes, si enim sit de nouo Angelus, vique tum ille, tum alij denominantur de nouo similes, & vel pares, vel impares, & de nouo est causa, ac effectus, licet ille verè mutatus non sit: imò id contingit etiam, vbi quid conseruetur, cum enim conseruari sit continuatè produci, imò produci de nouo, non quidem vt dicit non præsuisse; sed vt dicit nunquam fuisse eo momento, quo nunc, & nunc, & inde conseruatur; benè ergo alia, & alia etiam hìc denominatio, & contradictorium habet consurgere, cum verè, quod sic conseruatur, æquiualemter saltem transeat de non esse ad esse, ità enim fit, ac si antecederet non esset.

So. Ad casum autem, qui solet hic fieri de lumine, quod modo sit a sole, & Deo, modo a solo Deo, ergo aliam entitatem dandam hìc esse, qua hic fiat a solo Deo, hic a Deo, & sole: Conceditur casus, negatur consequentia; vt enim sine mutatione sui actiuum idem modò agit, modò non agit, & effectus conseruatur nunc, & post nunc sine mutatione sui formali, & sine noua entitate, imò sine propria mutatione, quæ sit durationis, aut temporis. (Demus enim nullum esse tempus) vt in de duratione p. 3. nu. 30.
&

& seq. dicemus ; per consequens sine vlla item noua entitate idem effectus habebit esse modò ab hoc agente, quod prius non agebat, modò ab alio, quod post agat. Et si quærat^{ur} : vnde ergo venit, quòd nunc lumen sit a sole, & Deo, nunc a solo Deo, vel ab alio sole, respondetur : vel hic quæritur ratio formalis, vel ratio, vt ita dicam effectiua : Si primum, dico inde venire, quia modò hic sol se habet ad lumen, vt lumen ab ipso fit, modò ità vt non sit ab ipso ; sicut oportet dicant modalistæ, quòd sol modò se habet, ità vt entitas modalis ab ipso sit, modò vt eadem ab ipso non sit.

81. Si verò quæritur secundum, dico indè venire loquendo de causis creatis, quia modo hic, aut ille sol completus est in ratione agentis habens ad se concurrentiam necessariarum causarum Dei v.g. & si quæ alia, & decretum Dei permissiuium, vel determinatiuum de hic & nunc, vt ponatur talis effectus ab hoc, aut illo: quòd decretum, & si verè non est ipsa actio creaturæ, tamen prærequiritur ; & licet vnum, & realiter idem sit ab æterno, tamen habet eandem efficaciam hoc, aut illo particulari momento erga has, aut illas causas, quam haberet, si plura faceret, & de nouo Deus decreta, pro vt effectus de nouo fiunt, in quo
nihil

nihil hic peculiare nobis , & alijs sententijs .

82. Porro huiusmodi decreta habere distinguere ratione ab inuicem pro varia connotatorum distinctione , vel causarum , vel effectuum , licet indistinctorum , vel durationis rei , quæ fit , & conseruatur diuersimodè ab alia , & alia causa alio , & alio tempore actuali , vel possibili , & conditionato , res manifestæ sunt ; veile enim , quod hic effectus sit instanti C a causa B , & instanti D a causa F breuiùs , diutiùs , utique distincta sunt , tum ratione maioris durationis , tum ratione conditionati , quòd modò vult hanc causam ità se habere , vt si non esset , neque esset effectus : modò ita se habere , vt si non esset , adhuc effectus esset ab alia causa .

83. At enim Deus hoc ipso quòd velit nunc lumen esse a Sole B , non a Sole A , vel vice versa , per hoc inquam nihil vult præterea in vno nunc , quod non velit in alio : ergo non est distinguere vnum decretum ab alio ; sed in hac re distinguendum est antecedens , nihil vult ex parte causatum , transeat antecedens , nihil vult ex parte effectus , negatur antecedens ; cum velit esse nunc effectum , quo nunc antecedenter nolbat ; vndè falsa est consequentia ; & quod attinet ad causas satis est ,

est, si velit in ipsis aliud æquiualeuter, vt distinguuntur æquiualeuter causantes actu a se ipsis, vt non actu causantibus: vt enim inuariatæ habent modò causare, modò non causare, benè volens ipsas modò causare, modò non causare potest velle non solum sine mutatione sui, sed etiam sine mutatione in obiecto, seu ipsarum.

84. Rursum (quod difficilius videtur) opponitur casus, quòd sint duo soles A, & B, & lumen nunc tantum a sole B: iam sic: quomodò hoc decretum est diuersum ab eo, quo Deus voluisset, vt potuisset, hoc eodem instanti lumen esse a sole A; nihil enim prorsus est assignare diuersum in obiecto, vel connotato, vnde diuersificemus decretum; cum in utroq; casu Deus tantum voluisset absolute has tres entitates, & nihil aliud præterea. Sed valet hic, quod habet Arist. non semel de propositionibus: eas sc. se habere, quemadmodum & res. Idem enim dici potest de volitionibus, & decretis: vt ergo verè inuariati soles possunt causare, & non causare, & inuariatum lumen causari potest modò ab hoc, modo, ab illo; sic Deus potest inuariatus ipse erga inuariata se habere volendo, quod lumen modò sit ab hoc; modò ab illo, vnde hæc causa modò se habeat ita,

ut det esse lumini, modò ità ut non det; ex quo sequitur diuersum conditionale, in ordine etiam ad quod habemus decretum ipsum distinguere: modò enim sic se habet sol B; ut, si non esset, neque esset lumen, modò ita se habet, ut, etiam si non esset, tamen adhuc esset lumen.

85. Neque est dicere, ergo Deum non videre in casu dato, quando sol B producat lumen, nec quando non producat, cum nulla sit in solibus, nec in lumine, nec in effectu, nec in ipso decreto diuersitas. Respondetur enim primò dari posse, quod Deus non videat ista in causis secundis, nec in effectu propter allatam rationem; sed tamen adhuc negari posse sequelam: cum, ut dicebamus vnumquodque sit cognoscibile, secundum quod est ens, saltem à perfectissimo, & comprehensiuo cognoscente; vndè cum causæ secundæ, licet inuariatæ habeant modò causare, modò non causare, benè ratio postulat, ut miris quidem; sed tamen veris modis sint etiam cognoscibiles, vel quando causant, vel quando non causant; neque enim maior difficultas est, quod eadem res inuariata vi sua intrinseca præstet varia, quàm quòd inuariata cognoscatur illa præstare.

86. Sed & dupliciter dici potest ista videri

videri a Deo : primò videt huiusmodi in se ipso ratione vitalitatis decreti , & concursus sui : inintelligibile enim est , quòd decernat , concurrat , & longe alia , quàm quæ decreuit , decernere potuerit , & facere longe alia , quàm quæ fecit , quo casu idem adhuc omnimode Deus esset , & tamen non sciat rationes decretorum , & effectuum suarum in se ipso antecederet ad creaturas ipsas visas , cum de facto rationes decretorum , & effectuum , antecedant visibilitatem creaturarum . Videri enim , quod non sit necesse , (& arbitror esse doctrinam S. Aug. 10. de Trin. c. 7.) vt quis cognoscat operationes suas vitales animales , vel rationales cognoscitiuas , vel appetitiuas , se hic & nunc operari , audire , intelligere , velle ; non inquam necesse sit , ad hoc vt ista cognoscat , quod ea habeat formaliter pro obiecto , ita vt cognitione exprimente has vitales operationes intelligat : hoc enim videtur contra experientiam , cum non solum docti ; sed etiam admodum rudes , quando orant , & loquuntur , & audiunt , & seriò aliquid volunt , sciant se huiusmodi operari , & velle , idque certò & perspicuè sciant , licet tamen non habeant pro signato obiecto eiusmodi operationes .

87. Altero verò modo dici potest , quòd Deus videat illa in futuro conditionali ,

G

nali ,

nali, quod scilicet, si sol B periret, periret etiam lumen, a quo proinde est, & si sol A periret, non tamen periret lumen: quæ vera sunt, non quasi istæ conditionales sint ipsa actio, qua fiat lumen; ens enim conditionale non potest esse ratio, cur sit absolutum; sed quia impossibile est, quod sit lumen a sole B, non a sole A, & non sit verum hoc conditionale: quod si non esset sol B, neque esset lumen. Cum autem Deus videat omnia futura conditionalia, nihil mirum si videt etiam huiusmodi conditionalia, quæ in omni sententia, quantum ad actionem pertinet admittenda sunt.

§8. Nempe philosophandum hic est proportionaliter; quod attinet ad visionem Dei circa ista, quo modo philosophamur de futuris contingentibus absolutis, quæ videt Deus in se ipsis, & non in causis eorum liberis, in quibus hoc ipso, quod liberè sunt, non est reperire quidquam, vnde futurus sit potius hic, & nunc hic effectus, quàm ille.

§9. Quod autem huiusmodi futurum conditionale verum sit nunc, quod antea verum non erat, & nunc quasi de nouo nascatur; & vnde, cum nunc omnia absoluta in casu dato se habeant realiter, vt se habebant ante, mirum videri non debet, cum iam constet in omni sententia
posse

posse causam tum liberam, hoc ipso quod libera est, tum necessariam, quæ semper agit cum consortio extrinsecæ causæ liberæ, inuariatas modò date esse effectui, modò non date, ex quo necessario sequitur, verum ergo fore hic & nunc, quod peribit hæc, aut illa entitas, quæ est effectus, si pereat hæc aut illa entitas, quæ sit causa: nec desunt exempla in Theologicis, quibus ceteris inuariatis ex mero Dei beneplacito hic & nunc aliud, & aliud conditionale sequeretur.

90. Hæc porrò eodem proportionaliter modo statuenda fuit, vbi supernaturaliter duæ causæ totales causant eundem numero effectum; qui, esto non exigat, potest pendere a pluribus, & quasi multoties fieri eodem in loco, vt potest replicari, & fieri multoties in pluribus locis: ita enim quælibet singillatim causa totalis producit effectum suum, vt expleat quidem in suo genere factibilitatem eius, quo ad exigentiam, non quo ad capacitatem; atque ità facit, vt tamen possit, & altera idem reficere, vnde mensuretur effectus a mensura maiori se, non tamen semel, sed pluries.

91. In tali autem casu effectus & dependeret a pluribus dependentijs extrinsecis, & multiplici formaliter decreto Dei, & multiplici eiusdem formaliter

concurſu fieret (licet dari poſſet caſus , quo Deus vnico formaliter concurſu concurreret cum pluribus cauſis totalibus ad aliquem effectum) quibus non obſtat , quo minus poſſet Deus pro libito, aut deſtruere effectum non deſtructis cauſis , aut deſtruere illas , & quamlibet earum ſaluo effectū , aut ſaluis & his , & illo velle quod modò a paucioribus , modò a pluribus , modo a ſe ſolo effectus ipſe produceretur .

92. Habent hoc agentia creata probabiliffimè , quòd , & ſi agant in rem non præſentem inmediate ſuppoſiti , tamen neceſſariò requirant præſentiam non intimam , ſed contiguam ſecundùm im-mediationem virtutis , & cum ex vna parte certum phyſicè ſit (& conſtet rationibus metaphyſicis ſecundùm propriã abstractionem) dari virtutes occultas in magnam agentes diſtantiã , ac proinde nulla experientia ſolidè probari poſſit, vllam cauſam de factò agere in diſtans , nihil qualitatũ vel occultarũ , vel noſcibilium producendo per medium : ex alia parte abhorreat animus concedere virtutem creatam , ac per conſequens finitam agentem , ſeu potentem agere in quamcunque diſtantiã , quod ſequeretur etiam ſi libera eſſet , dicendum eſt probabiliffimè neque dari poſſe abſolutè
agens

agens naturá sua actiuum in distans.

93. Et necesse est, quòd agentia creata in actionibus suis transeuntibus habeant certam actiuitatis suæ sphæram sic dictâ, propterea quòd, cum certos ad vsque limites quaquaersum (non enim est maior ratio, quod potius in hanc, quàm in illam partē) habeant propagare ex æquo respectu paris distantiae virtutes, & qualitates, effectusque suos, quos propagant vniformiter difformiter intensos, secundum proportionem geometricam decremento semper minori, ac minori, vsque ad vltimum physicè minimum, quandam quasi rotundam circa se sphæram productæ qualitatis componunt : cuius ipsa agentia fiat quasi centrum.

94. Per hanc autem sphæram actiuitatis agit tum qualitas ipsa propagata per medium prior, & intensior in sequentem, & remotiorem, ac minus intensam; tum agit ipsum principale agens secundum substantiam, & qualitates sibi in-existentes, quo tamen titulo, esto agat in distans distantia suppositi, non tamen agit absolutè in distans distantia etiam virtutis : quod autem sphæra agentium non sit infinita, etiam si absolutè intensio propagabilis qualitatis sit minorabilis in infinitum, ea est ratio, quod pars vltima sphærae physicè assignabilis propter

tenuitatem suæ virtutis non habet vim sufficientem agendi in spatium sequens, propterea quod agens agit ex quadam supereffluentia virtutis; vnde videtur requirere certum excessum, quo deficiente non possit agere; id quod proportionaliter contingit, vbi dentur duæ lances perfectè in æquilibrio, quarum alteram non tamen quodlibet leuiusculum pondus premere vsque ad descensum potest.

95. Requiritur etiam distinctio realis inter causam, & effectum primò productum (secundò enim potest quis a se ipso produci) hoc tamen non tollit, quominus possit quis agere in se ipsum secundum easdem partes, idemue totum actione immanente perfectiua, & æquiuoca, & secundum diuersas partes etiam actione vniuoca, & corruptiua, eaque directa: quod si sermo sit de actione reflexa, quæ prouenit tum ab ostaculo, tum ab agente principali, potest agens agere in se ipsum secundum easdem partes actione vniuoca; non tamen corruptiua; vbi enim ipsum corrumpatur, certè nec mediatè, nec immediatè agit.

96. Ratio enim, propter quam reflexione sic agi contingat, est prædensitate idonea obstaculi, secundum quam, vt etiam alias secundum molem, habent
iuvant.

iuvare agentia ad agendum : virtus enim maior , & densior ceteris paribus est etiā fortior , cum in applicatione ad idem æquiualeat intensiori : vnde simile , & imperfectius secundū intensiōem, dissimile autem secundū densitatem , & molē potest agere in simile , & perfectius secundū intensiōem : neque timendum est , quod , si sic se similia intendunt , vel directē , vel reflexē , ergo se augeant in infinitum , vel enim præpeditur multis accidentijs huiusmodi progressus agendi , vel certē non vltius habent intendi , quā ferat capacitas passi , cuius est intensiōem admittere .

97. Intercedit in agendo non rarō antiperistasis , & reactio , & resistentia : antiperistasis est intensio obsessi ex circū obsistentia contrarij : frigus enim intenditur , eò quod circum obsistente calido transpirent a re frigida , si qui inerant , spiritus calidiores ; vt calor inrenditur circum obsistente frigido , eo quod tenuissimi spiritus calidiores in arctius cogantur . Resistentia autem est formaliter ipsa permanentia alicuius totius , qua obtinet quietem totalem , vel partialem , vel secundū locum , vel secundū qualitatem , vel secundū substantiam subordinatam ; vnde & si positum sit intra sphaeram contrarij , tamen vel nihil , vel

minus respectu ad intentionem agentis patiatur.

98. Reactio autem est duorum contrariorum pugna, secundum quam passum reagit, ut agens agendo repatitur; ut autem admitti debet frequentissimè contingere maximè in nutritione Animalium, qua viuens patitur a cibo ipso, quem excoquit, ita nec semper contingit: nec, quando contingit, sequitur quod idem moueatur motibus contrarijs; partem enim passam vniformiter difformiter non potest pars non passa, quippè quæ minimum differens, alterare; & similiter pars repassa propter eandem rationem, non potest a parte non repassa alterari.

99. Sic explicata actione veniendum est ad passionem correspondentem: hæc latius sumpto vocabulo est ipsum obiectum actionis, seu ipse effectus, qui fit, ut habet rationem actu secundo recipientis esse: strictius autem, & magis propriè est ipsa actualis receptio formæ in subiecto, seu ipse concursus, causalitasque actualis subiecti patientis, seu recipientis formam, quæ causalitas eodem modo habet distingui a virtute passiva, & subiecto, quo supra diximus distingui actionem ab actiuitate, & agente.

CAPVT V.

*De quantitate, infinito, loco,
& vacuo.*

100. **Q**uantitas analogum nomen, ut dicitur de ijs, quæ sunt perfectione, & virtute quanta, tum de quantis intensiue, vel entitatiue, vel secundum molem, vel secundum tempus, vel secundum numerum, essentialiter est ratio diuisibilis essendi, secundum quam, vel cognitione, vel re accipi possunt partes, ita ut singulæ minorem realiter entitatem, aut quidditatem dicant, quam totum: idque, vel sint huiusmodi partes natæ stare localiter aliæ extra alias, vel aliæ intra alias: unde prima ratio quanti est esse diuisibile in ea, quæ insunt:

101. Quantitas molis est ratio habendi aptitudinaliter partes extra partes in ordine ad locum, nata inesse substantiæ habenti partes entitatiuas, & constituere illas localiter alias extra alias: licet verò, quæ sic quanta sunt, sint etiam impenetrabilia, & mensurabilia, cum hoc ipso quod partes petant esse aliæ extra alias, petant non penetrari, sed extendi, & per

G S con-

consequens mensurari possint, tamen ista, proprietates sunt, non essentiae quantitatis. Quod tamen attinet ad impenetrabilitatem, non est ita impenetrabilis quantitas, vt nequeat tum diuinitus, tum etiam naturaliter admitti aliqualis saltem partium penetratio.

102. Porro partes componentes quantitatem non possunt esse indiuisibilia mathematica finita, vel infinita; cum addita ad inuicem non faciant maiorem molem: non item possunt esse indiuisibilia physica, vel ponantur physicè, & formaliter extensa; hoc enim ipso sunt absolute physicè diuisibilia, vel ponantur non physicè, sed tantum virtualiter extensa, & hoc ipso non sunt materialia, sed spiritualia: non item componitur quantitas ex partibus actu distinctis, iam enim sequeretur componi ex indiuisibilibus mathematicis.

103. Sed componitur ex partibus potentia tantum distinctis in infinitum diuisibilibus, neque verò repugnat aliquid esse vnum, & tamen diuisibile in plura: Proinde neque dantur indiuisibilia continuatiua inter partes continui, neque indiuisibilia terminatiua, vtpote quæ neque haberent locum, neque verum terminandi munus; esto admitti debeant indiuisibilia tum terminatiua, tum continuatiua.

nuatiua secundum rationem a quanto distincta, in ordine ad quæ est explicanda ratio contactus mathematici.

104. De maximo, vel minimo Physico illud sentiendum videtur nullam rerum inanimatarum; nullumque accidens intensibile habere natura sua terminum ullum magnitudinis, vel paruitatis; ultra quem, vel citra quem non possint salua consistere. Licet enim quælibet res habeant determinatam naturam, & essentiam; hoc tamen proprium est rerum diuisibilium; ut certam molem entitatis suæ per se ipsæ non exigant: viuentia verò irrationalia, esto non habeant terminum nec magnitudinis, nec paruitatis, ut sint, & a potentia diuina conseruentur, tamen illum habent, ut naturaliter viuant, non enim ritè consisteret bos v. g., cuius pes tardus, aut oculus distaret ab altero duobus millionibus miliariorum.

105. Rursum verò viuentia rationalia determinant quidem sibi naturaliter terminum paruitatis, & magnitudinis, ut naturaliter viuant propter eandem rationem; absolute tamen possunt esse quantumuis minima & conseruari a Deo: non possunt autem esse quantumuis maxima: maxime stante eo, quod videtur receptum apud Theologos Angelum quemlibet habere determinatum termi-

num suæ extensionis virtualis, & quo ad ista philosophandum esse de Anima, quod & de Angelis philosophamur.

106. Infinitum rectè dicitur illud, cuius secundum quantitatem accipientibus semper accipere extra est, vel re, vel cognitione, ut ut sit infinitum formaliter vel virtualiter extensum, vel intensum, continuum, vel discretum. Duplex est: categorematicum, & syncategorematicum. Categorematicum creatum dari implicat, vel infinitum sit numero, vel intensione, vel mole; quia inuoluit, quod idem sit finitum, & infinitum: Infinitum autem categorematicum virtutis dicendum est implicare, quia ipso admisso iam non est ratio sufficiens negandi, quod possit dari creatura, quæ Deum æquet in aliqua perfectione secundum omnem latitudinem eius, quod nimis indecorum est Deo.

107. Non tamen implicat infinitum, syncategorematicum in vilo genere extensionis, sed infinitatis, propterea quod nunquam est assignabilis certa perfectio rei creatæ, vel creabilis, nec certa moles, nec certus numerus, nec certa duratio, quibus maiora Deus creare non possit. Neque vero patitur huiusmodi infinitum eas difficultates, quæ sunt propriæ infiniti categorematici, cum absolute in-

fini-

finitum non sit, nec ullam dicat actualitatem intrinsecam essentiae infinitae.

108. Licet verum sit, eiusmodi infinitum esse actu possibile; tamen cum status possibilitatis nullam essendi actualitatem importet in rebus possibilibus, adhuc in statu possibilitatis acceptum, propriè, ac verè non est totum actu, nec infinitum categorematicum. Neque, verò per hoc constitui potest in ratione infiniti categorematici, quòd simul cognoscatur a Deo, unde simul sit infinitus terminus, & infinitum obiectum: ea enim simultas se tenet ex parte cognitionis, non verò ex parte rei cognitæ: & Deus cognoscens omnia, pro ut sunt, certè cognoscendo non infinitat categorematicè illud, quod de se est infinitum syncategorematicum.

109. Quod autem contra immensitatem diuinam faciant ea argumenta, quibus nos arbitramur de medio tolli infinitum categorematicum creatum, falsum est, quia immensitas diuina, utpote inextensa formaliter, non admittit nec distantiam, nec lineas formales, & veras, sed tantum virtuales æquualituras cuiunque, quantumvis magnæ imaginabilis: & pari modo infinitum syncategorematicum, cum secundùm quod ponitur semper finitum sit, secundùm quòd potest

test ponit, in infinitum extendatur, effugit rationem comparationis, secundum maius & minus, & si quæ alia huiusmodi.

110. Triplex est locus, Metaphysicus, Mathematicus, & Physicus. Metaphysicus conuenit omni creaturæ, hoc ipso quod est, & consistit, quod ambiatur immensitate diuina, & coexistat certæ designabili eius parti virtuali. Mathematicus conuenit per accidens, & est superficies corporis continentis immobilis; quod intellige præcisè; nam, quatenus locus est, non dicit mobilitatem, ut eam dicit vas propriè sic dictum, quatenus vas est ita continens, ut natum sit transferre locatum. Locus physicus est corpus ambiens natum conseruare locatum, seu conueniens secundum naturam locati.

111. Non constituimur in loco per entitatem modalem, vel realem superadditam, utcumque sit relatio ad hoc, aut illud corpus, vel punctum, aut sublimare aut terrestre, aut fixum, aut mobile. Et ratio est, tum quia corpus, etiam destructa (ut probabimus in metaphysicis posse destrui quamlibet entitatem, qualibet non destructa) huiusmodi entitate modali, vel reali adhuc ibidem esset, & coexisteret ijs, quibus coexisterat;

tum

tum quia impossibilis est entitas realis, vel modalis, quæ sit essentialiter, & fixè relatiua huius, v. g., corporis, vel substantiæ creatæ, ad hanc vel illam, vt se continentem, seu præsentem sibi.

112. Vel enim est relatiua ad hanc potius, vel illam, quàm ad aliam partem virtualem diuinæ immensitatis, & hoc dici non potest: cum diuina immensitas sit intransitiuè secundum omnes sui partes virtuales eiusdem rationis, ac proinde non nata specificare hic, & nunc potius has, quàm illas vbicationes modales, quæ proinde non haberent statuere rem vbicatam magis hic, quàm illic: vel eiusmodi entitas vbicationis est essentialiter relatiua ad hoc, vel illud corpus, in ratione continentis, aut præsentis, vel distantis, & neque hoc dici potest; tum quia nullum est, aut esse potest huiusmodi fixum corpus, nec est maior ratio, cur ad vnum potius referatur, quàm ad aliud, nec cur magis ad distans, quàm ad præsens; tum quia vel existente, vel non existente eo corpore, & vel existente vbi est, vel alibi adhuc vbicatum foret in eodem planè loco metaphysicè, & immotum.

113. Sed, vt ratio essendi hic, vel ibi, est ratio prædicamentalis præsentiae ad hanc, vel illam partem virtualem immen-

men-

mensitatis diuinæ creantem sibi creaturas suas præsentem actione non in distans, ita ratio essendi in loco non venit huic, aut illi cum mutatione reali : & diuersa, ut dicitur, ubicatio non importat diuersitatem entitatis realis : sed eatenus modòsum hic, modò ibi, pro ut hæc aut illa pars virtualis diuinæ omnipotentiae, quæ immensa est, seu diuinæ immensitatis, quæ est omnipotens, me producit intimo suo influxu.

114. Est enim ratio essendi hic, ut relatio præsentiae localis, sic ex genere relationum, quæ fundantur in actione, & passione : benè ergo est, quod sicut habeo conseruari, & fieri, & replicari, sine vlla vera mutatione reali, cum indifferentia obiectiua non importet eiusmodi mutationem, sic habeam esse hic, vel ibi, pro ut hæc, aut illa diuinæ immensitatis parte virtuali conseruor sine mutatione reali.

115. Neque nos turbet, quasi videamur recidere in id, quod impugnabamus diuersificantes & nos diuinam immensitatem : etenim sunt istæ nostræ diuersitates extrinsecæ, pro ut a nobis conceptibiles sunt, secundum aliam, & aliam rerum seriem, alijs, atque alijs coexistentes; vnde habemus benè cognoscere rationes formales inexistentes quidem secundum

eundum esse, esto non existentes secundum distinctionem.

116. Et hoc modo, quæcunque creata sunt, in loco sunt metaphysico tam essentialiter, & necessario, quam essentialia est omni creaturæ, quod fiat, & conferuetur a Deo: quare malè censent aliqui, posse dari creaturam, utcumque indiuisibilem, vel spiritualem, quæ absoluat ab omni loco, cum nulla possit absolute, quod fiat ab omnipotentia diuina. In loco autem mathematico sunt tantum corporea, quæ habent verè superficie corporis ambiri, spiritualia enim propriè non ita corporibus ambiuntur, quin etiam habeant penetrari: At in loco physico sunt ea tantum, quibus hic, aut ibi melius est ad sui conseruationem, vel naturalem inclinationem.

117. Quod plura vel corporea, vel spiritualia possint esse in eodem loco, non est res dubitabilis, quod autem distincta supposita corporea possint supernaturaliter penetrari, item ex fide certum est, ut etiam & bona ratione philosophica dicendum est, idem vel corporeum, vel spirituale, vel accidens, vel substantiam simul esse posse in pluribus locis.

118. Ut enim potest Deus effectum conseruare, quod est ipsum reproducere secundum tempus, ita benè potest etiam

cun-

eundem eodem tempore reproducere, & replicare secundum locum : sicuti de facto Christus Dominus est, tum in cælo, tum, quampluribus in locis in Sanctissimo. Fit hæc replicatio non per meram productionem plurium vbicationum, quæ solæ non habent constituere nec in vno, & multò minus in pluribus. Et ceterum vllam, cum sint posteriores illa iam producta, & locata.

119. Sed fit per veram reproductionem eius rei, quæ statuitur in pluribus locis, quod est etiam conformius sensui Ecclesiæ, quo Sacerdotes in pluribus locis consecrantes dicuntur conficere Corpus Christi Domini, tum sententiæ, quæ supra probabamus locatum constitui in loco per hoc, quod fiat, vel conseruetur ab hac, aut illâ diuinæ immensitatis parte virtuali, vnde sequitur constitui ergo in pluribus locis per hoc, quod a pluribus diuinæ immensitatis partibus reproducat.

120. Quod autem habeant tum eadem, tum etiam diuersissima prædicata conuenire eidem pluribus in locis existenti, tum ratio ipsa replicationis, tum Christus Dominus valde alio modo existens in Sanctissimo, & in Cælo satis manifestè ostendunt : illud vniuersaliter dicendum videtur, quod res replicata ne-

- cessat.

cessario habet in omnibus locis omnia prædicata sibi realiter identificata tum absoluta, tum relatiua absoluentia a loco : & potest carere omnibus prædicatis à se distinctis realiter, vel etiam identificatis connotatiuis huius, aut alterius loci particularis.

121. Vnde potest idem in vno loco esse albus, & calidus, & doctus, in alio niger, & frigidus & insipiens, in vno viuus, in altero mortuus, in vno sedere, in altero stare, in vno agere, in altero cessare ab actione. Illud tamen præterea obseruandum est, quod potest quidam res bilocata præstare supernaturaliter multa, & opposita, vt esse in vno loco summè calida, & in alio summè frigida, pro vt Deus velit in ipsa conseruare, hinc aut ibi hos, aut illos effectus, & cum ipsa concurrere ad has, aut illas actiones, vel passiones.

122. Non tamen potest neque supernaturaliter res bilocata in vno loco peccare, in altero ex opposito virtuosè operari, nec potest naturaliter plus operari in pluribus locis, quam naturaliter possit in vno : vnde, si in vno animal viuut, comedit, ludit; in altero, etiam si Anima sit vnita corpori, ab omnibus his actibus cesset necesse est : & vbi sit vnum saxum in duplici loco pendens, in altero tan-

tantum connaturaliter descendet, ubi Deus determinabit suum concursum. Etenim res bilocata non ideo augetur secundum actiuitatem suam, unde possit plura in pluribus locis. Quod si durans potest plura pluribus temporibus, disparitas est, quia pluribus temporibus naturaliter existit, quo ad substantiam, & modum, at non sic existit naturaliter pluribus simul locis, sed existit naturaliter tantum in vno, ergo tantum in vno loco, quem determinet Deus, poterit res bilocata naturaliter operari, ut tantum in vno Deus connaturaliter dabit illi concursum.

123. Vacuum ritè definitur locus carens corpore: odit illud natura quàm maximè, vincibiliter tamen: posse enim dari casum, quo saltem ad breue tempus, paruumque spatium detur. Dato vacuo nullus motus localis ideo fieri poterit instanti, & benè posset in ipso fieri tum motus progressiuus, tum grauium, & leuium; esto hic non fieret, si in rerum natura nihil, nisi vnicum esset graue, vel leue.

124. Magna videtur esse sollicitudo rerum naturalium, ut opportunè accurrant ad explendum, & impediendum vacuum: Porro hæc nec debet attribui Deo soli, quasi non potuerit ipse dare
hanc

Hanc virtutem creaturis suis, neque virtuti naturali ipsius corporis se mouentis, vt est pars huius vniuersi: non enim potest ignis, vt ignis calefacere, vt pars vniuersi frigefacere: nec canis, vt custos latrare, vt Pater hæredes instituere. Sed dicendum est, cum corpora accurrentia ad implendum vacuum ea tantum sint, quæ humida fluuidaque; habere ergo ista lentorem quendam, quo adhærescant inter se vel siccis, solidisque rebus; vnde alterum altera sequantur.

125. Extra mundum creatum vacuum immensum est accepta pro eius superficie ipsa conuexitate vltima vniuersi: & extra hunc modum actu verè est Deus totam suam immensitatem per immensa spatia imaginaria indiuisibiliter explicans futurus præsens finitis in infinitum mundis creabilibus, absque eo quòd nouiter se se ad ipsos implendos virtuali extensione diffunderet.





CAPVT VI.

De Motu .

116. **R**ectè definitur motus esse actus entis in potentia , pro vt in potentia , & clarius esse successiuus actus mobilis : ritè contradistinguitur a mutatione per hoc , quod forma mutationis fit tota simul , forma verò motus per partes priores , & posteriores . Diuiditur motus in lationem , alterationem , augmentationem , qui non solum differunt ratione obiecti , sed etiam productionis suæ per hoc , quod motus localis essentialiter fit successiuè pereunte parte priore , vbi succedit posterior ; at augmentatio , vt abstrahit a motu locali , vel alteratio potest , vel naturaliter , vel supernaturaliter fieri etiam in instanti , & quando fit successiuè , fit quidem partibus post partes , sed non pereuntibus prioribus ad aduentum posteriorum .

117. Differt verò per hoc Motus a mutatione simpliciter sic dicta , quòd mutatio per se est inter terminos priuatiuos , at verò motus , hoc ipso quod est motus , seù mutatio successiua , necessario est inter terminos positiuos , vt vice versa quæ mutatio est inter terminos positi-

fitiuos, illa necessario fit successiue: forma enim per se successiua est diuisibilis in partem priorem, & posteriorem, ergo in terminum a quo, & ad quem vtrumque posituum.

128. Motus non est ipsa actio formaliter mouens, neque ipsum subiectum, quod mouetur, neque ipsa passio subiecti; sed est ipsa forma, terminusque, qui acquiritur, pro vt acquiritur, atque adeo secundum quod dicit subiectum modo sub vno termino, modo sub alio. Vbi mouens est extrinsecum recipitur motus in mobili, vbi vero mouens agit immanenter, recipitur quidem in mouente materialiter; sed in mobili formaliter, quatenus est mobile, & passiuum motus.

129. Tot ergo sunt specie, vel numero motus, quot sunt specie, vel numero formæ, aut subiecta earum; neque enim augmentatio, & decretio, intensio, & remissio constituunt plures, quam duos motus specie diuersos, cum decretio, & remissio formaliter non sint motus, nec actio, sed destructio, & cessatio a motu; qua habet diuidi numero ipse motus, secundum intercapedinem temporis realis, vel imaginarij, qua contingat inter motum, & motum quietari.

130. Dilato in alium locum motu
aug-

augmentationis, & alterationis agendum hic de motu locali, qui primus, & notissimus corporum motus est; & est transitus de loco ad locum subiecti coexistentis tum termino a quo, tum termino ad quem, tum spatio intermedio: non enim motus localis est, ubi aliquem Deus in vno loco positum, vel simul, vel post sublatum ab eo loco, replicet in alio distante.

131. Et hæc est ratio, cur nemo possit naturaliter moveri localiter, seu etiam mutare locum in instanti; non moveri localiter in instanti, quia non potest quis naturaliter in instanti commensurari, & coexistere spatio maiori se; iam enim minus esset æquale maiori: Sed neque potest quis mutare locum in instanti naturaliter, quia vel qui sic mutat locum, est in instanti in duobus locis, & hoc nec est mutare locum, nec fieri potest naturaliter, vel in eodem instanti non esset hic, & in eodem esset alibi, & hoc est impossibile, tum quia esset hæc quædam productio, seu actio, & potius creatio in distans, quæ repugnat; tum quia si mouens se a loco B ad C quo instanti non est in B, se producit in C, iam non existens potest producere se ipsum, vel aliud, etenim illud esse, quod eiusmodi mouens habet in C productum, est non producens,

cens , nec quidquam influit ad hoc vt fieret, sed factum est à non ente : & multò minùs potest quid nihil producendo statuere se in alio loco , vt mox dicemus .

132. Esto autem possit mobile alium, & alium supernaturaliter acquirere locū absque vlla reali mutatione intrinseca, hoc est absque vlla acquisitione, vel depreditione entitatis realis, vel modalis, qua vbicetur ; tamen nulla res creata potest virtute sua se mouere localiter absq; aliqua entitate reali superaddita , quia sic mouere se est agere . Et si mouere se, non sit agere , difficile erit statuere , quid tandem sit ratio agendi : est autem intelligibile, quod quis agat, & tamen nihil producat, seù nulla entitas ab ipso sit .

133. Neque satisfacit distinctio actionis, vel causæ in productiuam, & adductiuam, quæ nihil est notior hoc ipso puncto, quod controuertitur . Et quid præstat actio adductiua , & quomodo effectiuè adducit, si nihil efficit, nullusq; est ipsius actus secundus ? Præterea vel vbi quis se mouet localiter, concurrat Deus & ipse, vt causa naturalis, & vniuersalis mouens, vel non ; si dicatur quòd non, dicitur contra sensum communem , & manifesta Scripturæ loca, si autem

H verè

verè etiam Deus concurret ad mouendum, quæ est item huiusmodi efficientia Dei nihil, vbi de nouo mouet, seu efficit, nihil inquam tamen de nouo producentis?

134. Etenim quod Deus conseruet mobile in diuersis loci partibus successiue, hoc importat quidem mutationem localem, eamq; efficit solus Deus actione conseruatiua, at neque hic est conceptus motus localis absolutè sic dicti, & multò minus est conceptus motus localis, quo creatura se actiue moueat, cum nulla possit concurrere ad sic se mouendum, vt non potest concurrere actiue ad se conseruandum.

135. Quod autem dicatur mouere se aliquid per hoc, quod exigat sic a Deo transferri, falsum est: vel enim ponitur, quod liberè exigat, aut spontaneo necessario appetitu, & hoc falsò dicitur: sepe enim ægri sic exigunt per se moueri, & tamen nec Deus illos mouet, nec ipsi præ ægritudine mouent se ipsos: si autem ponatur, quod ipsa virtus physicè motiua sit mere exigentia, vt moueatur a Deo, dicitur contra communem sensum, imo contra experientiam, qua scimus, quod agimus vbi mouemur, sicut scimus, quod agimus vbi intelligimus, aut vbi volumus: & si semel admittitur actio quæ
nihil

nihil producat, iam nulla erit ratio, nec qua probetur produci nobis aliquid, ubi intelligimus, volumus, aut sentimus, nec qua probetur nos agere, cum hæc præstamus, posset enim dici nos quidem illa exigere, sed agi a Deo.

136. Mouens ergo localiter producit in mouente duos impetus, seu qualitates motiuas; altera est qualitas formaliter transferens, & quodammodo extendens successiuè mobile per locum, sicut quantitas molis extendit corpus permanenter; & est hæc qualitas ipse formaliter motus localis, vnde habet immediatè mobile mutare extrinsecos terminos loci, alter impetus est qualitas efficienter productiua præcedentis qualitatis, motusque localis formalis.

137. Quorum rationem habemus prius in motu violento, quo videtur necessariò manus v. g. impellens imprimere huiusmodi impetum effectiuum eius, quod est formaliter motus localis: si enim manus immediatè produceret motum localem, iam immediatè translatus esset mobile; non verò cum ea successione, quam experimur, transferretur; admittere enim tale genus formæ, quæ & sit in subiecto apto, & non præstet statim suum effectum formalem, hoc ipso quod insit, videtur satis durum: & verò subiectum

esse aptum de se, vt momento transferatur ab oriente in occidentem manifestum est, ergo si quis mouens, seu impellens violenter aliquid per tria milliaria conficienda per semihoram, vbi amouet a se mobile, producit in illo totam formam impetus, seu motus localis secuturi, iam non per semihoram, sed breuissimo momento eiusmodi mobile per tria datamilliaria mouebitur quod est manifestum absurdum.

138. Sed etiam in motu locali naturali duas requiri qualitates ex eo probatur, quia admissio quod impetus, seu qualitas effectiua motus impressa saxo ascendenti violenter euincat aliquid, utique non euincit, nisi grauitationem resistentem, a qua processu temporis rursus euincitur, donec absolute grauitans descendat: non potest autem commodius explicari ista victoria, nisi per agentiam grauitatis contra impetum ascendentem; & cum ea agentia nondum producat motum descensus, bene dicetur producere tamen impetum effectiuum eiusmodi motus, & destructiuum violenti impetus, donec praeualeat prorsus, & motum iam descensus efficiat. Quod si in his casibus tam motus violenti, quam naturalis datur huiusmodi duplex impetus, iam par ratio in cæteris quoque ad-

mit-

mittendos esse persuadet.

139. Qua explicatione facilius iam constabit illud difficile cur motus naturalis grauium, & leuium sit in fine velocior : cuius rei optimas experientias, præter communem prope omnis æui omnium sapientum auctoritatem, habemus : ratio enim huius nec est aer impellens, nec debilior aer subsidens, nec sympathica centri vicinia, quæ vel leuia sunt, vel satis arbitrariè dicuntur : sed (quod ait non tamen explicans Zabarel. pri. de mot. grau. & leuium, c. 16) quia motus præcedens adiuvat subsequenter, quatenus grauitans, vel leuitans producit vsque, & vsque huiusmodi impetum, vnde maior vsque, & vsque impetus additus velociorem etiam motum efficiat.

140. Illud alterum propè axioma, quod motus est causa caloris, res vniuersalis non est, & multa in motu nihil calefcunt, aliqua, vt P. Cabeus notat, etiam refrigerantur magis, quam si quiescerent: Per consequens quod hæc, aut illa corpora calefcant motu, non ipsi motui tribuendum est, qui non videtur benè posse esse causa qualitatis permanentis cuiusmodi est calor : sed tribuendum est ipsi naturæ corporum, quæ agitatione motus, & attritione ad inuicem excitent spiritus

igneos in se existentes, qui vniti ad inuicem iam reliquis partibus mobilis habeant inducere eum maiorem calorem, quem experimur.

CAPVT VII.

De Generatione, Corruptione, & Alteratione.

141. **G**enerationis nomen sumitur multipliciter, vel pro modo fieri formæ, aut compositi substantialis, vel pro quacunque ratione essendi rei substantialis, vel accidentalis ab alio, vel secundum quod naturaliter fit, hoc est pro eo, quod est mutatio totius in totum nullo sensibili remanente, vt subiecto eodem; in quo sensu verum est, quod generatio vnius est corruptio alterius; concomitanter tamen, & causaliter, non verò formaliter, nec propriè effectiue: resque ita contingit, vt non ideo detur, vel dari naturaliter possit in generationibus resolutio vsque ad materiam primam.

142. Causa principalis efficiens generationis substantialis non est accidens, nec virtute sua, nec in virtute substantiæ, cum secundum quamlibet huiusmodi rationem
non

non nisi merum sit accidens imperfectius substantia generanda, atque adeo tantum habile ad causandum instrumentaliter : Sed est ipsa substantia immediatè actiua secundum propriam virtutem, & productiua alterius substantiæ : idque non solum in ceteris generationibus, sed etiam in ijs, quæ generantur ex putri, vel ex feminibus separatis, in quibus casibus neque benè recurritur ad substantias vagas, neque vocandus est Deus per machinam, quippe qui nec ut agens naturale habet ad huiusmodi supplendos effectus descendere, nec quærendum est, ut ad hæc inferiora, & quotidiana agat supernaturaliter; nunquid enim de bobus cura est Deo?

143. Et quidem, quod Deus tanquam agens naturale non habeat producere, quæ generantur ex putri, probatur : quia si vlla ratio requirat, ea vnica est, quod vbi deficiunt causæ naturales, tum Deus suppleat, sed hæc ratio non subsistit, quia verè Deus non præscripsit sibi huiusmodi legem supplendi defectus causarum secundarum, quot enim monstra contingunt, quibus non supplet Deus, ut cunque causæ eorum deficiant : deinde non est in eiusmodi casibus defectus vllus, ut enim causæ secundæ inanimatæ non habeant vim producendi tanam, sic neque habent

vim, vel intentionem disponendi ad ipsam; intentio enim operandi sequitur ad perfectionem essendi, & dispositiones Instrumentariæ non exigunt, plusquam exigant, vel intendant causæ ipsæ principales; sed ubi non est exigentia effectus, neque est defectus, si non producat, ergo in datis casibus, ut causæ non deficient, ita neque Deus potest efficere tales effectus, ut causa vniuersalis, & ad supplendum defectum causarum naturalium.

144. Quibus autem substantijs tribuendi sint in datis casibus ij substantiales, & animati effectus non videbitur difficile assignare, si admittatur, quod latè prosequitur S. Augustinus tertio de Trinitate c. 8. & 9. ubi ait passim in elementis dari semina inuisibilia rerum, quæ fiunt, & herbarum, & animantium, etiam, eaque prodire in plantas, & bruta, ubi debita temperamenti ratio contingat: hoc enim posito facile est dicere huiusmodi semina imò, ut ait S. Doctor, & seminum semina partim ab animantibus ipsis producta vbilibet, partim in rebus sparsa a conditore Deo esse animata, ut ut sint absque suis iustis organis, quæ organa huiusmodi animæ requirant quidē, ut operentur, non autem ut sint: vnde nihil mirum, si ubi opportunè per hanc,
aut

aut illam combinationem causatum huiusmodi semina foucantur, & organentur ite, consurgat animatum, quod videmus, & sensu aliud non iudicante, nominamus natum ex putri, vel ex seminibus separatis.

145. Generatio viuentium est origo viuentis a viuentem ex principio coniuncto in similitudinem naturæ: dicit hæc vitalem communicationem viuentis erga substantiam geniti, ita vt genitus sit, de substantia generantis, & eo perfectior est generatio, quo dignior, & sublimior est ratio eiusmodi communicationis, & quo magis ad viuum perfectæ imaginis similitudo contingat: terminus autem generationis formalis naturalis, & præcisus est forma substantialis, vt terminus totalis, & adæquatus est ipsum compositum substantiale.

146. Generationem præcedit alteratio, quæ est motus ad qualitatem, seu generatio qualitatis, non semper tamen alteratur in ordine ad generationem substantialem: dupliciter autem fieri potest alteratio instantaneè, & successiue: & quidem ita successiue, vt ne morulis quidem vllis interrumpatur aliquo saltem fixo, & certo tempore: & ratio cur successiue habeant fieri, vel est motus localis alterantis, aut alterati, vel est resi-

stentia, & contrarietas passi, vel ipsa libertas causæ se remissius applicantis: causam enim necessariam, & immotam, & non habentem cōtrarium successiue agere nulla experientia manifestat.

147. Prima omnium corpora, quæ generantur, ac alterantur in sublunaribus, sunt quatuor Elementa, terra, aqua, ignis, & aer, quæ ut manifestum est dari, ita veram ac propriam habere ipsa tantum rationem elementi corporei autoritas communis opportunè admodum docet: esto euidens ratio non persuadeat; certè dato vno cōtrario tum secundum locum, tum secundum actionem decet dari & aliud; & ut duo prima contraria nimium exiguis erat apparatus ad eam pugnam, quæ sublunarium agentijs est necessaria, ita quatuor fuisse satis.

148. Insunt illis primæ qualitates binę in singulis, & quidem in summo, eo ordine, ut ignis sit summè calidus, & siccus: aer summè calidus, & humidus: aqua summè humida, & frigida: terra summè frigida & sicca; neque enim possunt illas habere elementa, aut remissas admixtione contrarij, ne dicatur eadem substantia necessaria, & simplex esse origo actiua in semet contrariorum, aut possunt habere remissas sine admixtione contrarij, etenim si violentè intenderentur, iam

iam non haberent elementa, quomodo se reducerent ad suum statum naturalem, cum destruere non possent, verbi gratia, nimium calorem, nisi producendo in se frigus.

149. Hæc autem est definitio primarum qualitatum, quod calor sit congregatiuus homogenei, disgregatiuus heterogenei, frigus verò congregatiuum homogenei, & heterogenei; humiditas facile terminabilis alieno termino, siccitas facile terminabilis proprio. quæ definitiones explicandæ sunt maxime in ordine ad mixtionem, in ordine ad quam etiam ite dicuntur frigus, & calor actiuæ qualitates; siccitas, & humiditas passiuæ.

150. Dicuntur hæc qualitates corporum sublunarium primæ tum vniuersalitate, cum insint omnibus mixtis, tum quia sunt primorum corporum principales, actiuiores, & notiores. an autem sint & origines cæterarum, vt. facile est in aliquibus concedere, ita de omnibus non est humani ingeni j determinare, cum aliæ qualitates tum occultæ, tum mixtæ possint oriri, & probabilissimè oriuntur immediate vel ex toto, vel ex parte ab ipsa substantia rei, vel mixtæ, vel etiam simplices.

151. Qualitates symbolæ tum elementorum, tum mixtorum, tum cæle-

stium, tum sublunarium non audemus dicere, quod specie differant; cum nullum solidum Argumentum hanc differentiam suadeat: imò firmitus tenemus conuenire; sic enim mutantur facilius corpora, & alterantur, & iuuantur ad inuicem consimilibus qualitatibus, & effectus quoque habent consimiles.

152. De transmutatione Elementorum ad inuicem non habemus sufficientem rationem nec a priori, nec a posteriori, ut dicamus omnia elementa ad inuicem immediatè transmutari: unde enim constat terram immediatè mutari in aërem, vel aerem in terram, & si quæ alia eiusmodi? illud verum est aliqua ad inuicem immediatè transmutari, & quidem facilius symbola, quam dissymbola cæteris paribus, & si occulta virtus id non impediat, quin imò & ex duobus dissymbolis ad inuicem agentibus tertium elementum generari non repugnat.

153. Nec est incongruum ignem esse in concauo lunæ, ubi nec absumet cælum, vel incorruptibile ponatur, vel impassibile a sublunaribus, nec incendet aerem æquè calidum, & siccitati ignis humiditate resistentem; qua non resistit apud nos varijsmodè immutatus: & vulgaris error est, quod ignis, ut duret, indi-

indigeat pabulo ; esto , vt in cæteris , opus habeatur noua materia , vbi de nouo ignis faciendus est , & certè plenum decet esse spatium a terra ad concauum Lunæ puriore semper corpore , quid ni ergo igne secundum superiorem portionem ? quid autem Aristoteles hac de re senserit , res est dubitabilis , sed neque eius hîc auctoritate teneri nos oportet , cum ne ipsi quidem Philosopho robusta fuerint argumenta adhanc , illamue partem asserendam .

154. Locum elementorum naturalis ipsa eorum grauitas , leuitasque ostendit : sed necessitas generantium , ac viuentium ordinem alium requirit : vnde minus est reperire elementa pura , nisi vbi maxime distant a contrarijs : proportionem magnitudinis mortalium nemo scire naturaliter potest ; multum enim terrarum , ac marium secundum latum , & secundum profundum occultum est , & incerta est tum distantia cæli Lunaris , tum quo loco terminentur ad inuicem ignis , & aer .

155. Elementa , esto non mancant in mixto in alterata , vt cements , & lapides in pariete , nec saluata , & integra quo ad figuram , apparentiamque sensibilem , nec per accidens , & sine ordine ad vltiorem formam mixti ; quomodo

ma-

manent in mixto artificiali, quæ artificialiter permiscuntur, attamen manent in mixto formaliter secundum substantiam illæsam substantialiter, nec immutata, alterata tamen, & refracta secundum qualitates suas; quo fit, ut rectè definiatur ab Aristotele mixtio esse miscibilium alteratorum unio.

156. Et non potest intelligi aliter mixtio, nisi, quæ miscuntur, inexistant; ut patet in mixtione artificiali; imò nisi & alterentur aliquo tandem modo ad inuicem: quod si solæ remanent qualitates elementorum, nec illæ miscuntur ad inuicem, mixtio enim est substantiarum, & corporum, neque alterantur ad inuicem, sed imminuuntur, & destruuntur: quod enim alteratur, non est qualitas, sed qualitatis subiectum: unde, quàm certum sit dari mixtionem, tam certum esse oportet permanere in mixto elementa mixtionis, & licet non sit Physicè experiri in singulis corporibus sublunaribus distinctis ab elementis, quòd habeant in se formaliter elementa inexistencia; tamen, est hoc cognoscere in non paucis, & iam similitudo qualitatum demonstrat etiam de cæteris.

157. Neque nos turbet, quod videatur inintelligibilis huiusmodi ad inuicem

micena miscibilium compositio; quomodo enim stabit agnus cum Lupo; ineruntque simul ignis, & aqua, & quidem fracta, redactaque in minutissimas particulas, quod esset componere mundum ex atomis: num erit ignis humidus, & tam fractæ formæ, ut insit etiam piscibus nec appareat? quodnam vinculum tam discordia colligabit, aut quæ providentia satis reddet incolumes animas adeo in proximo positas, & inimicas?

158. Etenim quotidiana experientia in artificialibus ostendit misceri aquam, & pulverem, ac farinam, vel in medicinalibus siccissima humidissimis, salua utique miscibilium substantia, & tamen adeo permutata externa specie, ut nemo oculorum illa discernat; iamque sit in eiusmodi mixto artificiali liquor, verbi gratia, non fluidus, nec indigens terminari vase, sed iam consistens, ut pote terminatus sicco, cui ita admixtum est, ut penetrari videatur, iamque natura omnis siccitas extincta sit, vel fracta sint ad inuicem, & in minutas diuisa particulas, quod non dixerim, vel non; sed illud certum est non penetrari, cum a ad ta ad inuicem faciant molem maiorem

159. Minus uiuendum est, ne dis-

Cui-

cordia elementa mixtum continua pugna fatigent; super insidet enim forma mixti vltima formis elementaribus, quasi anima quædam formis partialibus, coercetque subditas, quantum potest: vnde nec statim perit, nec secura pro semper est: contingere namque potest ex aliquo accidente miscibilium aliquod conualidari magis, vnde ruina omnis mixti, & resolutio contingat.

160. Atque hinc est illa temperamentorum harmonia in sublunaribus, quæ concentum cæli æmulata gloriam Dei, & ipsa tenuiore licet modulatur aëna; quod ita tamen intelligendum non est, quasi tota ratio secundarum qualitatum, quibus vnà cum primis mixta temperantur, a solis Elementis proueniat; Sed magnam partem ipsa elementa, magnam ipsa quinta forma mixti proprijs, vt credere dignum est, suis qualitibus conficiunt, quæ forma etsi intransitiuè simplex, tamen ritè dicitur forma mixti, ratione substratæ sibi materiæ mixtæ, quam actuat, sibi que, vt pote naturæ capaciiori, requirit.

161. Porro temperamentum de formali dicit proportionem combinatarum qualitatum ad inuicem: de materiali dicit

dicat ipsas combinatas qualitates : licet autem enumerare singillatim omnem mensuram , aut diuersitatem temperamentorum impossibile sit , attenta maximè varia mensura non solum qualitatum , quæ notæ sunt ; sed etiam earum , quæ ignotæ : bene tamen afferri possunt certæ classes , ad quas omnia temperamenta notiorum qualitatum reducantur : quales passim afferri solent a Medicis tum in animalibus , tum in Plantis , tum etiam in alio genere inanimatorum corporum , in quibus tamen non est adeo spectanda temperamenti ratio secundum qualitates notas & primas , vt obliuiscamur multum eiusmodi temperamentum variari virtutibus tum accidentalibus , tum substantialibus formæ mixti , vnde contingit non rarò , quòd magnam experiamur virtutum , effectuumque diuersitatem in Corporibus ad sensum , & in iure primarum qualitatum non ita multum diuersis .

162. An , & quomodò temperamentum corporis sequantur animi mores , Galenus vera falsis admiscens prolixè executus est . Nobis constabit ex ijs , quæ mox de ipsa anima dicturi sumus . Illud certum est , quòd magnum est pondus non materialibus solum ; sed etiam animæ rationali , quam aggrauat ,
8c

& deprimat terrena inhabitatio: Verum,
 ut in ijs, quæ sunt eiusdem speciei a cor-
 pore, non ab anima, & a mixtionis tem-
 peramento, non a forma mixti venit,
 quod alia, & alia individua sint maioris,
 minorisue perfectionis, & magis minusue:
 ad bonum propensa, ita nunquam cor-
 poreæ molis aut vitium, aut virtus,
 inuincibiliter animæ liberta-
 tem, inclinât; unde ne-
 queat liberè elige-
 re contra,
 ipsas:
 etiam corporis:
 propensio-
 nes.





PARS TERTIA SEPTENTRIO,

scilicet

DE CORPORE CAELESTI,

&

ANIMATO.



IN hac tertia mundi parte, qua vergimus ad altiore Septentrionis axē, naturas quoq; potissimum altiores exponimus; cælum scilicet ipsum, & animata, quæ vel incorruptibilia magna ex parte sunt, vel si corruptibilia, certè reliquis sublunaribus nobilioris naturæ titulo antecellunt.

CA-

CAPVT I.

*De Natura Mundi, & Cæli in
vniuersum.*

2.

MVndum ab elegantia, & concinnitate tum partium, tum vniuersitatis omnis

fic dictum constituunt duæ magnæ partes sublunaris, & cælestis in statu absolute perfectæ secundum consilium opificis, & conditoris Dei, qui, tum vbi fecit, tum longè antequam faceret, vidit quòd esset bonum.

3.

Vnicus est mundus, non natura, sed electione: Deus enim, qui vnum fecit, potuisset facere longè plures, vt etiam perfectiores, & maiores, si voluisset. Sed ratio ipsa ordinis, & perfectæ gubernationis Mundi illud suadet, potius vt vnicus sit, quo melius ea, quæ sunt, ad inuicem ordinata sint, inter seseque connexa dirigantur ad vnum, eundemque summum finem, sicut ab vno, eodemque summo principio, & exemplari profecta sunt.

4.

Res sublunares, demptà materiâ primâ, & quantitate eius, & animâ rationali, sunt corruptibiles, veniuntque in-

com-

compositionem secundum actum, & potentiam : Res cælestes probabiliter statuuntur respectu agentium naturalium, esse incorruptibiles, & ingenerabiles. videntur enim, ingenerabilia, & incorruptibilia esse debere illa, quorum virtute incorrupta, & influentia superiore ducuntur cætera in generationem, & corruptionem.

5. Quod cælestia sint quintæ cuiusdam essentia simplicis, & incompositæ, perfectio ipsorum, & ratio negatiua, quod non habemus indicium in oppositum, docere videntur: imò, si iusto loco sunt, vt esse dicere oportet, ergo & differunt specie a substantijs sublunaribus, vt specie differunt terra ab aqua, & hæc ab aëre, & igne, quæ locum habent alia, alijs superiorem: Sed etiam motus eorum nativè circularis arguit, diuersam ergo sortita esse naturam, quæ tam diuersi motus principium sint.

6. Proprium est inferiorum, & sublunarium rerum illuminari, rerum verò cælestium illuminare: primus luminum moderator est sol, a quo bibunt cætera lucem; sed & Planetæ omnes videntur illuminari à Sole, ita tamen, vt licet aliquid de se habeant lucis, adhuc tamen hauriant a Sole maiorem. Stellis fixis, vtpote viuacissimi luminis, & distantissi-
mi

mi a Sole, probabilius assignatur lumen proprium, quàm quòd de Sole ipso concipiant.

7. Maculas, faculasque Solis, Cometas item, ac Stellæ novas componere, cum incorruptibilitate cælorum, imo & cum admissa Corruptibilitate, vt etiam ordinem, & locum, & motum hisce, statuere perdifficile est, & prope extraleam humanæ scientiæ collocatum: arduum enim ex vna parte est tam distantia, & multimodè turbabilia certis, ac irretitis oculis contemplari, ex alia verò nec vnus Astronomus potest per se omnia speculando satis certè experiri, & triste nimis, ac repugnans est scientijs, quòd sciendi principium a traditione, ac fide humana, eaque pendente, ac varia exordiat.

8. Pari passu difficile est certò cognoscere verum mundi sistema; cum, quæ obseruata traduntur, valde inter se pugnent, & si non pugnent, non vnico tantum, sed alio, & alio dato sistematè adhuc possint consistere. vnde arbitrer commune mundi sistema, vel certè paucis mutatis congruentius saluari refusa tota varietate obseruationum, quæ admittendæ sint, & rei huic possint obistere, vel in opportunos Epicyclos, vel in maiorem hic, aut ibi densitatem, aut rari-

ritatem opaci, vel transparentis, quæ propter diuersam refractionem, reflexionem, receptionemque luminis, variimodam cauere habeant apparentiam.

9. Si maximè, quod commodum valde videtur, statuantur cæli quidem omnes solidi; sed tamen distantes ab inuicem, intercapedine fluidi, cælestisque, ac varij, & alterabilis corporis, quod per variam motuum discordiam, non minus quàm concordiam, habeat condensari ad inuicem, ac rarefieri, & (vt cæleste sit) sequi motus cælestes cum ea regularitate perfecta, vel minus perfecta, quàm obseruationibus diligentibus meliores Astronomi deprehenderunt.

10. Quantitatem terrenæ molis, & aqueæ, & aeræ, & igneæ non possumus vel ex nobis, vel ex aliorum laboribus definire; nempe fines, certosque horum terminos ignoramus. adhuc latet magis moles cælestium, quæ posuere distantiam latibulum suum, quàm non ita euincit vsus diligens parallaxeon, quin præ varia specierum per magis, minusue luminosa, ac densa transeuntium multum, vt pote speculantes a longè, a vero aberrare necesse sit.

11. Motum diurnum, nocturnumque tribuere terræ, non cælis est contra omnes humanas, diuinasque rationes peccare.

re. Pariter non mouetur terra motu trepidationis, non enim est assignabilis in sublunaribus causa sufficiens ad tantum in ipsa impetum efficiendum; cælorum motus rebus sublunaribus necessarij admittendi sunt, quorū varietas sūma, & si iuuat dicere, prope irregularis, nec paucis colligi, nec multis p se satis explicari pōt.

12. Quod attinet ad influxum cælestium in inferiora, negandus ille non est: ipsa dignitas cælestium corporum magnę efficacitatis eadem esse demonstrat, & experientia contingentium variè secundum varias anni tempestates id ipsum, clarius ipsa luce declarat: vt autem corporum est iste influxus, sic vsque ad corpora tantum formaliter, & effectiuè procedit: Rationalem animum non attingit, nisi si secundum dispositiones corporeas, proindeque integra prorsus, & salua ipsius animi libertate.

13. Vnde fit, vt licet Astronomus aliqua futura, difficulter tamen (exceptis communioribus, & frequentioribus) præuidere possit erga inferiora ex præmissa diuersimoda ipsorum astrorum secutura necessario dispositione; tamen, quæ a libero pendent arbitrio, ea quomodo, qualiterque, & vtrum futura sint, nihil prorsus Astrologica diuinitio assequi potest, nec contigit vnquam, quod asse-

affecuta sit, nisi vel casu, vel pravi Dæmonis, aut certe boni, si Deo placuit, ministerio.

14. Etenim, quod sidera futurorum, etiam liberorum signa sint, nec ex ipsorum siderum natura, nec ex scripturis habetur; cum potius videatur haberi oppositum (damnata sacris censuris arte prævidendi futura libera ex Stellis) neque habetur ex diligentia humanæ observationis; tam multa enim sunt toto firmamento sidera, tam varia per omne temporis momentum combinatio eorum, & respectu sublunarium tam varij in terris diuersissimis hominum effectus, & passionēs, ut nulla vnquam ratione satis coniecturaliter, nedum euidenter confici possit hunc, vel illum effectum ab hoc potius, quam ab illo Astro significari.

15. Multò verò absurdius est dicere, quod ab astris, tanquam a causis habeantur futura libera prævideri saltem probabiliter, tum quia tollitur libertas in humanis, quam certam, & euidentem habemus; tum propter eandem rationem summæ varietatis influentium e cælo stellarum, quo fit, ut impossibile sit cognoscere, quæ sit huius, vel illius astri virtus effectiua; cum maximè, quo quis tempore aut nascitur, aut decumbit, aut se dat itineri, non vno sidere influente,

Sed propè innumeris id faciat, hisque
vel oppositis, vel disparatis, quæ nec
Astrologus considerat, nec considerare
potest.

16. Et verò, vt diuisiones domorum
caelestium, & constellationum, quo ad
ista præuidenda, planè sunt arbitrariæ,
planèque arbitrariè designata est ipsis ra-
tio influendi alteri valetudinem, alteri
Religionem, opes, Amicos, aliaq; huius-
modi, sic non nisi arbitrariè dicitur hæc
quidem Stella esse masculina, illa mulie-
bris, hæc primum, & maius, minusue
infortunium, illa fortuna maior vel mi-
nor, hæc sicca, aut frigida, aut humida,
illa ignea alteriusue cuiuspiam tandem
temperamenti: nullus enim prorsus in
sublunaribus effectus est, cui peculiariter
tribui possit, ne leui quidem cum proba-
bilitate, frigiditati verbi gratia, vel mali-
gnitati saturni, vnde ipsum esse hanc, aut
illam fortunam deprehendi possit.

17. Sicut enim, si quæ bos varias de-
pascat herbas, non potest quis, si nihil
aliunde habeat, cognoscere, quæ potius
herba noxia fuerit boui defunctæ, & si
quis tectus oculos, vt sit ludicrè, ab vno
ex multis præsentibus percussus, non po-
test satis decernere, quis percusserit: ita
cum a multis simul, & semper sideribus
influat, licet sit hic, vel ille effectus fri-
gri-

gidus, & malignus ; non tamen ideo dici potest vna , vel altera potius ex illis stellis esse maligna , vel frigida ; cum vel ab omnibus simul causatus sit , vel ab omnibus potuisse causari videri possit . Præterquamquod tam multis agitur e cælo influentijs , vt sit ridiculum omnem virtutem cælestium colligere secundum aliam , & aliam primarum qualitarum , eamque male cognoscibilem distributionem .

18. Quod autem diximus supra diuinatum aliquando esse ex stellis ope Dæmonis , eo sensu intelligendum est , non quasi possit Dæmon ex astris certò libera futura prædicere , Dæmon enim non habet artem , quæ nulla est , nec naturaliter esse potest : & probabile est Deum non statuisse illam diuinitus , qui vult potius vniuersaliter latere futura quam sciri , sed diximus , in quantum potest ex Astris futura necessaria prædicere , & inde cognoscere , quantam habeant in corpora vim ad animum incitandum , atque inde , quid probabilius attento animorum , & circumstantiarum habitu futurum ipse speret , aut timeat .

Porro non dari hanc artem diuinandi ex stellis , tanquam ex causis efficientibus , vel disponentibus , vel inclinantibus (ne cum probabili quidem coniectura (effe-

stus, & contingentias liberas mortalium;
 manifestius vnusquisque cognoscere po-
 test, si apud se casum statuatur, quod non-
 dum sit inuenta, nec obseruata huius-
 modi ars, nec tradita praecepta eius,
 (qui casus certè fuit): deinde secum
 ipso cogitet, qua iam ope, qua via ini-
 tium capiat sciendi, quid influat Mars,
 quid Saturnus, quid Canis, quid vrsa,
 aliaeque singulares stellæ: quæ religio-
 nem, quæ filios, quæ mortem, aut
 vitam, & si quæ alia huiusmodi im-
 portent; & qua ratione probabit hoc
 potius, quam illud ab hac aut illa stel-
 la derivari: manifestè enim intelliget
 nulla se ratione posse ad ista obser-
 uanda, ne coniecturaliter qui-
 dem ascendere, atq; adeo
 nec potuisse ergo
 statui eam ar-
 tem,
 cuius non possunt exco-
 gitari princi-
 pia.



CAPVT II.

*De mundi , ac rerum tempore , in-
ceptione , & deſitione .*

19. **Q**Vo primũ momento cõ-
ditus eſt mundus, tum cæ-
pit tempus ſucceſſiuo curſu
defluere , diuinæque æternitatis immenſa
ſpatia,quaſi Pygmæo molimine dimetiri.
Res vero hæc tam certa,quam explicata
difficilis nos vocat ad altiorem indagi-
nem,qua non ſolũ tempus,quod aliqua
tandem duratio eſt ; ſed durationem orna-
nem , ſpeciesque , ac proprietates eius
varias, tum initia , tum fines digeramus.

20. Eſt ergo duratio vniverſaliter ſũ-
pto vocabulo permanentia , & extenſio
eſſendi aliqua tandem , ſecundũ quam
res , quæ durare dicuntur, non ſolũ
ſunt, verũ etiam perſeuerant in eſſe
breuius , diutius, ſecundũ quòd maior
eſt,minore earum duratio : hic eſt com-
muniffimus , notiſſimusque durationis
conceptus : vt enim , quæ ſunt , non hoc
ipſo durant; ſed debent permanere in eſſe,
vt durent , ſic alius eſt neceſſariò concep-
tus eſſentis , alius eſt conceptus dutantis ,
nec alius tamen eſſe poteſt, niſi hoc vno ,
I ; quòd

quòd ratio durantis supra esse permanen-
tiam quandam essendi, & perseverantiam
impotat.

21. Quod primò controuertitur est,
an distinguatur a re durante, in quo uni-
uersaliter loquendo de quacunque tan-
dem re, increata, vel creata, fluxa, vel
permanente, spirituali, vel corporea di-
cendum est non distingui realiter: est hoc
manifestum de Deo, cuius duratio æter-
nitas est, summa, diuinaque prorsus per-
fectio, ac proinde identificata realiter ipsi
Deo, qui intransitiuè perfectissimus, a
nullo vel accidente, vel ente extrinseco
habet expectare, quo in aliquo genere
perfectior sit.

22. Durationem autem identificari
creatis successiuis simpliciter sic dictis,
puta motui locali, vel augmentationis,
vel alterationis, inde satis constat, quod
durare huiusmodi entium est ipsum fieri
eorundem successiue, scilicet, pars post
partem, accepto ly. fieri non solum pro
ipsa entitate modalis actionis, si modalistis
placeat, sed etiam pro ipso termino, qui
fit: durat enim, & perseverat, secundum
quòd hæc, & illa pars post hanc, & illam
partem successiue existit, aut fit. Vt au-
tem ipsum fieri, & esse rei pars post par-
tem ab ipsa actione, & esse rei non distin-
guitur, ergo per consequens non distin-
gue-

guetur ipſum durare eiſdem, & certè loquendo de hora vigefima, verbi gratia, vel motu locali per tria. militaria, vel alteratione, qua per horam caleſcio a primo ad ſextum. vſque gradum merè intellecto, quod fiant, ſeu. quod ſint illæ horum motuum partes. aliæ poſt alias. (ſunt autem ſe. ipſis formaliter, vt ab efficiente efficienter) ſatis ſuperque, benè intelligitur durare hora, & motus, & alteratione tamdiu, quamdiu de nouo exiſtunt aliæ ipſorum partes poſt alias.

23. Quo ſimiliter manifeſtum eſt durationem rerum Creatarum permanen- tium aliud tandem non eſſe, quàm ipſum exiſtere earum hodie cras, & poſt cras, ſeu nunc, & prius, & poſterius, cum præciſè intellecto hoc, perfeuerantia eſſendi earum intelligatur: habent enim ſe realiter in eſſe res, ſicut in fieri, & in durare, ſicut in conſeruari; vnde ſicut conſeruare non eſt aliud, quàm ipſam productionem extendere, ita durare nihil aliud eſt, quàm extenſio quædam ipſius eſſe, quod factum eſt, & conſeruatur. Cum verò ipſa conſeruatio ſit continuata, & ſucceſſiua productio non per aliam entitatem, ſed ſe ipſa, ſuiſque ipſius partibus; per conſequens etiã duratio erit ſe ipſa per extensionem eſſendi ipſius rei durantis continuatum, & per-

seuerans ipsius eiusdem esse.

24. Contingit hanc secundum prius, & posterius, quod in quantitate continua corporum entitatiua, vel molis vsuuenit, quod sicuti aurum, verbi gratia, non est entitatiue quantum per aliam entitatem a se distinctam; sed merè per hoc, quod idem esse substantiale auri per partes sui extensum est additis productione simultanea, vel successiua partibus eiusdem possibilibus, vel actualibus ad alias partes, hoc est addito alio esse auri ad aliud auri esse, sic perseverant secundum durationem etiam res permanentes non per aliam entitatem ipsi rei duranti, & permanenti superadditam; sed mera quasi extensione, & reproductione, seu replicatione sui ipsius totius secundum prius, & posterius, cum creata, quæ durant hoc ipso, quatenus durant, Conseruentur, idque vel secundum alias, & alias partes, vt simpliciter successiua, vel secundum idem totum, vt permanentia, quorum conseruatio benè dici potest replicatio quædam secundum tempus, vt esset replicatio secundum locum, vbi quis poneretur permanenter in pluribus locis totalibus immediatis.

25. Neque huic sententiæ tritum illud obstat, creaturas, puta Ange'lum B; esse indifferentes ad durare magis, vel minus,
&

& ad durare hodie, vel cras, ergo per aliquam entitatem esse ad ista determinandas: hæc enim indifferentia obiectiva est, nec tollenda per aliam entitatem, quam ipso esse rei, quæ fiat, & conseruetur magis, vel minus, hodie vel cras. Illud verum est quod duo hic considerari possunt, & ratio durationis tantum, & hæc nihil dicit superadditum rei duranti, vt explicatum est, & ratio durantis hoc, aut illo tempore, & hoc, vt dicit coexistentiam cum altero durante, vtique etiam dicit extrinsecum quid, sed importans tantum rationem mensuræ, & coexistentiæ ad alteram durationem, non verò rationem ipsam durationis.

26. Triplex est tantum species durationis tempus, æuum, æternitas: Tempus est duratio propria motus, æuum rerum permanentium, æternitas Dei solius. Potest autem accipi tempus materialiter, secundum quod est a parte rei ante animam, & formaliter, secundum quod est id, quo durationes aliarum rerum dimittimur: si accipiatur primo modo, tempus nihil aliud est, quàm ipsum existere motus pars post partem, seu ipsum moueri aliquid motu, qui successiuè fiat, & pars post partem: si autem accipiatur secundo modo, tempus est numerus, seu mensura quædam motus, seu certa quan-

itas certi motus, qua secundum prius & posterius aliarum rerum esse, motum, ac durationem metimur.

27. Hoc enim est omnis quanti verè, & absolutè sic dicti proprium, quòd natum sit mensurare alterum secundum eandem speciem quantunt, & rursus mensurari ab alio item quanto consimili: sic mensuramus quantitatem permanentem permanente curvas lineas: curvis, rectas rectis, pondera ponderibus, numeros numeris, & motus horologii hydraulici, vel solaris, motus tum negotiorum inter homines, tum cæteros, prout iuiat huius, aut illius quantitatem cognoscere.

28. In quo illud in vniuersum requiritur ad rationem mensuræ, quod sit quantitas certa, & cognita, vel per se primò propter rationem paruitatis, & statim ipso ictu oculi æstimabilis, vel proximè ad per se primò: cuiusmodi sit in ponderibus vncia, in quantis mole granum hordei, vel digitus, vel palmus; in Musicis eleuatio, ac depressio manus: cum verò multi, motus maximè locales, habeant esse certi, & determinati, & cognoscibiles, hinc est, quod multis varijsque motibus umbrarum, rotarum, pulueris, siderumque alios motus, ac operationes metimur, & quoniam nullus est vniuersalior

ſalior motus regulatior, ac certior, quàm motus ſolis, qui eſt ipſius primi mobilis ritè diuiſibilis in annos, menſes, dies, & horas ſingillatim nobis cognoscibiles, hinc eſt, quod propriè, & benè, & abſolutè motus ſolis, ac primi mobilis dicitur tempus.

29. Et hæc de formali ipſius temporis, materiale autem eſt ipſa entitas motus, præcipuè localis, qui ſolus eſſentialiter ſucceſſiuè fit, ipſaque extenſio ſucceſſiua eius diuiſibilis in partes priores, & poſteriores: eſt iſta imperfectiſſima ratio durandi, nec videtur promereri nomen abſolutè ſic dictæ durationis, cum verè non dicat permanētiam in eſſe eiſdem ſimpliciter rei, quæ fit, ſed fluxum continuuū, qui tantum dici poteſt æquiuoce permanere, quatenus ex ſimili priori parte, & poſteriore conſtanti, verbi gratia horam intellectu colligimus, & quodammodo illam totam durantem cognoscimus.

30. Aeuum duratio eſt creatarum rerum tum diuiſibilium, tum indiuiſibiliū, corruptibilium, ſeu incorruptibilium, ſecundum quam ea, quæ durant, permanent in eodem intransitiuo eſſe, quod initio acceperunt, non quia pars eorum poſt partem ſucceſſiuè fiat; ſed quia tota ſemper ſimul facta conſeruentur, & noua ſe-

cundum prius, & posterius, quasi replicatione, & reproductione de nouo fiant, & sint.

31. Est hæc duratio propriè permanens, cum res quæ durat, eadem indiuisibiliter tota maneat hodie, & cras, & post cras, & simul est successiua (quod liceat dicere cum bona venia plurimorum prælucentibus tamē huic sententiæ Scoto, S. Bonauentura, & Doctore optimo P. Nicolao Zucchio) quæ duo tantum abest, quod repugnent ad inuicem, quod potius se se mutuo inferunt, ita vt propriè, & in rigore formali nec permanentia sint, quæ successiue non durent, nec successiue durent, quæ permanentia non sunt.

32. Inde verò patet entia permanentia, verbi gratia hominem, aut Angelū, successiue durare, quia durant diuisibiliter, cum possit eorum duratio diuidi, vt si durent per secundam, & tertiam horam, tum quarta destructi rursus sint per quintam, & sextam: impossibile enim est non esse quantum illud, quod est diuisibile, aut esse simultaneum, quod est diuisibile secundum prius, & posterius, adde quòd propriè durant hæc entia magis, minus, diutius, breuius, quæ sunt mensurationes propriæ quantitatis non simultaneæ, vt hic euidentius est, ergo successiue.

33. Ne-

33. Neque intelligi potest, quomodo propriè, ac formaliter Angelus coexistat successioni temporum, & motuum, commensureturque ipsis, & ipsa Angeli duratio non sit successiva; quia non commensurantur, quæ similiter quanta non sunt. Et, si Angelus nunc primò verbi gratia, creatus durat duratione non successiva, ergo simultanea, & per consequens durat eandem durationem, qua per decem, vel viginti, vel centum annos durabit, nec crescit ipsius duratio, si successivè non crescat, quæ manifestè falsa sunt, quocunque enim momento, postquam factus est, potest destrui; ergo prima hora, v. g., qua existit, non durat durationem horæ secundæ, vel tertiæ, & inde sequentium; alioquin non posset post primam horam destrui, quia scilicet durasset secundam, & tertiam horam, & non durasset, si prima hora simultaneam sequentium horarum durationem durasset: quod autem dicatur non esse successionem ullam, ubi non est variatio, vel interitio unius, & nova effectio alterius, vel ubi partes non recedunt, alijs advenientibus, ista æquivoca sunt: est enim duplex successio, altera, qua totum succedit toti, altera qua pars parti, seu altera, qua succedit idem sibi ipsi, altera, qua succedit alterum alteri, seu tādē altera, qua

qua succedens absolute de nouo fit, cum non esset, & id, cui succedit, cum esset, desinit; altera, qua succedens. etiamsi antecedenter erat, tamen denouo, & rursum fit: quo rursum ante factum non erat, & id, cui succedit, in se se succedente manens continuat.

34. Neque habet difficultatem, quod idem ergo Angelus sit diuisibilis, si durando successiuus est, vel quod videatur impossibile idem sibi addi, & succedere; namque non repugnat rei indiuisibili secundum simul, diuisibilitas secundum prius, & posterius: nec item idem totum succedere sibi ipsi, quod est successiue conseruari. & sicut potest Deus replicatione centies, vel ducenties producere eundem Angelum, vel hominem, ita ut coexistat loco extenso. v. g. per milliare, & sic diuidere etiam inter ipsos, quid non poterit intelligi, quod non miraculose, sed secundum naturam rerum, fiat huiusmodi replicatio, secundum prius, & posterius eiusdem, quod est ipsum conseruare, & addere idem sibi ipsi.

35. Imò contingit hic, quod contingit sine miraculo in quanto permanenti, quod idem realiter quantum est diuisibile, & indiuisibile secundum diuersas rationes; dato enim palmo auri est obseruare, quod in toto palmo, & in quacunque parte ipsius

fius est tota quidditas, & definitio obiectiua auri, ita vt accipi non possit pars vel quàm minima, quæ non sit absolutè aurum perfectum, nec maxima, quæ sit plusquam aurum : extensum est autem aurum, seu magnum per hoc, quod factæ sint additiones totius eiusmodi auri, seu aureæ quidditatis ad totum secundum locum, sicuti dicebamus toti, v. g. Angelo, fieri, dum durat, additionem totius Angeli, secundum prius, & posterius : quæ est ipsa quantitas durationis Angelicæ, in hoc differens a quantitate Aureæ extensionis, quod illa est additio nouæ partis, & nouæ, hæc eiusdem semper, & eiusdem totius Angeli .

36. Illud animaduertendum est differre præterea æuum a tempore, quod non solum alterum est successio totius ad totum, alterum partis ad partem ; sed, quod tempus, si debeat esse mensura, debet esse per se sensibile tum ipsum, tum maioritas & minoritas ipsius, quod contingit maximè in motu locali ; cuiusmodi nunquam potest esse æuum de se, cum de se nullam varietatem, multò minus sensibilem dicat. An autem dentur tum in tempore, tum in quacunque duratione successiua instantia, vel terminatiua, vel continuatiua, respondendum est negatiuè propter consimiles rationes, quibus illa
ne-

negauimus in quantitate permanente.

37. Neque enim constat quantitas successiua partibus actu distinctis, & multò minùs ex instantibus, alioquin etiam componeremus ex indiuisibilibus Mathematicis quantum permanens, quod diuisibilitati motus correspondet, & longissimas, atque irrationabiles morulas admitteremus in motu, si explicandus esset velocissimus vt mille, & tardissimus vt duo: constare verò tempus ex partibus, quarum aliæ nondum sunt, aliæ transeunt, vel transierunt, probat quidem partes temporis non identificari indiuisibiliter; at non probat non identificari secundum continuationem successiuam, secundum quam sola cœssatione succedendi diuiduntur.

38. Porro illud proprium est creaturarum rerum durantium, quod habent de nouo fieri, & destrui, quod est incipere, & desinere: quæ licet ritè dicantur contingere in instanti, tamen hoc, vt benè probat existere instantia secundum distinctionem rationis, quatenus tempus ipsum inadæquatè acceptum secundum hanc, aut illam rationem nullam dicit quantitatem, aut successionem; non tamen ideo cogit admittere instantia, quæ sint vlla entitas verè distincta a partibus ipsis temporis, aut durationis.

39. Ne-

39. Neque ita ſentiendum eſt res incipere, vel deſinere in inſtanti, quaſi durationis rerum ſit pars prima, & vltima, ſeu inſtantanea: vt enim in quantitate permanente, v. g. palmari, nec eſt prima, nec vltima pars palmi, nec primum, aut vltimum indiuiſibile eius, nec prima, vel vltima eiufdem ſuperficies, ita in durationibus nulla eſt prima, vel vltima pars earum; neq; enim ad hoc, vt quantitas aliqua ſit finita requiritur, quod habeat principium, & finem in hoc ſenſu, vt primam abſolutè habeat, & vltimam partem ſui: ſatis eſt, vt habeat vltimam, vel primam ſecundùm determinatam meſuram.

40. Sed in tantum agnoſcitur primū, & vltimum, eſſe inſtantaneum, & indiuiſibile in re quanta, in quantum habet accipi vel abſolutè, vel comparatiuè cum alia re quanta incommenſurabiliter, vel abſtractiuè a quantitate; ſic duæ manus dicuntur ſe tangere ſecundùm ſuperficies, in quantum ita ſunt immediatæ, vt ſe commenſurent ſecundùm latum, & longum, non verò ſecundùm profundum: quæ ratio ſuperficieſi eſt primum in deſcipientibus progredi verſus profunditatem, & eſt vltimum incipientibus a profunditate progredi verſus ipſam: & ſic in duabus longitudinibus vt ſic præciſa alia

ex-

extensione , quod est dicere in duabus lineis se contingentibus erit agnoscere rationem puncti, quia scilicet sunt immediatæ sibi inuicem, nec se commensurant: ut sic enim non possunt sibi esse immediatæ secundum aliquam partem , sed tantum secundum aliquid sui incommensurabiliter , quod est secundum punctum.

41. Quoniam ergo , quæ de nouo fiunt , ita sunt , ut antecedenter non essent , hinc est , quod secundum nostrum concipiendi modum immediatæ sibi sunt ad inuicem istæ duæ , quasi durationes , scilicet præcedentis non esse , & sequentis esse eius , quod fit : bene ergo dicuntur , quæ fiunt incipere in instanti intrinseco , vel extrinseco , quatenus ita accipiuntur inadæquatè , ut accipiantur secundum quod ita sunt , & immediatè ante non erant , vel secundum , quod ita non sunt , & immediatè post futura sunt . Licet verò tam permanentia , quam successiua possint dici incipere , & desinere tum intrinsecè , tum extrinsecè (cum fluuius tam possit dici terminari vltima superficie suæ aquæ , quàm prima superficie riparum) tamen quia ipsa inceptio , & desinitio , ut dicit primum , & vltimum , dicit instantaneum , & simultaneum quid , entia autem successiua nunquam simultaneæ

tanee tota sint, sed bene simultanee tota non sint, hinc est, quod melius ista incipiunt, & desinunt extrinsecè, illa vero incipiunt, & desinunt intrinsecè.

42. An autem, quod dicimus nunc, vel post nunc, sit aliquid temporis, vel non, & an fiat aliquid in instanti, & durare possit tantum per instans: ad ista respondendum est, ly nunc non esse tempus; sed rationem temporis inadæquatè accepti præcisè a successione, & fieri in instanti aliquid idem est, ac fieri simultanee totum simul, non verò pars post partem; sed hoc ipso, quod sit, totum sit: quomodo fiunt tantum permanentia, non successiva: porro nullam rem existere tantum per instans; sed necessario fieri, & conservari; alioquin manifestè componeretur tempus, & duratio creata ex instantibus realibus, quod diximus absurdum esse.

43. Aeternitas est interminabilis vitæ tota simul, & perfecta possessio, seu est ratio essendi stabilis, nec expectans durationem venientem, nec deperdens prætereuntem, ac proinde omnem durationem ipsi rei duranti competentem pleno actu amplectens, & simultanee colligens, ac sine omni, principioque durandi carens: quæ ratio essendi ideo non nisi rei viventi convenire potest, quod inanimata,
&

& mortua non potest colligere durationem suam, eaque cum simultanea possessione frui.

44. Imò huiusmodi duratione solus Deus durat, solusque durare potest, qui solus quocunque momento, ac instanti assignabili omnem temporum latitudinem amplectitur, cuique nullum intrinsecè esse, nullaue ratio essendi succedit, omni ipse successioni actuali, vel possibili, hoc ipso quod sit, coexistens; etenim sicut ita Deus imensus est, ut tamen sit indivisibilis, itaque per omnia spatia virtualiter extensus est, atque diffusus, ut tamen ubique sit totus, totamque in quolibet puncto loci suam quasi colligat immensitatem, pari passu ita Deus æternus est, ut indivisibilis sit eius æternitas omni spatio successione simultanea ipsa coexistens, adeo ut tota sit in toto tempore, seu tota coexistat toti tempori, & cuilibet puncto eius, se totam quodammodo omni momento colligens, ita ut omni momento Deus æternus sit, & eternum viuat.

45. Et verò prorsus minus decorè, imò nimis humiliter sentiremus de duratione vite, & beatitudine summa Dei, si non sic totam simul semper viveret æternitatem, sed per consequens plus vno Anno viveret, quàm vno mense, aut hora,
ita

ita ut quam extensionem virtuales beatitudinis, & vitæ in ratione durandi hodie habet, heri non habuisset: sicut enim nefas est dicere plus Deum esse in magno aliquo spatio, quàm in paruo, ita non benè dicitur plus viuere in magno aliquo tempore, quam in breui momento.

46. At vice versa hic est optimus, maximusque conceptus, quem de æternitate, ac duratione Dei habere possimus: sicque constant sibi admodum opportunè differentiae trium specie durationum; Dei, rerum successiuarum, & permanentium, quod vna est duratio succedentis pars post partem, & continuam dicens varietatem prætereuntis, secunda est duratio succedentis totius ad totum continuam reproductionem, & conseruationem requirens, atque adeo veram dicens extensionem secundum prius, & posterius, & formalem perseuerantiam in esse. Tertia est duratio absolute simultanea inextensa formaliter, atque adeo non tam permanens ac perseuerans, quam superpermanens, & superperseuerans, quatenus sine vlla extensione successionis simul omni successioni secundum quod aduenit, habet coexistere non tam durans, aut manens, quam

quàm indiuisibiliter secundùm ipsum
vnum instans æternitatis existens.

47. An potuerint vel totus mundus,
vel creaturæ aliquæ esse ab æterno, ali-
qui firmiter, aliqui probabiliter respon-
dent affirmatiuè; placet sententia nega-
tiua, non solum quatenus est impossi-
bile, quod aliqua res creata duret æter-
nitate, de qua supra, & propria Dei,
sed etiam quatenus absolute nulla crea-
tura ita fieri potuit vnquam, quin inci-
peret esse.

48. Neque enim possunt participari
Creaturæ perfectiones vllæ diuinæ se-
cundùm latitudinem, qua reperiuntur
in Deo, vt non potest vlla creatura esse
nec summè bona, nec summè sapiens,
nec summè potens, vt Deus: & ipsa ratio
productionis influentis esse dependens,
hoc ipso quod dicit defectibilitatem in
eo, quod fit, sic inuoluit, quod fiat ex
nihilò præexistente.

49. Quod enim hoc modo depen-
dens est, ita est, vt non, hoc ipso quod
fit, æternitatem essendi inuoluat, aut
plus durationis dicat, quàm vnus mo-
menti, ita vt, quam præterea duratio-
nem inde habere debeat, eam necesse sit,
quod accipiat, quod autem hoc ipso,
quod est, momento tantum est, essen-
tialiter prius est non æternum, quam
ætet-

æternum, vnde æternizandum eſt, ſeu inſinitandum additione durationis, quod autem additione durationis inſinitandum eſt, prius finitum eſt, quàm inſinitum, ac proinde prius finitè durat, & incipit durationem, quam ab æterno ſit.

50. Nec ſequitur quod, ſi produci-
tur a Patre verbum Diuinum, ergo poſ-
ſint etiam ab æterno produci creaturæ;
cum enim illa productio nec ſit ex ni-
hilo, nec dependentis, nec æterna æter-
nitate ſucceſſiua, ſed ſimultaneâ, atque
adeo non inſinitanda per additionem,
non habet titulum vnde implicet; vt
etiam non implicat dari æternitatem a
parte poſt; quia ſicûti repugnat quidem
additione inſinitari inſinitum categore-
maticum, ita non repugnat inſinitari
ſyncategorematicum, cuius quidquid eſt,
vel fuit, finitum ſemper eſt, & per po-
ſterius inſinitatem expectat.

51. Illi autem caſus impoſſibiles: Si
Deus eſſet cauſa neceſſaria, & ſi ſol
eſſet ab æterno, vtique ab æterno fuiſ-
ſet mundus, & lumen: vel nihil pro-
bant, ſi enim tunc illa fuiſſent, quæ
impoſſibilia ſunt, non implicarent alia
impoſſibilia inde ſequentia, cum error
in principio fiat decies millies maior in
ſequentibus: vel nimis probant, tunc
enim

enim posito , quod Deus esset causa necessaria , iam potuisset esse ab æterno , & statim omnis prorsus motus localis , ac æternitas etiam a parte post ; vel dicendum est , quod si illa fuissent ab æterno fuissent quidem etiam ab æterno effectus intenti , sed durantes æternitate simultanea non successiua , quæ consequentia omnia tam impossibilia sunt , quam sunt impossibilia ea vnde sequuntur.

CAPVT III.

De Anima , & Animato in
Communi .

§2. **R**ECTÈ definitur Anima esse actus corporis Organici potentia vitam habentis , seu id , quo viuimus , mouemur , sentimus , & intelligimus : est enim anima substantialis vita , principiumque viuendi , quod rursum benè definitur esse actus per se immanenter operatiuus , ad distinctionem tum operantium in alio , quæ , vt sic , non est ratio operandi vitalis , tum operantium quidem in semetipsis ; sed per accidens ad obtinendum scilicet aliquid , quo obtento quiescant .

§3. Sic

§3. Sic definita ratio vitæ convenit uniuocè omnibus prorsus viuentibus, cū nullum detur viuens, quod actus, & principium operatiuum non sit, vel distinguatur in ipso realiter ratio operationis, vitæque actualis ab ipsa ratione principij vitæque potentialis, vel non distinguatur. Illud verum est, quod vita rerum creatarum in actu secundo est accidentalis, vt vita in actu primo, seu principium viuens, est substantialis.

§4. Porro tria sunt animarum, animatorumque genera, vegetatiua, sensitua, & rationalis: quæ diuisio non est generis in suas species subiectas; sed totius aggregati in tres classes, seu gradus secundum perfectionem viuendi. Animæ vegetatiuæ, & sensitiuæ tum perfectorum, tum imperfectorum animalium, vt sunt materiales, sic & sunt diuisibiles, vt vt possint stare diu in membris diuisis, vel non; alioquin dicendæ essent infirmare sua corpora more animæ rationalis, quæ sola est spiritualis, ac indiuisibilis existens tota in toto, & tota in qualibet parte; vel certè vbi augeretur vel planta, vel brutum, vel vbi decresceret, deberet anima eorum transire de subiecto in subiectum. Præterquamquod non est vllum indicium eiusmodi indiuisibilitatis in materialibus.

K

Quod

55. Quod enim, si feriatur pes dexter etiam brutorum, tota anima sentiat, ergo esse indiuisibilem : falsum primo est, ut dicitur, antecedens : certè enim tum nihil videtur pati pes sinister, vel dorsum. Deinde hoc non est magis verum in brutis perfectioribus, quàm in imperfectioribus, quorum tamen animæ ex communi sententia sunt diuisibiles. Tertio dicendum est, quòd vltra partem læsam sentit, doletque adhuc sensus communis, non quia anima indiuisibilis sit; sed ex natura potentiarum ipsius, quòd potentiæ internæ sentiant idem, quod exteriores, idemque doleant; vel hoc proueniat ex quadam sympathia ipsarum, vel ex propagatione, aut deportatione locali specierum a sensibus externis ad potentias internas.

56. Non ita informant corpus organicum animæ, ut omnibus, singulisque partibus eius inexistant. Primò enim non inexistunt sanguini, cæterisque humoribus, qui nullum habent indicium vitæ, & sunt potius Alimentum, parsque necessaria viuenti, quàm integralis : deinde non inexistunt in vnguibus, pilis, cornibus, ac rostris, quæ probabilissimè crescunt per extra positionem, imò probabile etiam est ne ossa quidem animari; durior quippe videtur hæc animæ domus,

nec

nec apta ijs operationibus, vel instructa ijs organis, quæ solemus deprehendere in animatis, & neque sunt satis similia ijs partibus, quas alioquin certum est animari.

57. Illud verum est, quòd omnes partes viventis operantes vitaliter informantur anima; neque enim ipsa residet in vna sola corporis parte, puta cerebro, aut corde, operans inde in cæteris: quod admittendum est etiam admissa, vt verè est, anima homogenea: neque enim requiritur, vt diuersa sit hic, aut ibi, pro vt habet diuersas operationes hic, aut ibi diuersis organis exercere; neque incongruum est, quòd pars animæ diuisibilis, quæ in capite est, sit per accidens in capite, & quæ in pede, per accidens sit in pede, sic determinante Deo collocationes singularum partium alicuius totius: cum pars, quæ in pede, non minus habeat operari, quæ fiunt in capite, si ibi inexistet: cum quo tamen bene stat, quòd eadem pars animæ per se accepta requirere possit diuersas corporis partes, vt constat manifestè de anima rationali, & vt supra notauimus de forma mixti respectu materiæ sibi subiectæ.

58. Vnica datur anima in vnequocque supposito animato, & vt est certum in

homine, sic nullum est indicium contrarium in cæteris; neque prius animatur viuens vita plantæ, post vita bruti, tum vita hominis, sed, hoc ipso quod animatur, recipit animam propriam, qua in posterum viuat: prauusque esset ordo disponentis, si anima inferior disponens ad perfectiorem adueniente perfectiore destrueretur: neque Aristoteles posuit huiusmodi ordinem, nisi respectu operationum, quæ utique in animali sunt prius secundum vegetatiuam, inde secundum sensitiuam, ultimò secundum animam rationalem.

59. Sed ultra animam dantur præterea in viuite formæ partiales, ac non ultimæ, subordinatæque ipsi animæ, quæ est ultimus actus viuentis; neque enim datur forma cadaueracea, vnde post mortem, v. g. animalis, caro, venæ, arteriæ, nervi, cæteraque organa prius animata habeant tum illud esse ultimum substantiale carnis, arteriæ, venæ, aliudue huiusmodi, cum in casibus innumeris, quibus animal moritur, non sit reperire vim substantialem producentem huiusmodi cadaueraceam formam, nec possit recurri ad Deum, qui propter existentiam aliquam eandem producat, quæ nec potest exigi a dispositionibus, etiamsi fractis, tamen ordinatis ad oppositam
for-

formam nempe animam : nec a materia
vt sic, quæ est indifferens ad has, vel illas
& naturaliter potest stare sine forma sub-
stantiali, si vis naturalis illam priuet ea
forma, quam habet, non introducendo
aliam.

60. Et, si vnica tantum anima infor-
maret corpus organicum sine formis par-
tialibus, iam animata quælibet vnus spe-
ciei v. g. essent eiusem planè figuræ,
temperamenti, valetudinis, imò nun-
quam naturaliter interirent, aut ægrotar-
ent, aut senescerent, vel certè se se quàm
facillimè restituerent, vbi ab extrinseco
agente remouerentur : adeo vt ne indi-
gerent quidem vegetatiua villo alimento,
saltem vbi ad iustam ætatem peruenis-
sent : non enim sublatis formis partiali-
bus vlli vsui esse potest alimentum, quod
nec conuertitur in substantiam Animæ,
nec in substantiam materiæ, nec in-
accidentia ab ipsa anima reparabilia per-
se.

61. Etenim, sicut inanimatæ substan-
tiæ vnus speciei, puta aqua, vel aurum,
per se sunt vnus formæ extrinsecæ, vnus-
que temperamenti, totamque suam ha-
bent perfectionem, vbi sint extra aleam
contrarij potentioris, nec quicquam ha-
beant admixtum imperfectioris substan-
tiæ ; imò si quando a contrario patiantur,

se restituunt ad suum perfectum statum nunquam interitura, nisi per violentiam extrinseci agentis, ita homines singuli, v. g. Petrus, & Paulus, & sic de cæteris vnus essent figuræ, coloris, & temperamenti, cum eadem constent specie materia, eademque anima, & per consequens consimilem requirant accidentium combinationem; quam, si quando amitterent, facile repararent remoti maximè a contrario, vnde febricitans de facili conualesceret, imo & iuuenescerent senes, vel non senescerent.

62. Neq; enim contra ista facit, quod animæ, licet eiusdem speciei, tamen differant ab inuicem plusquàm individualiter, vnde posse ergo facere eam diuersitatem in corporibus, quam experientia videmus; falsum enim esse antecedens alio loco dicimus, & si verum esset, tamen nec importaret per se tam differentem exigentiam diuersarum combinationum, alioquin videretur potius differentia specifica: imò non tamen tollitur per hoc, quod diximus fore vnum quemque semper de facili valde sanum, & incolumem, itaut nec haberet senescere, nec debilitari, & vtcunque euincatur distinctas eiusdem speciei animas posse causare diuersitatem eiusmodi notabilem in corporibus; at quomodò vna,

ea.

eademque singularis anima tantam diuersitatem causat in vno, eodemque corpore, quantam experimur pueri, adulescentes, viri, senes, ægri, ac incolumes.

63. Malè autem opponitur, quòd sequerentur etiam ista ex nostra sententia, qui admittentes formas partiales, tamen ponimus eas subordinatas animæ: etenim inde falsa esse sequela ostenditur, quòd non sunt illæ prorsus subordinatæ more accidentium, neque enim sunt absolute entis ens, sicut accidentia: sed ita subordinatæ sunt, vt sint etiam primum ens in aliquo genere, veræque substantiæ; atque adeo non despoticè prorsus ita sequentes animæ ius, & imperium, vt non habeant ipsæ quoque saltem ex parte propriam actionem. vnde secundùm diuersitatem ipsarum ea temperamentorum, operationumque oriatur diuersitas, quam experimur, vt satis manifestum est.

64. Quod attinet ad animatum, pleraque Anatomicis relinquentes illud dicimus esse commune omnibus animatis, quod heterogenea necessariò sint: operationes enim vegetandi, & sentiendi diuersitatem in ipso corpore partium important: mirabilis corporis humani fabrica rege animo digna regia est, cuius

ex contemplatione, ut pote nobis vicini-
oris obiecti non minus, quàm ex confi-
deratione cælestium excitari nos decet
ad cognoscendam diuinam planè summi
Architecti sapientiam.

65. Constat hoc partibus primò simi-
laribus, quæ sunt cuticula, cutis, caro,
ossa, cartilagines, venæ, arteriæ, nervi,
fibræ, ligamenta, tendines, membranæ,
glandulæ, medulla, pinguedo, imò ca-
pilli, & ungues: quibus adde fluidas san-
guinem, bilem, pituitam, melancholiam,
lac, humorem spermaticum, spiritusque
vitales, & animales. Secundò constat
dissimilaribus, quæ sunt partes conflatæ
ex pluribus similaribus, muscoli, viscera,
& sic digiti, manus, pedes, oculi, aliaue
huiusmodi instrumenta operationum vi-
talium.

66. Sed præcipuæ partes sunt cor, ce-
rebrum, & hepar in triplici officina, seu
ventre corporis humani constituta pro
tribus inter cæteras præcipuis ipsius ho-
minis operationibus, quæ sunt sanguifi-
care, quod fit in hepate, producere spi-
ritus vitales, quod fit in corde, & pro-
ducere spiritus animales, quod fit in
cerebro.

67. An autem, & quæ ex his partibus
sint venarum, vel arteriarum, vel neruo-
rum principium, & quæ primò generen-
tur,

tur, imò & quæ primatum absolutè teneant, illud sentiendum videtur : quod si sermo sit de principio effectiuo, nec hepar est principium effectiuum venarum, neque cor venarum, vel artiarum, aut neruorum, nec cerebrum item est principium effectiuum neruorum, etenim totum corpus organicum perficit, & organizat virtus sementina, vterusque maternus distributis, vt addecet, partibus materiæ opportuno loco ; tum quia nouum est, quod in corpore humano vis vegetatiua vnius partis operetur ad vegetandam aliam partem extra se, vt extra se transmittit alimentum abundans : imo sicuti totum corpus & venis, & arterijs, & neruis, alijsque huiusmodi perfectè organizatum est, antequam anime- tur, ita non habet cor, aut hepar, aut cerebrum, quod eiusmodi partes efformet, quando animata sint, sine vilo enim fundamento affirmaretur, quod illas efformet, antequam animentur.

68. Si verò sermo sit de principio, quasi ordinis & locali : vnde scilicet primò deriuentur venæ, arteriæ, & nerui, illud certum est neruos a cerebro, & spina dorsali deriuare, arterias a corde : probabile etiam est venas sic deriuari ab hepate, in quo nimirum primò implantatur vena porta, vt ab intestinis ad ipsum

Deferat chilum inde mutatum in sanguinem transportandum ad cor; cum enim inde dicendus sit deriuari præcipuus canalis, vbi est maior truncus, vel vbi fit humor deferendus: cum maior truncus venæ portæ sit in iecore, & sanguis deferendus per venam cauam ad cor, & inde ad alias partes fiat in eodem iecore, ergo per consequens & a iecore deriuari venas in sensu explicato dicendum est.

69. Generari cor, vel cerebrum, vel hepar, formarique ante reliquas partes asserunt non pauci: sed an hæc sollicitudo ostendat non solum primatum generationis, sed etiam perfectionis, & excellentiæ, non satis liquet: videtur dicendum esse, quod hepar primum sit titulo necessitatis, cum eius operatio sit formatiua primò necessarij alimenti, ex quo cor, & cerebrum habeant operari, cor autem eodem titulo necessitatis primum est respectu cerebri, sed hepate primum etiam est titulo excellentioris operationis, quo titulo primatum absolutè obtinet cerebrum, vtpote organum optimarum animalis, atque hominis operationum.

70. Quod enim cordi tribuantur cogitationes, & vt dicitur secreta cordium, atque passionēs, quarum & aliquæ tribuuntur hepati, vnde & dicantur sedes huiusmodi affectuum, hoc, vel meta-
pho-

phoricum est, propter quandam sympathiam, qua valde in quibusdam affectibus alteratur cor, & fortasse etiam iecur, vt proportionaliter dicitur facies sedes esse verecundiæ, oculi sedes inuidentia: vel propterea quod in ijs partibus, quæ certè non sunt præcipua organa cogitandi, vel appetendi, vt oculi, & facies non sunt organa verecundiæ vel inuidentia:, attamen emicant notabiles eiusmodi cogitationum, & affectionum effectus.

71. Cæterum luce clarius est, quod, esto fortasse danda sit rudis aliqua cognitio, & affectus ipsi cordi, vel hepati; attamen vera, & vniuersalis sedes cognoscendi, & appetendi est cerebrum, sensusque ibi interni, vt cæteri sensus externi sunt sedes particulares, vt enim contingit ipsos cognoscere proprium obiectum, sic decet per consequens, quod habeant etiam circa illud proprium appetitum.



CAPVT IV.

De Anima Vegetatiua.

72. **A**nima vegetatiua est principium vitale cōseruatium, & augmentatium tum ipsius viuentis, tum suæ speciei: versatur ergo circa alimentum, quòd licet habeat vnico etiam modo sumi, tamen benè distinguitur in cibum, & potum, pro vt contingit aliquando, quòd viuens egeat humido, ac frigido, proindeque sitiat, absque eo quod egeat sicco, & calido, quo famescat.

73. Tàm augmentatio, quàm nutritio acceptæ realiter sunt motus ad substantiam; sed formaliter nutritio mutatio est ad substantiam, qua viuens conuertit alimentum in se, hoc est in corpus, & animam, si de viuentibus materialibus sermo sit; augmentatio verò formaliter est motus ad quantitatem, hoc est ad maiorem formaliter substantiam, qua animal crescit, vel absolutè adolescat, vel maius sit post nutritionem vt sic, quàm esset antecedenter ad nutritionem.

74. Huiusmodi nutritionis, & augmentationis ordo non tollit, quo minus viuens, si maximè sermo sit de hominibus,

bus, maneat successu viuendi idem, quod erat, cum primùm genitum est, imò, vt bene Philosophus, necesse est, quod saluetur, & maneat, quod augetur. Et nutritione, atque augmentatione conseruari corpus, quodcunque alitur, ipsa ratio nutritionis, & augmentationis vt sic natura sua requirit.

75. Illud verum est procul dubio non perseverare idem sine vlla prorsus mutatione substantiali, vt saxum aliquod verbi gratia, vel sol: manifestum enim est cum ipsa nutritione, & augmentatione venire mutationem non leuem; sed in latiore aliquo sensu accipienda hæc esse; strictius tamen, quàm dicantur permanere eadem bruta, vel plantæ quibus fit accessio, & etiam deperditio secundùm corpus simul, & animam.

76. Et primò permanet idem homo successu viuendi præter titulum manentis eiusdem animæ, titulo moralis existimationis: etenim additio, & deperditio, quæ fiunt adeo sensim sine sensu, faciunt vt iure parum mutationis pro nihilo reputetur, maximè successiue rem æstimanti, deinde loquendo Physicè permanet idem non ratione partium primigeniarum fabricatarum scilicet in primæ foetus organizatione, quæ, non est vlla solida ratio, quod sint cæteris solidiores;
sed

sed quia per se loquendo, quòd nutritur, & augetur, nihil deperdit substantiæ suæ, quam ab initio accepit; unde per consequens ergo necesse est, permaneat idem, quod fuit ab initio, esto fiat maior.

77. Illaque ratio in contrarium, quod successu viuendi multa immutentur, ac deperdantur viuentibus, non est indistinctè admittenda: per se enim falsa est tum in animalibus adolefcētibus, tum in grandævis, cum his nihil per se destruat, & ratio vegetantis dicat quidem conuersionem alimenti, non verò destructionem partium ipsius viuentis; imò loquendo etiam de senibus decrefcētib, & de eo, quod potest contingere per ægritudinem tum iuuenibus, tum etiam partibus primigenijs recens organizati, si quid deperditur, certè non est tanti, quod possit tollere veram, ac Physicam rationem eiusdem.

78. Etenim admissa etiam, quam maximè longa, & tabescente ægritudine vel pueri, vel etiam adulti, nunquam tamen ita viuens consumitur, vt deperdat plusquam vbertatem, & efflorescentiam quandam partium suarum, perseuerantibus tamen ijsdem tum ossibus, tum venis, arterijs, & neruis, & ligamentis, & visceribus, & glandulis, & cartilaginibus, imo & solidiore aliqua carnis
por-

portione, quæ cum anima iam totum animal sunt.

79. Verè ergo, cum ista perseverent eadem, quæ à prima origine absolute fuerunt, nec vnquam, nec per se, nec per accidens absolute tollantur, non modo moraliter, sed etiam idem Physicè animal, esto fiat maius, perseverat successu viuendi, quod fuit ab initio generationis suæ.

80. Contingit in nutritione, & augmentatione rarefactio, & condensatio, propterea quòd conuerso alimento, quod erat in poris in substantiam viuientis oportet, vt noui pori aperiantur ad suscipiendum nouum alimentum, quæ apertio fieri non potest sine rarefactione aliquarum partium, & condensatione aliarum. Vniuersaliter autem loquendo non consistit rarefactio, vel condensatio formaliter in acquisitione, vel deperditione quantitatis.

81. Sæpe enim aliqua rarefiunt, & densantur mera vi motus localis, qui certè non videtur productiuus vllius entitatis permanentis, præterquam quod, si producitur noua quantitas, verbi gratia palmaris, vtique non producitur extra subiectum, quod rarefit, ergo penetratur cum vetere quantitate v. g. item palmaris subiecti: quam ad penetrationem
vitan-

vitandam hæc sententia excogitata est ; & vel inexistat in ipsa rarefactione toti subiecto, vel parti, absurdè ponitur inexistere ; si enim toti, ergo non rarefit, sed relinquit adhuc tantum palmare, si verò parti, ergo quantitas altera præcedens transiit de subiecto in subiectum, & existit tum hæc, tum de nouo quantitas in minori, quam palmari subiecto : neq; enim dici potest tota præcedens quantitas deperdi, tota altera de nouo gigni : idem enim agens non destruit vnam formam ad faciendam alteram eiusdem speciei.

82. Non item consistit rarefactio, vel condensatio in mera relatione maioritatis, vel minoritatis ; motus enim quidam est rarefactio, & condensatio ; at non datur motus ad relationem ; minus in mera apertione, vel occlusionē pororum ; rarefit enim & aer in quotidiano motu locali, & sæpe ad impediendum vacuum, in quo nulla pororum apertio dari potest, nisi admittantur pori esse vacui ; & rarefiunt aqua, alijque humores, quos possumus quidem dicere habere poros ; sed non possumus profecto vniuersaliter saltem probare.

83. Quæ ratio probat etiam non posse rarefactionem, vel densationem consistere in intrusionē, vel extrusionē corpusculorum. Sæpe enim contingit rarefieri
aliqua,

aliqua, in quæ corpuscula non introducas, vt quando ex violenta explosione bombardæ rarefit aer, cum introduci non possit tam citò, quantus est sufficiens ad implendum sine rarefactione vacuum; eo enim in casu minus possunt introduci alia corpuscula, quòd similiter dicendum est fieri non posse in rarefactione humorum vniuersaliter saltem.

84. Quod autem tota rarefactio, vel condensatio formaliter qualitate aliqua habeatur, res item est valdè difficilis; ex vna enim parte ratio qualitatis, vt sic, non importat maiorem molem, vel minorem; vnde, si nihil aliud addas, quantumuis augeas, vel minuas qualitatem, non auges, vel minuis extensionem; est etiam contra ipsum conceptum rarefactionis, quæ item malè ponitur consistere in inflatione aliqua, vel detumescencia punctorum: vel enim ista tumescunt plena aliquo corpore, vel tumescunt vacua, & redimus ad difficultates insuperabiles; vel instantur extensione virtuali more spirituum, & præterquamquod tollitur omnis conceptus rarefactionis, & condensationis reducta iam re ad extensionem, & restrictionem spirituales, aut virtuales; pessimè datur corporibus quòd existant tota in toto, & tota in qualibet parte.

85. Ut ergo rectè definitur ex Aristotele densum esse, quod sub parvis dimensionibus multum habet materiæ, & contrarium, quod sub magnis dimensionibus parum habet materiæ; vel densum esse, cuius partes sibi ipsis propinquæ sint, rarum cuius partes distent a se inuicem, in hoc dicendum est consistere formaliter rarefactionem, quod sit maior ab inuicem digestio partium potentialium se se ponentium aliarum extra alias, ut condensatio erit contra maior partium earundem intreatas.

86. Et verò ex vna parte dari posse quantum modò maiorem, modò minorem dicens partium suarum intreatatem, manifestum est consideranti supernaturalem dari posse corporum penetrationem; rursumque ex alia parte non est minus certum, quod nativa partium extreatas aliquorum corporum non est ita viribus naturalibus inuincibilis, ut nulla prorsus ope aliquod corpus habere possit suas partes violenter saltem magis, vel minus ad inuicem penetratas.

87. Quod si, ut quantitas secundum optimos auctores consistit in naturali partium extreatate, sic admittitur, quod certè admittendum est, eidem ergo quanto posse extrahi magis, minusque partes ipsius, iam non est vlla difficultas
con-

constituendi in hoc ipsam rarefactionem, & condensationem, eo vel maximè, quod his saluatur communissimus, notissimusque eius conceptus : vix enim intelligibile est , quomodò possit idem corpus sine replicatione occupare locum modò minorem , modò maiorem, nisi per hanc partium suarum salua continuatione maiorem, vel minorem extremitatem .

88. Neque rem hanc difficultat, quod admissa penetratione corporum iam de medio tollimus notissimam quantitatis proprietatem , nempe impenetrationem : quid enim erit aiunt miraculi , quod Christus Dominus clauso emicuerit e sepulchro , clausoque , tanquam sol procedens è thalamo , egressus sit ex utero Virgineæ Matris ? etenim impenetrabilitas est quidem evidens, quo ad aliquid, at non est evidens , quo ad hoc , quod scilicet nullo pacto prorsus , nullaque vi naturali vlla corporum penetratio admitti possit .

89. Multò minùs admittenda est sequela , diuidi ergo in rarefactione partes continui , quasi impossibile sit non diuidi ea , quæ discedunt , ac distrahuntur ad inuicem : dicendum enim est non sequi diuisionem , vbi , quæ discedunt ab inuicem , seruant mediatam continuationem cum alijs modo quidem nostræ
ima-

imaginationi imperceptibili, sed quem tamen ratio sufficienter clamans optimo iure persuadeat.

CAPVT V.

De Anima Sensitiua.

20. **V**T rudes admodum sunt cognitiones sensibiles, ita difficile est politiore intellectione describere, quæ huc spectant tam incerta, quid sint, quam sunt nobis certa, quòd sint. Anima sensitiua supra vegetatiuam importat sensationem, & appetitum, & motum localem progressiuum, vel saltem appetitiuum, quo mouentur etiam plantanimalia: esto videatur dicendum dari posse animal, quòd nihil localiter motu appetitiuo moueretur, quòd tamen nobis non esset cognoscibile, an foret animal.

21. Quod attinet ad sensationem, est hæc mera expressio obiecti nihil circa, ipsum iudicans, comparans, componens, aut diuidens, pro vt causatur ab obiecto se ipso afficiente potentiam sensitiuam, & concurrente efficienter mediata, per speciem scilicet impressam, ad ipsam sensationem: vnde ita est actus potentiae sentientis obiectum, vt simul sit passio ab

eodem proindeque bene dicuntur sensus pati ab obiectis , quòd propriè , & vniuersaliter de intellectu minus dici potest .

92. Et per hoc differt ipsa sēlatio a prima intellectus operatione , quæ , etiamsi mera sit illa quoque obiecti expressio , non componens , neque diuidens ; tamen non est passio ab obiecto ; Erigente enim sese anima rationali ad meliorem ordinem cognitionis supra sensationem , formam spiritualem se ipsa efficit idem melius intellectu cognoscitura , quod sensu pingui tantum inuenerat cognouit .

93. Videntur posse dari tum alijs specie sensus materiales , tum alia specie sensibilia , vel in ordine ad novos sensus , vel etiam in ordine ad eos , qui de facto sunt , neque enim est vl'a repugnantia ; vt etiam videtur dicendum posse dari sensus spirituales , hoc est potentias merè apprehensiuas secundùm passionem ab obiecto spirituali .

94. Quod non possint dari sensus materiales perceptiui rerum spiritualium , aiunt optimi Auctores , tum quia non est proportio inter eiusmodi potentiam , & obiectum ; tum quia , si sensus materialis cognosceret spiritualia , operaretur spiritualiter vnde & iudicaret , & discurreret : & certè placet sententia ; sed prima ratio
debet

debet probare, cur species spirituales non possint imprimi sensui materiali : cum spiritualia possint esse actus rei materialis, secunda verò non habet consequentiam; ex eo enim, quòd ponatur sensus ruditer attingere spiritualia, non sequitur, quòd ergo possit eadem etiam perfectione operatione discursivè cognoscere .

95. Quinq; sensus externi distinguuntur plurimùm obiecto, & sede, & organo corporeo, nisi quòd tactus alijs etiam aliorum sensuum organis est communis. Visus excellentia præcedit omnes, cuius obiectum est lumen, & color; definitur autem communiter lumen: actus perspicui, qua perspicuum, seu præsentia luminis in perspicuo, seu, quod idem est, intentionalis imago ac species corporis luminosi nata recipi in perspicuo, & terminari ab opaco; & S. Thomas prima parte quæst. 67. art. 1. ait lumen esse id, quod facit manifestationem in sensu visus.

96. Magis placet, quod habetur quarto Esdræ capite 6. numero 20. dixisti de thesauris tuis proferri lumen, quo apparet opus tuum; unde lumen esse speciem intentionalem non solum luminosi manifestatiivam; sed etiam sui (nempe etiam lux ipsa videtur) & demum aliarum rerum, ut mox dicemus de natura colorum.

97. Lu-

97. Lumen loquendo de eo, quod propagatur per medium, non est corpus, ut nec habet vllum motum proprium, nec est substantia vlla media inter corpoream, & spiritualem; sed est qualitas materialis, propagaturque per medium non euibratione, neque per radios, ut dicitur, visuales: hæc enim ratio propagationis vel importaret creationem, vel transitum qualitatis de subiecto in subiectum: imò & in remoto nimium diuarentur radij euibrati, adeo ut valde heterogeneè illuminarentur partes mediij æquè proximæ, vel remotæ luminoso: & non ex omni parte, vel puncto mediij posset oculus intueri ipsum luminosum.

98. Sed propagatur lumen more cæterarum qualitatum per omne spatium sphaeræ vniformiter difformiter; nec contra ista sunt demonstrationes opticæ, quæ ut supponunt radios visuales tum directos, tum reflexos, tum refractos, quia verè a quocunque puncto imaginabili, & conceptibili in medio illuminato est concipere longitudines luminosas vel in directum, vel reflexas, vel refractas, vbi reflexio fiat, vel refractionis, ita nec illas probât, nec possunt optice probare, quod datur realiter distinctæ, ac satis habent pro intento suo, quod verè conceptibiles sint.

99. Quod

99. Quod autem reflexione, vel refractione hic, aut ibi magis intendatur, vel remittantur lumina propagata, seu, ut dicitur, dirigantur, & coniungantur in vnum punctum, vel diuaricentur, & disgregentur, mirum quidem est; sed peculiaris ratio mediij, & figuræ eius hoc potest præstare, ut propaget secundum alium potius, & alium locum, ut supra de obstaculo reflectente dicebamus; neque rursus ideo dicenda sunt lumina, adde etiam species visibiles, speciesque soni cuius vibratione propagari, quia non confunduntur in medio; satis enim hanc confusionem prohibet distinctio actualis horum, quæ hoc ipso, quod semel distincta, & a distincto principio prodeunt, ut imagines eius, tamen secundum eam directionem representabilis, utique non habent alijs immisceri, ut non confunduntur qualitates cuiuscunque subiecti, quæ suam servant in ipso distinctionem.

100. An dentur colores ante lumen, quæstio nominis est: si enim nomine coloris accipitur qualitas distincta, & diuersa a lumine, completa actu in ratione visibilis, patet huiusmodi qualitatem non dari ante lumen: sed esse vel tolli, secundum quod ponitur, vel tollitur lumen, quem ad sensum bene canitur: nox abstulit

stulit atra colorem, & rebus iam color
redit vultu nitentis sideris . Si autem
nomine coloris venit qualitas secunda
incompleta quidem in esse visibili ; sed
quam tamen lumen adueniens compleat,
ita vt stante eodem lumine diuersum vi-
sibile appareat, album scilicet, nigrum,
viride, & si quæ huiusmodi, manifest-
um est dari colores antecedenter ad
lumen .

101. Qui bene describuntur esse qua-
litates secundæ natæ immutate perspi-
cuum, potentiamque visuam, vbi ta-
men lumine tanquam ultimo actu com-
pleantur . Porro tam colores, quàm
lumen non videntur per hoc, quod ocu-
lus transmittat species ad objecta, sed
per hoc, quod ipsa objecta transmittant
species ad oculum complendum, & de-
terminandum ad hoc, aut illud viden-
dum ab ipso objecto : quod & probant
efficaces experientiæ tum specierum re-
flexarum a speculo, quo non ipsæ spe-
cies ; sed res oppositæ speculo videntur,
tum specierum visibilium vt quod in
aliquo obstaculo ipsas terminante .

102. Post oculos maximi faciendus
est auditus, nempe sensus disciplinæ, &
maximum inter homines virculum so-
cietatis : huius obiectum est sonus, quem
percussiones, & collisiones, seu sep. ra-

tiones etiam corporum aere cooperante generant; sonus qualitas est in ipsis corporibus efficientibus sonum, vel in proximo aere recepta: an autem ipse sonus propagetur, an species intentionalis eius videtur dubium, vtcunque dicatur, quod auditur sonus est: & quoniam propagatur, licet more reliquarum qualitatum, tamen cum aliqua dependentia a motu locali, hinc est, quod sonus auditur aliquantò posterius, quàm quo tempore factus est.

103. Variè sentitur sonus pro varietate mediij, proque distantia sonori, & tardius, quo ex remotiore loco. Vnde fit, quod sonus, qui per repercussionem auditur, vt contingit in echo, audiatur posterius, imò & multiplicius, pro vt multiplici, & successiva repercussione reflectitur: non videtur sonus habere propriam differentiam, nisi vel materialia ratione corporum, vnde maior, & plenior, vel minor, & exilior est, vel secundùm mensuram, vnde grauior, acutior, intensior, aut remissior est.

104. Olfactum, gustum, & tactum immutant odores, sapes, & qualitates inde a nobis dictæ tangibiles: odorosa propagant per medium tum spiritus substantiales, tum qualitates odorosas, quibus producuntur species intentionales
odo-

odoris in sensorio ipso olfactus : obiecta vero tactus, & gustus requirunt contiguitatem, & viciniam ad sensum ; sed tamen dicenda sunt etiam ipsa producere in sensorijs suis species intentionales sui . Quod autem sensibile supra sensorium immediatè positum vniuersaliter non faciat sensationem, gratis dicitur, & ad summum concedi potest aliquando, quod non faciat sensationem pacificam, & quietè diiudicativam obiecti .

105. Illud verum est, quod præ vehementia, vel excessu sensibilis contingit aliquando lædi potentiam, puta præ excessu visibilis vsque ad orbitatem, præ excessu audibilis vsque ad surditatem ; sed contingunt ista per accidens : etenim species intentionales non sunt alteratiue cum ordine ad destructionem, maxime respectu eius potentiæ, cui sunt connaturales . Vnde causa huiusmodi læsionis referenda est vel in qualitates actiuas simul afficientes potentiam, puta nimium calorem lædentem oculos, aut gustum, aut tactum, dum sentiunt, vel vniuersaliter referenda est in consumptionem spirituum vitalium, aut animalium deservientium sensationibus, vt enim studendo fatigamur, lædimurque cerebro, & capite dolemus propter dictam spirituum deperitionem, sic habet contin-

gere, quod iisdem titulis nimio auditu offendamur, aut visu.

106. *Potentia sensitiva interna sunt quatuor; Sensus communis, Imaginativa, Phantasia, Memoria; ut autem potentia sensitiva externa distinguuntur ab invicem tum ratione diversi organi, tum fortasse ratione diversi modi, quo ab obiecto afficiuntur: sic illud dicendum est de sensitivis internis, quod aliquae facile distinguuntur, tum ratione subiecti, ut memoria a caeteris, cum ipsa probabiliter resideat in posteriore cerebri parte, reliquae in anteriore, omnes vero distinguuntur non ratione diversi obiecti, sed pro diverso modo, quo tendunt in obiectum, seu pro diverso munere, quod pro negotio cognoscendi praestant.*

107. *Etenim sensus communis est, qui primo obiecta percipit sensuum externorum: decet enim unum esse organum, principiumque cognoscitivum, unde fons omnis appetendi, ac loco movendi, quo bruta, & cognoscere, & appetere, & ad motum incitari videntur etiam obiecto sensibus externis non presente. Imaginativa est vis fixius, firmitusque cognoscendi obiecta, qua pollent ij magis, minusve, qui magis, minusve habent perseverare in eadem cognitione, absque eo quod*

tu.

tumultuariè distrahantur in multa .

108. Phantasia facultas est , quæ cognitione vnit obiecta diuissim. sensata , quam dari in brutis , vt nulla ex ipsis habita experientia probamus , sic tamen probabiliter dicimus , cum & certum sit dari in nobis , & non sapiat operationem se se tollentem supra ordinem sensationum . Memoria est conseruatiua specierum sensibilium , quo adhuc tempore actu non sentiuntur obiecta , & excitatiua earundem , quo sensus communis repetat cognitionem obiectorum antea sensorum , quæ est etiam ratio euidentior probans dari necessariò sensum communem .

109. Post sensitiuas potentias sequitur appetitus sensitiuus , & est vis illa animæ , qua placent , vel displicent , quæ sensu cognita sunt , necessarius conseruationi animalis : vt enim nisi sensitiuè cognosceret , ignoraret , quæ sibi vtilia , & necessaria sunt , & quæ contra noxia , & incommoda , ita nisi haberet appetere , nec proficua prosequeretur , nec ritè sugeret a contrarijs . Residere verò appetitus principaliter in cerebro animalis , sed tamen dispersus etiam esse videtur , rudior saltem ex parte , per ipsa organa sensuum , vt tum experiētia duce manifestum , tum certa consequentia consentaneum est .

dum est, & ratio ipsa naturalis ostendit, cum enim constituat vnum per se cum corpore organico (more, quo ad hoc, cæterarum animarum) formam eius substantialem esse necesse est, cumque intellectiua, & libera sit, oportet rationem transcendat corporei, quod necessario ad vnum determinatum est, & dicit illa quidem extensionem virtualesui limitatam; sed tamen capacitatem immensam, ac vastam, quam importat ipsa ratio intelligendi, & volendi vsque ad infinita se efferens, ac proinde in solo spiritu nata reperiri.

LI 2. Eam non producit causa secunda generans hominem; sed creat Deus in ipso corpore, vbi perfectè organizatum est. Vnde est in singulis hominibus: quod enim pugnantibus inter se sæpe litigemus affectibus, vel secundum portionem superiorem, & inferiorem, vel etiam secundum portionem superiorem, non est hoc duabus animabus tribuendum; sed arbitrio libertatis nostræ, quæ hoc ipso, quod illam duo contraria bona sollicitent, necessario contrarietatem eorum suam pugnam experitur. Qualem pugnam sentiunt etiam Dæmones singillatim, & sensere probabiliter Angeli omnes magis, minusve, quo tempore viatores vario motu ad peccandum, vel ad debitum

obsequium Deo præstandum hinc inde bellicis propè studiis incitati sumus.

113. Ut ut anima rationalis grandem sanè perfectionem dicat, tamen diuinæ particulam auræ non esse ostendit tum infinita Dei perfectio, bonitas, innocentia, indiuisibilitas; tum varia animæ imperfectio, peccandique facilitas: illud verum est ipsam naturam suam id habere, præcipui inter reliquas naturales formas, & spirituales, quod est naturaliter immortalis, quatenus nulla creatorum agentium virtus est, nulla violentia, quæ possit animam rationalem de medio tollere, aut destructam in aliam substantiam conuertere, & semel productam efficere, quod non sit.

114. Esto enim præ connexionem, quam habet cum suo corpore pendeat a dispositionibus eius, quo ad esse in ipso, vel non; vnde fractis illis atque sublati teneatur, etiam naturaliter inuita, discedere; attamen non pendet a corpore, quo ad sui esse simpliciter, vnde migrat quidem ab ipso propria migratione locali, sed non destruitur, aut perit, cum non ideo perdat ullam causalitatem, quam haberet corpus ad seipsam, tantumque illa indigeat corpore, ut cum ipso componat, & operetur aliqua.

115. Præter authoritatem non solam
om-

omnium fere sæculorum, sapientumque consensu traditam, verum etiam certissimæ, catholicæque Religionis defensione firmatam, euidens etiam naturalis ratio hanc immortalitatem animæ rationalis conuincit, adeo vt, qui contra sentiant, simul & impiè sentire, quod impudenter contendunt, & prauè philosophari, quod nescio quo fato nollent, dicendum sunt.

116. Et verò, si operari sequitur ad inesse, cum anima ratiocinationibus, & volitionibus suis operetur independenter a corpore, & esse ipsam independenter a corpore fateri necesse est; neque tollit ista, quod dependeat ab ipso in sensationibus, appetitionibusque sensitiuis, in operationibus pertinentibus ad vegetationem, & motum localem, imò etiam in aliquibus rationalibus, quoad ministeria corporea, quæ requirunt; etenim ita ista contingunt, vt se tamen ipsa anima euehat longe supra ministeria corporea; negotiationesque suas intelligendi, & liberè appetendi, vt vt exerceat ministrantibus corporis, quæ ipsa trahit ad operationes suas, tamen ita exerceat, vt longè transcendat sphaeram actiuitatis sensitiuæ, & appetitionis corporeæ, quæ ad vnum tantum, & quidem rude admodum suapte natura determinatur.

117. Præterea ipsa animæ vastitas nullo vnquam termino, aut loco definita, corporis limitationis sphaera se non detineri demonstrat, ipsique naturales instinctus, quibus ultra omne tempus habet vota sua intendere, quibus & moriens naturaliter gaudet, & vitam præsentem honestè in gratiam virtuosæ operationis contemnit, ista inquam ostendunt, quòd ergo viuat anima immortalitatem, quam appetit, quamque naturaliter sperat, & cuius gratia, quòd sapientior est, eò intensius operatur.

118. Praxis etiam rationabilis, rebusque naturaliter conueniens, qua Deus non solum physicè, sed etiam moraliter vniuersam totius orbis rempublicam, politiamque gubernet, quaque non sua cuique pro meritorum dignitate præmia, vel penas huius intra spatia mortalitatis definit, atque irrogat, illud pari passu suadet, iure ergo naturali superstitem esse animam, rationalem temporariæ ipsius homini mori, quòd si superstes est, & non perit naturaliter, hoc ipso quòd extra corpus egreditur, ergo nec est vlla virtus naturalis, quæ in simplicem iam, in compositamque substantiam actionem destructiuam intendat; vnde, quæ semel habet extra corpus substantialiter incolumis existere, per consequens habet ergo semper existere.

Ne-

119. Neque adhæc dici potest, esse ergo animam formam assistentem, non informantem, quæ scilicet supra dignitatem sui corporis existat malè eidem proportionata, quippe quæ nec crescat crescente corpore, nec vulnerato, aut diuiso vulneretur, aut diuidatur: Falsæ enim sunt illationes istæ, quia possunt venire in proportionatam compositionem vnius etiam, quæ specie distantissima sunt; & conuenientia animæ cum corpore primùm in hoc, quod idem audiant, videant, simulque vel omnes, vel quam plurimas operationes naturales exercent, & rursum in hoc, quod licet anima intelligat, amet supra corpoream sphæram, non tamen sine corporis ministerio, alijsque in corpore consequentibus affectionibus satis monstrat informationem animæ rationalis esse, non assistentiam.

120. Quod autem habeatur in scripturis vnum esse interitum hominum, & iumentorum, & quod ex nihilo nati sumus, & post erimus tanquam non fuerimus benè explicatur, quo ad ista corporea, quibus fruimur, ad quæ contemnenda inuitamur, eo quod illis non simus fruituri plusquam reliqua animalia, & quod aliquando dicantur interfici animæ, illud figuratè sumitur pro

ipso toto composito, quod est homo.

121. Quod attinet ad primam animæ rationalis potentiam, quæ est intellectus, communis doctrina distinguit in duplicem, agentem scilicet, & passibilem; & intellectum quidem agentem aiunt esse vim animæ se se conuertentis ad phantasmata, species scilicet materiales, quibus sensit. uè obiectum aliquod perceptum sit, eaque specularis, & illustrantis, & spiritualizantis abstracta seu producta ex ipsis specie intelligibili, ac spirituali; Intellectum verò passibilem esse facultatem ipsam receptiuam huiusmodi specierum spiritualium, quæ inde dicuntur impressæ, quod primo imprimantur intellectui, ipsum porro his adiutum iam intelligere, hoc est speciem expressam intellectualem producere.

122. Verùm, vt crediderim, quod ista valde allegorica apud sapientissimam antiquitatem habuerint bonum sensum, ita breuiùs, & clariùs arbitror explicari, si absque tam multis intellectuum distinctionibus, ac muneribus hunc statuiamus ordinem intelligendi: quod ubi sensu externo obiectum aliquod perceptum sit, illud etiam sentiamus statim internis sensibus, vel quia motu locali spirituum animalium species sensibiles de-

deferantur ab externis sensibus ad internos, quod prorsus non crediderim, vel quia propagentur eæ species per organa, & media opportuna ab externis sensibus ad internos, quomodo aliæ qualitates, ipsæque species propagantur ab obiectis per sphæram actiuitatis eorum, ubi in apta media incidant, vel præ sympathia vnius partis animæ (loquendo de materialibus) cum altera, unde fiat, quod facile moueatur vna pars altera mota, vt contingit in aquis, alijsue corporibus sic moueri partes a partibus: vel demum, si sermo sit de anima rationali, quia illa est indiuisibiliter eadem in toto corpore, proptereaque, quod in vna parte corporis percepit, benè ipsa eadem, meliore in organo potest vi sua tum sensitiua, tum intellectiua magis vsque, & magis intensius, ac repetitis cognitionibus intelligere.

123. Etenim hæc anima tum præ libertate sua, tum præ sua naturali, vt ita dicam, progressiua operandi excellentia non est huiusmodi causa, quæ operetur circa sua obiecta statim, quantum potest; Sed hoc præstat successu cognoscendi, ubi intensius se se applicet, & varijs progressionibus, & comparatio-

tionibus, se exerceat : bene ergo potest absque vlla hinc inde delatione specierum, absque vlla propriè sic dicta speculatione, vel illustratione, & spiritualizatione phantasmatum, absque eo quod ad illa conuertatur : bene inquam potest, quod sensu, & phantasmate præcognouit, directè meliore virtute, intentione, attentione apprehendere, cognoscere, ac quasi versare, vel primò formet obiecti speciem impressam spiritua-lem, simplicem, & correspondentem apprehensioni, atque inde iudicio, & discursui, vel non formet ; sed expressam tantum, quæ postmodum, vt pote residens in memoria, vicem, & munus speciei impressæ fortia- tur.

124. Obiectum intellectus nostri amplectitur naturaliter tum corporea, & sensibilia, tum spiritualia, & insensibilia, quantum ex per se primo sensatis progressionem cognoscendi comparatua, & discursiua possumus intelligendo procedere : vnde & de Deo ipso plurima, licet abstractiue, & valdè impare intellectione percipimus ; loquendo autem de cognitione supernaturali, terminum illa non habet, cum possit Deus ostendere finitè in infinitum plura, & perfectiora.

125. An autem in intellectu ad-
mittendum sit & verbum mentis , &
proportionaliter dictio verbi : responde-
tur affirmatiue , ita vt verbum mentis
sit ipsa expressa cognitio , & repræsen-
tatio obiecti , vel prima , vel secunda ,
vel tertia operatione cogniti , dictio au-
tem sit ipsa huius verbi productio : &
verbum quidem mentis intransitiue en-
titas realis est à potentia cognoscente
distincta , vel verum sit verbum mentis
vel falsum : dictio verò verbi est ipsa
actio productiua , quæ realiter ab ipsa
intellectus virtute actiua non distingui-
tur , vt supra de omni actione in genere
iam docuimus .

126. Intellectum excipit memotia
rationalis facultas probabiliter diuersa
secundum organum ab intellectu ; sed
certè diuersa secundum operationem ,
quatenus mirum in modum est recep-
tiua , & retentiua specierum intellectus
dum nihil intelligimus , & rursum ex-
citatiua earumdem , vel casu , vel per
factum intelligendi ordinem , vel etiam
secundum voluntatis imperium , & na-
turalem conatum : vel istas species re-
cipiat ipsa propagatas localiter secun-
dum virtutem organorum , vel propa-
gatas causaliter more cæterarum pro-
paga-

pagationum : vel illas fabricet ad similitudinem specierum , quibus intellectus operatur , vel easdem numero ipsa recipiat iam non amplius habituras titulum ; ac munus verbi , aut speciei expressæ , sed habituras munus impressæ .

127. Voluntas, appetitus scilicet animæ rationalis, potentia libera , seu libertas est : quod est esse potentiam , quæ instructa omnibus sibi debitis requisitis , vel adminiculis ad operandum , & appetendum , sicque constituta in actu primo proximo , ad huc tamen potest operari , & non operari : hoc est appetere , vel non appetere ; imò etiam operari oppositum , velle , scilicet , & nolle : quod est esse liberam libertate contrarietatis , & simul libertate contradictionis ; seu non minus quo ad exercitium , quàm quo ad specificationem .

128. Quod ita intelligendum est , non quasi omnis appetendi actus sit formaliter liber, etenim appetitus eius sensitivus hoc est correspondens potentijs sensitivis internis , vel externis , ut sic , si nihil aliud adsit , quo habemus sensibilia non raro appetere , utique appetitus necessarius est , & non liber : imò
sæpe

sæpe contingit , quòd necessarius sit appetitus rationalis , & intellectiuus , vbi vel erga insensilia , vel erga sensilia , sed intellectualiter cognita fertur , anima interim aut prorsus nihil intelligente , aut minus aduertente alia bona , quorum varietate propositam habeat materiam , circa quam se se electio libertatis exerceat .

129. Etenim , cum appetitus omnis natura sua feratur erga quodcumque sibi bonum , hoc ipso , quod obijciatur propter proportionem inter potentiam , & obiectum , qua data actus habet sequi , utique nullus actus appetendi liber esse potest , vbi vnico tantum bono moueatur : sed necessario ad illud vnicum fertur , cum & propositum sit , hoc est sit quodammodo in sphaera actiuae vitalitatis animæ (vita autem semper , si potest , operatiua est) neque in dato casu habeat vllum motuum in oppositum , cuius in gratiam , aut suspendat actum , aut ad aliud bonum conuertatur .

130. Et vero ita potens est sui libertas voluntatis humanæ , vt vbi plura bona proposita sint maiora , vel minora , vel æqualia , vtcunque etiam ea examinet , & comparet ad inuicem ;
tamen

tamen possit etiam ad quodlibet ex bonis propositis ferri, & quodlibet ex iisdem omittere. Adeo ut licet ad maius, vel melius magis naturaliter inclinetur; tamen possit etiam sciens, & volens anteferre minus, & imperfectius: unde reddi ratio non possit (nisi secundum congruentiam quandam) ex natura bonorum, vel proponentis cognitionis, cur hoc potius, quam illud amet atque eligat, cum sic ipsa voluerit, iusserit, fueritque pro ratione voluntas.


131. Præter actus voluntatis formaliter liberos habemus alia quoque liberè operari alijs potentijs: liberè enim intelligimus, liberè mouemus localiter; Sed sunt isti actus liberi libertate extrinseca, & imperata, non libertate formali, & intrinseca; pro ut enim bonum est intelligere, aut moueri, aut alijs operari potentijs, habet voluntas id adamare, vel nolle, unde sequentur actus, quasi ab imperante, & Regina cæterarum potentiarum. Obiectum voluntatis est ratio boni quodcumque tandem, ut talis: unde bonæ quoque appetitus sensitui excipit etiam voluntas meliore appetitu; sicut intellectus obiecta sensuum meliore percipit

pit cognitione.

132. Distinctio appetitus sensitivi a voluntate, seu appetitu rationali, vnde bene diuidimur in portionem superiorem, & inferiorem admittenda est, vt non sit tamen duplex reale principium primum eiusmodi duplicis appetendi actus, licet habeat exerceri altero repugnante, & eligente contrarium; sed tantum, vt ille sit vis appetitiua rudior, pro vt sensibilibus necessario afficitur, hic excellens & inorganicus, pro vt ratiocinatione facta de propositis bonis eligit sequi, quod placeat.

133. Quæ non magis distinctionem important, quam distinguatur aut oculus, qui modo intensior, & applicatior, modo remissior, & minus aduertens videat obiectum, aut intellectus, qui erga diuersa feratur simul, & erga alia tenuiter, erga alia operosius. Sed vno verbo dicendum etiam est nullas animæ potentias appetitiuas, vel cognoscitiuas, vel etiam loco motiuas distinguere vel ab anima, vel ab inuicem inter se vlla vera intrinseca distinctione; sed tantum secundum denominationem extrinsecam in ordine, vel ad diuersum organum, & obiectum, ad quod feruntur, seu in ordine ad diuersum modum,

dum, quo in idem tendant obiectum,
 quod tandem est in ordine ad diuer-
 sos effectus, quos eadem anima
 hic, & nunc partialiter vir-
 tutem suam exercens
 operari ha-
 bet.



PARS QVARTA

MERIDIES,

ſeu

METAPHYSICA,



1.



ETHODVS, quæ
nobis viſa eſt præ-
ſenti inſtituto op-
portunior, iam de-
ducit ad quæſtio-
nes metaphyſicas;
quarum, cum plu-

rimas in antecedentibus tractare neceſſe
fuerit, reliquum eſt, vt exequamur illas,
quas nondum attigimus, & verò peculia-
ribus etiam titulis Metaphyſica ſunt, hoc
eſt longè minus cum rebus Phyſicis natu-
ra ſua permixta, ac proinde hoc loco
etiam, meridiano ſcilicet cælo, digniora.

Ca-

Cæcutit enim verò ille in meridie , qui metaphysicæ scientiæ luce omnium maxima simul , & directissima non capitur , atque illustratur . Cum autem ipsam quæstionem proemiale de natura scientiæ metaphysicæ alio loco expediuerimus statim ad ipsum metaphysicæ obiectum veniamus .

CAPVT I.

*De Natura entis, vbi de Possibili ,
& Negatiuo .*

2. **R**ationem entis simplicissimam , ac in plures rationes equè primas indiuisibilem , proindeque , vt part. pr. num. 31. & 32. dicebamus , per se primò notissimam , mirum dictu non pauci satis malè nosce videntur . Plato in sophista ait difficillimum esse statuere , quid sit ens , alij se se referentes ad ipsum terminum significatiuum entis , illum diuidunt in participiũ , & nomen , & iuxta rationem termini significatiui , duplex ens statuunt : Alterum definientes esse , id quod existit , alterum , quod dicit aptitudinem ad existendum ; sed planè offendimus in limine , tùm si dicamus ens esse difficile cognitu

gnitu, cum cætera sint ipso ignotiora, & tantum ex evidentia eius cognoscibilia, tum si inexplicabile dicimus, esto enim non dicat ens plures rationes essentialès, & primas, puta genus, & differentiam, quibus constituatur; benè tamen dicit plures rationes posteriores, ac proprietates, quibus declarari potest, vel etiam quasi digito demonstrari alijs verbis, quid est quod dicimus, quando dicimus ens; neque minus offendimus in limine diuidentes ens, secundum quod significatur vi nominis, vel participij, cum nec aut nomen ens, aut participium ens, vt sic aliam, & aliam rationem entis significet: nec sit diuersa ratio entis vt sic alio, & alio nomine explicabilis.

3. Illud verum est, & (liceat dicere) notatu dignum, quod cum termini, quibus loquentes vtimur, deputentur ad significandas res, quas cognoscimus, easque significant etiam, prout cognoscimus; cumque obiecta cognoscamus actualia, & possibile, tum quando existunt, tum quando præterita sunt, vel etiam antequam existant, cum scilicet tantum futura, vel merè possibile sunt; per consequens inde fit, quod & terminis vtimur ad significandum obiecta secundum hanc diuersitatem non quidem (vt fortasse oportebat, & cõmodius fuisset ad scientias,

tias, licet longè difficilior, & incommo-
 dius ad perdiscenda idiomata; ita ut alij
 significant res existentes, alij præteritas,
 alij futuras, vel possibles; sed ita ut unus,
 idemque terminus eandem rem in qua-
 cumque differentia temporis significet,
 prout hic & nunc variè vel per se, vel cum
 alijs usurpantur; & sic hæ voces, Buce-
 phalus, Adam, Troia, cæteræque hu-
 iusmodi idem nunc significant, quod si-
 gnificabant, quando existebant actu ipsi
 Bucephalus, Adam, Troia; & hæ vo-
 ces, Antichristus, dies futura iudicii il-
 lum ipsum realem Antichristum, & diē,
 qui de facto erunt, nunc significant, ut
 tunc significabunt, quando existent; alio-
 quin quis loquentes intelligeret, si aliena
 significarent, ut quis loquens de Patre,
 aut Leone, aut Urbe destructis intelligen-
 retur, si nomina, quibus significabantur
 viuentes, non significarent etiam, dum
 destructi sunt?

4. Quod autem in quamplurimis ter-
 minis contigit, id etiam in hoc termino
 Entis, imò, & in hoc termino Est,
 usuuenit, ut vnum quidem, idemque
 vniuocè significet, nempe ens existentia,
 seu existens; etenim, dum dicimus:
 Deus est ens, sol est ens, intelligimus
 existere, & esse ens existens, hocque
 idem significat hic terminus ens, vel est,
 etiam

etiam si non existat, ut cum dicimus Antichristum esse ens futurum, vel possibile. Neque verò ideò hic terminus ens diuersa significat, quia obiectum, vel significatum ipsius modo existat, modò non existat, sicuti non ideò hic terminus, Princephalus, significat diuersum equum nunc, quàm significaret tunc, quando erat ipse equus Bucephalus, nulla est enim facta, nec vlla sit variatio in vi significatiua nominis per hoc, quod obiectum eius varietur, ut non variatur statua cæsaris per hoc, quod cæsar ipse modò existat, vel non existat.

5. Quo fit, ut licet, quæ actu non sunt, verè nihil prorsus in se sint, tamen vera esse, & entia dicantur, ut possibilia, vel futura, vel præterita, non quia vllum nunc esse habeant, sed quia, ut cognoscuntur, licet non sint, sic & nominari possunt, & nominantur ut Troia, & Bucephalus, & possunt prædicari de ipsis rationes eorum natiuæ, abstrahendo ab eo quod hic, & nunc sint; quo modo imago Bucephali, aut cæsaris facta uiuentibus ipsis repræsentat eosden etiam nunc, abstrahendo ab hoc, quòd actu sint, vel non sint.

6. Dicendum est ergo ens esse id, quod existit; quo non definimus ens, cum propter simplicitatem sit proprie indefi-

M

nibi-

nibile, sed quasi digito demonstramus
 tacentes verbo, re ostendentes existens,
 & dicentes illud tantum esse ens, ac in
 ipso consistere rationem entis veram, &
 perfectam, nec inuoluentem in se ipsa
 summam illam falsitatem, & imperfec-
 tionem, quæ in contradictione sita est,
 atque adeo non dicentem esse, & non
 esse, sed merum esse simpliciter.

7. Hæc ratio entis certa est; quid enim
 euidentiùs, quàm quòd existens sit ens?
 Imò, si mens læua non esset, deberet
 etiam esse euidens illud tantum esse ens,
 quod est existens, ratio enim existentis
 non est ratio differentialis, neque con-
 tractior, quasi ens vniuersalius acceptum
 diuidatur in possibile, & existens, quid
 enim est illud ens vniuersalissimum?
 quod minus potest, cum sit ineuidentis-
 simum, indigitari (indigitari enim non
 possunt, quæ non euidenter apparent)
 quod si ratio existentis est simplicissima
 ratio, ergo ipsa est ipfissima ratio entis,
 eiusque constitutiva, & nihil addens su-
 præ Ens, vnde per consequens erit con-
 uertere Omne ens est existens, & Omne
 existens est ens.

8. Proinde cum constitutiva, & diui-
 sua cuiuscunque rationis sint idem, non
 solum euidentiùs est quid sit ens
 propter dictum eius simplicitatem; sed
 etiam

etiam æque euentissimum est quid non sit ens, sicuti quo modo cognosco quid sit homo, cognosco etiam similiter, quid non sit homo; ac propterea euentissimum est, & constantissimum omnibus, quod nec possibilia, nec entia negatiua, vel priuatiua vt talia, & sic neque futura, neque præterita veram habent actu rationem huiusmodi entis, adeo vt absurdum videatur non solum tenere quod ista sint ens, sed etiam parum admodum rationabile sit de huiusmodi dubitare.

9. Neque enim dici potest euidens quidem esse, quod possibilia, negatiua, & sic de cæteris, non sunt ens, nempe illud verum ens simpliciter sic dictum supra nobis explicatum; sed tamen dubitari posse, an detur alia ratio entis, secundum quam illa sint ens aliud longe minus, & imperfectius: cum id, de quo dubitatur impossibile sit, quod sit primò ac per se euidens, ac proinde ex primo euidenti tandem probandum sit: non est autem hic aliud primò euidens, nisi ipsum simpliciter ens, & existens: iam verò vtique hæc ratio entis veri completi, & existentis erit inepta ad demonstrandum de his alijs imminutis essendi rationibus, quibus vel ens existens opponitur contradictoriè vel non est superius, & tamquam genus, nec per consequens con-

tinger probatio à priori , & tamen probatio de ente metaphysica res est, & a priori argumentari videtur .

10. Veruntamen, ut ut ista certa esse videantur, facit nihilominus locum quæstioni partim æquiucatio nominum, quibus appellamus entia, ipsa non entia, & dicimus, ait, Philosophus, quæ non sunt esse non ens, partim difficultas saluandi veritatem cognitionum, & propositionum, quas facere solemus, quasque consideramus in Deo de rebus possibilibus, & impossibilibus præteritis, & futuris, priuatiuis, & negatiuis; quæ videntur non posse esse veræ, nisi ista earum obiecta aliquale tandem esse habeant a parte rei.

11. Sed tamen dicendum est primò possibilium in statu meræ possibilitatis nullum prorsus esse actu ens, ne imminutum quidem in se ipsis. Neque enim sunt ens, quia aut illa causauerit aliquo modo intellectus Diuinus ipsa cognoscens, cum nec ratio intelligendi ut sic, nec ratio intellectæ Diuinæ habeat dare huiusmodi verum ens diminutum (qui enim, & vnde id probetur ?) & de facto non det vel sibi se ipsum intelligendo, vel rebus iam creatis item illas intelligendo: neque causatum est huiusmodi ens diminutum possibilium a potentia Diuina, quæ

quæ nec intrâ, nec extrâ se causat quidquam necessario, possibilia autem sunt possibilia necessario; & æque inintelligibilis est hic modus causandi rem in esse diminuto possibilitatis, cum omnis vera causalitas appellet actualem rei existentiam.

12. Multò minùs dici potest possibilia esse ens per se, & a se, non ab alio, quia ly, esse a se, importat independentiam, ac proinde maximam perfectionem essendi, quæ utique enti diminuto possibilitatum non conuenit, & si existere a se dicit infinitam, & diuinam perfectionem, quare summam perfectionem non dicit ipsum esse a se ita ut non dependeat ab alio? imò sicuti communiter admittitur, quòd ipsum existere a se ideo importet infinitam perfectionem, quia, quod sic existit, non habet unde limitetur, nec ab efficiente, nec a subiecto, vel alio consimili titulo, cur non erit diuina, & infinita perfectio ipsum esse a se, cum similiter non sit inuenire prius opportunum, unde limitetur.

13. Est etiam illud difficile, quia, si essentia possibilis, puta Petri, Antichristi, mea, antequam existat, actu verè est aliquod ens, & suprâ nihil, utique hæc essentia, qualiscumque sit, non distinguitur realiter, vel modaliter a me ipso v.g.

M ; postea

postea existente; stultum enim esset, quod ego a mea essentia distinguerer, sed neq; identificatur, cum ego sim actu existens, & ens perfectum; Illa autem mea essentia non sit existens, sed tantum ens diminutum: Deinde vel ipsa perseverat in suo esse diminuto, quando ego existo distincta, vel identificata, & hoc est absurdum, tum si dicatur quod facta sit, & identificata rei factæ, tum si dicatur quod æterna sit, esto sit essentia rei noviter existentis: vel destruitur illa essentia mea æterna v. g. secundum illud esse possibilitatis diminutum, hoc ipso quod ego fiam, & hoc est æquè absurdum, quis enim destruit, aut tollit illud esse diminutum, & quodnam esse illi opponitur, ut stare non possit essentia mea existente me, imò quis destruit rem æternam, & necessariò habentem esse?

Et certè currit hîc illud, quod S. Greg. olim inferebat contra Euticiûm opinantem nobis resurgendum quidem esse, sed carne impalpabili, & aere, ac ventis subtiliore. Sic enim aiebat S. Doctor. 14. moral. c. 33. si post resurrectionem corpus palpabile non erit, sed invisibilis corporis subtilitas caro vocabitur, quamvis substantia carnis non sit, profecto alius est, qui moritur, alius qui refurgit. Dico enim vicuversa: si quæ, ante me existentem,

tem, dicitur actu fuisse essentia mea, accidentiumque meorum; tamen non palpabilis pro tunc nec visibilis nec discursiva fuit, utique nec caro nec os, nec prorsus essentia mea fuit, & alius est, qui fuit possibilis, alius qui factus est, & existit: Quod est absurdum manifestum, cum qui fit sit ille ipse, qui potuit fieri, & possibilis fuit; alioquin quomodo factus est, si ipse idem non fuit prius possibilis.

14. Præterea ipsum esse ens possibile vel verificatur de ipsis entibus possibilibus secundum illud esse diminutum, quod habent, antequam existant, & sic de reliquis prædicatis rationalis, discursivus, visibilis, & similia; vel verificatur de ipso esse postea existente, puta de Petro, & Paulo nunc actu existentibus antecedenter possibilibus. Si dicitur primum, absurdè dicitur, tum quia esse possibile est posse existere, at illa essentia, & diminutum esse Petri, & Pauli, certè non potest existere, nec mutare suam essendi rationem, tum quia illud esse diminutum nec est rationale, nec discursivum, nec visibile, cum verè discurrere nequeat, imò ne vivens quidem sit, nisi prorsus æquivocè; vel, ut verum est, verificantur illa de eo esse, quod habent de facto nunc Petrus, & Paulus existen-

tes actu; & eiusmodi esse non est ens diminutum, sed verum esse existentiae absolute sic dictum.

15. Et verò si possibilea ante actualem existentiam habent aliquod tandem esse verum, mirum est, quoniam loco sint, quod enim nullibi sint, & tamen sint, intelligibile est S. Aug., & est difficile assignare disparitatem, cur, quæ existunt, alicubi existant, quæ verò sunt non necessariò alicubi sint. Quod autem sint hic potius, quam illic, absurdè dicitur, cum non sit maior ratio, de hic, quam de illic, nec peti possit à determinatione Diuina, cum sint necessaria, & in signo priore, ac antecedente Dei liberam determinationem habeant suum esse possibile, sicut & absurdè diceretur, quod sint, ubi possunt existere, cum enim possit Antichristus existere in quibuscumque locis, nunquid nunc actu esse diminutum ipsius Antichristi est in quibuscumque locis.

16. Hoc si dicatur iam eiusmodi possibilitas Antichristi erit immensa, cum, ubique sit possibilis, & , ut ut diminutum ens, tamen computatis omnibus certè maior erit ipso ente existente Antichristi, cumque ex eo, quia verum est dicere Antichristus est possibilis, arguatur dari ergo, actualem nunc aliquam-
illius

illius essentiam, quid ni ex eo quod est verum dicere Antichristus est possibilis & hic, & ibi, & ibi, & sic de cæteris locis, arguatur similiter ergo eiusmodi essentiam Antichristi diminutam vere esse actu hic & ibi, & in omnibus locis.

17. Facit difficultatem propè unicam (& aliqui censent insolubilem) quod de possibilibus huiusmodi entibus formamus cognitiones veras, illaque Deus inteligit: ergo illa nunc esse terminos, & fuisse ab æterno objecta cognitionis diuinæ in mente ipsius, & habere aliquod esse a parte rei, cui veræ cognitiones conformentur, alioquin verè esse non possent, & intuens possibilia haberet Deus scientiam de nihilo

18. Verum sicuti imago cæsaris optima, & vera imago eius est viuo cæsare, & mortuo, & annihilato etiam, & sicut oculus intuitiue videns parietem, verè adhuc illum videbit, & si annihiletur paries, modo conseruentur miraculosè in oculo species illius impressæ, quia non dependent essentialiter nec oculus ab existentia objecti, nec imago ab existentia prototypi: imò sicuti auris accepta specie soni audit sonum, quem probabile est iam esse destructum, ità potest intellectus tum diuinus, qui est essentialiter species cognoscibilium, tum creatus, si habeat species

M S im-

impressas, cognoscere cognitione vera-
res, vel existentes, vel possibiles sint, etiam
si nullum actu habeant esse, dum cogno-
scuntur.

19. Et de facto Deus ab æterno co-
gnovit (ut demus hoc aduersarijs) non
solum illud esse diminutum, quod mun-
dus habuit in statu possibilitatis suæ, ve-
rum etiam ab æterno cognoscit illud esse
reale existens, ac perfectum, quod ha-
bet de facto nunc, & secundum quod
non fuit ab æterno, cum hoc de nouo
factum sit. Quod si ab æterno Deus co-
gnovit hoc esse existentia, quod nunc ha-
bet hic mundus, quodque non habuit ab
æterno, ergo stat, quod cognosci possit
aliquid, & quidem vere, licet nullum
habeat esse tunc, quando cognoscitur,
ergo sine villo fundamento arguitur possi-
bilia in statu possibilitatis habere aliquod
esse, ex eo quod cognoscantur, cum ma-
nifestum sit Deum cognoscere ab æterno
esse existentia rerum nunc existentium,
quod esse existens ab æterno non erat,
sicut nunc est.

20. Imò sicuti hoc ipso, quod Deus
potuit vel ante decem, vel ante centum
millia annorum facere hunc mundum,
qui de facto est, potentia certè non ver-
sante circa mundum illum diminutum,
qui nec est, nec fieri potest, sed relata, &

ver-

versante circa esse existentiae, hoc est circa factibile, sic enim decet potentiam, factiuam, & sicuti artifex creatus versatur tum cognitione, tum potentia operatiua circa domum factibilem realem exituram, quæ non est, non verò circa aliquod esse diminutum domus, quod sit, quis quæso prohibet, quod Diuinus intellectus & ipse versetur circa eadem factibilia, circa quæ versatur omnipotentia, quam proinde quodammodo dirigit intelligendo, & cognoscendo mundum factibilem, antequam faciat, quem secundum illud esse reale existentie, quod voluntas decreuit, omnipotentia etiam si non esset, & antequam esset, nihilominus fuit factura. Et vero inintelligibile foret, quod Deus fecerit hoc esse completum perfectum, & existentie absque eo, quod illud ipsum in pondere, numero, & mensura cognouerit, antequam faceret, nec eentè ipsum cognouisset satis, si ipsius tantum essentiam, esseque diminutum, quod diuersissimum euidenter est, cognouisset.

21. Quod si ergo contingit, imò Deo necessarium est cognosci entia completa, & in esse existentie eo etiam tempore, quo non existunt, atque adeo, quo secundum illud esse existentie nihil prorsus sunt, quando cognoscuntur, per conse-

quens æque necessarium est posse ergo veras esse cognitiones huiusmodi tendentes in possibilia, licet actu nullum esse habeant, tùm quia omnis cognitio Divina vera est, tùm quia sunt veræ cognitiones illæ, quæ naturaliter appetuntur, cuiusmodi sunt cognitiones possibilium, & sic præteritorum, ac futurorum.

22. Vnde rursum sequitur, non ergo requiri ad veritatem cognitionis, quod obiectum ipsius habeat aliquod verum esse actuale, sed sufficere quod habere possit, vel habuerit, aut habiturum sit, pro vt nata est exprimere intellectio, quæ natura sua fertur in obiectum, tùm notans tempus realis existentiae, tùm ab ipso abstrahendo, vt abstrahit vera pictura, vel visio sensitiva. Sicut enim veritas, vt est relatio prædicamentalis, dicit conformitatem cognitionis cum obiecto, conformitas autem absolute est duorum conveniens formitas, ita ad veritatem perfectam cognitionis, quantum ad cognitionem attinet, sufficit quod ipsa sit rite formata, seu cum tali forma in exprimendo, qualem habeat, vel habere possit obiectum in essendo, neque vlla vnquam ratione probari potest, quod ad veritatem, ac bonitatem cognitionis requiratur absoluta, & actualis sui, & obiecti cõformitas actualis, & in statu essendi naturaliter posita.

23. Et verum quidem nunc est dicere Antichristum esse possibilem, vel futurum, & res præteritas, & annihilatas iam fuisse, iterumque esse posibles, & ided Antichristum esse possibilem, quia ipsius essentia, cum consistat in esse animal rationale, non implicat contradictionem, & sic possibilitatem possibilem dicere certam essendi perfectionem, quam non dicunt impossibilia, & habere aptitudinem ad essendum, & terminare cognitionem, ac potentiam diuinam, & si quæ alia huiusmodi. At ratio cur veræ sint istæ propositiones, non est quia ipsis correspondeat obiectum in esse actuali nunc, quando propositiones existunt, sed quia correspondet ampliatiuè, & secundum esse, secundum quod exprimit propositio, quæ non exprimit obiecta esse nunc, & sicuti cognitio sic exprimit obiecta nunc, quæ tamen nunc nullum esse habent, sic termini vocales correspondentes eiusmodi cognitioni, quam quis facit nunc, puta, essentia Antichristi est possibilis, verè significant nunc subiectum, & prædicatum, non habentia nunc verum esse, sed potentia habere, vnde stat, quod non sit a parte rei nunc vera possibilitas rerum, non existentium, & tamen sit nunc vera propositio, quæ fiat de possibilitate earundem propter rationem datam, quod

& cognitiones habent cognoscere, & termini significare etiam, quæ non sunt.

24. Ad ista consequens est, quod non distinguatur realiter essentia ab existentia, & verò non sunt ab inuicem separabiles; omnis enim existentia quidditas est, & esse aliquod, & omnis essentia actualis, hoc ipso quod verè essentia est, est etiam intransitiuè existentia, & sicuti ens, & existens realiter idem sunt, idem necessariò sunt etiam essentia, & existentia, vnde esse cuiuscunque rei est suum existere, non quatenus hoc dicitur de solo Deo ad significandam summam eius: essendi perfectionem, qua inuoluit in suo conceptu necessitatem existendi, non verò meram potentiam ad existendum, sed merè quatenus indistincta res sunt esse, & existere.

25. Si verò essentias esse possibiles: sufficeret, vt illas distingueremus ab existentijs, iam etiam essent distinguishendæ: existentie possibiles ab existentijs actualibus, cum se habeant tam essentia, quàm existentia quoad hoc eodem modo; essentia enim possibilis in statu possibilitatis nihil est, vt etiam nihil est existentia possibilis, & sic benè distinguitur tum essentia possibilis ab essentia actuali, tum existentia possibilis ab existentia actuali: Neque essentie sunt æternæ, existentie
verò

verò temporaria, sed utraq; extra Deum sunt temporaria, esto essentia dicantur æternæ in ordine ad scientias, quatenus æternæ veritatis est cognoscere, & enunciare, de ipsis, abstrahendo non ab existentia possibili, sed ab existentia temporaria.

26. Quare idem realiter significant ens, existens, essentia, entitas, existentia, esto rationes diuersas, aut diuersam conceptionem earum significant; essentia tamen accepta, non pro ut dicit ipsum, esse cuiuscumque rei, primumque principium proprietatum eius, sed pro ut dicit meram quidditatem, & rationem essendi, tantum abest quod realiter, vel ex natura rei distinguatur ab existentia, ut ne distinguatur quidem ratione, cum formaliter utraque dicat meram rationem essendi, vel, quod idem est, existendi.

27. Dicendum similiter est, negationes, aut priuationes, ut negationem dicunt, non habere ullam veram utcumque imminutam rationem essendi, tum quia valet quod supra dicebamus de possibili-
bus; non enim habere huiusmodi esse factum a Deo, sit enim tantum verum ens; neque habere esse a se: sed rursus neque habent a Deo, hoc ipso quod non fecerit formam, seu esse oppositum negatio-

gationi, quia sicuti eiusmodi negationes non sunt a Petro per hoc, quod ipse hæc, aut illa positiua non fecerit, ita hæc vel illæ negationes non sunt a Deo, qui opposita earum positiua non fecerit: Est etiam difficile statuere locum negationibus, quæ si habeant aliquod tandem esse, cur prorsus nullibi sint? Statuere autem illas in certo loco non licet, cum vbique sit negatio Antichristi, vel alterius mundi, quodammodo tam immensa, quam Deus; vnde, sicut de possibilibus dicebamus numero 15. & 16. iam computaris omnibus negatio Antichristi, ut ut sit ens diminutum, maior erit toto esse positiuo Antichristi.

28. Deinde vel negationes distinguuntur ab eo, de quo dicuntur, v. g. negatio lapidis a Petro, vel non; si non distinguuntur vlllo vero modo, ergo realiter identificatur negatio rei positiuæ, vnde iam esse & non esse sunt vnum, & idem, quod est identificari contradictoria: Esto enim esse Petri, & non esse lapidis non sint contradictoria, ut ita dixerim, secundum speciem essendi, & non essendi, benè tamen sunt contradictoria secundum genus, cum esto sint Petrus quidem tale ens, negatio lapidis tale non ens, tamen vtrumque absolute sint iam simul ens, & non ens. Si verò negatio lapidis in Petro
di-

distinguitur ab ipso, quæ tanta connexio inter tam distincta, ut tamen numquam ab illo possit auferri? Deinde difficile est statuere, quomodo afficiat Petrum ista entitas diminuta, imò quomodo afficiant Denna tam multæ negationes, quæ de ipso dicuntur, an enim verè Deus quasi subiectat istas entitates diminutas; & si Deus non subiectat, quomodo his negationibus afficitur, vel quasi afficitur, ac denominatur non lapis, non aurum, vel quomodo tam fortes sunt, ut per se stent sine ullo subiecto?

29. Est etiam illud incommodi, quod negationes, quæ de nullo existente prædicantur, ut non esse Antichristi, non esse rerum possibilium, per consequens nullo modo in subiecto sunt, ac proinde etiam negationes formarum accidentalium, erunt substantia tandem aliqua diminuta, imò & infinita actu numero entia negativa existunt iam, prout finita in infinitum saltem positiua facta non sunt: quæ incommoda, cum satis malè vitentur, nolimus pluribus confutare.

30. Præterea neque contradictoria opponerentur se totis, si non entia per hoc essent aliquod verum ens, utcumque diminutum; aliud enim ens, & aliud ens, ut talia, non sunt contradictoria, & sic veræ essent duæ propositiones contra-

di-

dictoriae .sc. ista : Non ens, seu negatio est ens, & opposita huic, Negatio, seu non ens non est ens, Vnde iam non est evidens, quòd duarum contradictoria- rum altera sit vera, altera falsa. Cum, verò hoc esse negatium certè non sit ens absolutè sic dictum, sed aliud, utique vel est sub genere entis realis simpliciter, & hoc non; participaret enim rationem generis sui, vel est sub alio genere vniuersaliore, & opposito enti reali, & hoc minus, illud enim vniuersalius genus, ut pote vniuersalius, & simplicius ente reali simpliciter, deberet esse euentissimum, cum sit natura prius, & abstractissimum, & tamen est obscurissimum, & indeclarabile, ut tentanti patebit; vel est ita oppositum, ut non sit sub genere, & item inexplicabile est, ac obscurissimum, cum nec sit per se notum, nec, ut pote simplicissima ratio, sit definibile.

§ 1. Quod enim dicatur esse ens negatium, non satisfacit, ut quærenti, quid sit homo, non satisfaceret dicendo esse ens humanum, sed & est inintelligibile, quod sit negatium illud, quod affirmatur esse: Et verò, cum negatio non existat propriè, & more veri entis, non habemus cognoscere, quo ergo modo sit verum ens, aut existens; quod enim aiunt existere negatiuè, falsum est;
vel

vel enim ipsa negatio puta Antichristi existit negatiuè, quo modo negatiuè existat Antichristus, & hoc non, cum per hoc existere negatiuè Antichristus intelligatur, quod nullo planè modo existit, nec vllum prorsus est ens; Vnde si negationem eius existere negatiuè, sic explicetur, planè ipsa negatio nullum erit ens; Vel negationem existere negatiuè est existere verè, sed diminutè aliquid, & hoc falsum est; tùm quia hoc est existere simpliciter affirmatiuè, & positiuè; tùm quia, quando existeret Antichristus, tunc verè non existeret negatio Antichristi, & tunc verum esset dicere existere negationem negationis Antichristi, vbi saltem esset Antichristus, vt existeret negatio Antichristi, vbi ipse non esset, quæ iam tollerentur, ac fierent hic, aut ibi, prout Antichristus postea moueretur localiter.

32. Vnde daretur negatio negationis, non solum in hoc casu, sed communissimè in quàm plurimis; hic enim lapis, hic Petrus v. g. vtique nec est Antichristus, neque est hæc, aut illa negatio Antichristi ergo si per hoc quod hic lapis, hic Petrus verè dicitur non esse Antichristus habet negationem Antichristi, eodem modo per consequens per hoc quod non est hæc, aut illa negatio Antichristi,

christi, habebit negationem huius, aut illius negationis, quæ quam incommoda sint tum propter processum in infinitum, tum propterea quod iam duæ negationes opponeretur contradictoriè, tum propter tantam diuersitatem entium, & non entium, arbitror etiam leuiter consideranti patebit.

33. Præterea nec est per se euidentis negationes esse aliquod ens diminutum, ut credo manifestum est, neque ex euidenti probari potest; nam si probatur, utique a priori, & metaphysicè probatur, ac proinde per principia entis, quod est impossibile, cum non probetur a priori, nisi ratio in ipso contenta; at non ens, & si diminutum sit, non continetur in ente positivo suo contradictorio; Ad summum probari potest quasi a simul (ut de facto, quasi dixerim, nescientes ordinem probationis suæ aliqui tentant) sed oportet prius probare, quod cognoscantur, seu certè notæ sint negationes, saltem quoddam quod sunt, quis enim mensuret, quod nescit an sit, ergo ut euidentis est negationes esse obiectum cognitionis vel fictum, vel reale, unde probent esse reale?

34. At dicimus negationes esse, & facimus propositiones negatiuas veras, ergo conformes obiectis, ergo sunt nega-

gationes, vt dicuntur esse; alioquin omnes propositiones negatiuæ essent falsæ, quod est vnicum fundamentum sententiæ, quam alicquin, ausim dicere, nemo non defereret, ac risu haberet. Sed aliud est propositiones negatiuas esse veras, & hoc benè dicitur, aliud negationes verè cognosci, & formaliter esse obiectum propositionum negatiuarum verarum, ita vt cognitiones veræ repræsentent ipsas negationes, & hoc falsum est.

35. Vt enim negationes nihil prorsus sunt, nullamque per consequens habent speciem, vel formam, vel delineamenta essendi, sic nulla dari potest cognitio, nullaque forma, aut species, aut delineamenta, quæ verè negationibus conformia sint; Sed falsa necessario est omnis cognitio; & forma cognitionis hoc ipso, quod repræsentat negationem; quæ certè non habet in esse eam formam, quæ a cognitione repræsentatur.

36. Neque verò quidquam ignorat, qui negationes formaliter non cognoscit, cum enim omne ens in positiuo consistat, per consequens omnis etiam veritas, & scientia in cognitione positiui consistet, & Deus perfectissimè cognoscens positiua omnia actualia, futura, præterita, & possibilis, hoc ipso perfectissimè cognoscit, quidquid apud nos imperfectè pro-

posi-

positionibus negatiuis explicatur, & ad hoc, vt cognoscatur Petrum non esse lapidem certè satis est intimè cognoscere Petrum, & lapidem, qui, vt distinguuntur se ipsis positiuè proscripta omni negatione, ita se ipsis cognoscibiles sunt distinguui, & de facto nihil aliud significatur per hoc: Petrum non esse lapidem, quàm Petrum esse alium a lapide, seu opponi, & contradistringui a lapide.

37. Similiter non esse alium Deum, non alium Mundum, non Antichristum, qui scit verè, & scientia euidenti, ille scit, non quia videat formaliter negationem horum, sed quia videndo omnia quæ sunt, videt illa, & illa solummodò, & esse alia ab Antichristo, seu non videns Antichristum; quod & hinc fit manifestum; si enim dicam verè cognitione physica Petrum non esse in schola, id licet dicam duce sensu visus; non tamen dico, quia viderim negationem Petri, quæ certè non est visibilis; sed quia visis quæcumque sunt visibilia in schola, seu quibuscunque ibi existentibus cognosco illa esse alia a Petro, nec ipsum ibi video; Vnde facile breuitatis commodioris gratia, iam non enuncio hæc & illa, & illa sola esse in schola, quæ foret responsio sufficiens, sed breuius enuncio Petrum non esse in schola.

38. Quæ est vera ratio, cur enunciationes affirmatiuæ sint priores negatiuis, cum negatiuæ non sint nisi figuratæ, breuiusque exprimentes negatione, quod affirmatiuè per prius iudicatum est; Vnde nulla de facto est, aut esse potest propositio negatiua vera, quæ terminis affirmatiuis veris explicari non possit. Et hæc in substantia est manifesta sententia Suar. in met. dis. 54. §. 2. nu. 22. vbi ait perfectam cognitionem negationis non consistere in hoc, quod ipsa directè, & per modum entis repræsentetur; sed in hoc, quod cognoscendo entia positiua in eis cognoscatur vnū non esse aliud, absque illa directâ repræsentatione ipsius negationis, vel priuationis, & hoc modo cognoscit Deus perfectissimè negationes ipsas, non quidem sine positiuo actu, & iudicio, quo Deus intuendo duas res, simplicissimè simul intuetur vnā non esse aliam; sed quia præter hunc actum Deus non habet alium ratione distinctum, quo apprehendat ipsam negationem per modum entis positiui. Ita Suar. loco citato in quo vides sumi ab ipso pro eodem cognoscere negationem per modum entis, & per modum entis positiui. Quod enim est, videtur inintelligibile, quod sit non ens, seu ens negatiuum.

CAPVT II.

*De ente rationis, & per
Accidens.*

39. **E**NS rationis est illud, quod
habet tantum esse obiectiue
in intellectu; Vnde nec ha-
bet esse reale in Deo, in cuius eminentia
essendi, vel omnipotentia efficiendi con-
tineatur, nec esse possibile in natura sua
obiectiua, sed absolute merus conceptus
obiectiuus est, seu fingitur potius, inuo-
luens contradictionem, & impossibilita-
tem essendi. Sunt aliqui, qui volunt etiam
impossibilia antecedenter ad animam,
habere de se aliquod esse diminutum,
more, aiunt, negationum, & possibilem,
sed & hoc falsum esse constare potest ex
supra dictis, & ex definitione, si rite ac-
cipiatur entis rationis, quæ excludit om-
nem veram rationem essendi.

40. Non est medium inter ens, & non
ens, cum verè non sit, & fictum esse
nihil sit in eo, quod fingitur; potest au-
tem fieri ab intellectu Angelico, & ab
humano ijs cognitionibus, quibus falso
cognoscere possunt, discursu .i., iudicio,
apprehensione complexa; necessario enim
ens

ens rationis dicit terminum complexum, cum semper sit conceptus obiectiuus inuoluens rationes, & prædicata contradictoria; atque adeo, utcumq; fictè vniantur, distincta semper aut distinguibilia realiter, tamen non potest nobis ens rationis occurrere, nisi tanquam terminus complexus, cum & si termino vocali incomplexo nominaretur, tamen occurrat quo modo primò factum est, cum aliam eius speciem non habeamus, & species aliena, qua utimur, semper duo facta complexa repræsentet.

41. Non potest fieri a Belluis, nec ab ullo sensuum externorum, quippe ista non percipiunt nisi obiectum sensibile, quod certè non est ens rationis: &, ut ut componantur ipsis vel a medio, vel ab inquietudine somni diuersæ sensibiliū species, quibus formas diuersas, habitusque rerum externos variè vniant, putamones, aut panes aureos, aut baculos fractos, aut colores alienos, & si quæ huiusmodi; tamen ista obiecta impossibilia non sunt, ut apprehenduntur a sensu, qui non vestigat, aut iudicat circà esse, vel non esse rerum (quod Metaphysicū, & insensibile est) sed versantur solum modò circà vnionem, vel diuisionem illam externam, quæ ad modum possibilis est. Porro Belluæ tēdentes in vnas pictas,

& similia, nec iudicant esse veras, nec apprehendunt ibi necessariò bonitatem, vllam non sensatam; sed trahuntur tanquam ad obiectum placens vni sensui, puta oculo, & inde propter naturalem connexionem placens appetitui, ac palato; quod obiectum inde etiam spernunt, vbi melius vel oculo, vel alio sensu percipiunt, tamquam sibi improporcionatum; Neque canis visa vmbra putat illam esse suum Dominum, sed concipit ibi per similitudinem Dominum, vel quid simile illi.

42. Quòd autem potentia sensitiva faciat ens rationis simpliciter, apprehenso obiecto in loco, in quo impossibile sit, quod existat, duas habet difficultates. Prima est, quia vtrum sensus apprehendit vlicationem obiecti, quæ non est sensibilis? esto enim tum canis, tum ego videam obiectum, & audiam sonum, qui est ibi, & tendam eò, vbi est obiectum, vel inde fugiam, num tamen, quia video, vel audio vlicationem eorum? Secunda difficultas est, quia impossibile est dari vllum ens creatum metaphysicè immobile, & alligatum huic, aut illi loco: quia non potest esse alligatum huic loco metaphysico, seu virtuali immensitatis diuinæ, cum vbique diuina immensitas sit eadem, nec possint creaturæ dicere

esse vllum essentialem ordinem potius ad hanc, quàm ad illam ipsius partem, cum verè non sit pars hæc, aut illa loci diuini; sed neque potest vlla res creata esse alligata essentialiter huic loco physico, vel mathematico, cum ipse locus non sit vlllo pacto essentialiter fixus, & alligatus, &, vt probamus alibi, nulla res creata alteri creatæ essentialiter alligetur.

43. Similiter non fit ens rationis ab vlllo appetitu; appetitus enim fertur in obiectum, secundum quod est, vel à parte rei, vel obiectiue in intellectu, in illud esse tendens, non illud sibi faciens; & sicut appetitus etiam dat ipse quoque denominationem obiecti sui ei, quod appetit, tamen non dat illi esse obiectiue, quod est proprium intellectus, vel cognoscitiue potentiæ, quæ hoc ipso quod repræsentat rem, quam intelligit, eam quodammodo format, & statuit, quo pacto, & vbi vult; vnde res quantumuis diffitas statuimus, & quodammodo facimus nobis esse coram ante oculos, secundum illam formam, & habitum, quem illis dare velimus.

44. Vt benè diuiditur ens rationis in id, quod habet fundamentum in re, & quod non habet fundamentum in re, & in Logicum, Physicum, ac Metaphysicū,

imò & secundùm decem prædicamenta; sic malè diuiditur in ens rationis secundùm quid, & simpliciter: indiuisibilis enim est ratio entis, vnde non potest vlli conuenire secundùm quid; & de facto, quod affirmo esse, cum non sit, in sensu diuiso, esse autem possit, absolutè est ens reale possibile, & si affirmo esse, cum non sit, in sensu composito, est absolutè ens rationis; cum sit simpliciter impossibile. Denominationes extrinsecæ veræ, aliaque huiusmodi dantia fundamentum entis rationis, esto faciliè non cognoscas sine ente rationis, tamen absolutè etiam ab intellectu humano cognosci possunt absque eo, quod faciat ens rationis.

45. Cognitio quæcumque formaliter versans circà ens rationis, illudue repræsentans, est absolutè falsa, licet possit esse vera secundùm quid, vel quatenus repræsentat partim ens reale, partim ens rationis, vt hæc propositio, homo non est chimera, vel quatenus nos propter infirmitatem nostram quærentes, & examinantes omnem regionem tum entis realis, tum veritatis, ac falsitatis cognitionum nostrarum de ipso impossibili, formatoque iam ente rationis discutrimus: Quo in casu cognitiones nostræ habent esse falsæ quidem simpliciter, cum quod repræsentant verè non sit, vt repræsentatur, sunt
tamen

tamen veræ ex suppositione eius, quod fictum est, seu veræ veritate secundaria; conformantur enim ei esse ficto, & falso, hoc ipso quod cognoscunt, vt fictum, & falsum, & fictas, ac falsas eiusdem proprietates; vnde qui directè cognosceret vera entia realia omnia, ille sperneret utique cognitionem entis rationis, quæ non nisi error, vel cum errore esse potest.

46. Deus summè sapiens, ac verissimus in omnibus suis cognitionibus, vt verè omnia cognoscibilia comprehensivè cognoscit, sic non cognoscit formaliter ipse per se ens rationis; Tùm quia, vt non est, sic nec datur eius species propria, & vera, qua cognoscatur: Deus autem non cognoscit per species alienas, tum quia, quidquid cognoscit Deus, cognoscit in se ipso, suaquemet essentia, quæ est species omnium verè cognoscibilium; at non est species entis rationis, numquid enim Deus est forma similis enti rationis, quod nullam habet formam? Tùm etiam quia, quidquid cognoscit Deus, non solum cognoscit in se ipso, seu se ipso, vt species rerum est, sed & vt in obiecto, & vt contentura in suo esse diuino: vt habent communiter Theologi ex S. Aug. lib. 83. quæstionum, quæst. 46. Non enim quidquam extrà se positum (ait S. Doctor) intuebatur Deus, vt secundum

id constitueret, quod constituebat, hoc est, ut explicat S. Thomas prima parte, quæst. 14. art. 5. nihil intuetur Deus extrà se ipsum, quod non intueatur in se ipso, unde articulo sequenti vult Deum cognoscere omnia in se ipso non solum in communi, sed secundum quasque differentias, secundum quod se ipsum perfectè cognoscit, ut continet, & participabilis est ab obiectis extrà se positis. Quas auctoritates non est explicare de entibus tantum factibilibus, quasi hæc sola velint SS. Doctores videri à Deo in se ipso, alia extrà se ipsum; planè enim sensus est, quod Deus quæcumque videt, ea prius videt in se ipso, quam in se ipsis; Unde inuisibile esse a Deo, quod non videt in se, quid enim aliunde emendicet?

47. Neque per hoc ignorat quidquam Deus, quid enim scitu dignum, imò quid prorsus scibile est, quod non sit scibile in Deo, vel ex Deo? & cum ens rationis non nisi falsò cognosci possit, error est, non cognitio ipsum cognoscere; Neque satis occurritur per hoc, quod dicatur Deus cognoscere speculatiuè non practicè, & non affirmando, quod est ens rationis; sed negando quod sit; Esto enim ista sint maior error, tamen adhuc est error, & falsitatem dicit etiam ipsum speculatiuè tantum cognoscere ens rationis ad

ip-

ipsummet negandum , quia verè eiusmodi cognitio formaliter accepta , & vt speculatiuè exprimens ens rationis alium Deum , chimæram , &c. est huius , aut illius quasi faciei , & formæ in repræsentando , vt nulli verè obiecto in essendo conformetur , imò vt nullum nec habeat , nec habere possit obiectum , cui in esse conformetur , quod si hæc non est falsitas , nec difformitas , iam difficile erit reperire vllam falsitatem , vel difformitatem .

47. Quod autem aliqui dicunt ens rationis habere aliquod esse diminutum , nempe impossibilitatis , cui conformetur eiusmodi cognitio diuina , hoc falsum est , & gratis dictum , nec per se notum , nec deducibile ex per se notis , & valent contrà huiusmodi esse multa , quæ in simili supra diximus contrà actuale esse possibilitatis , & entium negatiuorum ; Multò minus dici potest veram esse cognitionem entis rationis etiam si merè non habeat obiectum , eamque tantum esse falsam , quæ habet obiectum , sed sibi difforme , hoc enim absurdè dicitur , primo quia , inutilis saltem est ista cognitio ex confessione ipsorum , vt quid enim feratur in non obiectum , & sciat , quod non obijcitur , nec vlllo pacto est . Deinde vt proprietas est entis esse verum , &

scibile, sic non entis erit proprietas esse falsum, (vt habetur ex Arist. 3. met. cap. de falso) & non scibile: ergo ne Deus quidem potest cognitione vera scire, quod non scibile est .

49. Et de facto nulla fit apud nos quæstio nec de chimera, quid sit, nec de alio Deo, nec de alijs huiusmodi particularibus entibus rationis, cum non sint digna scitu, nec quidquam sciamus per ea, vnde ista contemnimus; quo modò negligimus cognoscere falsas historias, fabulasque aniles vt tales, quæ tantùm curiosè audimus, si quando veram, ac positiuam contingat adesse prerogatiuam narrandi, aut quid simile, sicut etiam entia rationis quoad aliquid aliquando tractamus, vt possimus cognoscere, quæ circa ipsa sunt, cognitiones.

50. At simpliciter aiunt veræ sunt, & dignæ scitu propositiones, cuiusmodi multæ sunt in scripturis, puta, Non est alius Deus præter me, &c. & quæ passim habentur in scientijs de impossibilitate rerum, Mundus ab æterno est impossibilis, impossibile est infinitum categorematicum, impossibile est idem simul esse, & non esse, Vnde maxima videretur esse ignorantia in Deo, si non cognosceret impossibilia. Sed longè alia veritas est in his propositionibus, quam veritas

ritas entis rationis ; veritatem enim , quam his propositionibus nos attingimus aliqua falsitate infectam , attingit Deus eminentius cognoscendo sine falsitate verissimum ens , quod eiusmodi formalibus propositionibus ad nostrum intelligendi modum accommodatis nos tendentes in ens rationis intelligimus .

§ 1. Deus etenim comprehendendo se esse vnicum Deum necessarium , solumque possibilem , cognoscit , quidquid veri nobis explicatur per hoc : alius Deus est impossibilis , idque longè melius , atque directius , quàm nos , & comprehendendo omnia alia possiblea tùm in se ipso , tùm in se ipsis , cognoscit illa omnia , & sola esse , quæ possiblea sint , vnde eminentius , ac melius intelligit quidquid nos veri explicamus , dicentes , Chimerâ , Hircoceruum , aliaque huiusmodi esse impossibilia . Et cum , quæ impossibilia sunt , non sint impossibilia in se ipsis , nec per repugnantiam , quam verè habeant , aut dicant , ergo non est huiusmodi impossibilitas in ipsis cognoscenda , imò neque datur impossibilium vlla ratio a priori vel in Deo , vel in alio ; vt enim eius , quod non est actu , nulla est actu causa , sic eorum , quæ non possunt esse , nulla propriè est ratio , cur esse non possint . Eodemque modo illud principium ,

Impossibile est idem simul esse, & non esse, melius cognoscitur per hoc: Quod est, necesse est esse, & hoc est axioma verius euidentiùs, imò simpliciter verum.

52. Et cognoscit quidem Deus, comprehendere que cognitiones creatas facientes ens rationis, & sic obiecta earum realia, & intelligit loquentes, ac disputantes de ente rationis, ritè comprehendendo omnes rationes reales, tùm locutionum, tùm cognitionum, omniaque obiecta realia; sed non proinde cognoscit obiectum hoc vltimum, scilicet ens rationis, neque vñionem obiectiuam, esto cognoscat formalem, Quod benè notauit Vasquez prima parte, disp. 118., cuius rei ratio sunt, tùm quæ suprà assignauimus, tùm quia, si Deus etiam sic cognosceret ens rationis, ergo exprimeret illud forma cognoscendi vtique non conformi suo obiecto, quod nullam habet formam, vnde cognosceret necessariò specie aliena, & falsa, & non intuitiue, quod absurdissimum est.

53. Nec valet contra ista, quod cognitio, & locutio sunt essentialiter relatiua ad obiecta sua, & ab ipsis specificantur; Vnde non distingueret Deus vnam ab alia, si earum obiecta non cognosceret: esto enim nos, qui omnia intelligimus com-

comparantes, & abstractiue, non possumus intelligere relatiua, nisi intellecto etiam eorum termino, in ordine ad quæ ipsa relatiua distinguimus, & explicamus, attamen Deus, omnisque intellectiue comprehendens potest comprehendere quamcumque entitatem realem, & quamcumque rationem eius intrinsecam, absque eo quod vllum aliud extrinsecum inde cognoscat; cum enim vniuscuiusque rei essentia, & rationes intrinsecæ sint, vt quid ad eas ritè peruadendas extrinsecum opus sit? Cognosci enim sequitur ad inesse, vnde si non constituor in esse formaliter per extrinsecum, sic neque per cognitionem extrinseci cognoscar. Et vt euidentius est, quod qui comprehendit entitatem, comprehendit omnes rationes eius intrinsecas identificatas, sic nulla est ratio probans, quod comprehendat aliquas etiam extrinsecas, (nempe sermo est hic de rebus creatis:) res enim visa, vt vt relatiua, non est ratio formalis videndi alterum intuitiue, & qui videt etiam comprehensiuè visionem beatificam Angeli, non ideò videbit intuitiue Deum.

§ 4. Quæ currunt etiam, vbi comprehensiuè cognoscatur entitas, vt relatiua, quia est quidem essenziale huiusmodi entitati, quod sit ad terminum,

seu quod sit ordo ad terminum, vt cognitioni v. g., quod sit repræsentatiua entis rationis, sed non ideò est his essentialē ly, ens rationis, seu terminus, esto sit essentialē ly, esse ad, & esse repræsentatiuum; Neque verò hinc sequitur, quod ergo Deus neque cognoscat terminos reales cognitionum, vel locutionum, vel relationum; aliud enim est dicere, quod non cognoscat illos ex his, & verum est; cognosceret enim abstractiue, & mediatè; quod Diuinæ perfectioni repugnat; Aliud est dicere, quod non cognoscat hæc, & illa realia esse obiecta huius, vel illius cognitionis, relationis, aut locutionis, & hoc est falsum. Hoc ipso enim, quod omnia cognoscit, & vt ita dicamus, tùm facies rerum, tùm facies cognitionum, per consequens cognoscit, quæ facies, quam faciem repræsentet, quæque terminet; sicut qui simul videt picturam Petri, & Petrum, absque eo quod discat ex pictura Petrum, videt eam esse Petri imaginem. Proinde distinguit Deus cognoscendo vnā cognitionem ab alia, vt illæ se ipsis distinguuntur essendo; Esto enim verus sit hic modus loquendi, cognitiones, ac relatiua specificari extrinsecè respectu nostri, quatenus nos ab extrinseco termino, vel obiecto speciem, & naturam earum.

earum cognoscimus ; tamen verè , vt vnaquæque res realiter se ipsa intransitiuè , vel relatiua , vel absoluta sit , constituitur in sua specie , & esse indiuisibili , ita intransitiuè a cæteris distinguitur ; vnde qui intuitiue illas videt , benè habet illas distinguere , absque eo quod ad extrinsecum intueatur , vt de factò nos duas statuas Cæsaris , & Pompei satis distinguimus merè videndo illas , esto non videamus earū obiecta Cæsarem , & Pompeum , non solum enim diuersæ cognitiones ordinantur ad diuersa extrinseca , sed dicunt intransitiuè diuersum ordinem intrinsecum , ergo satis distinguuntur , & specificantur per sua intrinseca .

55. Esse verò impossibile , quod Deus cognoscat per speciem alienam , & ex alio id , cuius non est ipse species propria , quodq; non cognoscit per se , videtur manifestum ; vel enim species aliena est distincta a Deo , & Deus potest quidem ipsam videre , at non potest per ipsam videre , quippe qui non potest vti comprincipio vlllo adiuuante ad suas intimas , & diuinas operationes vitales , nec vlla res creata potest esse Deo ratio formalis videndi , imò neque potest vlla res creata esse Deo ratio formalis obiectiua videndi , cuius ipse non sit formalis species expressa , & propria ; vel est realiter identi-

ficata

ficata Deo, ita vt Deus sit species aliena entium rationis, vt est species propria entium realium, & hoc peius est, ideò enim substituitur aliena cognitio propriæ, quia obiectum aliquo modo cognitum fit, aliquo modo non, vnde melius cognoscendum fit per similitudinem alienæ speciei, quæ euidenter non cadunt in Deo. Impossibile etiam est, quod Deus cognoscat vnum obiectum (quod alioqui non cognosceret per se) ex alio obiecto; tum quia nulla res creata potest esse realiter Deo ratio vel effectiua, vel determinatiua cognoscendi aliud, tum quia vniuersaliter nulla res per hoc, quod cognoscatur, vt loco citato benè Vasquez, alteram intuitiue obijcit, vtcumque enim simillima est, non est eadem; Et de facto nec ouum, nec aqua B. vt vt simillima, repræsentant ouum, aut aquam C.

56. Quare a primo ad vltimum cognoscit Deus cognitiones, & locutiones veras, & earum obiecta realia, & rationem realem conformitatis inter ipsa, cognoscit verò locutiones, & cognitiones de ente rationis esse falsas, nec videt earum obiectum rationis, & hoc ipso esse falsas, quia nulli videt vero enti conformes, seu quia videt ab omni ente diffformes: Neque per hoc minus intelligit, quàm nos, qui loquimur de obiecto ficto, & ipsum exprimimus, sed

sed minus errat, quā nos, imo nihil errat: & satis perfectissimè nos intelligit vel cognoscentes, vel loquentes, vbi intelligit quidquid verè est in locutionibus, & intellectiōibus nostris. At verò standum est pro Sapientia Dei infinita, & nisi euidenter ratio euincat sentiendum est amplissimè. Certè hoc verum est, & non stant pro sapientia Dei, qui faciunt illum cognoscentem infelicitè, & imperfectè.

57. Ens per accidens plura necessariò entia dicit realiter distincta, & si Metaphysicè consideremus contingenter vnū, vnitatem per accidens, seu in ordine ad vnitatem extraneam. Habet latitudinem ratio entis per accidens, prout eiusmodi vnitatem contingentius, vel minus contingenter importat; sic compositum physicum, quod est ens per accidens, si Metaphysicè spectetur, cum accadat alterum ens essentiæ alterius, est ens per se spectatum Physicè, cum naturaliter componat; magis per accidens sunt composita artificialia, & adhuc magis, quæ componuntur casu, de quibus, vt per accidens, nulla prorsus est scientia, cum nihil sit de ipsis, vt talibus, necessaria consecutione cognoscere.

CAPVT III.

De Proprietatibus Entis.

58. **N**ON solum species entis, sed & ratio entis vt sic proprietates habet, & prædicata ipso ente posteriora, licet non minus vniuersalia, eademque positua, & distincta ab ente, quantum satis est, scilicet ita vt ipsum ens formaliter illa non dicat primò, ast ipsa formaliter dicant primò tum ens, tum aliam rationem præterea sui constitutiuam, & essentialem.

59. Tres autem sunt principales proprietates entis: Vnitas, Veritas, Bonitas, quæ in tantum dicuntur profluere ab essentia entis, in quantam ex ipso ente perfectissimè cognito habent istæ cognosci, & probari, Vnitas quidem per comparisonem ad multa; est enim euidentis dari vnum, & multa, antequam constet vel vnitatem esse proprietatem entis, vel quod sit ipsa vnitas; Veritas autem, & bonitas per comparisonem ad intellectum, & voluntatem, quatenus etiam si non dicant formaliter, & per se primò ordinem ad intellectum, vel voluntatem, tamen benè sunt explicabiles in ordine ad illa. Vnitas prima proprietas est, cum
 prius

prius sit indiuisio vt sic, quam indiuisio talis, qualis est veritas; Veritas verò est prior Bonitate, cum prior sit indiuisio, quam conuenientia indiuisorum, in quæ stat bonitas.

60. Porro Vnitas est indiuisio entis in se ipso, seu ratio essendi, secundùm quam eius, quod vnum dicitur, tollitur oppositio ad se ipsum, seu est ipsa identitas realis omnium rationum formalium conuenientium illi, quod vnum dicitur: adeò vt altera sit verè, & essentialiter de altera prædicabilis, & ad illius esse extendatur, nec limitentur ad inuicem ea, quæ vnum dicuntur. Vt enim multitudo, & numerus, cui opponitur vnitas, diuisionem formalem, & realem dicit, & oppositionem, & alteritatem, & disconuenientiam prædicatorum, & limitationem ab inuicem; sic vnitatem oppositas his rationes inuoluere dicendum est.

61. Sic vnus est Deus simpliciter, & absolutè, quia, quidquid est naturæ Diuinæ, est indiuisum, etiam si sit commune omnibus personis, nec oppositionem dicit, aut limitationem suarum naturalium perfectionum ad inuicem, ita vt verè prædicatione reali sit alteram negare de altera. Sic contrà non sunt vna Persona Tres Diuinæ Personæ propter rationem oppositam, sic vnus est Angelus,
verbi

verbi gratia, vna anima Petri, vna v. g. hæc pars materiæ, hæc forma ignis, vel saxi, vel auri, & si quæ huiusmodi, & contra non est vnus simpliciter, & Metaphysicè, seu vnum ens hic homo, hic equus, hic populus, sed multa entia, & ex multis singillatim composita.

62. Vnde, qui definiunt vnitatem veram, & realem Entis esse indiuisiōnem in plura talia, quale ipsum est, malè definiunt, cum sic indiuisa sint etiam, quæ multa sunt, omnesque collectiones multorum, hic enim exercitus, & populus, & numerus sunt singillatim indiuisibilia in talia, qualia ipsa sunt, & tamen non sunt absolutè vnum verum ens, sed multa simpliciter entia sunt, esto vnus exercitus, vnus populus, vnus aceruus vnus rigorosè, & vnum simpliciter ens vnitatem extrinsecam dici possit. Male item dicitur vnitas esse indiuisio in se, & diuisio a quolibet alio, cum diuisio non stet in vno: nisi accipiarur inadæquatè, quo modo est etiam explicandum illud principium: constitutum, & distinctum sunt idem.

63. Illud verum est, multipliciter dici vnum, vt multipliciter dicitur ens; vnde sicuti ad perfectam cognitionem entium oportet ad entia specialiora descendere, sic ad perfectam cognitionem vnitatis,
variā

variā ipsius vnitatis acceptionem explicare necesse est : Est enim vnitās realis, & rationis, singularis, & vniuersalis, naturalis, artificialis, aggregationis; de quibus omnibus illud absolutè dicere est, quod suprà illam rationem entis, quam dicunt, nullam addant simpliciter negationem nec fictam, nec realem, quæ vt non est in rebus, nec apta constituere vllam rationem essendi, sic neque est necessaria intelligi ad hoc, vt ipsa vnitās, vel quod est vnum, vt vnum intelligatur.

64. Prima omnium vnitatum est vnitās realis, & singularis, quam hic numero 60. definiuimus, & quæ absolutè, & simpliciter est proprietas veri, ac realis entis; nihil enim expectat, vt sequatur ad id, quod est ens; sed hoc ipso, quod verè existit, dicit hanc vnitatem, & impossibile est, quod existat vllum ens, & huiusmodi vnitatem non dicat; Sic hoc ipso quod Deus est, Vnus est, & hoc ipso quod Pater, vel Filius, vel Spiritus Sanctus est vnus Pater est, vnus Filius, vnus Spiritus Sanctus, & loquendo de ente creato potest quidem esse ens, & non esse numerus, vel compositum, nec Angelus, nec aqua, & si quæ huiusmodi: At non potest esse ens, & non esse vnum hoc geuere vnitatis; quam necessariò
im.

imbibunt etiam , quæ multa , & composita sunt , cum non nisi multa , & composita sint ; quia dicunt huiusmodi plures unitates reales , & singulares ; Vnde benè huiusmodi unitas realis , & singularis habet dici prima tum vniuersalitate , cum conuertatur cum ente , cum quo aliæ unitates non conuertuntur , tum subsistendi consequentia , cum benè sequatur ex eo , quod sit ens reale simpliciter , & absolutè , & esse vnum hoc genere unitatis , vt non sequitur esse vnum villo alio genere unitatum .

65. Hæc ergo unitas , quæ est proprietas entis , addit suprâ rationem entis rationem indiuisiōis actualis , quæ eodem modo conuenit omnibus rebus a parte rei vel diuisibilibus , vel indiuisibilibus , saltem quo ad oppositionem , quam dicit cum diuisione , & multitudine , esto quo ad ipsam identitatem facilè conueniat analogicè ijs , quæ sunt vnum indiuisibiliter , & quæ continuatiuè , ac diuisibiliter vnum sunt . Sed vltrâ hanc rationem unitatis est præterea ratio hæc-
ceitatis , quæ & ipsa unitatem dicit , seu supponit ; non enim habet esse hic , qui multa est . Hæc ratio alia , & alia est in quibuslibet entibus , non verò eadem , sicut unitas vt sic , proinde nec est proprietas entis , cum ad rationem entis eadem

dem non sequatur, imò nec sequatur ad rationem talis entis, non enim quia substantia, est hæc, vel illa, nec quia corpus, hoc, vel illud est.

66. Et inde etiam patet hæceitatem non esse proprietatem entis, quia per se primò nota est saltem in confuso, & quo ad quod est; nemo enim dubitat, quod Petrus sit hic homo, vel hoc corpus, vel hoc ens, sed certò scit, & tamen ex nullo aut specie, aut genere, aut principio habet deducere. Porro in spiritualibus prorsus indiuisibilibus hæceitas vnius dicit rationem obiectiuam diuersam ab hæceitate alterius; Gabriel enim a Raphaelæ hæceitatibus differt, ita vt sit alius spiritus, alia substantia, alius Angelus: ab illo non in ratione spiritus, vel substantiæ, vel Angeli vt sic, sed in hac vltima, non magis explicabili (est enim simplex) ratione essendi huius, vel illius.

67. At verò hæceitas materialium, diuisibiliumque entitatum (vt benè habetur ex S. Thoma, & malè a non paucis explicatur, & impugnatur: principium indiuiduationis esse materiam, seu ipsam diuisibilitatem, cum in his habeant ex diuisione, vel diuisa productione multiplicari indiuidua) hæceitas inquam huiusmodi, aliud non dicit suprà rationem

nem specificam realis entitatis vnus, vel alterius speciei, quàm certam ipsam, ac determinatam entitatem limitatam, & diuisam ab altera, vt in de quantitate explicari solet: & fortasse alio loco trademus.

68. Post has vnitates sequitur vnitas, naturalis compositis naturalibus, iisque substantialibus, vel accidentalibus conueniens, quæ consistit in intima præsentia actus, & potentia, vt in phycis de composito, notauimus. Inde vnitas artificialis, qua per aggregationem partes certo ordine ad inuicem copulantur, tum casualis, quæ meram aggregationem dicit. Quibus vnitatibus, (vt etiam cæteris, si quæ alia, cum multa sint, denominentur vnum) illud est commune, quòd conueniant collectioni intransitiuè plurium verè distinctorum, per denominationem ex rinf. cam ab vnitae simplicitate sic dicta, hoc est, ab aliquo vno simpliciter, & intransitiuè vno, puta loco, fine, vel effectu, & si quæ huiusmodi: non enim in creatis potest vnum simul esse multiplex vera, & reali multiplicitate, nisi quod est verè multiplex, sit vnum per denominationem extrinsecam, vt, si est verè vnum, potest esse ab extrinseco multiplex. Quod enim Personæ Diuinæ sint realiter ab inuicem
di-

distinctæ Personæ, & vnus tamen Deus propter vnitatem naturæ, quibus singulæ identificantur, peculiare est hoc Sacrosanctæ Trinitatis mysterium.

69. Est etiam Vnitas Vniuersalis, seu naturæ, & essentiæ a differentiis specificis, vel singularibus contradistinctæ, seu abstractæ, quæ similiter vnitas non est intrinseca rebus ipsis, & naturis, quæ a parte rei sint vniuersales; Sed est extrinseca, & mera vnitas cognitionis pluræ inadæquatè, & indistinctè cognoscentis, secundum quod in hoc, aut illo gradu essendi conueniunt. Qua vnitatem rationis, & multitudine naturarum, & graduum Metaphysicorum constituitur vniuersale, hoc est vnum aptum inesse pluribus, quod ideo a parte rei non datur ante operationem intellectus.

70. Impossibile enim est, quod ea, quæ sunt realiter, & adæquatè ex suis intrinsecis plura, eadem sint vnum vlla vera vnitatem, vel appelletur conuenientiam, vel formalem, non enim Petri, & Pauli etiam, vt abstrahentium ab vnitatem singulari, tamen ideo est vlla vera, ac positiua vnitas, esto vt sic neque habeant positiuam rationem distincti, nam quæ non sunt plura, per hoc merè, quod non sint plura, formaliter tantum non sunt plura, non verò sunt positiuè vnum, etenim

etenim non esse plura non dicit rationem unitatis, si præcisè res accipiat. *71.*

Huiusmodi unitas vniuersalis àlio titulo Vniuocatio dicitur, quæ enim vniuersalia, eadem, & vniuoca sunt in aliqua tandem ratione, secundùm quod vniuersalia sunt, proinde & ratio entis abstractissimè sumpti, vt planè omni vero enti commune est, vniuocè dicitur, neque tollit hanc vniuocationem, aut ratio dependentiæ creati ab increato, aut ratio substantiæ, & accidentis, aut quia imbibatur in differentijs. Satis enim est ad rationem vniuoci, quòd ipsum non imbibat differentiam vllam; at non requiritur, quòd ipsum non inuoluatur in differentijs; Ratio enim viuientis, & aliæ plures ex communi sententia, vniuoca est, & tamen imbibitur in ratione uegetantis, intelligentis, sentientis, quæ eius differentiæ sunt. Porro ens esse vniuocum suadet etiam ipsa summa eius simplicitas.

72. Quod si multipliciter dicitur vt sanum, hoc verum est, si accipiat, vt dicitur vel de ente contracto, vel de abusu ficto scilicet, & negatiuo; Vt enim sanum vniuocè dicitur, prout de sanitate animalis, analogicè autem prout & de hoc, & de pulsu, & de aere, & de medicina, ita contingit in prædicatione essendi;

essendi; cum quibus tamen stat, quod a parte rei non detur nisi unitas realis, & singularis, quæ in tantum dicitur proprietas entis, non in quantum ens ut sic habeat huiusmodi unitatem, cum ut sic non habeat nisi unitatem rationis, & extraneam, sed in quantum, quod a parte rei unum est unitate singulari, non est unum, quia animal, vel quia corpus, vel quia accidens, sed quia ens, bene verum est talem unitatem sequi ad tale ens, Vnde Petrus non solum est vnum ens, sed vna substantia, vnum viuens, & sic de singularibus gradibus, ad quos non est mirum sequi rationem talis vnius, cum talia entia sint,

73. Benè habet Arist. 5. metaphysicæ, cap. 29. falsum esse, quod non componitur, aut quod impossibile est componi, & hæc esse non entia, & rursum, quæ, & si sint ens, tamen apparent quæ, vel qualia non sunt; Vnde tanquam ex notiore faciliè est definire veritatem, quod sit ipsa entis cum propria sua natura formalis compositio, seu ipsa habentia, ac ratio habendi propriam suam essentiam, seu tandem ipsa formalis identitas obiecti realis confuse cogniti, cum ipsa eiusdem essentia distinctè cognita.

74. Sicut enim falsitas in opposita non compositione consistit, & Hircoceruus

O

est

est ens falsum, quia non componunt illa, nec possunt componere, & Solem esse minorem Luna est ens falsum, quia non componit cum tali minoritate, esto possit componere, & Auricalcum, licet sit auricalcum verum, est tamen aurum falsum, quia esto appareat, tamen non componit cum essentia auri; Sic vera erunt entia, quatenus intelligentur cum propria sua essentia componere, & Petrus erit verus homo per hoc, quod cum animalitate, & rationalitate componat, & Leo verus Leo per hoc, quod componat cum animalitate simul, & rugibilitate; Et verò intelliguntur componere per hoc, quod concepta in confuso tanquam subiecta habeat de ipsis eorum essentia prædicari, & compositione intellectuali componere cum iisdem.

75. Neque verò hinc sequitur veritatem, & unitatem entis eandem esse rationem formalem, cum utraque in identitate consistat; Nam longè aliud est dicere identitatem ut sic, seu indiuisiōnem, & compositionem graduum ut sic, aliud dicere identitatem, & compositionem subiecti confuse cogniti cum propria essentia. Non item dicit Veritas ordinem ad intellectum, quasi esse verum ens sit ipsum esse conforme alicui, quicumque tandem sit ille, intellectui.

Licet

Licet enim certum sit, quod hoc ipso, quod aliquod est verum ens, est etiam conforme intellectui vero, maxime Divino, tamen hæc conformitas est potius proprietas veritatis transcendentalis, & veritas prædicamentalis nec tota intrinseca enti vero: & antecedenter ad hanc conformitatem ipsum ens cum propria natura formaliter componit, in qua compositione vel inde probatur consistere veritatem entis, quod de facto, quæcumque dicimus esse vera entia, verum aurum, verum æs, sic dicimus, & probamus, in quantum cum propria essentia per prius distinctè cognita intelligimus verè componere.

76. Quod si falsitas tum non entium, tum apparentium, dicit essentialem ordinem ad intellectum, seu potius denominationem extrinsecam à falsitate per prius intellectus, nam non entia non sunt nisi intellectu fingente, apparentia verò de se falsam compositionem non dicunt, sed tantum, ut falsò supponit intellectus, cui apparent, non tamen idem de veritate dicendum est, quia potius ut opposita illa est falsitati, sic dici debet oppositum, ipsam scilicet dari in rebus antecedenter ad intellectum; esto, quatenus habet hanc appellationem veritatis, possit dici sortita esse nomen a veritate intellectu,

etus, per prius cognita distinctiùs, & nominata.

77. Pari passu, sicut omne ens est vnum, ac verum, est etiam bonum; Et bonitas entis absolutè sic dicta est ipsa conuenientia formalis entis secundum suas rationes formales, secundum quam & ipsæ benè habent ad inuicem, & nulla deficit, quæ debeatur, nulla superaddita est, quæ repugnet. Ex vna enim parte, si ens hac ratione non est bonum, nulla ratione bonum est; Ex alia hic est verus conceptus bonitatis, & manifestè omni enti conuenit, hoc ipso quod est; Imò sicuti malum consistit in opposita disconuenientia, benè dicitur bonum in hac conuenientia consistere; & sicuti, quæ bona sibi sunt ad inuicem bonitate respectiua, ea bona sunt propter dictam conuenientiam; Sic per consequens in tantum ens bonum erit secundum se, in quantum dicit hanc rationem formalem conuenientiæ in se ipso.

78. Sic melius explicatur bonitas, quàm si dicatur consistere in approbatione quadam entis obiectiua respectu voluntatis creatæ, vel diuinæ, seu in conuenientia cum eiusmodi voluntate; Hæc enim potius est relatio bonitatis respectiua, & conformitatis, quàm ipsa absoluta bonitas entis, qua bonum est in se ipso.

Porro

Porro bonitas, & veritas conueniunt enti aliter, quam vnitas; namque vnitas vera, & realis non est prædicabilis de ente abstracto, & vniuersali, cum illud verè a parte rei sit multa, seu multæ unitates, & vnum tantum extrinsecè. At verò tum veritas, tum bonitas sunt prædicabiles tum de ente vniuersaliter accepto, tum de accepto in singulari: in vtroque enim statu sunt vera bonitas, & veritas.

79. Habet ens alias proprietates præter dictas, cuiusmodi sunt distinctiones, & oppositiones relatiuæ; quæ & si adæquatè plura sunt, tamen inadæquatè saluantur etiam in vno, vt infra de distinctione, & relatione dicemus. Illud verum est, quod hæ tres tantum præcipuæ nominantur proprietates entis, quia sunt manifestius saltem eadem in omni ente, tum quia enti conueniunt adæquatè, & vt in se ipso spectato, tum quia notiores sunt, & per omnes ferè disputationum sinus peruadunt; magna enim quæstionum pars de vno, & distincto, de vero, & falso, & de perfecto saltem implicite tractat; tum demum, quia cæteræ proprietates alijs, quàm in de ente quæstionibus, iam vsu recepto explicari solent.

80. Prædicabilitatem entis hic placet adnectere, quippe quæ ad vniuersalitatem eius, & cognoscibilitatem sequitur;

licet enim prædicatione identica, & denominatiua sit prædicabile non minus singulare, quam vniuersale, tamen solummodò vniuersale est prædicabile prædicatione formali, & essentiali; Est autem prædicabilitas non tantùm cognoscibilitas vt sic; sed cognoscibilitas, vt inexistens in alio.

81. Et quoniam quinque modis tantùm possunt alia cognosci inexistere in alio (cognitionibus scilicet Metaphysicis, & procedentibus a priori) nempe vel per se, vel per accidens; & quæ per se, vel ita vt sint pars essentia, vel tota essentia, vel proprietas sequens, & si pars, vel quæ cum alijs conuenit, vel quæ differt; hinc est, quòd quinque bene dicuntur esse prædicabilia, Genus, Species, Differentia, Proprium, & Accidens.

82. Prima quatuor prædicabilia prædicantur per se, & necessariò, & non denominatiuè (loquimur enim de proprio strictè sumpto) accidens prædicatur contingenter, & prædicatione denominatiua non essentiali: Neque verò in prædicatione amittunt vniuersalitatem, secundùm modum cognoscendi, esto quodammodò amittant secundùm rem, & obiectiuè.

83. Ratio autem, cur tantùm genera, & species, & indiuiduum dicantur substantiæ

stantiue, & in quid, ea est, quia Metaphysicè procedendo prima notio, quæ habeatur, est entis, quod autem primum est, illud per se est, nec alteri aduenit, ergo quod primò cognoscitur tamquam per se ens, & substantiue stans cognoscitur, & hoc est vniuersalissimum, & simplicissimum, & per consequens genus maximum. Quoniam verò diuidendo ens huiusmodi per differentias ipsæ differentię intelliguntur enti aduenire, sed ita tamen vt contrahant, ipsum, & constituent vnum tertium per se; hinc est quod ipsæ differentię cuiuscumque generis dicuntur in quale quid, & species constituta vel subalternata sit, vel infima, dicitur & ipsa in quid, ac substantiue, propterea quòd iam sit etiam ipsa vnum per se; Vt contrà proprium, & accidens absolutè dicuntur in quale, quia absolutè, & simpliciter cognoscuntur aduenire, & esse posteriora ipsa essentia per se; & rursus dicitur in quid indiuiduum, quia & ipsum immediatè, & primò cognoscitur cognitione confusa, vt ens est primum, quod cognoscatur cognitione distincta.

84. Et licet nec species Physica, nec pars Metaphysica, vt per modum partis, benè prædicetur de toto; non enim dicitur Petrus est manus, vel est anima-

litas, benè tamen prædicatur tùm hæc, tùm illa in concreto, vel reali, vel Metaphysico, vt Petrus est manuatus, Petrus est animal. Et ratio cur ista ritè prædicentur in concreto, est quia verè subiectum est, etiam quo ad modum, cognoscendi, habens eam formam, quæ in concreto prædicatur. Quoniam autem eiusmodi prædicabilitas partim sequitur ad inesse, partim prouenit ex nostro modo cognoscendi, & distinguendi, hinc est, quod in definitione huiusmodi prædicabilium, Generis, Speciei, Differentiæ, &c. definitur semper natura quidem vniuersalis, idest multæ naturæ abstractæ a singularibus ipsis, tamen, realiter identificatæ, & vt cognoscibiles, quod identificentur.

85. Et natura quidem indiuidua, immultiplicabilisque non habet rationem speciei, nec differentiæ, nec proprii, nec accidentis, nisi inadæquatè tantum, quatenus est abstrahibilis a singularitate. Vnde etiam natura abstracta, & communis, ac multiplicata in pluribus, quatenus sub genere est, non est propriè, & completè species, cum dicat quidem abstractionem, & vnitatem, sed non tamen vniuersalitatem, ac prædicabilitatem de pluribus; eodemque modo saluaretur quidem diuersitas essentiæ vltra

trà indiuidualem, si darentur, qui different prædicatis essentialibus distinctis ab indiuiduatione, & inmultiplicabilibus, at ea non est in rigore, & adæquatè differentia specifica.

§. 86. Proprium Metaphysicum est ratio, & gradus essendi realiter identificatus, & essentialis entitati, cuius est proprium; in tantum tamen dicitur accidentale, & oriri ab essentia, in quantum vel oritur secundum nostrum modum cognoscendi, hoc est, ex cognita essentia probatur, vel etiam præcisè, quia ipsa essentia nobis notior sit illo. Accidens autem benè per hoc dicitur adesse, & abesse præter subiecti corruptionem primò secundum prædicationem, quatenus, quod accidens est alicui subiecto, illud non perimit si prædicetur de ipso, vel si ab ipso prædicatione tollatur (perimere autem secundum prædicationem est constituere ens falsum simpliciter, seu contradictorium; quomodo si quis de Deo prædicaret, quod esset iniustus, vel negaret quod esset misericors:) Vnde benè etiam mors dicitur accidens, vel enim neges, vel affirmes de Petro quod sit, vel non sit mortuus, vt & quod sit, vel non sit vulneratus, non tamen perimis naturam, & verum esse quidditatum Petri quoad cognoscibilitatem, & præ-

dicationem eius . Sed verificatur etiam hæc definitio accidentis Physicè , nullum enim accidens perimit subiectum a quo tollitur , vel cui aduenit , & in quo verè , ac realiter inhæsiuè , non tantum denominationè recipitur , seu etiam a cuius inhæsiuè tollitur .

CAPVT IV.

De distinctione Entis .

87. **D**istinctionem inter Entia dari tam certum est , quàm certum est Petrum esse alium à Paulo ; Illud non placet , quod dicatur in negatiuo consistere : negationes scilicet suas sequi ad ens : & non esse Petri , vel Bucephali sequi ad esse Pauli ; hoc enim si admittimus , iam arbor bona malos fructus facit , nempe ens erit radix non entium , quasi proprietatum suarum . Erit etiam difficile assignare cur ad naturam Petri antecedenter , quàm sit hic , sequatur potius negatio Pauli , vel Ioannis , & non potius negatio Petri ; vt enim , homo antequam distinguatur à lapide , est per prius homo , sic Petrus erit per prius Petrus antequam distinguatur à Paulo .

88. Sed etiam aliunde iam nobis certum

tum est distinctionem non consistere in negatiuo, cum ne dentur quidem negationes veram habentes essendi rationem à parte rei ; Est ergo ratio positiua, quæ ne in vno quidem saluatur ; vt enim, si daretur vnum tantum ens, tunc verè non existeret vlla distinctio, sic etiam si iam dantur plura entia, non tamen ideò distinctio consistet in aliquo vno, qui potius opponitur multitudini, ac distinctioni ; Et certè qui intuitiue videret vnum Gabrielem, & omnes intransitiuas rationes eius, per has tamen non videret ipsas vel ipsum distingui à Raphaele, quem utique hoc ipso non videret.

89. Adæquatè ergo distinctio est realiter ipsa plura distincta ; formaliter verò est ipsa pluralitas distinctorum, seu ipsum esse hoc, & illud, vtrumque suos intrà limites proprii esse, vt dicit fundamentum oppositionis realis, quæ semper inter realiter distincta reperitur, vel sit producentis, & producti, vel productiui, & producibilis, vel mensuræ, vel conuenientiæ, vel disconuenientiæ, & si quæ alia huiusmodi ; quæ oppositiones, licet vt plurimum appellent essentiam, aliosque gradus Metaphysicos distinctorum, & non solum hæcitatem eorum ; tamen non illam appellant vt sic, sed vt simul cum his, & his gradibus, non enim

esset vera, & realis v. g. similitudo inter risibilitatem Petri, & Pauli, vel dissimilitudo inter rationalitatem horum, & animalitatem Leonis, nisi inter ista daretur distinctio realis, à qua distinctione non abstrahunt etiam vt oppositæ sunt, cum oppositio dicat necessariò ordinem duorum ad invicem.

90. Sed quæstio est, quot genera distinctionum inter entia verè à parte rei dentur. Exclusa formali, & modali, solam realem admittimus: Et formalis quidem, præter quàm quòd non est solidum eius indicium, videtur etiam repugnare, quia est contradictio, quod aliquid sit à parte rei intrinsecè aliqua vera distinctione multiplex, & rursum item intrinsecè sit vnum aliqua vera vnitatem. Vnde enim erit vnum? An quia illa sic distincta formaliter sunt inseparabilia? sed inseparabilitas nō constituit vnitatem inter iam intrinsecè, & verè distincta; sunt enim inseparabiles Personæ Diuinæ, & tamen adhuc sunt distinctæ realiter personæ, non verò vna persona: Et ratio inseparabilitatis vt sic non est ratio formalis vnitatis, neque est fundamentum, vel argumentum ipsius, nisi sit etiam argumentum indistinctionis. Imò si admittitur vera distinctio inter rationes formales creatarum rerum; de multis, puta in-

intellectu, & voluntate, risibilitate, & rationalitate, aliisque similibus erit difficile probare inseparabilitatem Metaphysicam.

91. Neq; eiusmodi formalitates erunt vnum verè, ac realiter, quia existant vnica realiter existentia, quæ enim consequentia, & quo principio probatur; existit rationalitas, & risibilitas vnica realiter existentia, ergo licet ipsæ verè distinctæ sint, sunt tamen adhuc vnum realiter. Deinde num Personæ Diuinæ multiplici existentia existunt, quæ cum non dicat formaliter relationem, non multiplicatur in Diuinis, & tamen Personæ Diuinæ sunt verè distinctæ realiter, licet vnica existentia absoluta existant, sed vnde habetur vnicam esse realiter existentiam rationalitatis v. g., & risibilitatis, cum ipsæ duæ rationes essendi sint, nec, vt suprà vidimus, distinguatur esse ab existere.

92. Est etiam illud difficile, quod existentia rationalitatis, & animalitatis in Petro sit vna formaliter, cum sit tam diuersarum rationum existentia, & certè est existentia rationum magis diuersarum, prout est existentia animalitatis, rationalitatis, Petreïtatis, aliarumq; huiusmodi, quam sit rationum diuersarum existentia, quæ Petri, & quæ Pauli, quæ tamen
disting-

distinguuntur realiter , licet tantum di-
 versæ hæceitatis sint ; Quod si nec est
 probare , quod existentia duarum for-
 malitatum sit vna realiter , vel formali-
 ter , nec quod duæ formalitates vna exi-
 stentia existant , nec sequatur ab vna exi-
 stētia identitas realis inter verè distincta ;
 Vnde ergo duæ formalitates sunt vnum
 realiter , distinctæ tantum formaliter ?

93. Non item duo verè , & intransi-
 tiuè distincta sunt vnum , quia non dicant
 oppositionem ad inuicem producentis, &
 producti , nec aliam realem oppositio-
 nem ; primum enim vnde probatur re-
 quiri inter distincta realiter oppositionem
 producentis, & producti , vel productiui,
 & producibilis . Secundo si verè ratio-
 nalitas , animalitas , & risibilitas distin-
 ctæ sint , vnde probatur alteram non oriri
 ex altera , si maximè de proprietatibus
 essentialium sermo sit , quæ ab essentijs
 fluere dicuntur . Et productionem ter-
 minari ad existentiam euidens est ad-
 misso existentiam à reliquis gradibus non
 distingui , at admisso ipsam distingui ,
 iam non est euidens : & vnde probatur ?
 Et de facto nouas resultare (aiunt , non
 produci) formalitates non pauci forma-
 listæ admittunt .

94. Alias verò oppositiones relatiuas
 similitudinis , æqualitatis , & proportio-
 num

num dari inter formalitates , si verè admittantur distinctæ , tam manifestum est , quam manifestum est dari inter alia , sicuti enim melior est rationalitas hominis rugibilitate Leonis , sic minor est risibilitas rationalitate eiusdem ; si enim dicatur non referri ista , nec opponi relatiuè , quia non distinguuntur realiter , an non videtur manifesta petitio principij ?

95. Probari etiam potest sequi ex admissa distinctione formali processum in infinitum ; imò infinitas numero dari actu formalitates , quæ impossibilia esse alibi docemus , & partes quantitatis actu distinguui , & constare ex indiuisibilibus Physicis , vel Mathematicis , & non pauca simul ab inuicem formaliter distinguui , ac non distinguui , pluraque alia huiusmodi , quæ alterius iam sunt instituti , & prolixioris indaginis .

96. At homo est similis cani animalitate , dissimilis , seu non similis rationalitate , idque à parte rei , ergo duo aliquo tandem vero modo sunt ea , quibus idem homo eidem cani est similis , & non similis . Dico quod sicuti vnica est ratio hominis realis , & vnica ratio canis (& si placet sumamus animã solam vnus , & alterius consideratas intransitiuè secundum suam tantum substantiam) & quod est huius hominis , & huius canis , & per consequens

uens vnica est relatio realis inter ipsos.

97. Iam verò sicut ea, quæ sunt realiter vnum habemus tamen distinguere ratione in plures gradus, ita relationem, quam vnum, & vnum habent ad inuicem, distinguimus in varias relationes diuersimodè nominantes (similitudinem, dissimilitudinem, æqualitatem, inæqualitatem, proportionem, & si quæ huiusmodi) eandem relationem, ita vt pluribus nominibus relationum inadæquatis significemus eandem simplicem, & vnicam relationem, vt pluribus item nominibus graduum Metaphysicorum idem, & vnum esse significamus, quæ vnica relatio nomen non habet, vel quia excogitata non est, vel quia satis ceteræ nominantur.

98. Et est similitudo, & diuersitas, aliæque proportionales in vno, & eodem à parte rei, sed non sunt à parte rei distinctæ, & licet non possit idem esse simile adæquatè, & adæquatè dissimile, tamen benè potest esse idem simile, & dissimile inadæquatè, quòd est vnicam vnus entitatis relationem esse huiusmodi, vt sit ratione distinguibilis in has duas similitudinis, & dissimilitudinis, vel alias etiam plures; neque tamen inde idem est à parte rei simile, & non simile, vt manifestum est.

Quod

99. Quod si gradus Metaphysici vnus, & eiusdem diuersimodè definiuntur, inde est, quia non definiuntur definitione adæquata, quæ nobis paulatim res cognoscentibus plurimum impossibilis est; Esto enim non possit idem indiuisibile ens reale, & indiuiduum, puta idem Angelus diuersimodè cognosci, ac defini-ri diuersa cognitione sui adæquata; bene tamen potest diuersa inadæquata, sicuti potest vnum, & idem fieri diuersis actionibus partialibus inadæquatis, esto non possit, saltem semel, fieri adæquatis diuersis, ratione scilicet termini.

Non item suadet distinctionem formalem pluralitas specifica effectuum, prodeuntium ab vna realiter entitate; Licet enim verum sit existere perfectionem, virtutemque effectricem in principio ipsorum plurium effectuum, imò in eodem esse etiam rationem diuersitatis eorum; tamen hinc non sequitur esse in huiusmodi principio rationes diuersitatis distinctas, & vt diuersa principia faciunt vnum, & idem totum, ita vt totum sit à singulis partialiter concurrentibus; (Non enim alius facit hanc formalitatem, alius illam, alioquin esset in aliqua creatura aliqua formalitas, quam non fecisset Deus.) Sic bene potest vnum totum facere diuersa non operando erga
fin.

singula totali sua virtute, esto operetur circa eadem totum.

100. Sic eadem Anima rationalis esto vel intelligat, vel velit, vel admiretur, vel audiat, semper tota operatur (hoc est toto illo ente, quod vnum varijs distinguentes appellamus nominibus) scilicet intellectu, ac voluntate, &c. ; & tamen non semper aut vult, aut intelligit, aut admiratur, vel audit ; quia non est admiratio, vel volitio quodcunque procedit ab eo, quod volitium, vel admiratum est. Non item petitur distinctio, vel diuersitas huiusmodi actuum ex merito obiecto, in quod tendunt, sunt enim diuersi ipsi intransitiue per se, realiterque distincti, quam diuersitatem, & si non cognoscimus, nec in ordine ad distinctum intrinsecè principium, nec in ordine ad intrinsecè distinctum obiectum, tamen euidenti experientia vitali cognoscimus, hoc ipso quod admirantes, vel audientes, vel intelligentes, certè aliter, & aliter sentimus nos operari.

101. Sola ergo cadit inter gradus Metaphysicos distinctio rationis, quam ratio ipsa facit præ sua cognoscendi imperfectione, propter quam distinctis rationibus, seu, quod idem est, intellectionibus entitatem à parte rei non distinctam considerat ; vt, quam vnica non potest, multipli-

tiplicatis cognitionibus, & comparationibus, & quasi hinc inde negotiationibus cognoscere possit perfectiùs. Vnde gradus Metaphysicos ratione distinguere, est pluribus specie diuersis, & inadæquatis cognitionibus aliquod vnum obiectum attingere.

102. Non quasi ex parte obiecti aliquid eius attingatur, aliquid non attingatur, vt enim obiectum indiuisibile intrinsecè essentialiter est, in quantum ipsam essentiam dicit, sic non potest non indiuisibiliter, & totum attingi, hoc ipso quod attingitur; sed inadæquatis cognitionibus in tantum attingitur, in quantum ita consideratur totum, vt tamen non totaliter penetretur; sed alijs, alijsque diuersæ notæ, & quasi formæ cognitionibus habeat melius cognosci. Porro tota hæc distinctio extrinseca est ipsi obiecto per denominationem à distinctis cognitionibus, esto quodammodo appareat intrinseca, & videamur vnum gradum sine alio cognoscere, propterea quod intellectus noster non solum exprimit formaliter, quæ intelligit, sed eadem quodammodo format, & effingit obiectiuè, vbi maximè alienis speciebus vtatur; Vnde appareat existere in obiecto, quæ ipse exercitè distinguendo quasi fingit esse distincta.

103. Ex

103. Et verò gradus Metaphysicos distinguimus modò in ordine ad distinctos realiter effectus eorum , vt voluntatem , & intellectum in nobis , misericordiam , & iustitiam in Deo : modò in ordine ad consimilia distincta , vt vim intellectiuam , & intellectionem Dei, quem vnicum purissimum actum distinguimus ratione per similitudinem ad nostram potentiam intellectiuam , & intellectionem , modò propter meram cognitionis inadæquationem , quo pacto rationem entis , vel indiuiduationis , & vnitatis , & si quæ alia huiusmodi à reliquis habemus distinguere .

104. Neque ad ista facit difficultatem ; quod , si quis , cum cognoscit rationale , attingit etiam animal , & risibile , & admiratiuum aliquo tandem modo ; Vnde nam tamen sciat tantum rationale , cætera verò nesciat , an sit animal , an risibile , an admiratiuum ? Contrà enim est , quia idem esset dicere de quinque causis partialiter facientibus , puta aurum , singulæ enim faciunt totum , & omnes eius gradus , puta gradum entis , substantiæ , corporis , mixti , auri , & si quæ huiusmodi , & tamen nec est aliquid in ipso esse auri , quod singulæ causæ non faciant partialiter , & quidem ita vt vna causa se habeat erga aliam partialitatem ,
quam

quam facit altera æquè, ac si non faceret, hoc enim est de ratione attingentium aliquid partialiter, & partialiter, quod longè diuersum est, ab eo quod sit attingere partem, & partem.

105. Modalis distinctio, vel entitas non est vsui, nec solidam eius necessitatem habemus; vt enim prima facie saluat ea, quibus astringitur, at saluari ipsa non potest; Vel enim entitas modalis ita distinguitur ab entitate reali, vt tamen etiam realiter identificetur cum eo, quod modificat, vel vt nihil identificetur, sed prorsus distincta sit esto non realiter, quatenus non est entitas realis, sed modalis tantum; Si dicitur primum, quæ est aliquorum opinio, valent contrà proportionem formalitatum, quæ, si intransitiuè aliqua vera distinctione distinguuntur, non erit afferre vllam rationem, vnde identificentur rursus vera intrinseca identitate, quæ multò etiam magis concludunt contrà entitatem modalem, quæ liberius dicitur aduenire, & recedere subiecto, cuius est modus.

106. Neque obstat, quod, quæ distinguuntur, quatenus non distinguuntur, ea identificentur, ergo modos identificari realiter subiectis suis, à quibus non distinguuntur realiter; quia esto daremus, quod

quod eiusmodi distinctio non esset realis ratione extremorum, qui non sint res, non tamen ideò est probare, quod inde sequatur vlla realis identitas.

107. Quod si dicatur entitas modalis prorsus distincta ab eo, cuius est modus, nihil illi identificari, iam hoc ipso modalis entitas esse non potest; poterit enim etiam existere separata ab omni alio ente creato, vt enim nulla est ratio essendi à Deo distincta, quæ non contineatur eminenter tum in ipsius perfectione essendi, tum in ipsius potentia creandi, per consequens nulla est ratio huiusmodi essendi, quæ ab ipso Deo solo fieri non possit absque consortio alterius identitatis distinctæ, & absque eo quòd secum assumat vllum concurrentum causæ creatæ in vllò genere causæ causantis.

108. Vt enim nulla Creatura potest se sola absolutè sine concursu Dei dare esse vlli effectui, quia nulla continet in sua potentia productiua adæquatè effectum vllum, ita contrà poterit Deus se solo causare quamcumque entitatem; absque eo quod alia causa secum vllò modo concurrat, cum Deus excepta causalitate formæ, & materiæ, vt componentium, habeat omnem vim causatiuam ad quemcumque possibilem effectum, imò & perfectius contineat omnem

nem vim causatiuam per creaturas dispersam .

109. Et licet Deus, vt Deus, non possit formaliter ambulare, nec cantare, aut respirare, aliosque huiusmodi vitales effectus præstare, qui hoc ipso dicunt imperfectionem in ambulante, respirante, &c.; benè tamen potest Deus huiusmodi effectus se solo producere in alio subiecto, vel etiam extrà subiectum, futuros vitales secundùm naturam suam intrinsecam, exigentiamque natiuam, esto non secundum denominationem extrinsecam, quæ à principio operante in se ipso non prodierunt.

110. De entitate positiua peccati, quæ est non ipsum formale, sed materiale peccati, deque entitate erroris, (vt vt euidentis sit, quod nec peccare, nec errare consistit in meto producere eiusmodi entitatum) tamen non placet hic determinare, an possit Deus, qui certè nec peccare, nec errare potest, se solo eiusmodi entitates producere. Certè Vasq. in 2. par. dis. 90. c. 4. num. 11., & 12. admittit, quod possit Deus se solo absque peccato infundere habitum vitiosum: & quod, si posset se solo producere actus vitales, solus etiam posset actus erroris infundere: & in 3. par. dis. 61. num. 35. ait potuisse habitum vitij, & actum erroris,

roris, qui non sit peccatum moris, existere in Christo Domino. Sed quicquid sit de his: Illud manifestum est, quod, si Deus non possit huiusmodi entitates se sole producere; non tamen hinc sequeretur eas esse entitates modales: cum non ideo sint eius essentialiter, à quo sunt, aut in quo sunt: ac per cons. possint existere separata ab eodem: tribuendaque esset ratio horum peculiari entitatum naturæ seu nascituræ; quod non posse ipsas produci a solo Deo oriretur non ex aliqua ratione essendi ipsarum, vel efficiendi causarum, sed ex ratione deficiendi: quod non potest dici contingere in causatione modorum, si dentur: in quibus non admittitur per se causantium defectus.

III. Multò minùs entitas modalis potest exigere, quod stet cum eo, cuius est modus propter essentialem aliquam connexionem relatiuam, quia ratio relationis inter creata, si nihil aliud addas, non importat tantam connexionem inter ipsa creata, ut non possit vnus terminus existere sine altero. Existit enim pater non existente filio, & vice versa, & album sine altero albo. Quod si dicatur entitas modalis esse ipsa essentialiter actualis determinatio alterius, puta ipsa vnio, latio, calefactio, quæ ne considerari quidem possunt, ne dum esse

esse sine eo , cuius sunt vnio , latio , calefactio .

112. Contrà est , quia verum quidem est non posse esse à parte rei rationem formalem v. g. actionis , lationis , calefactionis , vnionis , & si quæ huiusmodi , vt talium absque eo quod existant , quæ vniantur , ferantur , & calefiant ; At vnde probatur ista esse entitatem nouam , realiter distinctam ab actiuis , & passiuis harum rationum formalium ? hoc ipsum enim est illud , quod spectat ad naturam distinctionis veræ , & ex natura rei , quod alterum non sit essentialiter alterius , sed sui ; connexum enim esse essentialiter , & esse distinctum essentialiter , seu (quòd solide idem est) esse distinctum realiter videntur contradictoria , vt enim distingui essentialiter , & connecti naturaliter possibile est , sic videtur impossibile idem distingui essentialiter , & connecti essentialiter , nisi si per aliquod , quod sit verè , & realiter vnum , vt habemus in diuinis singulare , nec est ratio admittendi increatis .

113. Et verò hæc principia tollendæ entitatis modalis longè vniuersaliora , & clariora sunt ipsa entitate modali , vnde est , quod nemo aut illa negat , aut hanc admittit ; nisi inuitus , hoc est victus

necessitate, ut arbitratur, aliorum principiorum: sed non est vlla; ut vincamur necessitas, quod iam particularibus suis locis tradidimus, & si qua est difficultas, illa potius vincenda est, quam ut ea, quæ sunt euidentialia, tolleramus.

114. His adde quod si hic modus, verbi gratia hæc actio est essentialiter huius aquæ A., & non huius aquæ B. ergo constituit inter aquam, & aquam, & inter partes quantitatis, & per consequens inter partes motus successiui distinctionem realem actualem; Etenim aqua palmaris A. vnica v. g., ut ais, actione facta potuit fieri distincta per partes octo, aut decem, per consequens decem actionibus distinctis, quarum vna esset huius partis non illius, ergo haberent in se illæ partes rationem peculiarem, cur ad has potius, quam ad illas esset potius hæc actio, quam illa, ergo iam distinguerentur aliquo prædicato, quo per consequens etiam distinguebantur, vbi erant vna aqua palmaris; neque enim dici potest etiam actionem, qua fiant quanta esse quantam, ac proinde correspondere posse vel huic, vel illi parti mutatis vicibus, quia iam ergo danda esset alia entitas modalis determinans hanc actionem ad illam partem aquæ

aquæ potius, quam ad aliam, cum de se non sit satis essentialiter actio huius non alterius; unde facile abiretur in infinitum; Si verò semel admittimus huiusmodi quanta constare ex actu distinctis, iam admittimus constare ex indiuisibilibus Physicis, vel Metaphysicis, quæ satis suprâ reiecimus, & fortasse rejicerent etiam auctores modorum, nisi se per prius modis tradidissent.

115. Præterea constituitur inter indiuidua omnia vnius speciei manifesta (iam non amplius ad summum dubitabilis) differentia plus quam indiuidualis, imò specifica: si enim hæc numero actio est potius huius Angeli, quam alterius, est ergo in hoc Angelo potius, quam in altero, ratio terminatiua, & quasi dependendi potius ab hac actione, quam ab alia; quæ rationes certè non sunt ipsa formaliter ratio indiuidualis, cum maximè actio non terminetur formaliter ad rationem tantum indiuidualem, sed ad omnes rationes, quæ formaliter fiunt; iam verò vt hic Angelus potest fieri infinitis, vel finitis in infinitum actionibus, differet ab altero Angelo infinitis eiusmodi prædicatis, & relationibus, quæ maximè possunt esse etiam diuersæ speciei, cum idem naturaliter, ac supernaturaliter à quam diuer-

siſſimis fieri poſſit; ſed quod tam multis prædicatis non dicentibus formalem indiuiduationem differt, ſpecie differt, hoc eſt, formalitatibus identificatis, quæ per conſequens vel ſunt ſpecies, vel proprietas ſequens ad ſpeciem, diuerſa ad diuerſam, ergo à primo ad vltimum, quæ ſunt indiuidua eiſdem ſpeciei hoc ipſo, quod diuerſis habeant fieri entitatibus modalibus, vt ponitur, iam non numero tantum, ſed ſpecie differunt: nec ſunt vnus ſpeciei indiuidua: quæ ſunt contradictoria.

116. Neque ſatisfit difficultati per hoc, crediderim vnice inuentum ad ſaluandos modos, quod ad differentiam ſpecificam requiritur differentia notabilis, has autem non eſſe differentias notabiles; namque primò videntur iſtæ differentiæ eſſe valdè notabiles, ſi non ſingulæ, ſaltem ſimul omnes, & infinitæ, licet enim ſingulæ parum addant, tamen ex omnibus collectis, vt dicit Philoſophus, magnitudo fit: Secundò turbatur valdè ratio differentiæ, vniuocationisque ſpecificæ; cum, quæ deberet eſſe ratio Metaphyſica, & in indiuiſibili conſiſtere, iam fit ratio moralis, & ſemper incerta. Quis enim meſuret latitudinem huiusmodi differentiæ ſpecificæ, quæ non benè videtur poni

poni tam lata , cum ipsæ essentia in
indivisibili consistent . Tertiò falsum
est , quod ea tantum dicantur differre
specie , quæ notabiliter differunt ; num-
quid enim notabiliter differt ternarius ,
ut sic à binario ut sic , & sic de pluri-
mis similibus , quæ tamen præcisis om-
nibus rationibus solum in ratione nu-
meri , & spectato solo binario , & terna-
rio ut sic specie differunt . Quartò ipsæ
diuersæ actiones , & modales entita-
tes , quibus habet idem fieri à
diuersis , specie differunt ;
ergo differunt per di-
uersum specie or-
dinem , licet
unicum ;
ergo multò magis ipsi
effectus specie dif-
ferunt , cum
multis
huiusmodi diuersis
specie ordini-
bus diffe-
rant .



CAPVT V.

De Ente vel à se, vel ab alio.

117. **R**ectus ordo doctrinæ postularet, vt hic traderentur diuisiones Entis in subiecta genera, & species, quo etiam ordine inde in sequentibus explicarentur; sed quoniam tùm eiusmodi multa iam supra tractata sunt, tùm non est vna ratio diuidendi entis; sed multæ, & quidem opportunæ ad scientias diuisiones fieri possunt, vndè etiam non necessariò genera ipsa in has potius, quàm illas immediatè species diuidimus, & has prius, quàm illas vt libet etiam opportunè tractamus, ommissa tota diuisionum serie ad hanc primò accedimus diuisionem entis à se, & ab alio, inde tractaturi de substantia, & accidente, post quæ, cum cætera prædicamenta, & ipsorum pertinentias iam alibi expediuerimus Qualitatem, Relationem, & Situm, & Habere vltimò exequemur.

118. An scientificè diuidatur ens in à se, & ab alio, dubitare non licet, cum nullam implicet contradictionem, ista diuisio. Positiuè autem in Physicis
etiam

etiam tradidimus de facto multa esse, tum à materia, tum à suis causis efficientibus, quibus alia dant esse alijs; sed hìc tamen illud prætereà restat digerendum, quod de facto detur ens à se, & quodnam, imò & quidnam ipsum sit, tum quænam sint entia ab alio.

119. Et quidem dari ens à se de facto tam certum est, quam certum est non esse omnia ab alio; Daretur enim processus realis in infinitum, & categorematicè infinitus, qui tum absolute, & sine vllò ordine, tum in causis, & in quocumque ordine implicat contradictionem; & sicut implicat ordo, in quo nulla facta comparatione ad alia extrinseca, sed tantum secundum intrinseca eius ordinis omnia ordinata sint prima, vel priora; sic etiam implicat ordo, in quo omnia etiam tantum distributiue sint secunda, vel posteriora.

120. Prætereà hìc processus in infinitum, vel est necessarius, vel liber, vel secundum eandem speciem, vel secundum diuersas, vel instantaneus realiter, vel realiter successiuus; Non potest esse liber, vel enim esset liber formaliter, vel libertate imperata, certè non formaliter liber, cum processus for-

maliter liber non sit aliud ens , quam actus ipsius voluntatis à quo alius, & inde alius actus consimilis esse non potest ; Sed neque potest esse processus libertatis imperatae , vel ponatur in omnibus , & singulis causis aliam alijs liberè producentibus , vel in aliquibus tantum finitis (infinitas enim liberas qui poneret , iam etiam posset ponere omnes) : nam si ponantur aliqua tantum liberæ finitæ , non est maior ratio de hoc , quam de illo magno numero , & nec possunt poni primæ omnium , iam enim processus haberet primum , nec postremæ : Iam enim causæ liberæ essent à non liberis , hoc est perfectiores ab imperfectioribus , & falsò ponerentur per se postremæ alicuius processus infiniti , cum ante illas iam totus processus completus esset , nec possunt poni interpolatæ propter has easdem rationes .

121. Si verò ponatur processus causarum , quæ omnes liberæ sint alteræ ab alteris , res est valdè difficilis ; si enim omnes liberæ sunt formaliter , & ut causant , possunt singulæ , vel potuerunt sistere se ; & nolle alteram causare ; & sic processus in infinitum , qui additione infinitatur , potuisset finiri antequam infinitaretur ; quod si sic , ergo incepisse convincitur ; Imò etiam , cum ad hanc
 vsque

vsque diem finierit , non est ergo processus in infinitum . Præterea quod causa liberè , absolutè , & se sola , & non alio ordinante producat aliquid , arguit , maximè in serie infinitarum causarum summam cognitionem , ac libertatem , ideamque rei producendæ , qualem agnoscimus quidem in Deo , sed ijs inesse non potest , quæ sunt ab alio .

122. Sed neque potest processus infinitus causarum alterius ab altera esse necessarius , vel enim omnes , & singulæ sunt ab æterno , & implicat esse ab æterno , quæ facta sunt , cum sint natura alijs posteriora , & implicat etiam necessitas essendi ab alio tum maximè posito , vt ponendum est , quod Deus sit ; quodlibet enim ens absoluit Metaphysicè ab esse alterius , tum quia , quæ dicunt necessitatem existendi , dicunt etiam indestruibilitatem , quæ est solummodo perfectio digna Deo , non verò entium , quæ ab alio procedunt .

123. Demum etiam implicat processus infinitus , completus iam , vel simultaneus tempore sit , vel successiuus , quia importat extensionem discretam numericam , vel etiam continuam plurium numero , vel successione infinitorum , hæc autem impossibilia sunt , quia vt dicebamus alibi de aternitate , quæ sunt

P s creata;

creata, non hoc ipso quod sunt, infinita mole, vel tempore, vel multitudine sunt; sed infinitantur additione vnus ad aliud, & horæ ad horam, & molis ad molem, si processu infinitantur; ergo incipiunt ab vno, & à finito, quod est absurdum, vt omittamus alias propè innumeras difficultates, vel ponamus processum in infinitum similiū, qui per consequens erit processus per accidens, vel dissimiliū, qui per consequens erit imperfectiorum à perfectioribus; vnde ascendendo versus quasi originem huiusmodi processus erit arguere dari ergo quam plurimas, imò infinitas causas perfectissimas, quin etiam quam plurimos Deos.

124. Quàm certum est autem (reiecto processu in infinitum, & quod omnia sint ab alio, & alio in infinitum) dari ens à se, tam certum est huiusmodi ens dicere necessitatem essendi, hoc ipso enim quod est, & non ab alio, nullam habet expectare causam, à qua fiat; & si posset non esse, ergo cum sit, liberè fuit à se ipso, & posset vel perimere se ipsum, vel perimi ab altero, quæ sunt absurda, vt non potest, quod non est, habere virtutem dandi esse sibi, vel liberè, vel necessariò.

125. Cum autem perfectio essendi à se,

se, ac necessario, sit longè suprà omnem perfectionem rei destruibilis, ac factibilis, imò sit perfectio essendi infinita, & illimitata, vt pote simul æternitatem durandi colligens, & præterea suprà omnium creatorum agentium actiuitatem infinitè actiua sit, propterea quòd, quæ creantur, habeant dependere immediatè, vel mediatè saltem ab ipso ente independente, idque per omnem æternitatem, videtur per consequens dicendum huiusmodi ens necessarium infinitè actiuum, ac proinde perfectum, esse etiam infinitè intellectuum, & volitiuum, ac proinde liberum, alioquin non esset primus auctor, à quo cætera dependerent. Vnde bene habent postea deduci reliquæ perfectiones, quas Deo convenire scimus, & pronunc contenti probasse quod Deus existit, examinare supersedemus.

126. Sed alio etiam capite constat euidenter Deum necessario existere; Est enim dabile ens complectens omnes perfectiones simpliciter simplices ad inuicem componibiles, & vnibiles, itaque perfectum, vt nihil melius ipsa excogitari possit; quid enim certius, quàm posse existere ens constans omnibus perfectionibus ad inuicem componibilibus; iam verò æquè euident est

necessitatem essendi, ut est maxima perfectio, alicuique conueniens, non nisi posse componere cum maximis perfectionibus, ut non potest componere cum minoribus, & creabilibus, quod si potest componere, ergo iam necessario componit, proindequæ æquè certum est non solum posse esse Deum; sed etiam esse.

127. Pari passu manifestum est dari ens ab alio, quod quomodo procedat ab alio, quantum licuit nobis cognoscere, satis suprà traditum est in proprijs locis.

CAPVT VI.

*De Substantia, & Accidente;
Qualitate, Relatione, Situ,
& Habere.*

128. **R**ECTè definitur substantia esse ens per se subsistens; Duplicem habet rationem substantia, alteram, quod primò substat accidentibus, sed hæc non est potissima eius ratio, cum neque sit de ratione substantiæ ut sic; Nam Deus est substantia, & non substat accidentibus: Alteram, quod per se subsistat
in

incommunicabiliter ad aliud, à quo dependeat, tanquam ab absolute priori se, & hæc est vera ratio constitutiva substantiæ, eiusdemque distinctiva ab accidente.

129. Ad controuersiam, vtrum ratio per se existendi, vel subsistendi sit entitas modaliter, vel realiter contradistincta ab ipsa natura substantiali per se existente; Respondendum est negatiue, tum quia constitutum substantiæ non potest esse à substantia ipsa distinctum, vt inhærentia accidentis non distinguitur ab accidente, tum quia nulla entitas videtur posse esse alteri ratio per se existendi, vt nulla potest esse ratio inhærendi in alio.

130. Et certè posse dari substantias, naturasq; creatas per se subsistentes identificata sibi subsistentia videtur manifestum, neque enim est vlla implicantia: & paritas de subsistentijs Diuinis à Diuina natura non distinctis realiter, videtur hoc efficaciter probare: Quod si dari possunt eiusmodi substantiæ, & substantiæ indistinctæ; iam, vbi non est efficax argumentum in contrarium, sed multa potius incommoda, melius profecto erit pro indistinctione opinari; Et verò hæc entitas subsistentiæ (vel realis, vel modalis ponatur) aut dicitur esse

acci-

accidentalis, aut substantialis; Si dicitur esse accidentalis, & forma, difficultas est, quia non videtur benè statui, quod accidens sit ratio formalis constitutiua, & differentialis substantiæ; Daret enim verè perfectionem, quam non haberet in se, eodemque modo, si ponatur aliqua forma per modum formæ constituens naturam substantialem per se existentem, an non ponitur absurdè, quod subiectum constitutur per se existens ab eo, cui præsupponitur existere? Vnde forma adueniens, & se communicans alteri, accipiensque esse à suo subiecto sit illi ratio essendi per se, & incommunicabilitatis.

131. Quod si dicatur esse quid substantiale; iam, vel est quid natura substantiali prius, vel simul cum ipsa, posterius enim, vt dicebamus, esse non potest. Si dicitur hæc entitas subsistentiæ esse prior; vel ipsa per se subsistit, & habemus iam entitatem creatam per se subsistentem subsistentia per se, & indistincta, sed valdè incommode, vt quid enim dicitur prius hæc entitas modalis natura substantiali; quæ & est primum esse rei subsistentis, cum sit definitio obiectiua eiusdem, & est longè perfectior ipsa entitate modali subsistentiæ (alioquin nimis multum de-

deesset naturæ humanæ , quæ subsistit in Verbo Diuino , si deesset , vt debent dicere , ista subsistentia , quæ foret perfectior entitas , quàm natura) quæ ratio probat etiam non posse subsistentiam esse entitatem æquè primam cum natura subsistente ; cum præterea difficile sit statuere æque prima verè , & realiter in distinctis , & per se subordinatis , si maximè non habeant mutuam , & verè rationabilem prioritatem .

132. Non posse verò dici , quòd subsistentia sit formaliter ex natura rei antecedenter ad intellectum distincta à natura substantiali satis constat ex improbatis alibi formalitatibus , vt ex improbatis etiam negationibus , satis consequens est non posse in negatiuo consistere ; proindeque nihil aliud tandem esse subsistentiam , quàm ipsam aptitudinem , vimque naturalem substantiæ per se existentis independentem ab absolute priori , cum quo componat , cuique ad aliquod vnum ens constituendum uniatur , Estque vel subsistentia actualis , vbi scilicet actu secundo natura substantialis per se existat , vel aptitudinalis tantum , vbi assumpta ab aliquo hypostaticè in actu secundo dependeat , habens tamen vim naturalem existendi per se .

Ne-

133. Neque verò, vt natura substantialis de subsistente in se fiat non subsistens, amittit ideò aliquam entitatem, vel acquirit, vbi de non subsistente fiat per se subsistens; etenim fit non subsistens per se, hoc ipso quod, licet intransitiuè integra, & cum omni suo reali complemento perfectò, constituatur dependens ab aliena hypostasi, vt rursum fiet de non subsistente subsistens, hoc ipso quod relictà suo statui naturali maneat independens.

134. Constituitur autem dependens; supernaturaliter vtique (non enim ista naturali potentia fieri habent) per hoc quod aliena hypostasis in genere subsistentiæ aliqua tandem non causalitate propriè sic dicta, sed quasi causalitate influat in esse eius naturæ assumendo illam, & interim attemperante Deo concursum ordinarium erga efficientiam eiusdem naturæ, vt ita indigens eiusmodi hypostatica influentia ab ea constituatur opportunè dependens.

135. Quæ dicta sint ad merè explicandam naturam, & quidditatem substantiæ, nolumus enim falcem mittere in messem alienam, aut quidquam peculiariter de Sanctissimo Incarnationis Mysterio philosophari. Quare definitur ergo rectè substantia esse ens per se

existens natura sua ; in hoc enim stat ratio substantiæ , vt habeat vim naturalem per se subsistendi ; Vnde per hoc suppositum , & persona different à substantia singulari , quod hæc dicit per se actum primum subsistendi , suppositum verò , & persona requirit etiam actum secundum ; quod ex eo manifestum est , cum eadem natura substantialis hoc ipso quod sit assumpta ab aliena hypostasi , utique nec sit persona , nec suppositum per se , quòd si dimittatur , ac per se existat , statim est suppositum , ac persona .

136. Illud distinguendum est quòd , vt duplex est ratio substantiæ completa , & incompleta ; sic per consequens etiam est duplex ratio subsistentiæ , ac suppositi , vt alia sit subsistentia simplex , proindeque completa , & perfecta naturaliter excludens omnem communicabilitatem ; Alia sit subsistentia composita , incompleta , & imperfecta admittens aliquam communicationem . Subsistentiæ huiusmodi simplices , & completæ conueniunt Angelis , & maximæ omnium subsistentiæ diuinæ , quæ planè compositionem omnem , & communicabilitatem cum altera à se distincta natura , qua dependeat , excludit . Sicut Angeli admissa compositione cum
naturis

naturis accidentalibus excludunt à se naturaliter compositionem cum substantialibus ; Subsistentiæ verò non simplices , & per consequens imperfectæ , & incompletæ conueniunt materiæ omni, omnique formæ substantiali.

137. Neque enim excludendæ sunt istæ substantiæ incompletæ à ratione subsistentis , propterea quod absolute compositionem admittant . Cum enim ex vna parte & sint substantiæ , & compositum , quod constituunt substantiale , verè subsistat per se , ac sit suppositum , vt manifestum est ; Rursum verò ex alia parte non possit dici suppositum ratione materiæ primæ , cum ipsa licet sit prima Substantia , ac prima ratio compositi in aliquo genere , & primi , & partis , & causæ ; tamen nec sit id , cui tribuantur actiones , vel operationes , quæ dicuntur esse suppositorum , nec sit absolute prima quidditas compositi , cum potius sit subordinata formæ , & in eius gratiam : Non item possit compositum substantiale esse suppositum ratione formæ tantum , quæ non est ita absolute primum , vt non dependeat saltem in operari ab alia eiusdem compositi parte , illud necessariò dicendum esse videtur , quod sicut compositum substantiale constat pluribus in-

com-

completis substantijs , ita etiam constat pluribus incompletis subsistentijs dicentibus quidem communicabilitatem ad inuicem ; sed tamen incommunicabilitatem ad aliud compositum , aliudue absolutè completum ens .

138. Data verò sic quidditate substantiæ ; iam de accidente constat ergo esse ens in alio , eius autem inaleitatem , seu inhærentiam nihil aliud esse , quàm certam ipsius imperfectionem essendi , secundùm quam exigit natura sua inesse alteri absolutè priori se famulari , vel instrumentario quodam modo : alio enim pacto aduenit accidens subiecto suo , alio formæ substantiales ; ipsæ enim perficiunt quidem subiectum suum , sed non tam gratia subiecti , quam sui , nec tam in ordine ad operandum , quod ipsum subiectum intendat , sed in ordine ad operandum , quod ipsæ formæ præintendunt .

139. Qualitas est actus accidentarius , perfectioque incompleta ordinata ad perficiendum subiectum suum , ad quod sequitur , seu in cuius gratiam est , perfectione intensiua ; idque vel in ordine ad essendum , vel in ordine ad operandum id , quod per prius subiectum ipsum qualitatis intendebat . Vnde est , quod & distinguitur à substantia-

stantia, quæ non est ens accidentarium, nec secundum, & à quantitate, quæ per se perficit subiectum extensivè non intensivè: Quomodo autem distinguatur à cæteris prædicamentis, ex eorum data natura alibi satis constare potest, cum nulla prædicamenta importent distinctionem realem, nisi hæc tria, Substantia, Quantitas, & Qualitas.

140. Proprium qualitatis solius est esse intensibilem, ac remissibilem, neque enim substantia potest intendi, aut remitti; cum certam ipsa, ut potè primum ens, natura sua, ac per se importet essendi, & agendi indivisibilem perfectionem, contra quam importet qualitas, quam, ut potè famularem, diversarum substantiarum, decuit posse fieri meliorem, ac meliorem, prout ab hac, aut illa substantia exigebatur, esto non implicet dari qualitatem non intensibilem.

141. Non fit autem intensio, vel remissio nec per mutationem simpliciter sic dictam qualitatis imperfectioris in meliorem, vel vice versa; neque per maiorem, minoremve admixtionem contrarij; neque per maiorem, aut minorem radicationem formæ in subiecto, qua ipsa qualitas magis, vel minus educatur, vel sibi subiiciat magis, minusve
subic-

subiectum, melioremve stet existentia; sed fit additione gradus ad gradum, qui ut nulla ab inuicem actuali distinctione intrinsecè distinguuntur, sic heterogenei non sunt, nec natura sua alijs alijs perfectiores, aut priores.

142. Qualitas hoc ipso quod intenditur benè dicitur perfici, ac meliorari, quia in ijs quæ mole non magna sunt, illud est melius, quod est maius, seu quod plus entitatis habet; Vel sic idè dicatur in ordine ad subiectum, cui ex genere suo, & ut primò conueniunt alicui, meliores sint qualitates, quo insunt intensiores; vel dicatur in ordine ad ipsas qualitates, quarum proportio fit huiusmodi, ut gradus gradum perficiat; quam proportionem nec esse in quantitate, manifestum est, quæ per se partium dicit extremitatem, nec item est in substantia, quæ cum certam fixam, & primam de se habeat naturam, ac proinde partium suarum statum, potest quidem à sua perfectione deijci, sed non meliorari per quamcumque tandem extremitatem, vel extremitatem partium.

143. Neque verò ex his sequitur difficile illud, futurum ergo quod æquale, & minus possit intendere æquale, vel etiam maius si applicetur, nihil enim deesse, cum verbi gratia calidum, ut
quin-

quinque possit adhuc suscipere tria, & calidum ut tria verbi gratia, possit tria producere in quocunque subiecto apto; Contrà enim est, quia agens natum, producere aliquid, non illud potest ex quolibet subiecto producere, sed tantum ex sibi proportionato, cuiusmodi non est sibi proportionatum, quod est æquale, vel maius.

144. Idque non propter eam meram rationem, quæ à non paucis affertur, simile non agere in simile (hæc enim ratio, non satis liquet, sed aliam rationem expectat, unde ipsa proberetur;) Sed quia quantam agens habet virtutem agendi, tantam oportet, ut quasi excitet in subiecto sibi correspondentem virtutem patiendi, seu materializandi: Iam verò materia actuata quinque non potest recipere tria ab agente tantum ut tria, quod agens non habet excitare vim correspondentem materiæ passivæ ut octo, quæ debeat adhuc supra quinque recipere tria.

145. Et quod ex agente ut tria, & Deo iam conservante ut quinque præcedentes gradus fiat unum agens, ut octo, unde per consequens possit huiusmodi agens ut tria producere illa tria, non facit ad rem; cum verè esto hæc duo agentia sint pariter applicata,
tamen

tamen in casu huiusmodi non agunt per modum vnius integrantis actionem vt octo, vt manifestum est, cum alterum producat effectum suum independenter ab altero . Non agunt autem vnitim , nec tanquam vnum duarum causarum , vbi totus partialiter effectus ab vtraque non pendet .

146. Solæ qualitates , licet non omnes , propriè contrariæ sunt contrarietate simpliciter , & absolutè sic dictæ , qua scilicet duo in eodem genere maximè distant , & ab eodem subiecto mutuò se expellunt : nullæ enim cuiuslibet generis substantiæ maximè distant ab inuicem , aut ab eodem subiecto se mutuò expellunt . Porro hæc maxima distantia non est diuersitatis , vel loci , sed Metaphorica , & in ordine ad motum alterationis , vt enim particularis alicuius motus Localis termini à quo , & ad quem oppositi , & vltimi sunt etiam maximè distantes , sic maximè distant illæ qualitates , inter quas est motus à summo ad summum , puta à calore ad frigus , ab albo ad nigrum , vt non maximè distant mediæ qualitates , cuiusmodi sunt tepor , aut color viridis . Quod se mutuò expellant requiritur ad rationem contrarietatis simpliciter sic dictæ : ad distinctionem

for-

formarum disparatarum, quarum aliæ se mutuò compatiuntur, aliæ expellunt, sed non expelluntur ab inuicem.

147. Non ita tamen se mutuò expellunt, ut nullo pacto se compatiantur in eodem subiecto contraria; satis est, quod non fient simul in summo, alioquin non esset procedere ad summum vnius contrarij gradatim, ad summum alterius: hæc enim lex est qualitatum huiusmodi contrariarum, ut vel sint in summo in suo naturali primo subiecto, vel tantum habeant admixtum contrarij, quantum graduum ex ipsis sublatum est.

Eo autem magis aliqua sunt contraria, quo plus habent se expellere, unde sunt contraria magis quæ se mutuò expellunt tum actiue, tum formaliter, ut calor, & frigus; Minus contraria sunt, quæ se expellunt tantum formaliter, ut album, & nigrum; adhuc minus, quæ se expellunt tantum per accidens, ut actus falsus, & verus circa idem de eodem; per accidens enim est, quod alter inueniat in anima alterum expellendum.

148. Relatio ordo quidam est, & comparatio vnus ad alterum, & duorum ad inuicem, & est duplex transcendentalis, & prædicamentalis.

Tran-

Transcendentalis est ratio essendi secundum se totam in vno quidem saluata ; sed tamen erga aliud realiter à se distinctum aliquid præstat : Vel enim ipsa est propter terminum , vel terminus propter ipsam , vel est per se producibilis , vel per se productiua ; proindeque nec respicit terminum , vt purè terminum , nec semper mutuò correfertur , nec semper terminatur ad correlatiuum , aut dicit terminum actu existentem , aut realem .

149. Relatio prædicamentalis non saluatur in vno ; sed est duorum , & quidem non alterius in recto , alterius in obliquo ad inuicem comparabilitas in genere essendi , vel mensuræ , vel actionis : non quasi mera ratio duorum , metaque dualitas sit formaliter relatio vlla prædicamentalis , sed propterea quod sese ad inuicem ordinant , comparantque aliquo tandem modo , quæ duo sunt : vnde hæc est semper relatio mutua , dicitque terminum actu existentem , seu vtrumque relatiuum actu existens .

150. Et certè , qui saluant in vno relationem prædicamentalem , vel ponunt ipsam aduenire , & recedere , proindeque esse quidditatem realem , vel modalem , vel formalem , nonnisi incommodè dicunt , quod scilicet posito de

Q

nouo

nouo in rerum natura aliquo vno ente tam multæ passim in omnibus entibus relationes consurgant similitudinis, dissimilitudinis, proportionis, dominij, & seruitutis, & si quæ alia huiusmodi. Neque verò huic incommodo satis occurratur, vel id adscribendo causæ primæ, quæ certè malè vocaretur ad munus tam inane, & frequens: vel adscribendo virtutibus occultis, tùm quia sine fundamento in re tam quotidiana, & vniuersali recurritur ad huiusmodi occulta; tùm quia contrà naturam relationis prædicamentalis est, quod producat, seu de nouo illa per se fiat, aut ab alio resultet, & si de relatione distincta formaliter sermo sit, abiretur in infinitum.

151. Multò minus dici potest relationem prædicamentalem esse quidem rationem formalem totam in vno identificatam, nec aduenientem, aut recedentem; sed tamen non denominantem nisi existat terminus. Esse enim, & denominare denominatione reali idem est: quæ est etiam proportionaliter ratio, cur non possit admitti esse tota in vno in recto, connotante obliquum; non est enim à parte rei ista ratio recti, vel obliqui; & si relatio secundùm suam intrinsecam rationem formalem est in vno verè intransitiuè, verè vnus intransitiuè est
simi.

similis, vel existat connotatum, vel non :

152. Sic autem admissa relatio, quod sit exercita, & realis non intentionalis duorum comparatio, seu comparabilitas, benè fugit omnes difficultates. Ex vna enim parte satis est intelligibile, quomodo requirat essentialiter duo, cum vniformitas, vel difformitas, seruitus, vel filiatio, & mensuratio non stent in vno, ex alia etiam satis manifestum est, non aduenire tamen de nouo quidquam, vbi sit aliquod de non relatiuo prædicamentaliter relatiuum; sed aduenire tantum extrinsecum complementum eiusmodi relationis, vt non aduenit de nouo quidquam vni, hoc ipso quod constituitur adueniente altero in esse multitudinis.

153. Quod si dicatur totam ergo relationem prædicamentalem, verbi gratia, similitudinis non esse in vno pariete, sed in duobus, in singulis verò esse tantum similitudinem, & relationem inadæquatam benè infertur. Quid enim certius, quàm nec vniformitatem esse completè in vnica tantum forma, nec difformitatem in vnica formitate? esto insit & hæc, & illa etiam in vno tantum inadæquatè. Si verò quæritur, ad quid ergo referatur relatio, verbi gratia, similitudo duorum parietum, si est vnica in duobus.

bus ; dicendum est certè non referri ad aliquod tertium, sed neque per hoc, quod duo parietes correferantur ad inuicem, ideo duplicem esse relationem completam singillatim vnain in quolibet, potius enim quasi singulos semireferri, quod est ambos correferri ad inuicem ; hæc est enim necessaria sequela ; nam cum duo, verbi gratia, verè diuersa, vel similia sint, neutrum autem se solo, ergo singillatim semi diuersi, & simisimiles sunt.

154. Reliqua sunt duo prædicamenta nobis non explicata superius ; quorum alterum est, Situs, hoc est ratio dispositionis partium animalis in loco, secundum quam habet stare, sedere, iacere, aut quid huiusmodi. Alterum est, Habere, hoc est ratio habendi aliquid, seu ipsa habentia, actusque aliquid habendi, puta vestes, arma, aliaue id generis ; sed ista quàm minima sunt, sudatusque præ nostri ingenij tenuitate in cæteris labor iam suadet, vt à suscepto opere quiescamus illud summopere exoptantes in hoc exigui orbis opificio videat bona esse, quæ fecimus, ille, de cuius fonte omnis bonitas deriuatur, & cuius ad maiorem gloriam, si quid hic est, ipsius certè, non nostræ, bonitatis studio omni, spirituq; quantum possumus, integro, ac volente referimus.

F I N I S.

Errata Corrige

ptotentiam	potentiam	3	6
a	in	3	12
concediur	conceditur	6	25
etſi	& ſi	9	16
poſcit	poſſit	32	22
ſubteſta	ſubieſta	34	23
Theologica	Theologia	37	23
primo	prima	46	12
propoſitionem	propoſitionem	47	27
cauſa .	earum	49	8
noſtior	notior	72	15
reſpectus	reſpectu	72	27
ſicut	ſicut	85	20
Duobus	Duabus	101	12
cauſa	cauſæ	101	28
quid	quod	117	28
cauſatiuum	cauſatiuam	118	22
varium	uariam	191	10
ſit	ſit	207	3
totius	totius	207	10
ſenſitiuum	ſenſitiuam	220	14
Digeſſio	digreſſio	234	10
Defenſione	definitione	249	3
Corporis	Corporeis	249	26
ſubſiliore	ſubtiliore	270	25
ſinus	ſinus	317	23
ſic	ſic	340	28

Q

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

81

82

1010

